



BIBLIOTECA NAZ.
Vittorio Emanuele III
XVIII
D
31
F. 11



7
JOH: BAPTISTÆ
Ferrarii Senensis, S. I.

FLORA,

seu

DE FLORUM CULTURA

LIB. IV.

EDITIO NOVA.

Accurante

BERNH: ROTTENDORFFIO,
*Sereniss. Electoris Colon: Medico
Cubiculario, &c.*



AMSTELODAMI,
Prostant

Apud JOANNEM JANSSONIUM:
Anno clō. lxx. lxxiv.





EMINENTISSIMO
PRINCIPI
FRANCISCO
CARDINALI
BARBERINO
S. R. E.
VICECANCELLARIO



IO. BAPTISTA FERRARIUS F.



NON est mihi cum Veronensi
Poëta deliberandum, cui do-
nare debeam ab inculta scri-
ptione inamœnum, à florido
argumento lepidum meum
volumen. Cur enim Flores
Apibus deberi dubitem? Et verò virtutes
tuæ, Princeps Eminentissime, mihi benefi-
(?) cæ,

cæ, novoque more mellificæ fuerunt Apes ;
quæ Floribus meis non ademerunt mel , sed
addiderunt. Melleum certè, suavissimoque
dignum Principe beneficium contulisti ,
dum Flores meos qualescunque sic amasti ;
ut & officiosè mihi animos feceris ad opus
floreum scribendum, & liberaliter opes suf-
feceris ad evulgandum. Quòd si evulga-
tum perhumaniter probaveris ; quidèdem spe-
rem omnibus placiturum , quod humanitas
tua condiderit ? Accipe igitur, qua me pro-
vocasti benignitate, meam hanc tua merita
colentem Florum culturam. Quanquam
illam tibi jam donare non possum , quæ tot
nominibus tua est. Vale.

A M I C O . FLORUM LECTORI:



*V*idua tandem *Flora* inventa est, quæ mores non inquinet, sed flores animo pulchrius, quam solo, infeminet: *Florum*, inquam, *Cultura* è privatis hortorum latebris in publicæ disciplinæ lucem exiit, ut floridas curas in ærumnosa mortalitate feliciter serat ad ingenue messem uberem voluptatis. Quamobrem illa in ipso hujus operis flore vestibulo non solum hortensia præmonstrat arma, invitaturque facilem ad laborem; verumetiam fructum laboris amplissimum pollicetur, quatuor videlicet anni partes amantitate perpetua vernantes, & perevni vicissitudinis modò juvenem modò senem hoc est bifrontem annum omnium temporum floribus coronatum. Neque verò in hortensis voluminis primo tantum aditu, sed in penetralibus quoque adytis lepide picta spectacula exhibere placuit; ut, ad hilarandam legentis patientiam decenter intersitas amicas florum sabellas comminiscente mæ, attentionis mira conciliatrix, & Roscio melior gestum ageret pictura. Et sanè tam graphico artificio luserè nobilissimi pictorès; non pictæ pagine proponi, sed res ipsæ geri videantur. Amabilis hujus fallaciæ volu-

(?) 2

ptatem

ptatem concinnavit in primis Guido Ronius Bononiensis, qui artis suæ, quàm cujusquam eloquentia, coloribus illustrior, contracta in se unum universa picturæ gloria, quod semel Apelles Veneris miraculum elaboravit, hoc suis in tabulis majestatis plena semper exprimit venustate; ac solerti penicillo, dum colores inducit, mores animumque pingit; qui que scit manum de tabula tollere; sed feliciter æmulam victricemque naturæ. Vt ipse mihi jure gratuler summi operi meo decus ab eo accessisse artifice, quem non modò illustrium fertilis virorum parens Bononia, verumetiam assueta miraculis Roma unice miratur & prædicat. At verò Petrum Berrettinum Cortonensem, è cujus æquè benefica ac docta manu Flora mea pleraque accepit suæ lineamenta pulchritudinis, quoniam pari gratoque præconio remunerabor? ille in ipso juventutis curricula senilem absolutissimæ artis metam adeptus expurgandum argumentum prudenter digere: extremas inter lineæ corporum symmetriam rædo alioqui successu artis emendatè includit: valitè nitideque colorat: corpora tum graphice denudat, tum eleganter investit: suorum argutias & veneres operum gravitatis nobilitat cothurno: & (quod laudis fastigium est) augustum antiquitatis vultum recenti æmulatione sic præsentat, ut par solertiæ merces, nunquam antiquandi nominis aternitas debeatur. Sed magnum ingenium una pingendi scientia explere non potuit. Quare alteram divinæ Sapientiæ rerum omnium opificis

*ficus imitatricem facultatem perfectè dūcitur archite-
 cturam. Illa tandem summa decorum sit, à sapien-
 tissimo aestimatore, Franciscō Cardinali Barberino
 in aulicis opportunitates ob artis utriusque præstan-
 tiam fuisse delectum. Simili dignus & felix ho-
 nore Andreas Saccus Romanus, Antonii Cardina-
 lis Barberini splendida in aula bonum propitiumque
 lumen suaviter coloratis operibus suis nactus, illustre
 Principum patrociniū artificium lepida & concinna
 graphide descriptioni meæ adjunxit. Præter argutè
 descriptas lineis fabulas aliæ hortensi rei perutiles
 formæ lineantur, quas una satis expingere non po-
 tuisset oratio. Neque mirum sit, in floreo volumi-
 ne florum effigies admodum paucas deformari. Ete-
 nim, cum volumina prope infinita impressis visenda
 floribus, quorum unicam vel historiam vel medicos
 usus persequuntur, in omnium oculos manusque pas-
 sim incurrant, ego, qui florei cultus novum omnino,
 diversumque opus exequerer, nostratibus tantum hor-
 tis peregrinas & parum de facie notas florum plan-
 tas exprimere satis habui. Verum ut operis florei co-
 gnitio conspectior sit, præter accurata graphidis li-
 neamenta, quibus oculi potissimum erudiuntur, ea pla-
 cuit quadripartitio, qua præcipuarum ordo partium
 ipsi animo delineatur. Præter igitur liber, quem
 exigit florum cultio apparatus, edocet: florum no-
 titiam certis notis præbet secundus: eorundem sa-
 tum, & educationem tertius tradit: usum postremus*

aperit & admiranda, quæ secretiore artificio perficiuntur. Patet jam expeditus aditus ad flores Cultura mea legendos. Si quid fortè horridum spinosumque pupugerit; memineris indulgens Lector, sæpe cum floribus aculeos geminari.

MUTIUS VITELLESCLUS
SOCIETATIS JESU
PRÆPOSITUS GENERALIS.

CUM Floram, sive Florum culturam P. Jo. Baptiste Ferrarii Societatis nostræ tres ejusdem Societatis, quibus id commissum fuit, recognoverint, & in lucem edi posse probaverint: facultatem concedimus, ut typis mandetur; si ita Reverendiss. D. Vicegerenti, & Reverendiss. P. Magistro Sacri Palatii videbitur: In quorum fidem has litteras manu nostra subscriptas, & sigillo nostro munitas dedimus, Romæ 6. Septembris 1632.

MUTIUS VITELLESCLUS.

Imprimatur, si placet Reverendiss. P. M. Sac. Pal. Apost.
A. Torniebus Vicefg.

*Æmulam hanc æternitatis Floram,
& eruditissimam non tam florum, quàm morum. & ingenii culturam
à Reverendiss. P. Nicolao Riccardio Sacri, & Apostolici Palatii Magistro
jussu aviditate summa perlegi: eamq; publice natam ingeniorum utili-
tati non modò cenſeo, sed innocentem Paradisi voluptatem Lectoribus,
& immortale Authoris ingenio coronamentum allaturam assero, ſpon-
deoque. Ex Collegio Romano octavo Idus Septembris 1632.*

HIERONYMUS PETRUCCIUS
à Societate Jesu.

Imprimatur.

F. Nicolaus Riccardius S. P. A. M. Ordinis Prædicatorum.





Reverendissimo & Illustrissimo Principi ac
Domino,

D.FRANCISCO GULIELMO,
Dei & Apostolicæ Sedis gratia, Cathedra-
lium Ecclesiarum Osnabrugensis, Mindenſis ac Verdenſis
Episcopo, Ratisbonensis verò Coadjutori &c. S.R.Imperii Prin-
cipi; Comiti de Wartenberg & Schaumburg, Domino in Walde
& Hachenberg, &c. Sereniss. Electoris Colonienſis, ad
Tractatus Pacis universalis Monasterii Legato
Plenipotentario, Principi longè
clementissimo.

BERNARDVS ROITENDORFF D.

re vtriusque.



*S*icut qui Floram, Illustrissime Princeps, no-
bile olim apud Romanos prostibulum fuisse
contendunt: quod cum immensis, illicito corpo-
ris questu partis divitiis, oppido afflueret; om-
nem hereditatem suam moriens, Testamento
ex asse, ad populum Romanum præcepit de-
volvi; cum hæc subtextâ clausulâ, ut in natalis sui memoriam, publici
annuatim ludi exhiberentur. Ipsi porro ludi, utpote memoriæ conformes
meretriculæ, longe erant turpissimi, celebrabantur enim omni cum
luxu & lascivia. Ibi diobolares victimæ scortilla, proſedæ, mimiæ, ac
omnium vitiorum incentrices, ex lupanaribus in Theatrum proſilie-
bant, & levato quasi velo, fractisque pudoris ac honesti repagulis,
palam vitulabantur, tripudiabant, lasciviebant, & quam maximè pe-
tulosos scurrilesque ad oblectandum populum, jocos motusque edebant;

*

tur-

turpissimâque licentiâ, quæcunque libidinum monstra comminisci Lupæ illæ poterant, sub Floræ hujus clypeo tuto ab illis exercebantur: quam solemnitate accensis facibus, aliisque ignibus micantibus in multam noctem protrahabant, existimantes nocturnas umbras, illecebris suis sceleribusque esse aptiores. Quæ res cum honestati, & innocuis moribus, omnium calculo, è diametro obliuisceretur; ipseque Senatus flagitiosam judicaret: ab ipso nomine sumi argumentum placuit, ut pudenda & abominanda rei, dignitas quædam conciliaretur: Deam ergo Floram finxerunt, quæ Floribus patrocineretur & præset; eamque *IV. Kalendas Maji* placari oportere: ut quicquid calisatu, terræque conceptu generatum editumque esset, affatim effloresceret, justamque consequeretur maturitatem. Atque hac ratione turpissima Lena, Romanorum Principum auctoritate, in propudiosum vanissimorum Deorum Dearumque confessum accita fuit.

Aliam in præsens, Illustrissime Princeps, Floram in scenam produco, eamque ab omni morum petulantia, & libidine, quam maxime remotam: pudicam illam ac modestam plenissimamque honestatis: quæ animi diviniore vim ac harmoniam, non dissolvat & dissipet; sed intendat illam potius, ac tollat, excitetque, ut supremi, ac summæ Thaumaturgi Numinis magnitudinem, in rebus etiam minimis maxime eminentem obstupefescens, exclamet cum Propheta: Domine Dominus noster, quàm admirabile est nomen tuum in universa terra: Enimvero, licet omnia quæ vastissimo hoc pulcherrimoque mundani

DEDICATORIA.

mundani systematis ambitu continentur, illius nunquam satis laudandi Numinis Majestatem abundè deprædicent: In re tamen, judicio meo, propè nullâ spectandam sese admirandamque luculentius exhibet, quam in diversissimis, ac maximè discoloribus Floræ nostræ muneribus; Floribus inquam, quos terra parturiens, statim temporum circuitibus, ex abditissimis penetratibus, veluti visceribus quibusdam enititur, & obstetricante Natura, vel potius Naturæ ipsius Parente ac Conservatore Deo, in apricum effundit. Ea in illis formarum varietas est, ea colorum pulchritudo, & odorum suavis; ea denique foliorum venustas & elegantia, ut omnem ingenii humani aciem transcendant, videanturque propè dignitatem illam, quam Sydera calo tribuunt, Terræ conciliare. Neque verò de illorum hac excellentia, nostra, humani scilicet judicii, isthæc opinatio tantum est: ipsa SS. Literarum Oracula adire sibi libet, amplissimum huic nostro argumento dicent testimonium. Quid enim? Nonne hoc ipsum clarissimè ex verbis Servatoris nostri patet; quibus, cum ab inanibus curis humanos animos excuteret, erigeretque ad fiduciam in Deum, qui indumenta nudis &c. plena manu porrecturus esset, inspicere lilia (quæ in Florum genere non ultimum locum habent) considerarique jubet, addens, quod cum neque neant, neque laborent, tam tamen pulchra sint, ut nec ipse Salomon in omni gloria sua, (textus sacri verba incorrupta pono) coopertus fuerit, quasi unum ex illis. Quanta porro Salomonis gloria illa? Quis auleorum potymitorum splendor? Quis

* 2

vestium

vestium Attalicarum fastus, cum in illo regio splendoris apice consideret? Quæ non tota illa, quæ in tanti Regis aula oberrabant Phrygiolum, Limbolariorum, aliorumque artificum excogitaverunt examina? Quæ non alia curiosissima in pompam ingenia? Quas demum non artes & modos effinxerunt, ad ornandum illum Amasium suum, ipso jam Sardanapalo molliorem; illæ Regiarum aliarumque concubinarum centuriæ, non in fastum minus, quam in amores suos zelotypæ: imprimis cum auri, argenti, gemmarum, sericorum, aliorumque nobilissimorum parvorum immensa vis ad manum esset? Et tamen tantis thesauris, tanta solitudine & curâ, obtineri hoc non potuit; ut unicum ille, non dico præcedere, sed ne pariare quidem æquareque liliū posset. Sufficiebat hoc proposito meo, sed ex iisdem S.S. Voluminum adytis, quando illa semel ingressus sum, unum adhuc delibo: Ipse quem ante dixi humanæ salutis Assessor ac Vindex Christus, de ipso se; Ego, ait, Flos campi & Liliū convallium. Ecce tibi, non jam Salomonis gloriæ Florem antefert, sed ipsi sibi, immo verò illi se, qui erat supremæ pulchritudinis Archetypon, comparat. Quil dici de Flore poterat augustius? Ipse speciosus forma præ filiis hominum, Angelorum delitium, ipse æternæ lucis candor, splendor gloriæ, & figura substantiæ Patris, Flosculo, immo omnium flosculorum minimo se confert; nec confert tantum, sed & esse se affirmat; ac si viciniore quadam, si dici fas est, cognatione, vel potius similitudine, illud supremæ pulchritudinis exemplar perfectissimum, ille attingeret. Qua sane col-
latione

D E D I C A T O R I A .

latione, Floris dignitatem in immensum extollit: neque vero illa summae pulchritudinis absolutissima Idea, comparari ulli alteri rei debebat; quam illi, quæ haberi poterat pulcherrima. Itaque nostro huic de Florum excellentia ac prærogativa iudicio, irrefragabilis divina Sapientie assensu patrocinetur, & æstimatio. Iam verò ad humanum genus ut veniam; vix aliud quippiam reperiri iudico, quod tam menti, tum mentis ministro corpori, suâ suavius illecebrâ blandiatur lenocineturque, quam illæ ipsæ polydædalæ hortensium deliciarum dotes: tam sanè variae & præstantes, ut non injuriâ alicui, illas pro sua dignitate arbitrant; nullis aliis in rebus, tanto varietatis delectu, tanta jucunditatis suavitate, tanta demum fertilitate & abundantia, ad humani generis voluptatem, quam in his ipsis luisse, natura videri possit. Ingrediamur hortum aliquem, illumque non à vulgari manu, sed aliquo artis filio instructum: Oberremus per areolas istas, & palpebra curiosius hiant, animum in illas, oculosque effundamus; & quæ non ibi miracula occurrent? Ibi plantule sese innumera offerent & colore & odore excellentes; quas utrum naribus an oculis gratiosius arrideant, agrè dijudicabis. Ibi ambitiosissima naturæ artificia inveniemus, at quorum elegantiam Zeuxis & Apellis penicilli, toti obrigescant. Ibi auri fulgor mirabimur in Calendulis, argenti nitorem in Liliis, amethysti purpuram in Violis; tarcoidis obscuritatem in Cyanis. Ibi Tulipas, Anemones, Caryophyllos, Rosas, Papavera &c. contueamur,

omnium adeoque excellentissimorum colorum, stupenda se nobis varietas ingeret. Neque verò minus grata oculis erunt, illa varia scemata; frequentissima ac illa diversissima Florum figura, & tam multiplices, ut ad calculum vocari posse vix videantur. Iam de eorum colore frustra orationem instituimus: ipsi nempe flagrantissimo suo habitu, ac odoratissima anima, quam vel Veræ, vel aliis, pro natura suæ ratione, temporibus exspirant, ipsi sibi testimonio sunt. Admoveamus propius naribus unum aliquem Cyclaminis vel Iasminis flosculum: odorem attentius Rosam, Violam, Caryophyllum, Lilium convallium; ac facile id ipsum experiemur, ultroque fatebimur, nil gratius, nihil ad sensum narium jucundius contingere posse: adeoque ab uno Flore, ambram, moscum, zibettam, reliquaque felicitis Arabie munera in hoc genere superavi. Neque verò de odoris tantum fragrantia, sed & salubritate, si Plinio credimus, intellectum velim. Reliquit enim scriptum ille, fuisse quempiam, qui non solum hominem infirmum suffitu illo utcunque refocillavit: sed & qui animam extremis jam labris oberrantem, hoc veluti incitamento, in pristinum hospitium, ac deserta pæne membra revocavit. Quæ cum ita se habeant, fatendum omnino est, summam Florum dignitatem, excellentiamque esse; ideoque Floræ nostræ munera humano generi utilissima. Atque isthæc perpenderit mihi, nihil miri videtur, cur magnum illud Germaniæ decus, Iustum Lipsium dico, cum olim in hortis Langii sui, inter florentissimas areolas, pulvillosque deambulet, cum Catullo nasus, cum Argo oculus peropta-

D E D I C A T O R I A.

peroptarit fieri, quo sensus suos plenius pasceret; & fonte gaudii, ut ipse ait, liquidissimæque voluptatis uberius perfunderet. *Vsque adeo nitela illa & suavitatis, variorumque odorum pigmenta, excellentissimum virum demulcebant, & ad hauriendum plenum illorum sensum, communia illa ordinariaque organa, minime sufficere, cum illo amicissimo suo jocaretur. At enim licet hortorum ille gratia & Veneres, suis adeo blanditiis hominem capiant occupentque; attamen eundem etiam fragilitatis suæ ac humane vicissitudinis, insigniter commonefaciunt: Vnde patientissimus Iob, cum illum omni mobiliorem Eurypro instabilioremque suis coloribus depingendum sumpsisset, inter alia lineamenta, Qui quasi flos, inquit, egreditur & conteritur. Nil uti dictum Flore præstantius; sed nec decore illius inconstantius quicquam ac brevius: Videas illum hodie ex gemma sua caliculoque profilientem, protendentem fulgidentes malleolos, flammam suam, suum aurum ac purpuram, aut quam nescio concinnam miscellam explicantem diffundentemque, qui sequenti mox, immo eo ipso quo oritur die totus emarcuerit. Verè Poëtarum Princeps:*

Mirabar celerem fugitivâ ætate rapinam,

Et cum nascuntur consenuisse rosas.

Cui dissimile est, quod Latinus Callimachus canebat:

Vidi ego odorati victura rosaria Pesti

Sub matutino cocta jacare noto.

Viva plane humani funeris Icon illa est; unico sæpe momento velut
gramen

gramen falce demessum exarescimus ac in nihilum abimus. Quam multos in medio fortune ac gloriæ cursu, magna molientes disponentesque, mors ne cogitata quidem invadit & sternit; facitque ut qui animos spe immodicâ in annos longissimos extendebant, in ipso conceptæ spei lumine, ex vita veluti exturbentur, tanto graviore doloris sensu, quanto arctioribus Fortune vinculis mundo erant connexi: cuius quidem miserie nostræ lugubria, sed quotidiana se nobis vel invitus, exempla ingerunt. Sed hic querimoniarum locus non est; quod si tamen ad Floris aspectum carptumque & hoc meminisse ruminareque intimius non piguerit; magno ille ipse utilissimoque nobis, non ad prædicandam divinam gloriam tantum, sed & ad vicissitudinem nostram cognoscendam, nosque ad illud fatale momentum manendos, erit documento. Portentosa illa naturæ miracula, quos toties compellavi Flores, materies & objecta sunt, circa quæ omnis Floræ nostræ industria defudat, omni illa contentione ad intimiorem illorum investigationem animum applicat; nullis laboribus parcens; quo continuâ indagazione speculationeque, arcana illa perspiciat penitus, ac quam fieri potest recludat enucleatissime: adeoque in hoc tota est ut veluti digito monstret, quomodo novi & invisî antea Flores, in lucis hocce Theatrum produci possint, quomodo facundanda, ad sortum hunc proferendum terra uberius; qualiter thalami vel pulvini, quibus plantulæ insternuntur, admirandi instruendi que, quomodo sepimentis, ut omnes injuriæ arceantur, includendi; nec omnino prætermittit aliquid, quod ad eorum culturam, incremen-

DEDICATORIA.

crementum, ornatum, conservationem, variegationem, multiplicationemque attinere ullo modo posse videtur.

Verum enim verò, licet plures eximii ac excellentis ingenii viri, illecebris floride illius Nymphae irretiti, totos illi se impederint; nemo tamen visus qui mollius illam unquam habuerit; nemo qui artius illam complexus fuerit, nemo qui majori cultu & observantia ipsi litavit, quam Io. Baptistâ Ferrarius. S. I. vir exquisiti ingenii & profunde eruditionis. Ille peculiari quadam genii & naturæ ductu, quâque prorsus intentato, illam ex Magnatum hortis, ubi Veneres & eximie illius dotes à paucissimis visabantur, primus in theatrum hæc produxit, & Romanâ convestitam prætextâ, toti mundo lustrandam ac æstimandam objecit. Ille ex plebejorum viridariolis, ubi sæpiusculè Endromidis solece teclâ, velut ingloria aberrabat, primum in scenam protraxit ac nullâ donatam, illustriorem multo pulchrioremque nobis exhibuit. Ille radii sculæ hortulanorum dictiani, cui nonnihil adfuerat, omnem exemit balbutiem, ac tantam sermonis gratiam & nitorem instillavit, ut jam magniloquo imixta coturno, ipsum Phœbum ipsasque Musas cum Charitibus in certamen provocare, non vereatur. Cum hac jam elegantia ac veluti calamistris quibusdam se exornatum à Doctore suo Ferrario, ad invidiam usque Flora nostra animadverteret; ardentissimo Germaniæ revisenda desiderio cœpit aestuare: habuerat & in illa quidem Pæstano hortos suos, cultissimamque Rhodonia; sed tunc quidem tumultuose sese bellerum tempestati

**

sub-

subducens, & ipsa cum faustis omnibus Numinibus in exilium emi-
 grarat. Iam tandem ergo redux sperabat, quietiora felicioraque o-
 mnia: sed ecce illa vixdum subingressa, invenit horrore omnia & con-
 fusione plenissima. Nihil in illa præter urbium ruinas, agrorum vast-
 ationes, phana combusta, exatas aras, effusum sanguinem, cades, ra-
 pinas, stupra, disciplinas extinctas, divini Numinis contemptum, &c.
 conspexit: Præterea ubi quondam illius extabant delitiae, ornamen-
 ta, ac amantissima Nymphae; ibi nil jam nisi deserta ac invia soli-
 tudines, immo sepulchreta quædam ac tristitia busta; ac in ipsissimis lo-
 cis, ubi excellentissimas olim planas adolescentes, suo illa sinu fove-
 rat, occurrebant superstantes saxis minacibus aggeres; alibi præci-
 pitati defendendis manibus scopuli; alibi trunci ac prominentes cippi,
 & corbes rudi sabulo trementes, juxtaque machine, per obliquas
 rupes, tonitrua ac subitanea vibrantes, omniaque alia quæ in humani
 generis exterminium, ingeniosa at certè crudelis solertia exco-
 gitavit. Publica nempe calamitas, quæ universam fœdè vastavit
 Germaniam, infausito astrolisismo illius etiam viridarius hanc ad-
 flaverat infelicitatem: & vel æternâ quadam oblivione sepelive-
 rat, jactis super illa in altum molibus; aut truculentius depopula-
 tis, quam unquam à Græcis factum, Campis ubi Troja fuit.
 Talein jam Flora nostra conspicata Germania statum, horrendam-
 que in ea passim desolationem ac vastitatem, omneque propemodum
 hortorum decus, ad interuersionem usque eversum, non sine gemitu

DEDICATORIA.

& cordolio, tota cohorrui obriguitque insperata illa rerum Methamorphosi veluti siderata. Verum labantem animum ad Pacis futuræ spem erigens, ad Te primum Illustrissime Princeps, cujus clementiam & favorem jam olim compererat; Immo ad vos omnes, quotquot reducendæ Pacis causa; huc concurristis, & magno publicoque Legatorum de plenitudine potestatis, manere fungimini, tanquam ad salutis suæ anchoram confungere coacta fuit: Et jam pedibus vestris supplex advoluta, ut tantis ac tam diutinis miseriis, remedium ac finem adferatis, ardentissimis lacrymis & singultibus efflagitat. Atque hæc quidem Flora nostra, pro jure suo parum forte apud aliquos viriliter; quod sane illi condonandum, cum non inter sarissas & peltæ in tentoriis, uti Amazones illæ, sed in hortorum umbris, ac inter herbarum aromatunquæ odora menta nata altaque sit. Verum enimvero hæc illius qui ritationes lamentaque in ventum minime spargenda, negligendaque sunt; maxime si audiamus universum Christianum orbem, quacumque se extendit, gemitum planctusque suos, illi jungentem concinentemque. Et vero ille quid ni lugeat? cum miseriarium ferreo hoc sæculo tam sit plenus, ut quemvis hominem hyrcanarum licet tygridum lacte enutritum aut etiam marpestâ caute excisum, facile commoveat percellatque. Horror profecto mihi est; illum vel solâ cogitatione percurrere, atque utinam sæpius multi percurreremus, & vel solâ meditatione summam illam calamitatem delibare non dedignaremur; fieri quippe non posset

quin ad commiserationem adamantina etiam pectora rumpèrentur.
 Quid enim invenias illis, nisi florantissimas regiones jam totas mori-
 bundas, ac novissimas lacrymas, immo sanguinis voces obviis propi-
 nantes? Quid nisi longa viduarum suspiria, viduitatem suam ac mari-
 torum cæde jugiter deplorantium? Quid nisi disbalantes orphanos de
 parentum, quos truculentus gladius absumpsit, orbitate, anhelis sin-
 gultibus balbutientes? Quid nisi decrepitos senes, qui dulcissimis pi-
 gnoribus ac senectutis suæ fulcris, quæ martius furor dissecit, orbati,
 ad domesticam solitudinem acerbè ingemescunt? Quid denique nisi in-
 numeros omnis generis ac status homines, qui cum omnibus divitiis
 paulo antè affluerent, mox Iro pauperiores, omnibus exuti, incertis
 passim sedibus oberrant & vagantur? Ipsa literarum studia, quibus
 ad gloriam & æternitatem juvenus alitur, si attendas, quantum illa
 deliquim, quantam eclypsin passa sunt? Dum scilicet hinc inde de-
 solatæ Academia, juvenus dissipata dispersaque ac à sapientiæ Ly-
 cæis, ad Bellonæ palestras dilapsa; scientiarum professores neglecti
 contemptique, atque omnes adeo disciplinæ decora sua, dignitatemque
 magnam partem amiserunt. Id quod in Religione multo magis venit
 deplorandum, utpote à qua Populorum temporanea pariter ac æterna
 felicitas dependeat: Quantum porro illa fecerit faciatque indies decre-
 mentum, ignorare nemo, nisi qui cæcutiat, potest. Mars nempè &
 Religio inimica sibi, invissima invicem Numina sunt: Hæc Pacem
 amat; Ille bellum: Hæc concordiam firmatur; Ille dissidiis pascitur
 animo-

D E D I C A T O R I A .

animarum: Hæc quæta est, gratiosa, ac innocens. Ille contra tumultibus, injuriis ac rapinis gaudet; Ille demum sanguinem fundit, sanguinem lambit. Apud hanc non homicidii solum nefas, sed vel minima alicuius læsio, scelerata est: Illo ergo jam classicum canente & totam suis ruinis miscente Germaniam, quid mirum si excedere inde Religio & exesse sensum omnino compellatur? Atque in hunc quidem cataclysmum Christianus Orbis dejectus est, quem qui intimus inspexerit, modo hominem non omnino exuerit, non potest non toto sensu illi condolere: metuendumque omnino est, ne si præfracta ac saxea petra nostra, ad tanta proximorum mala non se sinant emolliri, occulta quadam fati destinatione, eidem Fortune reliqui præparemur. Quod quam facile factum sit, cogitare horret animus, cum jam armorum dissidiis dubio adhuc exitu gliscentibus, belli nervo hinc inde destituti, fracti armis, terris exhaustis, utinam non & divine iræ vindicæque ob crudelitatem obnoxii, omnium etiam inferiorum pateamus insidias; aut certe ulciscente magni Numinis manu, timendum sit; ne Christianos Procere tamdiu secum sinat collidi, donec in eandem utrique corruant deolvanturque perniciem, quod in bellis civilibus, nihil esse insolens, tum diversorum regnorum eversionses, tum vero Orientale Imperium, formidando nos anterioribus sæculis commonesecit exemplo. Sed meliora Superi: Interea quando idem jam hostis crudelitate ac rabie præceps in campum processit, ac ingentes ex omnium gentium colluvione commixtos post se trahit exercitus, an non justissime formidini

**

locus est? Nulli equidem dubium esse debet, Illustrissimi Legati, quin intentio vestra, ad hasce quas jam dixi afflictiones exterminandas, illaque Reipublicæ Christianæ vulnera sananda, & impendentia discrimina avertenda, longè optima sit: Est tamen justè quod non nemo possit subvereri, ne alicunde exulceratissimo hoc rerum statu emergat aliquid quod inturbare illam, ac in transversum agere, aut à recto tramite detorquere forte nonnihil queat: Et quid ni hoc subvereamur? Cum videamus Rationem status, in injustitia ut plurimum fundatam, dominandi libidinem, titulorum aucupia, vana glorie fumos, sacram auri famem, vindictæ studium, aliaque similium scelerum portenta, quæ fecundissimum quoddam odiorum seminarium sunt, firmiores apud multos fixisse radices, quam ut evelli se facile patiantur. Nec etiam dubitandum sit, illum Sathana Angelum, cui datum est Pacem de terra tollere, qui pestilentissimo halitu suo, totum hunc ignem excitavit, officio suo minime defuturum, novasque furias semper, veluti quædam locustarum examina, ex ipsis Acherontis claustris, in superiorem Orbem hunc emissurum. Et sane ille me metus eò acrius incessit, quod hoc ipso, quo hæc commentabar tempore, quo plurimus de Turcarum, in ditionibus Cæsareæ Majestatis, ac Reipublicæ Venetæ progressibus, rumor est, vix ullibi de repellendis illis, vel in conciliis deliberatio, vel in castris expeditio suscipitur. Oportebat sanè ad primum clamorem versâ fronte, ac versis clypeis, recta in hostem Christiani sanguinis sitientissimum duxisse, & ad restinguendam flammam illam,

D E D I C A T O R I A.

illam, quæ universæ Europæ, qua adhuc parte Christiana est, incendium minatur, nullo alio expectato classico concurrisse; idque tum, ut juxta Scipionis, Hannibalis, aliorumque præstantissimorum Ducum polemicam Legem, in hostico bellum gereremus; tum ut innumeros Christianos, in nostri, ac Imperii Turcici collimitio, veluti agnos in Luporum faucibus palpitantes, tempestivè erueremus. At ecce contraria cuncta, itum potius est in alia omnia, nihil factum minus, dum illi in aeternam servitutem, morte duriorē rapiuntur, respectantque nos tremantes, ac sublatis vocibus ac manibus nostrum implorant auxilium; Nos ad illorum clomorem & gemitus surdi, nostras novo furore terras invadimus; inferimusque hostilia signa, in intima Germaniæ viscera; haud aliter, quàm si Turco fugitivi terga jam daremus, aut vero Christianorum sanguine, quem suo Christus redemit, suavius pascere mur. Taurisecum in campis dum præliantur, ubi venientem à longe lupum conspexerint, mox animis coalescunt, in agmen coeunt, ac veluti pacto fœdere in communem hostem cornua viresque expediunt: Nostris cervicibus hostis imminet, isque omni lupo ac trigide truculentior; & nos ipsis belluis immaniores ac magis inconsulti, neglecto illo, in nos bellare, laniare invicem, ac in viscera nostra crudeles esse pergitur. Et quod non quibusvis lacrymis sed præsudato sanguine deplorandum est, non Christi sed Sathanae potissimum, hisce tumultibus, ætæ res fuit, non ad Christi Domini gloriam statuendam promovendamque,

sed

sed ad deprimendam illam, ac in totum abolendam, omnis furor vergit; dum non quarumlibet hæresium tantum erroribus, sed propudiose Mahometis sectæ, imo merissimo Atheismo via panditur; quod licet sub specioso Religionis titulo, tota hæc agatur tragædia, facile oculatiores & animadvertunt & gemunt. Sed mirabimur ipsi aliquando cecitatem nostram, & pudenda hæc consilia, fera penititudine damnabimus; utinam non tunc, cum, ut receptui canatur, locus non erit. Meminisse jam vos oportet, Illustrissimi Legati, Vos à supremo illo Numine ad pacificandam Germaniam in amplissimum hunc sapientissimumque Senatum convocatos esse, vos in urbem hanc veluti communem totius Europæ Curiam, omnium Principum auspiciis coisse, vos eâ sapientia ac virtute præditos judicatos, qui tantum negotium, quale majus orbis non vidit, conficere valeatis, in vos omnium oculi, manus ac spes erectæ; videte ne tantæ omnium de vobis opinioni aliqua ex parte defuisse videamini. Quod si porro minora hæc aliquibus videantur; nec ferrea illorum pectora hisce sese rationibus sinant expugnari; utinam saltem, vel in illud extremum mortalis vitæ punctum, quo singulorum dicta, facta, cogitataque ad Tribunal vocanda erunt, & singularis de hoc ipso tractato negotio, questio subeunda, oculis dirigerent; utinam ille Aeternitatis sive pœna sive gloria decretorius dies, in quo nemo nimium aget, nemo histrioniam exercebit, sed levato velò res suas tractabunt singuli; utinam inquam, ille crebris mentibus oberraret, ac animos fodicaret acrius; certe gemitus illi ac lamenta

D E D I C A T O R I A.

lamenta subditorum, ac illa impendens ruina in cor profundius descendere, illaque detestande Pacis protelationes, ac repululania subinde novarum matuum, veluti hydra infernalis capita, facilius arumpere. *Credite mihi, Illustri Legati, in illa fatalis hora, ad quam nec opinantes, magnis passibus contenditis, magnum vobis ab hac ipsa re, bene seu male tractata, vel in spem vel in formidinem, additum iri momentum. In vestris jam manibus de omnibus bene vel male merendi luculentissima est occasio; à vobis omnium uti salus, ita & perditio dependet; & quemadmodum omnibus, si quantum in Vobis est Pacem reducatu, estis profuturi; ita omnibus nisi reducatu, nocituri. Itaque amplissima utramque in partem vobis preparatur retributio. Quanto tunc satius fuerit Christianam Religionem, ac pietatem toto pectore promovisse, ac quoniam à Pace publica suum illa vigorem sortitur, ad illam Reges & Principes omnibus modis instigasse; quam jam ruenti illitam oscitantur & languide se opposuisse, aut etiam susque deque illam habuisse, tantum ut Principum eraria & possessiones, per fas & nefas, per pauperum mortes & sanguinem augerentur? Quanto satius turn fuerit aboluisse jam, ac aeterna oblivione omnes sepelivisse injurias, quam tan obstinato furore, earum incubuisse vindictae, adeoque secum innumeros eosque nihil meritos in communem, eamque irreparabilem rapuisse calamitatem? Quanto tam satius fuerit condolvisse oppressu, usque opem praestitisse, quam obsistere ad lamentationes illorum singultusque, ac lacrumantibus illis*

gemen-

gementibusque omnia pro libidine administrasse. Estote certi, afflictorum lacrimas mox suam exuere naturam, ac non ut alie aquæ, quæ pondere suo deorsum ad centrum subsidunt, defluere; sed transcendere calos penetrareque, nisi Magnatum clementia ac miseratione intercipientur. Horresco tremendam illam Omnipotentis, paricidam Cain compellentem, vocem; Vox sanguinis fratristui Abel, de terra clamat ad me. Vnius illius innocens sanguis ad vindicandum fratricidium illud, de cælesti throno in terram Deum accivit; quid futurum jam credimus sanguine tot millium, imo verò myriadum, sub throno Dei ultionem assidue exigente poscenteque; extra omnem quippe dubitationem, eorum quos civile bellum hoc oppressit, numerum iuvi difficulter posse; quos quidem, etsi Principes armis suis non occiderunt, certe occidioni cum possent & deberent, non exemerunt. Et quidem jam Reges & Principes meliori sydere afflatis, subditorum calamitatibus ac miseriis victi, ac congemiscentes, hanc non tam militiam, quam prædandi latrocinandique licentiam toti averfantur, ac intimis animis (quid enim de tantis apparatibus sperare fas est aliud?) Pacem desiderant, Pacem querunt, Pacem rogant; ac ad reparandam illam stabiliendamque sibi ac in vices suas ipsi vos succenturiarunt: Iam vobis omnis exereunda industria, omnes animi vires in auxilium vocandæ, omnes nervi intendendi, ut negotium hocce, quod auspice Deo ceptum est, eodem bene dirigente ad optatum finem procurrat. Sat Christiani sanguinis fufum est, sat Marti & Bellonæ litatum, sat publicis privatisque

D E D I C A T O R I A ,

vatisque cladibus vacatum. Agite jam quod agitis, concessum Reipublicæ statum erigite, seponite similitates, & quidquid remoram palcrist vestris conatibus objicere potest, ab hoc ut concilio faceßat, jubete. Providete ne occasio hæc è manibus vestris, nunquam forte reditura, elabatur: Vicius ille scopus omnium consiliorum, actionum, intentionumque vestrarum esto, ut Regibus & Principibus Christianis stabili concordia, subditis quies & pax, universæ Europæ tranquillitas & salus publica adferatur. Hoc si consecuti fuerimus, quod post tot & tam diuturna vota jam tandem capit sperari, vos omnes festivissimo plausu ac gratulatione prosequemur: Vos qui in hoc negotio primas egistis, veluti sacra quedam publicæ salutis Anathemata, imo veluti Namina cælo delapsa laudabimus, venerabimur, ac quotquot movere calamum poterimus, panegyricos scribemus, vestræ sapientiæ & virtutis insignia per omnem mundum portaturos. Quod si vero factum secus fuerit, contingatque vos excedere hinc rebus minime pacatis, quin forte magis intricatis confusisque, quas tota forte posteritas non evolvat; ne ille dies niger ac nefastus nobis æternum erit, sequetur vos omnium luctus & comploxatio, comitabuntur vos devotiones & execrationes, orieturque omnium Ordinum publica desperatio, quin & ipsi lares vestri, quos utique fœdi hujus incendii fœtor etiam adflavit, pro lauro & oliva, quam in occursum latari erant, indignabundi tristes ac pullati vos excipient.

Atque ut de crudelissimo tyranno illo, quod obier ante attigeram, Tur-

*** 2

cum

cum dico, qui ex Oriente, Occidenti jam incumbit, aliquid addam, cenſeo unicum poſſimumque medium, quæ Ottomanicæ potætiæ iri obviam poſſit, eſſe hanc, quam toties inculco Pacem ac civilem Concordiam; hæc intempore jam firmiter conſtanterque ſtabilita, ſat omnium virum, non ad vindicandam ſolam ab illo Germaniam; ſed & ipſam Græciam Terramque Sanctam recuperandam ſupererit; ſat ſuggeret ipſe Chriſtianorum Exercituum Archiſtratagus Chriſtus, ubi viderit ad tam excellentes ac heroicos actus, ſui honoris ſtudio, animum nos erexiſſe. Vidit jam primum Bellua illa ac viſit, totam Germaniam nulla Religionis, nulla juris, nulla ſanguinis, nulla naturæ ipſius habita ratione, ab ipſis Germanis fædè concidi, diripi, vaſtari, everti, & quod de Romana olim Republica Lucanus canebat:

In ſua victrici converſam vulnera ferro.

Vidit Chriſtianum populum, quem diſſolubili Caritatis nexu conglomeratum eſſe oportuit, per occaſiones leviſſimas exardere in iracundiam; inter ſe committi, ac inhumanius & durius quàm ipſe fera facerent, conſtigere. Vidit à Chriſtianis Chriſtianos invadi, laniari, maſſari; in ipſis præliis rubeam & albam crucem concurrere, in utraque acie invocari Chriſtum, Chriſtum contra Chriſtum armari, ac in auxilium acciri, utrobique vexillum crucis emicare, ac illud Salutis humanæ trophæum, quo nihil eſſe debebat ſanctius, in homicidii

cidii signum ac crudelitatis & laniens effera converti. Vidit inquam hæc ille jam pridem, & pro pudor etiamnum videri, & fœdissimis in nos bacchatur convitiis & sarcasmis. At dum nos pertinacissimis odiis belligeramur, ac nostris armis, veluti in mutuas cædes auctorati, nos impetitus conficiamurque; ecce tibi commodissima illa, quam pridem aucupabatur, oportunitatem nactus, Illustrissima Venetorum Reipublice terra marique atrox bellum indixit intulitque, & jam Cretæ Insule nobilissima olim populosissimaque, nunc unico eâ parte Christiani orbis propugnaculo totus incubat, nostris scilicet dissensionibus ac injuriis medius interveniens, summoque illas, incommodo nostro, summo commodo suo dirempturus. Sed, ut voto suo potiatur, quod Deus avertat; an quisquam tam stolidus est, ut putet illa licet præpingui offa; superbissimum illum avarissimumque Cerberum placatum soporatumque iri? Credite mihi, Illustr. Legati, vel omnium politicarum tempestatam prognostica me fulsunt, non bello hoc, quod tot jam annos magno molimine adornat; sola Creta petitur; prolixius ille spes suas extendit; antiquam ac solemne saum obtinet hostis ille, ac dum nos dissidemus invicem, ac inter nos digladiamur, fines ille suos ac pomaria proferre ac dilatare in immensum satagit. Non est contentus ille tot civitatibus, tot provinciis, tot regnis, tot imperiis perfidia & scelera partitis; in quorum quarumque occupationibus, nullæ cædes, nullæ rapinæ, nulla incendia cobibita, nullis templis, nullis sacris vel prophæ-

nis paritum; quinimo omnibus in Christi, Dei ac Domini nostri Servatoris, illiusque sanctissimæ Matris honorem, blasphemie generibus deservitum; quas res minime vos nescitis, neque verò ullum unquam tempus illarum poterit exterere vestigia. Et nos, Creta oppressa, cuius jam dexter oculus Canæa emarcuit, illum conquieturum sperare audemus? Quasi verò illud populorum diluvium, quod ex omni Oriente exivit, ex Dalmatis, Getis, Schytis, Sarmatis, Tartaris, Thracibus &c. quò inundare hunc totum Orbem, se posse sibi persuadet, ad Creta aggeres littoraque stiturus cobibiturusque sit; non est genium ille Tyranno istius, sed nec ulla finitimorum submissione, nullo obsequio, nullis donariis placatur, nullis cupiditas illius terminis circumscribitur, deque illius avaritia verissimum est, quod alterius datum fuit gloriæ.

Unus Pellæo juveni non sufficit Orbis.

Quin ubi totum abliguri verit, hiare non desinet, cruenta quippe belluæ istius, ac implacabilis in nos ira est, ac internecium odium, quod non restinguetur, nisi extremam sanguinis guttam hauserit. Nec est quod de tam diuturnâ nobis Pace blandiamur, non Pax illa fuit, sed belli gravioris preparatio quedam: unus illi in nos & pacis & belli tempore, animus est; quem furorem tunc meditabatur, quas colligebat iras, jam effundit, erumpetque brevi in incendium altius, collecta aliquantisper veluti in abdito flamma. Ubi ex illis Græciæ ac maris mediterranei claustris emerferit, paucasque insulas, quibus hætenus velut frænis

DEDICATORIA.

frœnis quibusdam lupatisque cœrcebatur, subjugarit; æquor liberum nactus. Italiam irrumpet; ac ipsum Occidentalis Imperii caput Romanam tentabit, quam in victoria sibi præmium destinavit: atque si Italiam intestinis labefactatam disidiis offendat; Vrbe ipsâ se potiri ex facili posse, utinam vanè, auguratur; quæ illum, nisi fallat opinio, cum ipsa Romani Imperii arce, omnes illius Principes subjugum suum venturos, suumque frustra detrectaturos dominatum confidit: haud sanè inconvenienter ab illo magni Ducis consilio, qui cum Iulium Cæsarem ad prosequendum civile bellum stimularet, hoc eodem illum inflammabat argumento, scilicet,

— facile si prælia parca
Gesseris eventu, tibi Roma subegerit Orbem.

Nec fallent illum profecto cogitationes illæ suæ, si conatus illius ac machinationes otiosi conspexerimus, illiusque violentia mox nos non opposuerimus; tanta nempe illius potentia est, tanta auri argentique vis, tanta classium moliendarum occasio, tanta commætuum oportunitas & copia; ut pròinde merito timendum videatur, Illustr. Reip. Veneretæ, quam sibi primo debellandam suscepit, vires ad sustinendum impetum illum, rabiemque obtundendam haud fore sufficientes; quod & Ipsa, ut pote hostilium rationum, machinationum ac virium callentissima, minime dissimulat, dum vestram, Illustr. Principes, Illa opem indesinenter efflagitat, vestra implorat & sollicitat auxilia, eaque sibi
dum

dum hostis, causa, periculaque communium momenta secum expendit, minime persuadeat denegatum iri. Sed festinata illa ac præpropere ut sint, belli illius exigite magnitudo: si alibi unquam, quam maxime hic maturandum, nè tergiversando rei gerenda occasio negligatur, atque idem eveniat quod sapiusculè evenisse olim compertum est, videlicet ut hoc ipsum, quod ex facili & sine magno labore ac impensis, in rerum initiis confici potuisset, postea immensos conatus eliserit, neque ullâ arte aut pecuniâ potuerit resarciri. Certum omnino est, Tyrannum illum ab inchoato bello minime cessaturum, nisi aut animi sui conceptum cumulatissime expleverit; aut illius furor & pestifera conamina concordibus Christianorum armis, mox in radice fuerint excisa. Quod si ergo patrios lares intemeratos conservare; si prosilientes ex proxima flamma scintillas à tectis vestris arcere; si funestum ignem, ne latius serpat, ac inextinguibiles flammarum exsuscitet vortices, cohibere animus est; Illis rabie Turcica vehementer jam lacestitis præpropere subvenite, ac sine mora manus porrigite auxiliatrices; nec unquam permittite ut laudabiles eorum conatus ad barbarorum insultus reprimendas, max in principio collabascant ac infringantur. Sed vereor ne multis narrare fabulam videar; haud enim omnibus afflictus Reipublice illius status, ac concussio & pericula aequè cordi sunt: imo erant paucissimi forsitan, qui Cretæ penè agonizanti animatus ac sincerè compatiantur, aut eidem justas suppetias ferre intendant.

Quin

D E D I C A T O R I A.

Quin potius missitari apud nonnullos audio: Quid nobis cum Venetis? habeat Respublica illa res sibi suas; ingenti illa intervallo à nobis discreta est; satis nobis est, si nos à periculo longius submoti, ac res nostræ in solido locatae sint. Periculosissimus plane error ille est, ac quamplurimis scaturigo incurabilis ruinis: Meminisse decebat potius, omnes Christianos Principes, unius corporis esse membra; id eoque omnium vires, unius corporis vires esse: quemadmodum ergo occultà quadam naturæ inspiratione, ac consensu in corpore physico, arctissimè sibi omnes partes copulantur, seseque adjuvant mutuo & tutantur; ita & in hoc Christiano politico, ut fiat omnino necessarium esse. Quod si porro hoc intermissum fuerit, contingatque deferi alterum ab altero, divelli membra ab invicem, viresque sensim ac per partes carpi & accidi, omne tandem corpus ut infirmum ac enerve reddatur, immo plane corruat futurum est, dabiturque fortasse, aliquando præmiù loco his, qui nocentissimis consiliis & affectibus suis, hæc auxiliorum prolationes, vel etiam omnimodas denegationes causantur, illaque ratione in summa pericula extremamque perniciem Rem Christianam præcipitant, ut quemadmodum Ulysses à Polyphemo, ita illi à Tyranno Turcico postremi devorentur.

Quando olim Byzantio fatale illud imminebat excidium, Principes contermini rem alienam putabant, periculum minimè se concernere; hinc Constantino Palæologo, quo communem Christiani dogmatis hostem ab Urbe propulsaret, quinquaginta millium aureorum sub-

* * * *

dium

diurno denegarunt; verum urbe illa expugnata, deinde Trapezuntino Imperio, Lesbo, Peloponeso, Mysia, Epiro, Illyrico, Eubæa, & pluribus aliis amplissimis regionibus devictis, ac in lamentabilem Turcorum servitutem redactis; (quarum minima forte, centies millenis millibus non imprudenter redimeretur) re ipsa experti sunt, quantam stolidissima illa securitate sua (quæ res secundas plerumque sequitur, adversas præcedit, dubias obruit) Rebus Christianis intulissent afflictionem & cladem.

Quondam cum Pannoniæ Rex Matthias Corvinus, Germanorum & vicinorum Principum auxilia adversus barbariem Turcicam, frustra itidem implorasset; futuras Europæ calamitates quasi divinando prævidens; cum stomacho exclamasse perhibetur, dolere se Europæ gentis Christianæ vicem, se vivo, Pannoniam fore murum, qui crudelissimos Turcorum insultus ab illa arceret: se verò ex humanis sublato, Germaniam & conterminos populos ingratitudinis & ignaviæ suæ acerbis daturus penas. Nec verò vanum Regis illud fuit vaticinium; murus siquidem ille cum illo ipso, pro dolor! jam dudum destructus, foresque ovilis confractæ sunt; hinc & lupus inter ovium latera grassatur, insultat cædibus, furit, conculcat & prophanat omnia; formidandaque imposterum, ruptis semel repagulis lupoque in ipsas caulas jam immisso, multo graviora. Quò & facit vaticinium illud Lactantii Firmiani, lib. 7. de divino præmio cap. 15. quod ne parem cum illo Regis Matthiæ sortiatur exitum, Deum

ter

DEDICATORIA.

ter Optim: Max: supplex & congeniculans oro Romanum nomen, inquit ille, quo nunc regitur Orbis (quanquam horret animus dicere, dicendum tamen est quia futurum est) tolletur de terra; & in Asiam Imperium revertetur, ac rursus Oriens dominabitur atque Occidenserviet. Cui quidem illius de Romani nominis exterminio, Imperiique ex Occidente in Orientem translatione, tum etiam de pudenda illius, quod omnibus ante gentibus dominabatur servitute, prædictioni; quam secreto quodam metu impulsam, effudisse se confitetur, quid quantumque dandum sit alii viderint; mihi sane maxime, si omnium præsentium rerum statuumque peristases, aqua juxta lance expendam, non levem illa incutiunt terrorem: quemadmodum & Stella illa, caput videlicet Algol seu Medusæ, omnium in cælo stellarum funestissima, quæ duobus anterioribus sæculis, & quod excurrit, Graciæ & locis illi attinguis, fuit verticalis. Ibi quos portenderit effectus edideritque, quæ incommoda pepererit, in propatulo est: Secutæ mox Turcicarum copiarum invæsiones, publicæ devastaciones & privatæ Religionis & domini mutationes, privatio libertatis, jugum servitutis & innumere aliæ calamitates, quas premere silentio magis, si fas esset, quàm meminisse hic alicuius besceret. Illa ipsa Stella jam incipit culminare, ut Mathematici loquuntur, & esse verticalis principio Regni Neapolitani, & Sicilia; quid minetur,

**** 2

quid

quid importatura sit, summus ille Diespiter novit. *Astra*, fateor, non necessitant semper, ut plurimum tamen inclinant: Hinc augurium quod mihi de Italia in tristi mente est, Illa non parum adauget: Vide si placet *Andr. Argolus Mathematicum Patavinum insignem in Pandosio Sphaerico cap. 63. pag. 291.*

Rebus ergo nostris adeo in arcto, ac quasi in supremo periculorum apice, velutique quadam crisi positus; ratio, tempus, necessitas, omniaque jura divina & humana postulant, ut tandem aliquando Reges & Principes per Christianum Orbem bellis & simultatibus intestinis positus, contra quosvis Barbarorum hostiles incursum, unanimibus consiliis & viribus in commune concurrant: sed concordia ac sincera animorum unione hic opus est, eaque sane quam maturrima; Solâ illâ, quod reliquum nobis est, servari; solâ illâ quod perit forsan poterit & reparari. Sicut contra post contemptum veræ pietatis (quæ alias instar centri esse debet, quo omnes actionum nostrarum lineæ decurrant) quem cæcitas & securitas, omnium calamitatum minera & scaturigines concomitari ut plurimum consuevere: tantorum, quæ recensui, malorum potissima causa, Christianorum Principum dissidia & dissensiones. Quod & Solimanii Turcorum Imperatoris Legatus Ibrahimus Strozius apposita similitudine innuisse sibi visus est, cum Francofurti Anno 1562. Bavaro, Saxone & Iuliacense, solemnî pompa Ferdinandum Cæsarem stipantibus deducentibusque præsens adesset. Monebat tum forte astantium quidam di-

Etum

DEDICATORIA.

Etiam Legatum, tantos esse Principes illos, ut justum singuli suis opibus exercitum contra Imperatorem suum conscribere & educere valerent, posseque Germaniam plures ejusmodi suppeditare; qui omnes, si concordibus viribus, consiliisque rem aggredierentur, neque Solimanum, neque quempiam ex omnibus mundi Monarchis, eorum potentia posse obluclari. Ad quæ Barbarus salte subrisisse fertur & dixisse, se de Germanorum Principum potentia nullatenus dubitare, & ex hoc extimo presentium apparatu, absentium vires, ex facili posse colligi. At videri sibi facta consiliaque illorum similia bestia multorum capitum, quæ acrius agitata sepimentum aliquod perrepere intendat; propter diversa autem capita, diversa foramina quærere cogatur, & ita sepi implicita ulterius progredi præpediatur. Turcorum verò Imperatorem, belluæ unicipiti, & plures post se ductanti caudas esse persimilem, quæ ubi semel capite transiitum patefecisset, reliquum corpus cum caudis omnibus facile subsequi & patentem tramitem sine impedimento permeare. Quod utique verissimum esse, ipsius cottidianæ experientiæ, utinam non doceremur magisterio? Et certè deploranda illæ, quas apposita hac similitudine Strozius taxabat, Principum Christianorum discordiæ, Turcorum votis imprimis plausibiles, præclaras multoties illis præbuere occasiones, ac insignium non semel illis extitere victoriarum indubitatae causæ. Neque aliud attestante Tacito adversus gentes validissimas, Romanis olim unquam utilius obtigit, quam

quod ad propulsandum commune periculum, illæ in commune non consulerent; hinc dum singulæ pugnabant, universæ subjugabantur. Stringit jam in nos Tyrannus ille fatale ferrum, omnibus ex æquo inimicus, acuit fulgurantes ac falcatos acinaces suos, quibus cervices nostras demetat, adaptat nervos arcibus, quibus virulenta tela in nos jaculetur; omnes Constantinopoli ac per Turciam officinæ, arma parantium polientiumque strepitu ac stridore personant. Excitemus ipsi tandem nos, excutiamus turpissimum veterum, inque defensionem nostram majoribus animis armemur. At quod caput rei esse crebro jam monui; jungendi animi, arma jungenda, concordia ac conferto in illum agmine movendum: Qui omnium jam fortunas, imo & omnium sanguinem voracissima spe absorpsit, communi consilio ac vi propulsandus. Quod si seorsim singuli pugnaturi sunt, idque non antequam à Tyranno invadantur, sensim tandem omnes æterno & nunquam apud posteros excusando dedecore vincemur. Ergo conglobati & animis & viris in illum irruamus: nulla hic ferocia nimia est. At inter Christianos Christianorumque Principes, sit amicitia constans, sit firma pax; & inviolabile amicitie fœdus, vero ac sincero amore, veluti adamantino quodam vinculo Christiana pectora connectantur: Detestanda plene arma, que sempiternum ferocire intendunt, & novarum litium semina in progressu spargunt: Nullæ dissensiones tam justæ sunt, quin injustæ, si æternæ fiant. Qui alio fine bellum gerunt, quam propter

D E D I C A T O R I A.

pter Pacem , truculenti sunt , immo ferarum omnium truculentissimi.

Sed neque vos , quibus fortuna aliquandiu serenior abblandita fuit , Pacem aversemini : Illa vobis tantò jam decora magis , quanto minus videtur necessaria , quin & rebus adhuc utcunque integris , erit , quam maxime tuta ? Et licet ad votum , imo etiam supra votum forte hactenus secunda vobis omnia obtigerint , ne fidite , ne intumescite : Multos in ipso victoriæ cursu , propter armorum suorum felicitatem , opinione sua humanam sortem supergressos , subitanea aliqua ac minimè provisa tempestas dejecit contuditque . Periculosissima omnium felicitatis intemperantia est : Sol , ærenæ , ventus , aër , aliaque etiam minima , maximorum sæpe exercituum fata commutarunt : Potest subitus aliquis turbo , undecunque tandem , aut certè ab ipso cælo , ad tantum scelerum cumulum , quæ bella ipsa comitari ferè semper solent , indignante , inmissus involvere omnia , evertere , turbare , absorbere . Ad tempus quandoque violenta illa inhumanaque consilia fluunt prosperè , ac mox in pejus ipsa mole sua ruunt , ac sublapsa retrò interitum accelerant . Quin ipsa illa Fortuna nihil fugacius , nihil levius , sæpè dum ridet irascitur ; dum blanditur fallit ; vitrea planè est , dum splendet maximè , sæpè rumpitur . Tempus jam tandem ut arma ponatis Christianum sanguinem stillantia ; ut veniat in commune sædus , ut pacem cum vicinis sanciatis . Si Germani non estis , at esse certe debetis
Chri.

E P I S T O L A

Christiani, quorum regia ac summa lex est Dei & proximi dilectio : Ne pergitte infectari dubiam victoriam, ne pergitte Christi membra lacerare, ac ex oppressione aliorum vel aurum argentumve, vel quod magnum, nescio nomen, aucupari : Misera plane ac infelicia trophæa illa, quæ de trucidatis civibus excitantur : Sordidum omne aurum est, quod miserorum lacrimis & cruore destillatur : Nec magnificum ac diuturnum, per sanguinem ad alienas possessiones descendere.

At nos quos jam Fortuna novercans sequius habuit, ne cadite animis, durate illos, erigiteque spe meliorum in nullius illa contubernium semper mansura concessit; Servat illa sibi jus suum, quod est ad minimum auræ flatum pro libitu mutari; sicut raris se prosperam semper; ita raris semper exhibuit adversam. Ferendum jam vobis est; quod aliter Deus esse noluit, & cum ipso Deo constanti pede gradiendum. Bellorum eventus ancipites semper deprehensi, immo sæpe fatales Imperiorum periodi fuerunt : Itaque ruinarum vestrarum reliquias, bellorum incendio præproperè subtrahite, ne ultimum fortune vestræ codicillum, (ut à Sybilla Tarquinius libros) duplicato pretio redimere cogamini : Quæ vobis belli injuriâ perire, vix reddi possunt, servabitis ea quæ Pacis beneficio si non ampliora, magis saltem quietâ & securâ esse possunt. Certè Pax bello longè præferenda, ac nisi humanitatis sensum omnino depopuerimus, fateri cogimur, multis illam parasangis anteponendam esse. Tutius igitur Vobis meliusque erit, furori temporum & necessitati

DEDICATORIA.

suati præsentì nonnihil cedere, illatasque per vim contumelias & damna, Christiana fortitudine potius, quàm ut ruina ulteriori illa eatis ultum, devorare: Rependet dies, rependet Deus; ac illa ipsa Pax, ad quam tantopere omnes instigamus, ea quæ bellorum iniquitatibus subtracta sunt, copioso cum sænore aliquando refundet.

Sed ut ad finem veniam, ad Te revertor, Illustr. Princeps; Tibique, cujus potissimum Musæum hanc Ferrarii Floram mihi conspiciendam primo præbuit, cujusque singulari favore potiri illà perfriuique intimius concessum fuit, facti mei rationem reddo: Certè ubi in manus meas devenit, summè arridebat genio meo, illicoque suis adèò incantabat illecebris, ut illam è manibus, priusquam minutatim excussissem vix deposuerim. Igitur cum paucissimis, immo vix ullis in Germania illa esset cognita, indignum ratus sum, si apud me veluti sub modio ingloria diutius delitesceret; hinc ut decore illius ac nitela longius diffunderetur pateretque, secundà curà illam qualitercunque prætextatam in scenam produxi, idque sub Illustrissimi Nominis Tui tutela potissimum ac patrocinio; id quod jure Ipsa suo à me postulabat. Admittes ergo serenà fronte in aulam Tuam, clientelamque, redeuntem, minimeque Illam, de amata familia tue clementià sibi applaudentem aversaberis. Pauci jam anni sunt, quando ex Italia in Germaniam redux Illam Romani itineris sociam Tibi ascivisti, ac non inhonorum in instructissima Bibliotheca Tua forulum assignasti: hunc jam aliquot mensibus de-

sertum

sertum, jure postliminia repetitum venit. Præterea ubi post longam illam & squalentem calamitatum noctem, desiderata ac tot lacrymis & suspiriis exorata Pacis novum jubar, seu Lucifer nobis quidam affulserit: Hortis arci Tuae Iburgensi attignis (quorum elegantiam superveniens pronuper ex Aquilane tempestas excussit) restantandis ac perpiciendis operam omnem sedulo promittit & spondet. Habebis ergo Illam indulgenter, nec sinistrè feres, quod ex Namine Tuo sulcrum sibi & statumen mutuetur. Mihi porro, Illustrissime Princeps, quare Floram hanc Tibi offerendam judicarem, causa fuit, tum quia ab Illustrissima manu Tua in meum primum domicilium venerat; æquissimum quippe est, ut flumina unde fluunt, revertantur; tum verò singularis Tua compertissimæque Clementia, qua me, ex qua notitiæ primum Tuae insinabam, Tuaeque Valetudinis Medicum adhibebam, favisti ornastique. Cum ergo extimo signo aliquo ac veluti publico monumento generosis benevolentia ac gratia Tuae, quos in me tam liberaliter explicuisti, affectus recognoscere ac profiteri cupiam, nec moram mihi diuturniorem mei in Te animi impetus relinquat. Hinc Ipsam hanc Floram, quæ ad manum primum occurrebat, Tibi offero, submissimeque sisto; & hoc qualecunque redhostimentum ad Illustrissimæ Celsitudinis tuæ tholum venerandum suspendo. Dignaberis Illam solita benevolentia Tua excipere, veluti subiectissimi mei in Te cultus testem, aut etiam impensioris observantiæ certissimam obsidem. Erit aliquando, cum bono Deo, occasio

DEDICATORIA.

occafio, quâ graviore aliqua cura, feverioreque & Tua Celfitudine
magis digna materia, huic animum in Ternum luculentius conte-
flatum eam. Dabam Monafteri Weftphalia (qui locus folemnif-
fimo ifti Pacis univerſalis tractandæ congreſſui, à præcipuis Europæ
Principibus determinatus eſt, Anno Ch. Id. XLVI. IV. Kalen-
das Maji.

SENE-

S E N E C A

Lib. 1. de Clement. cap. 26.

Quid istud Dii boni, malum est ! occidere, sævire, delectari sono catenarum, & civium capita decidere , quocumque ventum est multum sanguinis fundere , aspectu suo terrere & fugare ? Quæ alia vita esset , si leones ursique regnarent ? si serpentibus in nos , ac noxiosissimo cuique animali daretur potestas ? Illa rationis expertia, & à nobis immanitatis crimine damnata , abstinent suis , & tuta est etiam inter feras similitudo : apud homines tantum ne à necessariis quidem rabies temperat.

INDEX CAPITUM.

LIBRI PRIMI .

De

Apparatu hortensi.

Cap. I. <i>Florifera cultura tradenda frugi consilium.</i>	pag. 3	III. <i>Hortensis architectura.</i>	16
II. <i>Nova cultura novum magisterium.</i>	12	IV. <i>Excubitor, & Cultor.</i>	44
		V. <i>Arma hortensia.</i>	59
		VI. <i>Terra floralis.</i>	71

LIBRI SECUNDI

De

Florum Notis.

I. <i>Narcissorum nota.</i>	99	VIII. <i>Asphodeli, Paonia, Lili convallium, & Luca Indica nota.</i>	184
II. <i>Croci, Colchici, Corona imperialis, ac Tuliparum nota.</i>	141	IX. <i>Byzantina Lychnidis, & Americani Trachelii nota.</i>	187
III. <i>Fritillaria, Iridum, Liliorum, Orchis, atque Ornithogali nota.</i>	149	X. <i>Caryophyllorum nota.</i>	189
IV. <i>Hyacinthorum nota.</i>	158	XI. <i>Granadilla sive Maracoti nota.</i>	190
V. <i>Cyclamini, & floris Indici è violaceo nigricantis nota.</i>	167	XII. <i>Gelsiminorum nota.</i>	193
VI. <i>Anemones nota.</i>	173	XIII. <i>Rosarum nota.</i>	201
VII. <i>Ranunculi nota.</i>	181	XIV. <i>Florentium arbuscularum nota.</i>	204

LIBRI TERTII

De

Florum Satu, & Educatione.

I. <i>Lex floris serendi.</i>	211	III. <i>Contra majusculos hostes hortense bellum.</i>	257
II. <i>Lex floris servandi.</i>	243	IV. <i>Con.</i>	

Index Caputum.

IV. <i>Contra minutos hostes machina.</i>	278	<i>convallium, & Inca. Indica cultura.</i>	342
V. <i>Lex floris propagandi.</i>	293	XIV. <i>Trachelis Americani, Lych-nidis Byzantina. aliarum-que consimilium herbarum cultura.</i>	344
VI. <i>Narcissarum cultura.</i>	302	XV. <i>Caryophyllorum cultura.</i>	346
VII. <i>Croci, Colchici, Corona imperialis, ac Tuliparum cultura.</i>	312	XVI. <i>Granadilla cultura.</i>	351
VIII. <i>Fritillaria, Iridum, Lili-orum, Orchis, atque Ornithogali cultura.</i>	317	XVII. <i>Gelsiminorum cultu-ra.</i>	352
IX. <i>Hyacinthorum cultura.</i>	319	XVIII. <i>Rosarum cultura.</i>	362
X. <i>Cyclamini, & Floris Indici & violaceo nigricantis cultu-ra.</i>	324	XIX. <i>Floridarum stirpium arbo-rescentium cultura.</i>	369
XI. <i>Anemones cultura.</i>	327	XX. <i>Aquaticorum florum cultu-ra.</i>	372
XII. <i>Ranunculi cultura.</i>	339	XXI. <i>Indica stirpes in hortis Barberinis.</i>	375
XIII. <i>Asphodeli, Paonia, Lilii</i>			

LIBRI QUARTI,

De

Florum Usus, & Admirandis.

I. <i>Florum structura multiplex.</i>	395	V. <i>Inducti floribus colores.</i>	458
II. <i>Florum siccitas vivax, & verisimile mendacium.</i>	433	VI. <i>Arte majus Natura miracu-lum.</i>	468
III. <i>Arcana florum cultura.</i>	341	VII. <i>Emendati, additque flori-bus odores.</i>	503
IV. <i>Arbitraria florum tempesti-vitas.</i>	445	VIII. <i>Mutata florum forma.</i>	506

AP-

3

APPARATUS HORTENSIS LIBER PRIMUS.



Florifera cultura tradenda frugi consilium.

C A P V T I.



GE surge anime ex humili, at-
que adeo ex humo. Desine tan-
dem aliquando pronoin horten-
sem terram vultu vel præter na-
turam brutum animal, vel ante
diem silicernium videri. Parce
magnæ matris viscera cultu ru-
stico proscindere, armis agrestibus vulnerare; ne
de parentis optimè de te meritæ vulneribus flo-
rulentæ purpuræ cruentam voluptatem crudeli-
ter exprimere dicaris. Cælum suspice, ad quod
natus, ad quod erecta statura tuendum tenendum-
que factus es. Immortalia sidera caducis floscu-
lis præter, aut eadem esse cœli flores existimato
nostratibus amaranthis diuturniores. Sed frustra

A 2

contra

Florum
cultura no-
vum opus.

Homine
ingenuo
digna.

A veteribus
usurpata.

contra torrentem nitimur; frustra ingenio reluctamur. Enimvero Antæus sum, licet gigas non sim: quod ex imo terræ contactu, cultuque ad cælum vegetior, atque altior assurgo: per flores enim ad gemella florum sidera congruenter molliterque transfitur. Quare à floribus afflata mihi benefica mens est, ut universæ hominum nationi floridam ad cælum viam aperiam, sive ut floriferi horti suavissimè laboriosam culturam, quæ recenter nata plurimos quidem cultores industrios, nullum tamen adhuc minutioris cûræ nacta scriptorem est, primus edoceam: nemibi uni serere, mihi uni metere arguar. Sic præterea mecum ipse floridi cultor Lycei philosophabar, ex ingenuis mortalitatis oblectamentis honestius esse nullum, quàm quod ex florum cura culturaque percipitur. Vix enim procreatam, & velut infantem humanitatem hortus voluptatis inter florea incunabula excepit: ut erga flores amorem à vetustissimis incunabulis traheremus. Ipsum quoque humanæ felicitatis divinum domicilium peregrino Paradisi nomine hortum redolet. Quin etiam, cœlestis amœnitatis adumbratæ ac rudes imagines, terrena viridiaria tum veteri, tum recenti ætate principes viros ad speciosam suicultionem inhalatæ suavitatis illecebra invitarunt. Non est cur auri-
bus ingeram recentia exempla, quæ oculis quotidie usurpamus. Veterum aliqua non ab aspectu modò, sed à memoria etiam remotissima commemoran-

morando videamus. Verum ne Romæ, laudum
 omnium fertilissima in urbe, externa decora demi-
 remur, omitto plausibili invento hortensia rura ci-
 vitate donantem, interque flores suaviter philoso-
 phari docentem Epicurum: prætereo Reges Ado-
 nidem, & Alcinoium regaliū inter curarū spinas Plin. Nat. hist. lib. 19. c. 4.
 hortorum florido studio beatos, nec tam aculeato
 in sollicitas punctiones auro, quàm explicato in ar-
 ridens blandimentum flore coronandos: taceo Re-
 ginam Semiramidem in pensilis viridarii præcelso
 miraculo, quàm in regis sellæ humiliore fastigio
 magis suspiciendam: parco narrare Persarum Re-
 gum ædibus hortos, quos illi Paradisos vocabant, Esther c. 7. Plutarch in Artaxerxe. Isid. Poll. lib. 9. c. 3.
 fuisse conjunctos, ut Regibus ipsis florum cura sem-
 per hæreret: non dico pretiosissimæ texturæ autho-
 rem Attalum à Regni administratione ad hortuli Iustin. l. 36.
 transisse culturam, quòd floream purpuram decen-
 tius, quàm Attalicam vestem elaboraret: non repe-
 to centies auditam Cyri vocem apud Lacedæmo-
 nium legarum Lyfandrum inter infinita regis ga-
 zæ spectacula sese consitorem esse unicè gloriantis: Plin. ibid.
 relinquo denique aureum Hesperidum pomarium,
 ne videar aurum illinere mendacio. Una, miracu-
 lorum omnium theatrum, Roma olim adolescens
 Reges habuit, qui moderationi populorum horto-
 rum cultu proluderent: ex quorum numero Tar-
 quinius non tam superbus fuit, quin ad hortensia
 papavera educanda sese dmitteret. Quanquam

illa messe tyrannicè demissa; innocentè horto indignum, hoc est sanguinarium filio nuntium remisit. Quid regno deflorescente nobilitas Consularis? nonne in hortensi area, quàm in forense arena diutius effloruit? Certe, si quid Respublica detrimenti pateretur, auxilios Duces, Imperatoresque petebat è villa, quam duodecim etiam tabulæ hortum appellarunt, quòd ibi, qui capere arma possent, orientur. Ut mirandum nemini sit illam diu Republicam stetisse florentissimam; quæ cultissimis hortis, quæ fortissimis cultoribus abundavit: quorum aliquis Oratorum flos, ut amœnitatem omnem etiam nomine complecteretur, ab horto dictus est Hortensius. Sed unus instar omnium prædicetur colonus, alterum belli fulmen, Scipio Africanus, qui summam triumphali gloriæ manum à se tum addi existimabat, cum domitricem Africæ dextram in subigendo Linterni hortulo exercebat. Quid, si veteres Sallustii, Luculli, Mæcenatis, ac Cæsarum hortos memoria repetamus? num dubitabimus amœnissimæ indolis patritios Quirites super florum studio cum vernante natura specioso certamine colluisse? Quare Domitiano Cæsari præter aulicum, & poeticum morem vera sic cecinit gratulatio:

Martial l. 6. . Navita derisit Pharios Memphisiticos hortos,
epigr. 20. . Urbis ut intravit limina prima tuæ.

Quod igitur semel voce, Lesbium oraculum, Theophrastus

phraftus, huc sæpius re ipsa docuit gentium Regina
Roma dignam esse homine libero agriculturam.

Verùm adeò non modò summos, sed infinitos quo-
que homines amor tangebatur hortorum: ut pauper-

Plin. ibid.

cula urbana plebecula Babylonix amœnitatis pen-
sile sumptuosumq; miraculum æmulata defenestris

olim (quod nostræ etiam ætatis vulgus usurpat) hor-
tensis rura suspenderet. Urbem orbis epitomen,

*Apud Ca-
lam Rho-
dig lib. 18.
c. 25.*

ut nobilis ait Græcus author, plura decora comple-
ctentem, quàm quæ possent unico nomine conclu-

di, triplici quondam insignitam fuisse accepimus: per-
vulgato scilicet Romæ, robur græcæ sonantis

*Aug. Poli-
sian. ep. 2.
lib. 1.*

arcano, ut quidam putant, Amaryllidis, vel ab amo-
re latina origine, vel ab incilibus, quibus Argei

*Nannius
l. 6. Atyscal.*

campi Romanapalus siccata est, græca significatio-
ne deductæ: sacro demum atque in sacrificiis usurpa-

to Anthusæ, hoc est, Floræ, sive Florentiæ, unde sa-
cra Floralia nominantur. Ut videlicet urbs & re-

*Romæ sa-
crum no-
men Flora,
sive Floren-
tia.*

rum gestarum gloria, & florum studio florentissima
ipso etiam nomine floreret: utque floribus operam

dare Romanum esse gloriemur. Digredere jam
tempestivè à Romana urbanitate ad Africanam

barbariem liberrima narratio: ibi pande Regii Ge-
neri penetrales hortos: ostende nobilitate, sapien-

tia, integritate spectabilem Antistitem Paulinum
tum præclarè liberum, cum vendibili servitute

*Florum
cultor Pau-
linus.*

alienæ libertatis redemptor humum fodit, ut olen-
tium herbarum florumque munuscula metat, quo-

Diocletia-
nus ex Im-
peratore o-
litor.

Baron. An-
nal. to. 2.

Christus
redivivus
hortulani
specie.

rum suavissimo nexu & barbarum Genserici tyranni animum sibi devinciat, & se suosque captivos cives simul absolvat. Quòd si Diocletianum, trabeatum illud monstrum, ac scēptrigeram furiam, abdicato demum, quod nimium diu impotenter actyrannicè tenuisset, imperio, culta innocenter, olera sic nobilitarunt: ut tam ipsi gloriosum futurum fuerit, si columnarum inscripta monumenta ex Imperatore olitorem prædicassent, quàm fuit eadem probrosum, quòd Christiani nominis everso-rem appellarint: quanto plus gloriæ cum lætissima florum messe metere credenda est in hortorum urbano rure colendo splendide rusticata nobilitas? Sed quid ego mortales hortensi culturæ deditos admiror? Deus ipse triumphata morte redivivus atq; immortalis non in triumphali Regis paludamento, sed in subrustica hortorum cultoris effigie aimantissimæ se Magdalenzæ videndum præbuit. Et sanè ad sempiternæ voluptatis colendos hortos reducem species decuit coloni. Nec equidem mira subagrestis hominis imagine sese induisse rediviui mortis triumphatorem, cœlique Imperatorem Deum, qui sic agrestes florum delicias adamavit, ut ardua Cœlitum felicitas facili mortalium labore præcerpenda in florem campi, liliumq; convallium humili appellatione transferit. Quòd si Deo decorum fuit nostrum se florem facere, & appellare: quidni nos pulcherrimas ejus imagines, flores videlicet ambiciose

tiosè colamus? Jam non est mihi quærendum, cur idem suavissimus planctusque floridus Legillator agri lilia citra illum ipsorum laborem Salomonis regis cultu ornatioa considerari jusserit. Eorundem enim & unicus & providus cultor voluit agnosci Deus. Ut flores colere majus humano decus esse intelligamus. Fas igitur mihi sit absque levitatis nota docere, quod gravissimis viris, atque adeo ipsi Deo pulchrum fuit usurpare. Huc accedit non leve florum culturæ non exercendæ solum, verum etiam tradendæ incitamentum, severioris nempe sapientiæ erga geniale hoc ingenuumque studium plausus & præconia. Sed nunquam illa gloriosius plaussit, quàm, cum eruditissimi ore Lipsii locuta in ambiguo reliquit, an flores hortus elegantiores funderet, quàm Lipsius loqueretur. Duo hic præstari à me posse penitus diffido, ac pernego. Alterum est, ut omnia colendorum præcepta hortorum persequar. Quis enim unquam primus intentati operis magister universa pervidit, ac posteris tradendum doctoribus reliquit nihil? Non fuerit igitur minimæ opportunitatis, & laudis pleraque, ac præcipua præmonstrasse. Alterum, ut omnibus placeam. Nam quis, nisi delirus, dissimilium inter se ingeniorum, atque etiam dissidentium sententiarum infinitis mortalibus unum argumenti, atque adeo scriptiois genus sapidum esse posse arbitretur? Satis igitur habeo; si paucis, iisque sapientibus

Juber flores considerari.

Florum culturam etiam docere decorum.

Hortorum cura sapientibus laudata.

De Constant. l. 1. c. 1, 2, 3.

Duo Scriptori diffidilia.

bus non displiceam. Non hic opus mihi est more poetarum è Parnassi viridario eruditam auram implorare, ut percupida mens amabiles sensus à fertili aspiratione concipiat: idem enim Zephyrus, qui odorato halitu floream terræ, ingeniosam inspirat animo fecunditatem. Neque Aganippes lymphaticam lympham sitio, ut aridum ad nobiles partes ingenium irrigetur: eadem enim hortensis unda, quæ teneros terræ filios lactat, inter floreat fratres pudicam hanc meam Floram educit, & educat. Valeant Musæ, mera nomina, non vera numina canoræ superstitionis. Musarum instar omnium una mihi est, una placet & ingenua & ingeniosa colendi floribus Ars, quæ decentius à me, quàm deflorata pudicitiz laude quondam famosa muliercula, Flora nominatur. Hæc igitur, dum cælo non invida, sed æmula duodecim siderum illustri diademate coronatum annum subinde nascentium florum perpetuo vere mirabilius coronat, floream mihi sertum poetica lauro pulchrius intexit ipsius decora, ipsius leges ad hominum jucundissimam exercitationem promulganti. Eiusdem ego admonitu floridum argumentum suavitate carminis alioqui condiendum carmini proxima, atq; inter flores decenter efflorescente oratione pertracto: quòd recentium florum nomina pleraque peregrina sine obscura verborum ambage versu dicere non est. Hæc me M. Catonis, M. Varonis, Columellæ, Palladii, Constantini Pogonati sapien-

Florum
cultura cur
Flora.

Florum
cultura cur
prosa, non
carmine.

sapientissimi Imperatoris, aliorumque complurium
 gravissimorum authorum de re tum rustica, tum
 hortenſi solutè scribentium nobilissimis exemplis
 ad hoc idem scribendi genus impellit. Et Constanti-
 num quidem satis luculenter docuisse monet, è
 majestate Imperatoria esse non hominibus modò,
 verum etiam floribus leges & jura præscribere. Ut
 hortos colere Cyri exemplo regium, hortensem ar-
 tem præcipere Constantini documento imperato-
 rium, utriusque authoritate aureum sceptrum, &
 floriferum bipalium tractare perinde splendidum
 esse fateamur. Valeat jam tandem Apollo, calor
 capitum fanaticus in fabuloso collis Heliconii sole
 apicantium. Tu mihi splendide fisto Apolline il-
 lustrior, FRANCISCE CARDINALIS BARBERINI
 RINE, quà sapientiæ, quà gloriæ pupurea luce su-
 aviter incendis animum, ut flores loquar, URBANIS
 APIBUS tuis, ut spero, gratissimos. Et quan-
 quam excelsæ indolis nativis, cultissimique horti
 domesticis floribus abundas: non tamen dedigna-
 beris tibi nascentes Floræ meæ agrestes flosculos
 liberali Urbanitate donare. Neq; sanè dedecet re-
 giam istam morum facilitatem à summorum Re-
 gum colloquio, & gravissimarum legationum ne-
 gotiò reducem inter horridulos hortos meos breve
 per otium rusticari. Jam verò adveneror, atque in-
 voco præpotentem Divinitatis auram, quæ sicut in-
 ter cœlestis felicitatis æterna vireta florentissima
 Cœli-

Francisci
 Cardin.
 Barberini
 patrocini-
 um im-
 ploratum.

Aspiratio
 divina flo-
 ribus invo-
 cata.

Cœlitum gaudia semper eventilat, ut perennent:
sic hortensibus curis hisce meis aspiret, ut felici
exitu hilarentur.

Nova culturae novum magisterium.

C A P V T II.

NOVAM, & perutilem florum culturam incultè scribenti mihi, ad impetrandam operis novitate veniam, utilitate benevolentiam conciliandam, pretium operæ foret ostendere, à compluribus, iisque eruditissimis rei floræ scriptoribus, florum tantummodo aut historiam, aut certè vim medicam fuisse traditam; quarum illa mortalium voluptati prodesset, hæc vitæ: accuratissimum verò cultum, quo de humana tum voluptate, tum vita optimè promeriti flores viverent, ac perennarent, ut diutius prodesse, adhuc intactum indictumque latuisse. Quare hoc equidem loco recentis ad operis certissimam fidem, omnium, qui de floribus ad hanc usque ætatem conscripsere, catalogum cum ipsarum scriptorum argumentis producerem; nisi numerosam recensitionem istam authores aliqui Transalpini elementario ad expeditam cognitionem ordine numerantes occupassent, hoc est, partes meas implessent. Ex his est, qui ducentos circiter numeret her-

Herbariæ
rei scripto-
res ab alijs
numerati.

herbariæ, adeoque rei floræ scriptores, quorum nemo unus de universa absolutaque, ut nunc viget, florum cultione præcepit. Fuere quidem perpauci ex iis, quos legerim (legi autem complures) qui remota quædam aut mutila præcepta hac super re cum attigerint, integram mihi ac peramplam tradendi cultus hortensis materiam reliquerunt. Ego igitur novis in præceptis præscribendis utilius occupatus longissimos indices ab aliis describere supervacaneum puto. Neque tamen eos ingrato silentio dissimulabo, qui nuper ingeniosa floridæque scriptione ipsis decus floribus addiderunt. Sic enim, ut par est, in latinis hisce meis hortis non una modò brevissimorum flosculorum forma, sed florentissimorum quoque ingeniorum fama vernabit. Prior in hortensibus meis novalibus floridissimum nomen efferat, qui suas pridem paginas florum scriptione gloriæ fecundissima consevit, Fabius nobilitatis excelsitate Columna, eruditionis amœnitate flos, seu potius familiæ suæ miraculum; quia Columnam florere facit, severiorem videlicet philosophiæ, mathematicæ, legumque disciplinam blandissimo florum studio coronat. Floræ sapientiæ præcones argutissimi sunt pridem evulgati, brevique vulgandi codices, in quibus, quàm in hortis, pulchrius flores nitent, ac suavius olent: quia illos oculatissima, & planè Lyncea sevit eruditio, ac veritatem opacantes er-

Præter hos
Fabius Co-
lumna.

ran-

rantium opinionum malos frutices extirpavit. Testis est à libris jam editis cum prior, qui non minus re, quàm nomine *ΘΕΟΦΡΑΣΤΟΥ* Theophrasti, aliorumque veterum herbariorum descriptionibus respondentes plantas græcæ latinæque eruditionis momentis prudenter examinat: tum posterior *ΕΚΦΡΑΣΙΣ*, qua præter superiores aliæ complures minùs cognitæ, rarioreque stirpes nostrate sub cœlo nascentes, à priscis olim herbarum peritis medicis descriptæ recognoscuntur, & declarantur. Testis, herbariæ rei Anazarbeum oraculum, Dioscorides & profuturis, & manfuris Columnæ notis explicatus, nondum tamen in publicum iudicium typorum opera productus. Testes denique sunt, quæ jam eduntur in lucem ad Mexicanarum plantarum, animalium, & metallicarum fodinarum historiam notæ, appendicesque operi peregrino, ac perutili pares. Et cum quidem novæ Hispaniæ thesaurum, sive opportunam medicinæ historiam Franciscus Hernandus novo in Orbe primarius medicus conguessit: Nardus Antonius Recchus, Hispani Regis itidem medicus digessit: Joannes Terentius, pridem inter medicos ad corporum, nunc autem inter Jesu socios ad animorum pervestigandam salutem apud Sinas Lynceus doctissimis notis locupletavit: universi verò Lyncei, atque ipse præcipuè Lynceorum princeps Fredericus Cæsius è diuturnis tenebris erutam & eruditis

Francisc.
Hernandus.
Nardus
Antonius
Recchus.
Joann. Terentius.

ditis additamentis, & liberalibus impensis, ut præ-
 clare legatur, in bono lumine evulgarunt humani-
 tatis suæ. Scriptor alter à Fabio & ipse ad sapientiæ
 latebram pervidendam Lynceus, Joannes peracu-
 tum olentis ingenium de Nardo & Epithymo dis-
 putationis Faber, Romanæ præstantiæ medicus,
 atque herbarius Pontificius innocenter odoratis
 plantis eruditum conficit aculeum contra Jose-
 phum Scaligerum. Descriptorum serie florum pro-
 ximum floret nomen Tobix Aldini, qui, dum Odo-
 ardi Cardinalis Farnesii medicus Chymicus, & Far-
 nesiani horti præfectus rariorum ejusdem horti
 plantarum descriptionem profert in lucem, ad co-
 lenda & coronanda regiæ pulchritudinis Farnesia-
 na Lilia jure peregrinitas esse rariores plantas ex-
 teras docet. Jam verò scriptione, non eruditione
 postremus floribus nostris inferendis est floridus
 sanè scriptor Federicus Cæsius, qui genus, & proa-
 vos, atq; hæreditarium principatum vix sua decora
 existimans & omni bonarum disciplinarum genere
 sic animum illustravit, ut erudita perspicacitate ma-
 ximè Lynceus Lynceorum omnium dux, ac propè
 dixerim oculus sit: & multiformi scientia in perbre-
 ves Phytosophicas tabulas coacta Mexicanam ean-
 dem historiam sic fecundavit, ut pluribus illa inge-
 nii floribus, quàm Indiæ stirpibus virere videatur.
 Usq; adeò cultrice sapientia exarata fragiles paginæ
 perennaturæ gloriæ seminarium sunt. Superest jam

Joannes
Faber.

Tobias Al-
dinus.

Federic.
Cæsius.

ut

ut nos quoque utiliter vernaturas paginas usque adhuc intra&ctatis & recentibus extollendi floris præceptionibus laudabiliter exaremus, quas tum diuturna mihi experientiâ, tum consulti experientissimi cultores suppeditarunt.

Hortensis Architectura.

C A P V T I I I.

Hortorum
positio.

Plin. lib. 18.
cap. 6.

Pincipiò, cui gestit genialis indoles in florum culturam, floriferi horti arcam eligit salubri cœlo subditam, summotamque procul à paludibus, ne coloratos inter flores à pestilenti regionis halitu ipse cultor mortis colore decoloretur: fluvio non adversam, ne aquosa & perfrigida atque adeo insalubri aurâ inspiretur: si locus suppetat, domesticam, ut assidui veris felicitate aureum seculum domi habeat, subjectumque videat è fenestris expositum floribus paradisum: quoad ejus fieri poterit, peramplam, ne floreæ natio varia & multiplex angustè habitet: averfam à septentrione, unde gelida perniciēs mollissimis terræ fœtibus hyeme inhalatur: conversam ad meridiem, cujus tepidi humidique spiritus clementer aspirantes florum animæ sunt. Ita situs amœnitate ipsi hortulus Italiæ non concedet, quæ, sterili Aquilonis frigore Alpinis claustris excluso, ad australis cœli fertilem tepo-

teporum porrecta unum tota pomarium Varroni De Re ru-
fic. lib. 1.
c. 2.
videbatur. Sin autem siccanca regio humore nullo,
aut parcissimo adjuvatur: hortos ita partieris, ut
hiberno ad meridiem, æstivo ad septentrionem Pallad. De
versif. l. 1.
tit. 14.
flore spatia conferenda convertas. Illius enim loci
frigidam austrinus halitus, præservidam siccitatem
minùs ostenta soli aquilonaris positio temperabit.
Possumus quoque varios pro regionum varietate
villarum situs ab idoneis authoribus præfinitos sic
ad hortos referre, ut ii spectent in frigidis locis me- Plin. Aid.
ridiem, septentriones in æstuosis, in temperatis
exortum æquinoctialem. Eandem aream sic præ- Planities.
terea providus cultor exæquet: ut non æquissima
nec perlibrata, sed exigue prona leniterque decli-
vis humorem imbrium superfluum aliò evergat.
Apricam verò vel inveniat, vel efficiat: ne immi- Apricitas.
nens, aut objecta opacitas gravius, quàm Magni
Macedonis umbra, officiat non doliari cuiquam
Diogeni, at delicato florum populo salubriter apri-
canti. Ut hortenses partus floridam & nitidam vitam
vivant, amantissimi parentis sui vitalis solis calore
citra umbræ invidiam foveantur. Ut suis horri side-
ribus discolori luce florentibus cælum stelliferum
æmulentur, emulanda cæli decora libero prospe-
ctu intueantur. Ut colorati pupuli ex atricis nubis
pluvio lactatu vividum colorem ebibant, ærium
lac umbrosa mora ne prohibeto. Ut marinis con-
chis avidiùs matutino rori oscitantia florea conchy-

lia luscidis margaritis æstum refrigeraturis perlucant, avarus obex instillatas opes ne intercipito. Sed rorantibus cœli guttulis, & antelucanæ serenitatis imbre æstuantium, atque arentium in aprico sitis hortorum satis extinguere non potest. Quare fontani liquoris nativa, sive accersita perennitas, aut non ita profundi, laboriosique haustus putealis fons, aut certè cœlestis aquæ cisterninum conceptaculum sive intra, sive propter hortensem aream sit: ut bibaculis plantis vel manu illatus, vel suæ spontis humor, cum opus fuerit, ministretur. Ad hæc pro loci situ eâ areæ figura deligenda, cujus in designatione vel nulla, vel minima spatii jactura fiat. Sin autem patentior in agro tua sit optio: præ arbitrio angulatam aut rotundam, oblongam aut quadratam destinabis. Illud verò servandum est, ut areæ sepimento clausa, vel claudenda, si longior quàm latior placet (sive ea rectis angulis, sive ovato ambitu definiatur) ab ortu longitudinem porrigat in occasum. Nam sepimenti, quâ latum est, breviora latera orienti, occidentique soli adversa matutinis ac vespertinis horis, cum longissimæ umbræ sunt, areæ minus extremæ utrinque inumbrabunt: mediæque plus solaribus radiis patebit, hoc est, areâ tota erit aprior. Reliquum est, ut appositè delectæ floribus castra (nisi quo alio munimento inaccessible sint) tutissimo adversus furaces excursiones vallo communiantur. Id autem seu modicè sublimi, qui

Aqua irrigua.

Figura.

Sepimentum.

qui furem non solem arceat, circumdato muro, si-
 ve spineo sepimento statuetur. Non enim rosa so-
 lum, sed ceteri etiam flores præfidiarias inter spi-
 nas tuto habitant. Spes viva struili præfertur, Colum. De re
 rust. lib. 11.
 c. 1.
 utpote parabilis minore sumptu, ævo diuturniore
 durabilis. Ea sic instituitur. Hortulus, quem ve-
 luti florum urbem sepimenti mœnibus mihire de-
 finaveris, condendæ urbis veteri more sulco, eoque
 duplici sic cingendus est, ut alter spatio tripedaneo
 distet ab altero: uterque verò bipedanea, vel sesqui-
 pedali tum altitudine subsidat, tum latitudine dehi-
 scat. Id verò fieri debet, simul atque ab æqui-
 noctio autumnali largis imbribus terra maduerit.
 Semina deinde paliuri, rubi, ejusque spinæ, quam
 sentem canis appellant, quàm maturissima erui fa-
 rinæ ex aqua maceratæ immiscentur, eaque intrita
 sparteis, aut nauticis veteribus funibus, aut quibus-
 libet aliis restibus inferitur. Siccati deinde funes
 reponuntur in tabulato. Quadraginta mox diebus
 à bruma prælapsis, sive post Idus Februarii, cum
 redit hirundo, cum Favonius aspirat, siqua in sul-
 cis reses per hyemem aqua stagnavit, exhauritur:
 resolutum verò solum, quod autumnò egestum
 fuerat, ad mediam usque sulcorum altitudinem re-
 geritur. Ad extremum prædicti funes impressis
 fœri seminibus per utrumque sulcum porrecti levi
 terra obruuntur. Ita circa trigessimum diem pro-
 repunt sentes, quos adhuc teneros interposita utri-

que sulco virgea sepe sic adjuvare oportet, ut interspatium, quod interjacet, inclinati virgarum adminicula superseandant: donec incremento firmiore corroborati densissimo, atque inextricabili nexu impenetrabile, atque adeo inexuperabile munimentum intexant. Non absimile satisq; validum scipimentum ita Diophanes architectatur. Sub æquinoctium vernali cubitali altitudine scrobem effodit: in illo & palos depangit, & funiculum extendit: pridie autem eruum molitum cum paliuri, rubi, & oxycanthæ, sive acutæ spinæ semine commiscens macerat, atque ad mellis crassitudinem cogit: extentum deinde funiculum eo semine confricat, oblitinque: locum cremore irrorat, irroratumque ad breve tempus patere sinit: egestam denique humum superinjicit: & post dies duodecimginta pedalis incrementi germina existunt. Eadem in scrobem pede non altiore transponit: & intra bimensile tempus cubitalem superant magnitudinem. Adeo verò in aculeatum, implicatumque vallum brevi adolescunt, ut hispida ipsa species prædonum vulneret, ac dejiciat audaciam. Non dispari Democritus artificio agrestes delicias munit ac sepit. Etenim à veris initio quindecim diebus sepium sationi præfinitis, nauticum funem marinis operis detritum, jamque putridum prædictorum seminio veprium eruo permisto confricat: exinde in scrobem defodit, & quotidie irrigat. Ita proce-
ram

*Apud Com-
plan. Caf.
Pogonat. de
Agriculi.
l. 5. cap. 42.*

ramatque imperviam sepem citò educit. Nonnulli restem infricato rubi semine oppletam adobruunt: crassas arundines contusas obliqua, nec admodum alta plantatione defigunt; mistumque terræ lætamen ingerunt. Alii lectis è rubo maturis moris funiculum illinunt: deinde terra, fimoque obrutum rigant, donec germina enittat. Sunt præterea qui vivam spem in hunc modum excitent. Virgas rubi crassiores in segmenta discindunt: ea scrobibus palmari altitudine excavatis diligenter operiunt: quotidie, donec egerminent, fossione ac rigatione, si tempus invitet, refovent. Ita sepes robusta, perennisque confurgit. Novum aliud sepimentum regii cultoris ingeniosa monstravit experientia. Plura hic diversi generis semina ceræ, vel tenaci cuiuspiam materiæ in longum tenuiter productæ permiscuit: eadem optime stercoreato subactoque solo commisit: atque ex ea congerie sepes admirabilis pullulavit. Nostri tamen agricolæ simpliciore cultura conscriptos agros satis commodè tuentur. Unico enim contenti trium circiter palmorum sulco vastissimarum spinarum plantas è spinetis campestribus translatas, ac leviter attonsas à Novembri mense ad Februarium infodiunt: terrorum intervallis cubitorum discretas arbusculas maximè ulmeas æque attondendas interserunt, ut vepres quamvis asperos maritos fideli conjugio adminiculent: sambucum, quod fieri possit, non

Linearis pi-
ctura.

Areolæ.

esse interponendam censent : quia frigida, siccaque vi assitas plantas emaciat, & in caudicem enormiter extumescens furacibus insidiis facile scanfiliis est. Quòd si locum tutiorem sepire mitius velis : dedolatos cancellos è castanea, seu qualibet alia ex arbore, quæ sub injuria pluviarum perdurandi pervicacia laudatissima sit, præfiges : ut innoxios illi oculos admittant, procaces hominum manus, atque adeo pecudum ora pedesque distineant. Ita præparatum ac præmunitum aræ patentis æquor graphidis peritus, ingenux amœnitatis architectus curiosè dimetiatur : dimensi æquoris formam sectilem in partes pro dimensionis rata portione respondentes lineari pictura contrahat in papyro : multiformem in arcularum imitationem deformet : pulcherrimam deligat exprimendam. Caveat autem, ne phrygionem imitatus areolas frangat in foliacei operis angustas & minutulas incisuras, sationi planè ineptas. Feliciùs æmulabitur phrygium opus artificiosa florum consilio, quæ ipsummet arcularum solum ordinata colorum varietate distinguet. Areolas nec adeo laxet, quin ad ipsarum latitudinis dimidiam partem runcantium, legentiumve manus pervenire possit : nec adeo angustet, ut paucissimorum seminum unaquæque sit capax. Quamquam qui natura magistra paucis illisque lectissimis floribus contentus fuerit, numerosiore semitarum labyrintho areolas potèrit aliquatenus coardare.

Semi-



Semitas dūm minimūm palmorum latas faciat, ut sine adnascantium plantarum attritu innocens oberret incessus. Laxiora quoque itinera præscribat, quæ se media hortorum umbilico interfecant, quæque sepimento proxima hortos ambiunt. In iis enim non modo est ambulandum, sed florales etiam testæ ordinatim statuendæ sunt. Quis jam enumeret hortorum inexplicabiles & planè labyrinthæas ambages, quæ felicissimo artificio non biforme Minotauri monstrum, sed bis amabilem oculorum, nariumque voluptatem intercludunt? Expeditius veterum labyrinthorum, quàm recentium hortorum artificiosè inextricabilibus erroribus explicandis exitum inveniam. Paucis rem expeditam infinita varietate impeditam. Quot in pavimentis atque in lacunaribus, totidem in hortis mærandros ludimus & labyrinthos. Ut Dædaleam antiquitatem ætas nostra longè superet quæ ingenio, quàm numero Dædalorum. Quin etiam beatiore Archimedæ Geometræ docile solum innumerabilibus formis inscribimus non humano sanguine, sed florèâ purpura colorandis. Illud autem studiose curamus, ut areolarum non universa modò compositio & colligatio, sed unaquæque etiam figura, & veluti facies concinna & venusta sit. Nullæ tamen formosiores areolæ informantur, quàm quæ rotundantur in rosas, aut radiantur in stellas. Ut sine fabulæ fūco & fallaciis Elysium nostrum vel

Formæ va-
riæ.

sine floribus floreant, & sua sidera norit, *quæ splendidam florum sobolem manifestius, quàm remotissima cœli lumina, progignunt. Sed florea sationi omnium maximè utiles, & satis venustæ censentur octo angulorum areæ minuscule quadratis areolis interstinctæ. Non fuerit (opinor) ab re multiplices jam hortorum formas adumbrare: ut hortensem architecturam clariùs, quàm ipsa verba, linearis adumbratio eloquatur. Illud hîc animadverti volo subjectas exempli causa diversas hortorum imagines ad certæ magnitudinis areas accommodandas esse: ut apertè indicant fidilibus lineis additæ singularum imaginum dimensiones. Quare pro spatii amplitudine varia arcularum conformatio varianda est. Quæ autem lineantur infra regulæ modulorum sive partium, minutioribus segmentis communes sive Romanos palmos, amplioribus eorundem palmorum decades indicant.


Sicui

Si cui uolupte sit celestis ciuitatis beatissimam sedem eternae
 stabilitatis in quadro positam terrena amoenitatis hortensi am-
 bitu designare. caeloq; quodammodo in terris assuescere: hoc
 illi proponitur. quod in quadratos hortos quadrat. exemplar.






Si rectis angulis oblonga. hoc est ad proferendos florida uoluptatis fines²⁷
 porrecta magis arridet area: hæc etiã forma delectet.





29

Simulati ornatisimam rotunditatem hortensis ornatus rotunda imagine lubet
 emulari. uel azata floreæ nouum orbem condere orbiculatum habes rudimentum
 quadrata in area lineatum, cuius continenti muro circumsæptæ superuacaneis
 quatuor in angulis tum hortensis suppellectibus cellas, tum congruentia floribus a-
 uaria poteris excitare: ut floreæ in silua siluestres Orphei ne desint. Cauebis
 tamen, ne munimentum circa extractum uel altitudine nimia, uel minimo in-
 teruallo areolas incommodè opacet. Quare cautè excitandum, et latiore am-
 bulacro distinendum erit.




10 20 30 40 50 60 70 80 90 100






*Consulium triangularem cellarum quadrata in area opportu-
nitas erit si angulos octonos habeant hori. quorum aliquod hic
specimen subycio. ut plures tibi ubiq. parabiles. quam venusino
poetæ in Tiburte recessu. amœnitatis anguli rideant.*





Si circense spectaculum non olim procurrentium equorum fugitiua
 sed assidue uernantium florum stataria uoluptate exhibere maui
 en tibi ouati circuitus commodum circum honestissima Florae nouus
 Aethiis aperio, ysdemq; cellis extruendis opportunos similimos an
 gulos propono.


33



THE UNIVERSITY OF CHICAGO

35


At uerò si enormis ambitus aream denormans pulcherrimæ, optatissimæq; formæ non permittit optionem: quantum spatij licebit ad normalem figuram reuocabis: reliquum areæ tum in obeliscu, tum in alias non incongruentes imagines conformabis. Quod proponitur exemplar, ab denormata mutila, capacitate felix est; simili, enim pyramidis miraculo Ægyptiacæ magnificentiæ celsa fastigia æmulator.



Proportio
10 20 30 40 50 60 70 80 90 100

C. 2.

Si uelis deniq, florea cura quam facilem aditum, tam difficilem exi:
tum hortensi representare simulacro: tuos hortos in labyrinthum implica:
cuius hic imago aliqua exhibetur. Possunt autem labyrinthi areole uel
ceterarum instar humiles subsidere, ut oculi tantum implicatis flexibus
irreuantur: uel ad quatuor circiter palmos lateritia structura excutari, ut
pedes quoq, inter flores errabundi iucundissime impediuntur.



10 20 30 40 50 60 70 80 90 100

C 3





Vetus ars, quæ necdum penitus antiquata est, olentium herbarum consili sepimento amœna hæc florum stativa circumvallabat: ubi non ipsi modò inter se flores civili bello, sed herbacea etiam propugnacula cum floribus, quos defenderent, de pulchritudinis præstantia blandissimè certare viderentur. Verùm istiusmodi sepes duplici nomine incommoda & frequenter attendenda erat, quòd faciliè silvesceret: & subinde renovanda, quod citò senesceret. Quare utiliùs novitio invento singulos pulvinos sativis florum deliciis insternendos Ad arcolas tutius. ambiunt fulcra coctilium laterum tenuiorum, qui parem in crassitudinem cote lævigati aptissimè inter se committuntur. Si vel fidelibus oculis credas; non contiguos lateres, sed perpetuas tabulas ad unguem dedolatas existimes. Usque adeo saxa ipsa florum persentiunt amabilitatem: ut ad illos jucundissimè complectendos arctissimæ coagmentationis societate conspirent. Pauca quædam hic habeo præmonere. Primum, ut alibi lateres in lateraria officinâ seligantur; hi enim, quippe eximia coctura densati, contra frigora pugnaciores: rubri rejiciantur, ut qui minus igne durari ad primos algores in fragmenta dissiliunt. Alterum, ut in recto plani, in sinuoso opere curvi adhibeantur. Tertium, ut in arcis obvallandis, quâ parte longi sunt, defigantur, non autem qua lati: ne parum altè depacti aut incedentium, aut fodientium offen-

sione loco moveantur. Postremum, ut supra semitarum superficiem tres tantum uncias, sive totidem transversos digitos extent. Debent præterea funiculi, pro varia areolarum conformatione plures paucioresve, validè intenti utrinque depactos ad paxillos alligari; ut parem laterculis omnibus extantiam præfiniant; ut eosdem ad lineam dirigant; utque Ariadnæo filo felicius hortensium labyrinthorum ambages ingressis, non hospitibus Theseis, sed ipsis architectis Dædalis facilem laboris exitum commonstrent. Quin etiam flexuoso in opere sic artificis manus est regenda funiculo; ut ejus alterum caput opportuno figatur in centro, destinatum in curvaturam circumducatur alterum. Non est operis instituti minutiorem docere rationem areolarum varias in figuras efformandarum: neque enim structori monstrat architectus, quæ facile potest ille sua ex arte, vulgatoque ex usu cognoscere. Cæterum, si clementior cura suaserit, ne in beneficos areolarum supatores laterculos ingrata imminutio, ac mutilatio desæviat, Marcum Antonium Specchium Romanum audi tum hortorum amœnitati, tum cœtilium laterum integritati hac perutili solertia consulentem. Arcam vel quadratam, vel intra rectos angulos oblongam in paginæ commensum respondente linearum ambitu contrahes: in quadrangula spacia quæquaversum æqualia, quæ laterculorum latitudinem pro rata por-

M. Antonius Specchius.

portione adumbrent, lineis cancellatim reticulatis distribues: areolasque ita definies, ut integra segmenta, nempe solidi lateres includantur. Prædicere tamen hic debes, ab istiusmodi structura curvos ambitus excludi, qui nisi comminutis laterculis circumduci non possunt. Si quem autem pigeat pronioris, incommodique incubitus in humili subsidentium areolarum cultura; is poterit lateritio munimento calce interlito ad quaternos, quinove palmos prædicta florum cubilia excitare. Post affabrè munitas laterculis areolas, interjectæ *Semitæ*. semitæ consternentur æquè, ac tutelares laterculi, eandem in partem leniter devexæ. Si placet antiquitate magistra præficere: artem arcæ frumentariæ coequandæ, ac solidandæ ad hortensium seminarum constrata sic referes. Cretam, sive argillosam ac tenacem terram minutè confodies: amurca recenti non falsa benè consperges, ac subiges: ubi terra penitus combiberit amurcam, iterum probè comminuetur, cylindro coequabitur, & pavicula verberabitur: denuo tandem amurca solum resperges, & arescere sines. Ita pavitæ, atque exæquatæ semitæ nec æstibus fatiscunt, nec imbribus lutescent, nec inutiles herbulas creabunt, nec noxiis formicis, & muribus scatebunt. Recentior tamen ars utiliter substernit in semitas aut veteris ruderis cribrarium pulvisculum, aut permistam glareolis arenam fossitiam, aut macram & rudem nullo-

Cato de re rust. c. 129.

Varro de re rust. lib. 1.

cap. 51.

Colum. l. 1.

cap. 6. &

l. 2. c. 20.

Plin. l. 15.

c. 8. & l. 18.

cap. 29.

Pallad. l. 7.

ut. 1.

nulloque vitiatam feminio terram, qualis est altius effossa, aut conglobari solitam in pilulas lividum recrementum calcis, & cineris, quibus aqua maceratis saponis lixivium percolatur. Est, qui gracile solum in operto siccatur, siccatur minutim comminuit, comminutum cum sabulo commiscet: deinde vel manu illato humore perfundit, vel in apertum effert, ut aquis cœlestibus humescat: in semitas denique tam feliciter digerit; ut, qui modò mollissimus erat pulvis, mox densam in duritiem lapidescat. Duplex autem consternendarum ambulationum via est: ut enim ingestum solum parvicula condensatur, aut summas prope laterculorum oras cumulatam leviter trulla complanatur opere retrogrado; nec ubi levis exæquatio progressu inæqualiter subsidat. It fiet, ut solum adhuc suspensum tum suo pondere, tum pluviali pressu, quantum satis fuerit, æqualiter descendat, ac solidetur. Est etiam non nemo, qui coctilibus laterculis ad anussim lævigatis, & calce commissis aditum omnem bestioli, herbisque præcludat. Verumtamen tam præclusa structura gravibus patet incommodis: adeo enim ab imbribus ac gelicidiis lubrica erit, ut illic sine casu, aut prolapsione ingredi nemo possit. Adde, quod humore diuturno viridem situm immundamque illuviem dedit, & prope assiduam purgantis operam exigit. Quanquam quodcunque hortensis ambulacri solum, ne frequen-

quenter decidua pulvinorum humo herbescat, debet subinde converri. Unum hortis inutile habetur signinum pavementum, fractis tenuisque testis, & calce addita coagmentatum. Id enim brumali frigore congelatum minutatim dissilit. Complanatis jam semitis, si quod areolis includitur, ejus loci solum florum sationi habile sit, retineatur ac tenuiter succretum in pulvinulos cumuletur: sin minus; illo egesto, quod certis utile indiciiis mox describam, sufficiatur. Hæc hortorum arripdet architectura: quæ tamen absolutissima non erit, nisi ^{Seminarium.} seminarium adjunctum habeat, ubi generoso è semine spes hortensis gloriæ concipiatur, parvique hortorum Quirites educentur, donec, probata per probabilem florem indole, in floream Rempublicam admittantur, degeneres autem excludantur. Aprica loci positio, mollisque declivitas eadem atque hortensis esto, tum ut genitalis caloris abunde, tum ne collectæ per imbrem uliginis nimium sit. Areolas simplici artificio, directoque ordine quadratas, aut oblongas, necnon modicè latas facito; ut conseri utrinque, purgarique possint: easdem prædictis latercularum tutelis circumsépto: semitas ad binos palmos, ut prius docui, laxato: ejusmodi seminarium ab hortis hortensitantum sépto distinguo, pariterque circumdato. Quòd si ager angustior vix hortis mediocriter explicandis, nedum seminario adjungendo satis est: pars aliqua hor-

Domici-
lium.

hortorum extrema in seminarium abeat, (aut sine-
que hoc per loci angustias licet) fistilibus catinis
parabile seminarium figulus ministret. Ad ultimum
horti (nisi domini ædibus continentes sunt) con-
tiguum cultoris domicilium requirunt; quo tan-
quam aliqua specula diurni nocturnique insidiato-
res absterreantur.

Excubitor, & Cultor.

C A P V T IV.

Canis hor-
tensis.
Cic. pro Sest.
Rosc. Amer.
Plin. l. 10.
cap. 22.
Plutarch. in
problem.

VT sine militum vigiliis urbium claustra,
ita sine canum excubiis hortorum septa
insidiis patent. Cave, tuus excubitor ge-
nus & indolem ducat à somniculosis canibus, ar-
cem Capitolinam silentio prodentibus: de quibus
anseris vigilantiores lætica splendide instrata cir-
cundatæ anserinæ ex argento imaginis solemnī
pompa, primaque Cenforum cura publicè locati
ad ædem Jovis Tonantis perpetui cibatus gloria
defenso Capitolio triumpharunt. Adeo verò uni-
ca pœna inexpiabile, ubilatrandum est, taciturni-
tatis flagitium sapientissimis Quiritibus videba-
tur; ut multiplici, & singulis annis repetito sambu-
cei patibuli supplicio mutorum parentum filium
aliquem flebiliter ululantem paterni silentii perfidi-
æ cogerent oblatrare: atque infelicitè affixum
cir-

Plutarch.
De Fortuna
Romanorum.

circumferrent, anserum triumphantium spectabile trophæum. Ne canina tibi quoque carnificina pol-
luendæ, atque efferendæ sint assuetæ floribus ma-
nus: fideli, & ad levissimum quemque strepitum
solicito custodi crede floridos amores tuos. Intima
fides in extimis indiciis eminebit. Placet igitur ex-
cubitor canis (ut minutas præteream notas), usu vil-
laticus, aut pastoralis, ne Draconis Hesperidum fi-
deles excubiæ desiderentur: educatione placidus in
domesticos, implacabilis in externos, ne blanditijs
corrumpatur: toroso corpore robustus, ut cominus:
vasto latratu canorus, ut eminus: arduo statu minax,
ut utrinque terreat insidiantes: oculis sanguinea lu-
ce suffusis fulgurans, ut dentium fulmina portendat
audacibus: villo niger, ut luce clara terribilior furi-
bus conspiciatur, utque in tenebris nocti concolor
penitus invisum ad hostes accessum habeat. Hujus-
modi canem interdium captivum vinculis contineto,
ut noctu manumissus & libertus excubias agat
alacrior. Eidem excubitori mobile ac translatitium
tuguriolum crassis alibus è castanea contabulato:
in Austri teporem hieme, in Aquilonis frigus æsta-
te obvertito. Eo tamen in loco semper statuito,
unde tota hortensis planities, atque adeo quisquis
ingreditur excubitoris oculis subjiciatur. Sed fru-
stra hortis invigilant canes, si culturæ indormiant
homines. Colonus ergo fidem in primis, ac bene-
volentiam erga dominum colat, sine quibus horti
mali-

*Ejusdem tu-
guriolum.*

*Coloni per-
tes.
Cato c. 5.*

Colum. l. 11.
cap. 1.

Virg. Georgic.
lib. 1.
Colum. ibid.
Plin lib. 18.
cap. 24.
Liban. in
laud. Agri-
cult.

Tesseræ fur-
culaceæ,

Arundineæ,

Plumbeæ.

malignè florescunt. Ne sit ebriosus, aut ambulator; quia capite pedibusque vitiosa vertigine laborantibus diligentæ stabilitas vacillat: neque sit somnulosus, aut voluptarius; quia desidiosa molities laboriosæ hortorum pulchritudinis venefica est. Sit autem siderali scientia leviter imbutus; ut, quæ captanda culturæ tempestiva, quæque cavenda sint suspecta tempora in bona siderum luce prævideat. Sit floridæ rei sciens: ut scitè felices herbas excolat, infelices curiosè persequatur. Sit agrestium operum patiens: ut sereno die in hortensio sole aprius ferat, exherbet, emundet, suis munitiis floribus ipsis nitorem addat: per imbrem verò intra domesticum asylum umbraticus de floreis negotiis otiosè deliberet, arma rustica detergat, furculos indies præcidat, necnon variis numerorum crenis notet, quos deinde ad florum discrimina vel humi depangat, vel floralibus testis affigat. Licebit, si lubeat, in hunc usum resecta arundinea internodia laxioribus aliis internodiis operire; ut, quæ includentur, schedulæ notabilium florum nominibus inscriptæ ab humoris corruptela integræ conserventur. Quanquam ego eidem huic rei plumbeas lamellas numeris insignitas, senos septenosve transversos digitos longas, unum latas, digiti quadrantem crassas utilius adhibeo: quòd hæ, cum neque frangantur, neque putrescant, ut furculi, permolestè reficiendæ quotannis non sunt.

sunt. Sicco diutius cælo amica irrigatione impluat, Cap. 20. Rigandi tem-
pus. quemadmodum infra enodatiùs explicabo. Hosce
 autem vicarios imbres ir riget, dum sol vel occidit
 æstivus, vel imminet hibernus; ne affusus humor
 nunc fervore tabifico, nunc gelu mortifero cum
 sit vitam bibuli seminis extinguat. Prima luce
 arcolas circumeat: si quid res florea detrimenti
 passa sit, pervestiget: flores vel senio, vel imbre,
 vel turbine, vel quo alio casu caducos surculaceis
 paxillis, tanquam pedamentis, erectos adminicu-
 let: in iussu domini ne legat: ne iussus hinc inde sic de-
 metat; ut versicolor seges intacta atque illæsa vi-
 deatur: iis verò decerpendis abstineat, qui placent
 sive nobilitate ad semen, sive novitate ad gloriam.
 Matutina florum messis in primis tempestiva est,
 cum sub lucana illi blandientium siderum saliva
 guttatim perfusi omnino nectarei sunt: cum recen-
 tem ad solem expectecti roscidis lacrymulis lepidè
 lippiant: cum semihulco risu legi prægestiunt:
 cum egelido tepore suffiti odoratiorem animam
 expirant. Hanc minimè silvestrem, imò urba-
 nam, atque urbanitati cæduam florum silvam te-
 nui lino, aut lento vimine nunc teretes colligat in
 fasciculos, nunc textiles circinet in corollas; nunc
 etiam vinculo absolutam acervatim digerat in ca-
 lathiscis, efficiatque suavi miraculo, ut pensiles
 horti manibus & capitibus facile præferantur. Hic Sacræ ar-
boribus or-
nandæ.
 & colonum, & dominum mōnitos volo, ut qua
 præ-

Florum le-
gendorum
ratio.

Tempestivi-
tas.

Componen-
dorum peri-
tia.

præcociſ, quâ ſerotini floris crebris munuſculis ſacras ædes condecorent, gratiam aliquam munificentiffimò Deo relaturis; qui, ut omnium ſaluberriſis deliciis obuius eſſet, è concluſo intactæ Parentis hortulo exiſtens ſlos campi apparuit; cum in agro Bethlemio amantiffimè præproperus mēdia hieme vernavit: quique florea veris tempeſtate in ferali monte cruentus deſloruit; quia liliū fuit, ſed vulnificas inter ſpinas. Noxiarum quoque floribꝯ animantium perſequendarum optimus cultor artem percalleat, quam ego alio loco bipartitò ſuſeque tradam. Nocentiſſimas autem beſtiolas, limacem, & erucam hortis potiſſimum caveat. Ergo ſi pluvialis anni ſecunditas infelix cum floribus utranque ſlorum peſtem effuderit; intendentibus ſe tenebris ad furtivum pabulum egreſſas nocturnus ultor prælata face veſtiget, deprehenſas manu colligat, pede proterat. Si quas opaca noctis impunitas protexerit, ſuis ipſæ veſtigiiſ reduce luce ſe prodent. Et limax quidem glutinoſi corporiſ tractu inſulſè ſalivans pigram fugam ad letebram uſque ſequaci lentore inſcribit. Eruca verò depaſti floriſ reſiduum in ſummo ſolo relinquit, infra quod ad unius, alteriꝯve digiti craſſitudinem ſepulta vivit. Ibi terram digito, vel ſurculo leviter curioſeque ſcalpe, ne multa ſimul egeſta humuſ concolorem vermem involvat, & occulat. Quæriſ quid ſit, cur viliffimæ

Cap. 2. & 12.

simæ bestiolæ nobiles florum epulas tam avidè
 consecrantur? Veram causam seria fabula do-
 cto aperit involucri. Vos interim audite pigri
 cultores, audite impigri fures vestris æqua meri-<sup>Limacia, &
 Erucæ fa-
 bula.</sup>tis adumbrata ludicro sermone supplicia. Est in
 agro Hetrusco planities amœnissima, ubi quon-
 dam stetit ac viguit Semifontana Respublica.
 Hic florentissimos hortos Flora, suam scilicet ^{Floræ horti.}
 Regiam, natura simul atque arte elegantissi-
 mam architecturam conspirantibus, excitavit.
 Et possim ego totò naturæ, artisque molimine
 elaboratas delicias rudis, & inamœnus, atque,
 ut semel dicam, urbanus agricola exæquare
 dicendo? Imò verò possum, paucis quàm plu-
 ribus eloquentior ita si dixero: nusquam elegan-
 tius, nusquam decentius, quàm Floræ in hortis,
 velut in voluptuario theatro lepida florum natio
 pudica ludit Floralia. Liberale ostium omni-
 bus patet: sed, qua lege pateat, hisce incisum no-
 tis admonet.

Hic ver æsiduum melius, quàm carmina, flores

Inscribunt: oculis tu lege, non manibus.

Florentissima hæc Hetrusca Tempe BARBE-
 RINIS APIBUS felicius quàm Thessalica
 vulgaribus, nulla geminas utrinque confines ur-
 bes Florentiam, & Senas propagatæ amœnita-

D

tis

tis communicatione sic beant ; ut illa tum re,
 tum nomine floreat : hæ sicut agrorum, sic inge-
 niorum vere perpetuo nobilitentur. Sed, ne in
 patriæ iustissima commendatione nimis videar,
 unum è plurimis honoris causa nomino tum
 genere, tum hac utraque laude nobilissimum
 civem meum, Fabium Sergardium ; quippe qui
 cultissimæ indolis nitorem in hortis cultu sum-
 ptuque nitidissimis repræsentat. Suis Flora deli-
 ciis tuendis colendisque præfecerat Limacem
 quendam, hominem primò quidem vigilacem
 & laboriosum ; deinde verò (ut incuria diuturno
 gliscit ex famulatu) conniventem ac supinum.
 Igitur cultrice ignavia horti vernabant in urti-
 cas ; decoram sane somniculoso capiti coronam.
 Nec tamen sēges illa sine igne acerrimè urens
 excitavit ad cultum ; sed incitavit ad scelus. Fra-
 ter erat Limaci Bruchus, homo inter fures no-
 Æurnos felicissimus ; quippe qui raperet, & late-
 ret : noctu furacissimus Mercurius, interdiu fru-
 galissimus Marcus Curius. Floribus in primis
 delicatus iste scarabæus delectabatur, quorum
 exustam suavitatem in sordidum quæstum con-
 globabat : seu potius (ut ille cum fratre gloriaba-
 tur) ex dividendis infructuosis flosculis ingenio-
 so miraculo aureo fructus colligebat. Hortos
 autem non temerè, sed eruditè compilabat.
 Nam quos in cæteris eminentes, dominantisque
 nobi-

Fabius Ser-
 gardius.

Ex longo
 famulatu
 incuria.

nobilissimos flores de die vulturinis oculis præcerpserat, eosdem sublustri de nocte, Perianthrum spicas, Tarquinium papavera decutientes imitatus, demetebat: quin etiam, ne in superbam pulchritudinis tyrannidem regerminarent, radicitus extrahebat. Sed nusquam vigilantior, quàm Floræ in hortis expilandis indefessus runcator furacem operam suam collocavit: credo ut lentissimo fratri exherbandi viridarii laborem relevaret. Rem primò Limax fraterna scilicet indulgentia dissimulare: deinde etiam nec videre, nec scire posse; ut qui pro se, atque adeo pro insomni fratre dormiret. Adde, quòd in florum densissima silva latè sparsa deprehendi posse furta non putabat. Sensit tamen (quis enim sagacissimam fœminam falleret?) sensit, & ingemuit Flora in suorum verna juventute hortorum præfestinatum furtivo scelere calvitium. Itaque sæpè, at frustra fratrum par nocentissimum innocentibus verbis castigatos ita denique minitabunda præmonuit: Cave Limax, cave Bruche, ne Flora nova Circe mutet ora: ne vos puniat flos. Risere nequissimis suis ipsis alioqui flosculis suavioris Dominæ minas: quin inòdè perficte frontis Limax exprobrati sibi, fratrique facinoris neutrum esse conscium pernegavit. Tum Flora furore flammæ; oculis, voce, gestu fulminea; Agite, inquit, scelestissimi, qui minam,

Limax in
bestiolam
sui nominis.


Bruchus in
Brucam.

cem, ridetis, vindicem pertimescite: ac simul peregrino flore, quem fortè manu gestabat, utrumque percussit. O prodigiosam, gravissimæque noxæ parem in hortorum vastatores pœnam! Contacta noxiorum corpora in turpes bestiolas repentè decrescunt: utque maneant in recenti forma veteris culpæ indices notæ, Limaci manus pedesque recedunt, quibus, dum licuit, per inertiam uti noluit; oculi occuluntur, quos in somnum occluserat, cum fuerat excubandum: ad prætentandum cæcum iter & bacilli, & oculorum vicaria quadrigemina cornicula protenduntur, & ipsa ignavissima; quippe quæ levissimum ad incursum resiliunt: horum summa pars nigellò puncto, velut oculorum simulacro ac rudimento illuditur: totum tergus infuscatur, ut rustici hominis id fuisse intelligas: eadem remanet pigritia in lentissimo raptatu, totumque corpus tanquam ipso in otio laborans frigidum lentorem, hoc est, ignaviæ succum exodat, ac viam sordidè signat, ne quis turpe vestigium persequatur: ipsa durissimi capitis penetralis pervicacia durefcit in ossiculum, seu lapillum cum ad multa, tum præcipuè ad alieni obstinationem ingenii emolliendam medicatum. Unum in tanta membrorum mutatione Limacis nomen appositè retinet, qui limosam, inertemque indolem non mutavit. Similis ultio Bruchum vertit in

in crucam. Atque ut in illam degenerasse fu-
rem sentias; alacres ad furtum digiti in multipli-
ces pedes, prærepti flores in verticillores macu-
las transeunt, Adco verò depravatæ consuetudi-
nis tenax est hominum genus, ut etiã num mu-
tato corpore multati fratres ad corrupendos
hortos pristina aviditate ferantur. Et quanquam
per nocturnas umbras suis quærunt insidiis im-
punitatem: ea tamen irrogata est pertinaci vi-
tio inevitabilis pœna, ut suo ipsum se prodat in-
dicio. Limax ergo salivario ductu, cruca verò
semesa præda supernè relicta latibula common-
strant. Efficaci vindicis Floræ indignatione no-
centissimos homines ridiculas in bestiolas defor-
matis non sine risu demiratae sunt Floram de
more consecrantes Nymphæ quatuor, quæ sin-
gulas quadripartiti anni partes peculiari non
magis fructu, quàm flore discriminant, floreo-
que annui discrimine in unam veris æterni fa-
ciem colorant. Ipsæ hortensium odorum vagu-
læ prædatrices, decentium florum garrulæ adu-
latrices Auræ prodigioso spectaculo defixæ sus-
penderunt volatum, & sibilum. Unus tamen
Zephyri fraterculus, inter ventulos pusillus pu-
sio, libratris repentè pinnulis, intentoque tragi-
cum in prodigium digito ridibundus monitor
pauca hæc insufurravit. Si fabula tam severè anim-
advertit in hortenses reos: quam illi seriam

vindictam non pertimescant? Hæc habui quibus
& fures monerem, ut floribus abstineant; ne tur-
pius, quàm crucea, fustibus versicolores fiant: & co-
lonos hortarer, ut pari diligentia & fide hortos co-
lant; ne limacis instar nudi, ejeti, mendiculi par-
cissimè viderent succo suo.





Arma Hortensia.

CAPUT V.

Nequē miles, neque colonus inermis est: sua cuique arma sunt: illi bellica, huic pacifica: illa cruorem, hæc florem eliciunt. Hæc igitur, quamvis agrestia, magnificienda, & sedulo comparanda sunt. Breve scilicet bipalium unum, uncias novem longum, latum sex, probè acuminatum: ut areolarum angustis limitibus interjectum solum, cum res exigeret, citra lateritis munimenti injuriam expeditè fodiatur. Item palæduæ, quarum altera obtusior (sive eâ Palæ. quadrata, sive cuneata figura sit) usitata extrahendi, reponendique partes expleat: quadrangula altera, & in aciem desinens præacutam herbulas confertim copioseque in ambulationibus provenientes latè succidat. Gallicum è perpetuo ferro minimè Rastrum Gallicum. dentatum rastrum, sive hortensis radula una, feminarum percommode eradendis herbis hoc artificio fabrefacta. Lamina è ferro, ex quo falces constantur, palmum lata, quatuor digitos alta, supernè nonnihil crassa, decrefcente paulatim crassamento in aciem extenuata leviter incurvatur. Ligneum longitudine circiter bicubitali manubrium inditur in anulum ex lamella ferrea in semet flexili, decussatim divaricata, rastrique tergo affixa rotundatum, è me-

è medio summi rastri prominentem , modiceque resupinum. Hoc instrumento ita semita cultor exherbat. Correpto utraque manu manubrio , stans aciem herbido solo pressim applicitam trahit ad se , aversoque incessu recedens malas herbas succidit , ac sternit , & veluti fugiendo vincit. Nostrate autem pala rastrum hoc magis ex usu esse ipse usus ostendit. Illa enim non adeo leviter ad cætionem impelli potest , quin solo sæpè suffosso planitiem lædat : hoc innocenti tractu summam terræ cutem ita decerpit ; ut malis tantum herbulis , prominulisque saxulis corrasis , æquata semitarum glabreta æquiora & glabriora reddat. Illa præterea supino positu , motuque lentiolem navant operam : hoc prono penitusque in opus incumbente corpore quicquid inutiliter & nocenter eminet , corradit simul & convertit. Ubi verò satis congestis herbarum & sordium : sparsim relictis congesticiis cumulis , alia opera asportandis , suam adurget æquabilem rasuram. Idcirco planissimum esse oportet ita purgandum solum : alioqui enim minùs utiliter adhiberetur id rastrum , quod malè natas herbulas locis eminentibus succideret , subsidentibus tantum delamberet.

Trullæ

Trullæ præterea fabrorum parentur majusculæ ^{Trullæ fa-}
 duæ: altera exacutior, qua ambulacrorum herbulæ ^{brorum.}
 capturam vulsuramq; ipsa tenuitate fugientes ab-
 raduntur: hebetior altera, qua terra minus altè con-
 vertitur, quaque leviter ducta, reductaque compla-
 natur. Alia itidem trulla minuscula tum ad so-
 diendum in arcto, tum ad minimas radículas reso-
 diendas. Inter hortensia quoque utensilia numera- ^{Belgicum}
 tur ovato lanceæ ferro persimile ferreum instru- ^{deplantan-}
 mentum unum, duodecim aut paulò plures palmi ^{di instru-}
 Romani uncias longum: ubi medium maximè pa- ^{mentum.}
 tet, duas uncias cum semuncia latum; acumi-
 ne in semicirculum retuso, eodemque ad expe-
 ditam fossionem, quàm reliqua sit pars, tenuio-
 re: ligneo manubrio priorem in partem, ut in
 trulla fabrili, exporrecto: ad radices præsertim
 aridas subruta humo innocenter eruendas peru-
 tili Belgarum invento in primis accommodatum;
 ut meritò à deplantandi usu Gallicum nomen in-
 venerit. Cultellus unus perbrevis, crassaque lami- ^{Cultellus}
 na, mucrone retuso atque devexo, quo malas
 herbas adultiores, aut areis, aut semitis pertinaci-
 ter hærentes radicitus eruamus. Paxillus præferra- ^{Paxillus}
 tus unus, qui paria per intervalla adactus scro- ^{præferra-}
 biculos faciat floriferis bulbis unimmo labore col- ^{tus.}
 locandis. Vas irriguum unum sic ex ære cyprio for- ^{Vas irri-}
 mandum. Venter capax in depressiorem figuram ^{guum.}
 conglobetur: ansa versatilis annulato ex utraque
 me-

media parte labro inseratur : rostrum duplex pandum atque multiforum utrinque promineat ; quorum altero laxius , altero angustius perforatoque , prout usus exiget , humor floribus irrorabitur : oris autem patentissimi media tantum pateat pars , unde vas possit impleri : extrema utraque superinductæ laminæ obice obturetur , ne irrigationem declinatum cum innoxio stillicidio immodicam pluviam superfundat. Hæc etiam in hortensem supellectilem opus sunt , navia , sive alveus ligneus unus in scaphæ modum carinatus , intritæ cæmentisque in ædificio , terræ sordibusque

Navia.

Scope.

Peniculi.

Capsula purgamentorum. Vehes trifasilis.

Regula lignea. Arundines.

in horto transferendis accommodatus. Scopæ plures , quas ad everrendum sine scalptura , exposiendumque solum Reatinus præsertim ager idoneas mittit ex Indici milii geniculatis culmis , in paniculas molliter hispidas capillatis. Peniculi vel setacei , vel filiginei plures , munditias facituri summis laterculorum pulvinos circumstipantium oris , quas aut recens pastinatio pulvere , aut nimbosus imber luto resperferit. Ligneæ purgamentorum capsula manubriata una. Vehes item lignea una , bipes , unica rotula antica , geminique manubrio postico trifasilis ad maiorem terræ vim ultro citroque comportandam , sive etiam ad copiosa hortorum purgamenta exportanda. Regula lignea una , cuius æquabili tractu areolarum tumor coæquetur. Graciles arundines pluri-

rimæ, quæ tum ad caducorum adminicula,
 tum ad notabilium indicia florum, ut factio opus
 erit, concidantur. Tubi fictiles aliquot, latitu-
 dine palmares, paulo productiores longitudine,
 ut eas plantas circumscripant, quæ de ter-
 ra in terram translatæ, tantisper, dum coale-
 scant, subdiales debent quidem esse, non ta-
 men apricæ; ne insolatione exarescant. Testæ
 item florales aliquanto plures, quàm loci captus
 ornatufve postulat; ut, si fortè gelu pruini-
 que, seu quo alio casu earum aliqua diffiliat, sta-
 tim possit vicaria suffici. Sed, ne casibus, offen-
 sionibus, frigoribusve illæ fragiles sint, è laudatis-
 sima creta figulari, quæ videlicet exalbescat, si-
 ve ad flavum colorem inclinet, seu potius ex fla-
 vo virescat, fingantur valideque excoquantur.
 E rufa, sive leviter incocta argilla fictilia vasa
 in hortos ne admittantur: quòd ista nimis humen-
 tem cum semper humum conservent, concredi-
 tas radices plerunque vel corrumpunt, velema-
 ciant. Crassitudo requiritur minimùm pollica-
 ris, ne florum fibras penetrans sol, aut frigus
 exurat. Forma placet globosa, modicè humilis,
 ore patula, brevicollo leviter substricta, ventre
 turgida, pede lata. Humilitas enim nec longio-
 re per hiemem umbra officiet assitis floribus,
 nec prospectum impediet: capacitas verò largio-
 re gleba semen ipsum complexa ab æstu, bru-
 ma-

Tubi ficti-
les.Vasa flora-
lia.

Scabile.

Cistulæ.

Orbes viminei.

Cribra.

maque defendet ; ac præstabit , ut idem latè diffusis fibratis capillamentis in agnatam sobolem , in florulentam familiam felicissimè luxuriat. Item scabile parvum unum , satori , runcatorique inter opus sessuro percommodum , quaque versus palmare , sed in summo uncia minus latum ; totum contabulatum etiam in imo , ut quancunque premet semitarum partem , æquato pressu condenset , & coæquet ; ex uno tamen laterè semiapertum , ut capsulæ instar peniculum , trullam minusculam , sive quid aliud minutum utensile recondat. Cistulæ inæquales tres : prior minima instar pateræ plana , in præcocium penuria florum donaricas primitias oblatura : mediocris altera paulò laxior atque altior in uberiore proventu idonea : tertia denique reliquis capaciore in uberrimo usurpanda. Orbes viminei complures unâ cum struâtilibus florum donis subinde mittendi , ac subinde reparandi ; ut subitarios in usus habeantur in promptu. Cribra tria , quorum duo ex ære cyprio filiatim extenuato sic reticulata sint , ut primum plagis mediocriter raris grandiusculam & exceptitiam bulbis ; alterum minutis maculis prætenuem & secundariam radiculis terram incernat ; tertium verò per ejusdem æris laminam densissimis arctissimisque foraminibus distinctam tenuissimum & cribrarium pulvisculum transmittat , seminibus levissimè obruendis.

Item


Item laterna una contra nocturnas quæ hominum, Laterna.
 quæ bestiolatum insidias facem prælatura. Musci- Muscipula.
 pula una, vel plures pro murium hortos infestan-
 tium copia. Theca ferramentorum una, forficulis Theca fer-
 ramento-
 rum.
 & cultello instructa; illis, ut florentes cauliculi bel-
 lè attondeantur; isto, ut crenarum notæ in indici-
 bus taleis, vel arundinibus incidatur. Falcula Falcula.
 una, qua hortensium fruticum inutiles ramusculi
 amputentur. Serrula una, qua ramuli duriusculi Serrula.
 defecentur. Cos olearis ferramenti exacuendis una. Cos olea-
 ris.
 Lamellæ plumbeæ plurimæ, numerorum chara- Tesseræ.
 cteribus discriminatæ, consitis insigni flore vasis
 potissimum præfigendæ: aut certè pro plumbeis
 arundineæ vel furculaceæ tesseræ complusculæ,
 quales paulò antè descripsi. Præter hæc lini glo- Lineum fi-
 lam.
 mus, funiculus multiplex, ac diversi generis vimi- Funiculi.
 na in varios, frequentesque usus necessaria sunt. Re- Vimina.
 liquum jam est, ut innocenter eximendis transdu- Tubus fer-
 reus ad
 plantas
 transfe-
 rendas.
 cendisque cum hærente humo, dum adhuc efflo-
 rescunt, plantariis habile instrumentum præpare-
 mus. Lamina ferrea subtenuis ad lentam infragile-
 lenique duritiam temperata in tubum adapertilem
 rotundetur, cujus diameter in latitudinem pateat
 uncias circiter sex, decem & octo in longitudinem.
 Sed quæ tubus adapertilis est, altera laminæ ora tres
 itidem è ferro fibulas, paridiscretas intervallo,
 summam mediam imam exporrigat: quarum sin-
 gulas binis alterius oræ fibulis sic medias inferat, ut

E

fer-

ferreo radio stylove trajectis nexisque simul universis tubus in orbem concludatur. Habeat idem præter geminas utrinque ansulas, ad inoffensam tractationem lævi rotunditate tortiles, supraque summam oram eminentes, aut latiore in semet volumine convolutas. Ansulæ, fibulæque tubo ipsi clavulis affigantur. Denique os summum, ne deprimentes acie vulneret manus, in recurvum labellum hebetetur: & oris imi acies ad penetrandam commodius humum perbenè excutetur.

Huju-




E 2



ferreo radio stylove trajectis nexisque simul universis tubus in orbem concludatur. Habeat idem præter geminas utrinque ansulas, ad inoffensam tractationem lævi rotunditate tortiles, supraque summam oram eminentes, aut latiore in semet volumine convolutas. Ansulæ, fibulæque tubo ipsi clavulis affigantur. Denique os summum, ne deprimentes acie vulneret manus, in recurvum labellum hebetetur: & oris imi acies ad penetrandam commodius humum perbenè excutetur.

Huju-




E 2



Hujusce verò instrumenti usus hic esto. Deplantandæ plantæ folia floremque, si is existat, in rectum manipulum citra injuriam, citra pressuram molliter coacta medio tubo inserito: tubum ipsum, prehensis utraque manu ansulis, æquo nisu infra extrahendæ plantæ fibras, quantum assequi conjectura poteris, in terebre modum defigito: defixum extollito: in fossulath deponendæ plantæ destinatam & capacem, seu trulla tunc faciendam, seu potius hoc eodem ferreo tubo prius excavatam ipsum tubum demittito: radium eximito: solum dehiscensentemque tubum educito; qui plantam suis cum floribus, cumque compressa humo illæsam atque integram relinquet. Tum si quid distet, hospitale solum bellè applicato: ut pressius adhærescat, modicè irrigato. Aliud eodem usu gemellum, conformatione dispar deductum è Gallia instru- Imbrex fer-
reus extra-
ctorius. mentum, deplantandis, transferendusque vivis cespitibus accommodatum sic fiet. Ferrea lamina longitudinis circiter palmaris eatenus imbricatim incurvabitur, quoad quinque aut sex digitorum hiatu pateat. Acies tum infra, tum ex obliquo bene exacuetur. Manubrium figetur à tergo itidem ferreum, ab imbricato instrumento statim retrorso sinu falcatum, recto denique radio in ligneum capulum inserto tractabile. Hunc autem extractorium imbricem sic usurpabis. E gemino cespitis latere totum imprimes: aut dextera manu falcato

manubrio, sinistra verò ligneo capulo arrepto te-
rebrans eousque versabis, donec probè circunsc-
ctum exemptumque cespitem intra imbricatum
alveum reponas; &, quo destinaveris transducas.
Adco ferreo seculo ferraria floret ars: ut ipso cum
pigro solo, cui radicitus affixi sunt, flores doceat
huc illuc facili miraculo peregrinari.

Hocce



Hocce mutum instrumentum hortis rite colendis parare; hocce in proxima cellula, tanquam in ar-
Promprua-
rium,
Instrumentorum cu-
 mamentario, suis digestum locis custodire oportet. Id genus arma statim ab opere, quicquid pulveris
 fordisve contraxerint, detergo: ne rubigo, ne si-
 tus sine dente corrodant: utque præclaro labore
 defuncta nitidæ cessationis præmio splendent.
 Ferramenta usu nonnihil hebetata ad cotem exa-
 cuito: rubiginosa ad hortensem arenam & palæ-
 stram oleo inungito. Minutiora instrumenta assa-
 menti paxillis rastelli modo eminulis suspendito:
 ut oculis manibusque obvia ex inerti suspendio ad
 motum opusque faciliè reviviscant.

Terra Floralis.

C A P V T VI.

Monet me jam tempestivè canorum il-
 lud oraculum, *Non omnis fert omnia tel-*
lus, ut doceam, quamnam terram to-
 tius anni verna feracitas florum prole pulcherri-
 ma parentem faciat. Emmanuel Suertius Batavus
 in præfatione perbrevis, quam Florilegio suo, sive
Emmanue-
lis Suertii
terra facti-
 nudis florum imaginibus præscribit, justæ magni-
 tudinis fossam excavari jubet: in ea fossa fimum
 bubulum, vel tunfos quernos cortices, quibus usi
 futores fuerint, cum solo bono nigroque misce-
 ri;

Non ubi-
que utilis.

Suum cui-
que placet
solum.

Minimè ne-
cessarium.

ri; idque sæpius intra annum bipalio converti, ac fossione iterari: subnascentes præterea herbas identidem eximi. Ita præparari affirmat habile circumacto anno florere sationi solum. Verùm ego (nisi id genus terram Batavæ oræ temperies quærat) universis incommodam & periculosam hortis existimaverim: tum quòd sola versatio atque iteratio non potest unico annolxtamen adeo resolvere, ut in terram degeneret nullis reliquiis stercorosam, nec præpinguem, hoc est, bulbosis excipiendis radicibus temperatam: tum quòd è quernis præsertim corticibus levior atque imbecillior, quàm quæ à bulbis exigitur, humus factitia præparatur. Sunt qui singulas terras singulis seminum generibus maritent: atque hoc pingui solo, illud macro; hoc denso, illud raro; hoc sicco, illud humido committant. Sunt, qui Hyacinthos cinere, Tulipasabulo terræ permistis obruant, fragileisque Anemonarum radículas putribus arborum frondibus truncisque in factitiam & mollissimam humum resolutis ita in florem erupturas tumulent: ut, quod olim tumultatis antiquitas voce precabatur, ipsi re melius præstent; illud nimirum, *Sit tibi terra levis*. Equidem multiplicem istum; curiosumque terræ delectum sicut non improbo, sic ejusdem adhibendi author sum nemini: cum paratiorem, utilioremque glebam indagator optimus, recentior usus invenit.

nerit. Terrenum igitur sativo flori utile nec pin- Quænam
terra flori-
bus aptissi-
ma.
gue sit, nec macrum, sed ex utroque æquata me-
diocritate temperatum: quia nimio succo & pin-
guitudine fermentata radix, ut in agnatas radículas
subterranea ingloriaque fœcunditate sobolescit, sic
sterilescit ad flores, laudatissimum alioquiscapum,
& publica luce dignissimum, quâ numerofo, quâ
grandi flore coronatum enixura. Genitales enim
obrutæ radicis partes pinguiſſimi ſoli tepidiore
complexu illectæ, alimentoque largiore turgescen-
tes vim fermè omnem in primum adnaſcentium
tuberculorum puerperium effundunt, ad ultimum
ſpecioſi floris fœtum effœtæ. Cæterum ſiccaneus
etiam & macer ſabulo, ut qui nutritio humore de-
ſtituitur, neque algæ matricem plantam, aut fœ-
cundare; neque teneram floream prolem educere,
aut lactare poteſt. Quamobrem una ſuperest flo-
riſeris apta ſeminibus excipiendis mediocris hu-
mus, quæ parciore ſucco præmaturè luxuriantem
fœturam coërcet, donec ſeſe totam efferat in den-
ſiſſimi floris tempeſtivam fœcunditatem. At cur Theophrast.
de cauſ.
plant. l. 2.
cap. 6.
tam fertilis eſt, cur floribus planè aurea terræ me-
diocritas? quia videlicet laxitatem, ac ſpiſſitudi-
nem; ſiccitatem, atque humorem; leuitatem, gra-
vitatemque, adverſantes invicem qualitates media
temperatiōe ita continet fœderatas: ut ſuperiores
terræ partes inferioribus modicè reſpondeant. Id
autem ad aëris, rerum omnium generationem
calo-

*Ibid.*Ejusdem
indicia.

Colum. lib. 2.

cap. 2.

Plin. l. 17.

c. 5.

Pallad. lib. 1.

tit. 5.

l. 3. de Orat.

l. 7. cap. 5.

calore, atque humore quàm maximè juvantis habitudine propius videtur accedere. Ejusmodi ergo solum à Theophrasto summopere commendatum satis solutum erit, ut & radicibus facilem præbeat meatum, & imbribus, ac radiis altè penetretur: leve, ne satus opprimat: humectum, ut enutriat. Quoniam verò ut hominum, sic terrarum arcana indoles in apertis eminet indiciis: ideo florum fertile solum, ne quid inepto delectu peccemus, sensilibus se prodit argumentis. Est igitur aspectu pullum: tactu molle ac leve, si aridum sit: sin aqua conspersum subigatur, modicè glutinosum: gustatu quoque subdulce, si ex ea parte agri, quæ maximè displicet, glebam in fictili vase dulci aqua madefactam, ac more sæculenti vini diligenter colatam indicio saporis explores: olfactu denique suave. Et suavis quidem odor, cum principum qualitatium ad optimam corporis constitutionem conspirantium veluti amicus quidam & socialis halitus sit, felicissimam in solo temperiem indicabit. Quare juxta sagaci, atque eloquenti M. Tullio gratiora videbantur unguenta, quæ terram, quàm quæ crocum saperent. Oraculum geminat altera sapientiæ cortina, alter Plinius, qui de terra odorem optimè judicare affirmat: quærenti verò quam in terra odor iste sit, cui comparari suavitas nulla possit, talem ferè esse subjicit, cæsa vetere silva in novalibus. Ut mirandum nemi-

mini sit, flores terræ filios non paucos odoratos esse: matrem enim olent. At verò languida dulcitus graciliorem pinguitudinem sapit. Etenim, cum pinguis calore humorem decoquente exuberent, subdulce solum subpingue ac temperatum esse necesse est. Ad hæc tractabilem molitiem humoris mediocritas, caloris temperatura leve pondus, pinguedinis modus modicum aquæ aspersum lentorem in terris efficit. Denique cum jejunum solum frigore palleat, saginatum calore nigrescat; pullus color percocta nigredine dilutior caloris cum terrestri siccitate parcum humorem penitus permiscens addensantisque temperiem significat, simulque medium quandam inter crassum tenuemque soli habitum commonstrat. Quòd si malumus optimam floreque satiore operi terram unico miræ multiplicisque significationis vocabulo describere, tenerrimam cum Catone appellabimus. Hac enim una appellatione, quicquid in illa exigi optarique potest; Plinio interprete, continetur. Hæc una temperata ferax, mollis ad cultum, nec madida, nec sitiens demonstratur. Sic præterea soli mediocritatem ex veteri disciplina explorabis. Scrobem effodito: egestam humum regerito, & recondito: Si superaverit, pinguis erit: ut quæ aërio caloris, humorisque tanquam fermento turgescit. Si subsederit, macra: quòd frigoris ac siccitatis terre-

De re rustica,
c. 151.

Lib. 17. c. 5.

Colum. l. 2.

Paull. lib. 1.

lib. 5.

*Cognant.
Fegnat.
lib. 12. c. 3.*

*Olitoria
optima.*

terreno pondere deprimitur. Si æquata conve-
nerit, mediocris: extremis qualitatibus ut tempe-
ratione, sic loco in medium coëuntibus. Expres-
sum quoque parentis exemplum filii sunt. Si plan-
tæ decolores exilesque aboriantur, macram: si vi-
ridissimæ solitoque foliosiores luxurient, præpin-
guem: si modicè carnosæ sessilesque assurgant,
attemperatam habilemque floribus humum signi-
ficant. Sic denique varium terræ ingenium aqua
exploratè dignosces. Liquore illimi bene lota
humus simultum solvatur in limum: limosa pin-
guedo valde hortis accommodatam declarabit.
Si plus aquosi madoris, quàm limi habeat: super-
fluous humor corruptioni opportunam, atque adeo
infœcundam arguet. Si ceræ instar glutinosa tra-
ctantem pertinaciter remoretur: argillosa tenaci-
tas ab altrice seminum vi attrahi contumax fun-
dendis floribus avaram, ipsa quoque pressior ad-
hæsis semina strangulans nocentissimam indica-
bit. Rimosam verò in primis fugies: ne radices
adobertas sol admissus exurat. Quòd si citra su-
perspersionem certo auspicio sive tripudio augura-
lem conjecturam facere placet: illa temperatæ
ubertatis, facilisque culturæ habenda est humus,
quam recens effossam volucres quærunt, rostroque
scalpuriunt: pinguis enim tellus vermiculorum
pabulo invitatur. Ideo terræ genusex olitoriis hor-
tis accersendum advehendumque esse ajo: quòd
licet

licet annua stercore ratio saginaverit ; diuturna tamen
 tum insolatio, tum irrigatio macerarunt, nutrita
 quoque olera non nihil emunxerunt. In hoc autem
 olitoria terre unico genere permulta est inveni-
 re discrimina, & vultu qualitatuum gradus : ut pro
 seminum radicumque varietate variam ex hac fo-
 dina terram petere, qui velit, possit. Hinc enim
 alia pinguior, alia mactior, alia solutior, alia spif-
 sior, alia siccior, humectior alia, alia levior,
 alia gravior in florum usus effoditur. Liceat hic
 mihi per delicatas atque emunctas lectorum na-
 res de fimo terram laticificante paucis agere. Res
 enim alioqui olida inter odoratos hortos, ut spero,
 graviter non olebit. Non est animus (quod ta-
 men Theophrastus, M. Cato, M. Varro, Colum-
 mella, Constantinus Cæsar Pogonatus, aliique
 gravissimi fecere scriptores) in fimetis varia ge-
 nera gradusque præstantiæ contemplando per diu
 immorari : sed, quæ fœcundis è sordibus magis
 proderunt, cursim lustrare dicendo. Igitur de
 optimo stercore genere nihil habeo definitum
 ac certum, quod afferam : quia neque prisca scrip-
 toribus, neque recentibus colonis de ejusdem
 primatu inter se convenit. Nam quod hominum
 est ab antiquissimis cultoribus, Theophrasto teste,
 utpote acerrimum, præferebatur. Cassius autem
 apud Varronem, Quintilii apud Constantinum
 Cæsarem Pogonatum, nec non Columella colum-
 bino

Finus hor-
 tenſus.

De hist.
 plant. lib. 2.
 c. 8.
 De re rustic.
 l. 1. c. 38.
 De agricult.
 l. 2. c. 19.
 De re rustic.
 l. 2. c. 15.

De re rustica
cap. 36.

*l. 2. c. 15. &
l. 21. c. 3.*

bino tribuunt principatum : quia præservidum est, humumque fermentat. Quare columbinum fimum in praturn, vel in hortum, vel in segetem spargi oportere rusticæ rei urbanum oraculum pronuntiavit Cato. At verò idem M. Varro ex animi sui sententia præstare asseverat merularum, ac turdorum fimum ex aviariis non solum ad uber agrorum, verum etiam ad boum, suumque faginam. Latius enim vero, quàm agris, ac belluis, consuluit colonis genialis iste doctor, cum turdos, ac merulas in hortensis culturæ consortium congregavit. Et plures (opinor) & pinguiores hac ætate colonos haberemus, si turdis, ac merulis horti pinguescerent. Primus quoque asino honos à Columella in hortis lætificandis perhibetur : quoniam id animal lentissimè mandit, ideoque faciliùs concoquit, ac bene confectum, minimumque herbarum creantem fimum reddit. Non pauci sunt, qui equinum magnificant : tum quòd bono conficiatur pabulo, tum quòd vulgò atque utiliter ut levissimus usurpetur. Alii bubulo favent : quia mitiore terram colore fœcundans posita semina non exurit. Bubalinum alii celebrant : quia nigram ac levem terram, nempe sationi commodam facit. Nullum denique sterquilinium est, quod suum non habeat patronum ac vindicem. Usque adeo sapientissimi viri non de lana caprina, sed viliore de re digladiantur. Me quidem
in

in tam lutulenta palæstra pugnare non delectat. Unum ajo, spectandum esse in stercoratione cuiusque soli habitum: eum cuique terræ finum præstabilem habendum esse, qui quanque valde fœcundet, hoc est, apta permissione calefaciat, & resolvat, succosiorum quoque, laxioremque reddat, ut altricem facilius aquam exorbeat: ita pro multiplici terrarum varietate varia lætaminis genera posse optima judicari. Quin etiam cum antiquis, novisque cultoribus censeo, si quocumque fimo deficiantur horti, congestas frondes, ac stipulas, atque ipsa, quæ macerari possint, vel terræ vel aquæ purgamenta fimi vicem aliquatenus exhibitura. Cæterum ad hortorum ubertatem ex veteri instituto duplex fiet, aut certè unum bifariam divisum sterquilinum; ut sit, ubi recens fimo macerandus reponatur, & unde vetus janus putris in hortos exportetur. Idem ab hortenſi conſepto modicè aberit; ut sit floribus fertili pinguedine juvandis proximum, à floreis odoribus gravi lædendis halitu satis remotum. Extructum pavitumque solum habebit, ne transmittat humorem, quo fimi vires continentur, & interjecta stramentis aut paleis spinarum, vel graminum semina herbidos hortos cæteroqui redditura intereunt. Ad hæc vel opaco & secluso situ, vel superpositis virgæis cratibus à vento, & sole vindicabitur; ne succum, quem terra quærit, ille exiccet, hic exugat.

F

Itaque

Sterquilinum duplex.

Cato de re rustica, c. 29.

Varro de re rustica, lib. 1.

c. 13. & 38.

Colum. lib. 1.

cap. 6.

L. 2 c. 5. l. 11.

cap. 2.

Pallad. lib. 1.

lib. 33.

Perfecti fi-
mi ætas.

Agricult.
l. 2. cap. 19.

Spargendi
tempestivi-
tas.

Terra ster-
corosa flo-
ribus ca-
venda.

Itaque, si possis, ut eò aqua influat eo nomine facies. Nova præterea per æstivos menses luna non secus ac si repastines, fimum rastro aut bipalio permiscebis, & comminues, ut is æqualiter computrescat. Recentissimo abstinebis: quia bona semina perurit, & malas herbas progenerat. Anno requietum, jamque flaccidum, si cum ple-
risque idoneis authoribus sentias, robustioribus plantis adhibebis: quia vires adhuc solidas habet, ut hortensem adjuvet sæcunditatem. At verò, si Pogonatum Cæsarem audias, fimum anniculum cavebis, quem ille non inutilem modò, sed multis etiam nominibus noxium, atque eo præcipuè censet, quòd innumerabiles bestiolas & serpentes creat. Verùm, & si vetustioreminùs prodesse veteres existimarunt, idem tamen Pogonatus, atque adeo diuturna experientia edocuit, trimum, aut etiam quadrimum tenerioribus præsertim floribus tutiùs admoveri: longinquo enim tempore, quicquid sætidum erat, expiravit; si quid durum flaccuit. Quocunque tempore lætamine lætificandi fuerint horti, curabis ut aspirante favonio, lunaque silente sive decrescante, ac sicca fiat: hac enim observatione humus minimè herbescens fertiliùs efflorescat. Illud quoque moneo sedulò cavendum, ne, nondum attenuato absumptoque fimo, terra floribus observanda stercorosa sit: quia recentis fimi tabificus æstus at-
tactu-

tactusque depositos bulbos adureret, aut putrefaceret. Scio esse nonneminem, qui duos infra palmos caballinum fimum substernat, cujus opportuno habitu bulbosæ radices superinjecto in solo positæ ad præcocem florum partum incalescant. Adeo ab in-
 suavi suffimento vernâ suavitas properatur. Verum <sup>Substratus ac super-
 fus fimus alicubi su-
 pervaca-
 neus.</sup> ego in hoc nostratis mundi tepore supervacaneam censeo stercorariam suffitionem istam : eam salubrius usurpent frigidiore, ac præsertim aquilonares horti, ne materna intra terræ viscera florum matrices penetrabili frigore perurantur. Quin etiam (quo minimè præsidio indiget Româ quâ temperies, quâ fecunditas) gelidæ regionis cultrix industria per summum solum sparso calidæ efficacitatis fimo noxiæ gelicidia vel omnino defendit, vel quadante-
 nus mitigat, vel faciliè regelat. Huc alterum adde non contemnendum emolumentum, quòd, intra terræ rimulas cum pluviis aquis percolata fertilis fimi pinguedine, annuo partu fatigata hortensia culta non mediocriter refoventur. Quanquam id fo-
 menti mense Martio, cùm longiores dies recalescunt, providi cultores amoveant; ne vitiet inferves-
 scens obrutas radices. Ut autem assiduo diuturnoq; partu exhausta tellus ad floridam fertilitatem juvenescat; sexto minimùm quoque anno, veteri eme-
<sup>Quoto an-
 no mutan-
 da terra.</sup> ritæque unius, alteri usve palmi humo egesta, atque, ut iterata stercoratione pinguescat, ad bilerum seminarium reiecta, junior, & succosior ex olitorio agro,

ut paulò priùs dixi, congestitia substituat: parentis enim terræ jam effœtæ anilitas emaciatam parit, ac degenerat floream posteritatem. Sed quoniam laxiores horti plus exigunt operæ ac laboris; unius anni difficile ac permolestum negotium sic est in plures tribuendum, ut hortorum aliqua singulis annis pars recenti humo renovelletur. Prædicta olerum altrix humus non bulbis modò, atque anemonarum radicibus; sed caryophyllis etiam, rosisque le&issimis, necnon arbusculis, fruticibusque floriferis, minutis denique seminibus commoda est: dum tamen hiscè postremis, ut in loco mox dicam, tenuissima incernatur. Monet igitur calidissimus magister, usus, una oleribus prius consita tellure omnia florum genera, tanquam olerecæ ubertatis decus & præmium, felicissimè generari. Nam fama est, sive fabula; gemellæ enim sunt, ac simili sæpe vultu fallunt: fama, inquam, sic fabulatur, paucos ante annos, cum, ferreo abrogato, florem seculum suo Flora de nomine condere, opiparoque convivio condire veller, ad florales hortos prisca fabulæ numerosam sobolem, Deos omnes per blandissimum apparitorem Zephyrum accitos convenisse. Eminent in hortensi meditullio spatiosa porticus & pervia, Apolline Dædalum agente ac facili superante magnificentius, quàm Trojani muri, laboritidem Apollineus, excitata. Etenim aureis columnis ordine duplici surgen-

Telluris
gerorantis
fabula.

Porticus
convivalis.

surgentibus & validè fulcitur, & nitidè corona-
 tur. Corinthiæ venustatis argentea capitella fle-
 xibili acantho, ut hortensem decet architec-
 turam, foliosa sunt. Argenteæ pariter bases, prin-
 cipum hortorum gemmea descriptione, fidelique
 mendacio tessellatæ pretiosè vernant. Longum
 esset imitamenta singula breviter enumerare. Ut
 è compluribus pauca, quæ succurrunt, à remo-
 tissimis regionibus ducta narratione recenscam:
 illic visitur barbarica opulentia conditi Byzantii
 viridarii ornatissimum simulacrum, non Otho-
 manica modò barbarie ad florum cultionem, sed
 ipsa etiam ferme indomabili gemmea duritie
 ad eorundem imitationem mansuescente. Illic
 gemmarum omnium discolori fulgore florentes
 Hispanorum Regum inter odoratas auras à regiis
 curis respirantium Toletanæ deliciae simulantur,
 quas non minùs aurifer vero fictus Tagus, quippe
 qui solido constat ex auro, congruenter irriguus
 interfluit: gemmeis enim hortis decora est au-
 rea irrigatio. Illic Brabantinorum Ducum ma-
 gnificentissimis adibus adjuncta Elysia Bruxellæ
 consecrata, magnam urbis pulcherrimæ partem
 continenti muro complexa minutissimæ commis-
 suræ splendida brevitudo ita exæquat, ac simulat;
 ut ficta veris, & parva magnis composita non in-
 videant. Gallorum illic Regum Parisienses hor-
 ti cæteris quidem floribus pretiosè gemmascunt;

Horti By-
 zantii
 Othoma-
 norum.

Toletani
 Regum Hi-
 spanorum.

Bruxellen-
 ses Braban-
 tinorum
 Ducum.

Parisienses
 Gallorum
 Regum.

sed regalibus Liliis illustrius aurescunt. Proximus his crystallini Sequana liquoris licet ex gemma rigeat, ad obsequium tamen artificii fraude emollitus Regios flores allambere & colere videtur.

Viennense
Cæsarum.

Nec minus felici fallacia Viennense amplissimæ amœnitatis viridarium, Austriacorum Cæsarum gloriæ coronariis & floribus & laureis fecundissimum in gemmei contrahitur imitamenti miraculum. Ad hæc Eystadiensis veris læta species

Eystadien-
sis.

Salisbur-
gensis.

inter Germaniæ floret nives. Neque hic desiderantur Salisburgenses universa hortensiamœnitate inclytæ deliciæ, in Germaniæ quidem solo amplitudine mirabiles, sed in gemmeo simulacro ingeniosa contractione mirabiliores: ut jam non vetus malorum, sed recens bonorum Ilias suspiciatur. Hic etiam totius anni verna formositas non modò multiplicis & fontis & lacus, verum etiam allabentis Juvavii fluminis liquido limpidoque speculo decentius, quàm fontano liquore fabulosa Narcissi forma, geminatur. Hic immistæ silvulis feræ, sine feritate veris simillimæ, innocentibus mutuoque venatu, & unis capiuntur oculis, & oculos capiunt. Hic effossus in theatrum saxeus mons veteris magnificentiæ montes edomantis spectaculum integrat sumptuosum. Hic denique opulenti splendida majestas ædificii, ne perstringat aciem contemplantium, per circumfusa vireta gratior interlucet. Tu quoque Mantuana Gon-

Mantuani
Gonzaga-
rum Du-
cum.

zaga-

zagarum , *Parmensis Farnesiorum Ducum scena*
 hortensis, viridissimis corusca silvulis, liquidissi- *Parmensis Farnesio-*
 mis uda fonticulis , nitidissimis expicta flosculis ,
 quâ Mincii , quâ *Parmæ* fluviali ambitu munita
 in discoloribus gemmulis compendiaro artificio
 refulges : quòd hortensium omnium vasto com-
 plexu deliciarum pretiosa voluptas nisi gemmeum
 in exemplar aptè contrahi non potuit. Illic etiam
 ex aridis horridisque *Apennini aspretis floriferas*
 undas evolvens *Arnus*, & gemmeus & veri ge-
 mellus, priùs *Hetrusco Duci* cumulata felicitate
 Magno , quàm *Regi aquarum Oceano* prodigè
 tributarius *Florentia Tempe* in hortensem amœ- *Florentin-*
 nitatem adeo fœcundat ; ut amœnissimæ urbis *Medicor-*
 ipsum quoque fluvio quondam aspersum nomen fe- *rum.*
 licissimè jam florere faciat. In uno *Neapolitanas*
 delicias cumulante *Casertani Principis Hymetto* *Casertani*
 fideliter effingendo vix habuit ars ab universis *Principis*
 gemmis tam variam & versicolorem lucem; ut *Aquavivæ.*
 vernos colores naturæ lectissimorum florum gem-
 mantem speciem explicantis æquaret. Cæterum
 nihil ibi ornatus, quàm *Romana floralia*, quæ *Romani.*
 quamvis gemmato imitamento adumbrata claris-
 sima sunt, quamvis in arctum coacta magnitudi-
 nem habent maximæ hominum admirationi pa-
 rem: sive ad portam *Næviam* & *Neronianos* ar-
 cus aquam *Claudiam* in *Palatium* olim derivan-
 tes *Cornelia* te mirabundum hospitem detineant, *Card. Co-*
 nili.

hoc plaſu proſequenda, Venetum florem etiam
 Mathazio- Romanas ad aquas perennare. Sive Matthæia de-
 rum. lectent; ubi Cœlitus mons amœnitate pene dix-
 erim cœleſti verna: ubi regia cuſtos, gentilis Aquila,
 fabuloſo Jovis contempto famulatu, in florea
 Peretto- ſpecula nidulatur. Sive Perettina te ſuſtollant ad
 rum. Viminalem, non tam arduo ſitu, quàm hortenſi
 gloria Montem pulcherrimè Altum: ubi familiaris
 Leo à Dominis & domicilio mite ingenium trahit,
 dum non in ſpelais exulat, ſed pro floribus exu-
 bat. Sive pia invitent tum Pacis templo decenter
 Card. Pii. appoſita, quòd pacifera ridet viriditate: tum
 cruentis olim ſpectaculis nobili Amphiteatro in-
 genioſè oppoſita, quod gemmea florum purpura
 Farnēſio- innocentiffimè cruentantur. Sive Farnēſiana con-
 rum. ſideres ad flavi Tyberis liquidiffimum aurum ap-
 poſitè ſita: quia cœlo concolor Farnēſiorum flos
 Mediceo- aureo debet humore nutriri. Sive in veteri Hor-
 rum. torum colle Medicea oculos alliciant; quòd in
 ipſis priſtina omnis ejus loci illecebra reſlore-
 Ludoviſio- ſcat. Sive proxima tum Ludoviſia, tum Bur-
 rum, ghēſia contemplere: illa domeſticorum teſſifi-
 Burghēſio- catione inſignium purpura auroque florentiffima:
 rum. hæc ampliſſimi muri ambitu delicias amplexa
 univerſas, pretioſiſquē Heſperidum hortis mul-
 to attentius cuſtodita, quòd vigili Draconi per-
 ſpicacem Aquilam addiderunt. Sive in Quirina-
 Aldobran- li faſtigio conſpicua ſuſpicias tum Aldobrandi-
 dinorum. na,

na, quibus eò benigniùs, quò propius affulgent sidera: tum Bentivola, ubi geminarum bis auspici-
 catum insigne Aquilarum amœnitatis regie mi-
 raculum singulare præmonstrat: tum Bárberina, Bentivolo-
rum.
Barberino-
rum. ubi tanquam Romana in Hybla sub Apum ima-
 gine suavitas Urbana mellificat. Verum ut in
 eodem Quirinàli, & Vaticano colle, ornatu maje-
 statis plenissimo gravissimæ provinciæ curis sub-
 levandis Pontificii eminent horti; ita imitatri-
 bus augustiùs enitent in gemmis. Quidni enim Pontifi-
cum. coagmentatæ gemmæ, tanquam famulæ stellæ, à
 Romano sole cum luce majestatem trahant? Il-
 lic præterea splendida specie, ut alibi re ipsa,
 cum formosissima Urbe certant proximæ ac sub-
 urbanæ deliciæ, quæ in Faliscis Balneariam, & Horti Bal-
neariæ.
Horti Ca-
prarolæ.
Tusculani Ciminiam Caprarolæ Villam purpurea Condi-
 torum gloria illustrent: quæque in Latio Tuscu-
 lum ac Tibur exornant, quarum illæ ambitu non Principum
plurimo.
rum Tiber-
tes effen-
sum. amplissimo plurimorum Principum voluptati pa-
 res in patritiæ nobilitatis coloniam transierunt:
 hæc verò amœnissimo, quâ situ, quâ opere sis emi-
 nent, ut Romanæ majestatis olim Tibure rusti-
 cantis veteres moles non sua ipsæ magis multi-
 plici ruina, quàm una Estensi magnificentia
 obruantur. Ipse Anio pulcherrimæ structuræ ad-
 mirabilitate suspensus, sui que ad Romana miracula
 cursus frequenter oblitus totum præcipitantis un-
 dæ diluvium ad hortense diverticulum innocenter decli-

Cisternani
Caetani
Ducis

declinat, tantusque tamque vetustus fluvius in sub-
sultim ludibundos fonticulos & siphunculos obse-
quentissimè repuerascit. Novissima floret etiam in
gemmis Francisci Caetani Sermonetæ Ducis volu-
ptas nuper condita & consita propter oppidum,
quod amico floribus Cisternæ nomine hortos pul-
cherrimos exigebat. Hæc circumstantium columnarum aurea forma: hic argenteus, & gemmeus ornat-
us. Testudo sapphirina, cœloque concolor, seu po-
tius gemmeum cœlum vitilium herbularum ambi-
tiosos ramulos diffundentium textili è scetilibus
gemmis topiario ita convestitur atque opacatur,
ut clariùs fulgeat. In pavimento denique smaragdi-
no, herbida luce florido, discoloribus lapillis mul-
tiformes in areolas nitidè variato calcantur quidem
opes opusque nobilissimum, at non philosophico
Cratetis contemptu: manus enim pedibus invi-
dent contactus diurni felicitatem. Hanc ego
amœnissimi horti mediam porticum pulcherri-
mam; si verbis audere tantum liceat, quantum
rei dignitas vocabulis major postulat; appellare
non timeam florei maris insulam fortunatam.
Postquam hic cœlestes convivæ super instrata pur-
pura discubuere, inusitata epularum miracula in
auream mensam inferuntur: singuli enim missus
florei sunt, in florum genera discriminati. Quare
mirari primò Deorum chorus, & alius alium cir-
cumspectare, quid ageret: deinde jejunum in ri-
sum

Dupes flo-
rez.

Deorum al-
lucinatio.

sum ora diducere, quòd in illa florea lautitia oculis tantum naribusque sibi epulandum esse existimaret. Tum Flora corridentibus, seseque lepido astu delusos opinantibus argutè subridens, Experiamur, *inquit*, an etiam palato sapiant flores mei: rosamque aurea de lance summis digitis præcerptam, pulchriorisque in rosetum oris insertam scitulo pressu morficatim præflorans addit: Papæ! dum rosa hæc flos nectaris est, & flos ambrosiæ; præstat apem esse, præstat sugere, quàm olfacere. Quas verò dapes sibi magis decoras Flora, quàm flores vobis apponeret? Tum enimvero sensere Cœlites omnes in terris quoque ambrosiam esse Cœlitibus ipsis expetendam, cujus cœlestis suavitas epulari bonoque dolo terrenam formam subitura non potuit suavioris formositatis epulas, nisi flores, præsentare. Quis jam dicendo explicet ad agnitas peregrinas epulas Epularium aviditatem? Quis à gustu eminentem in omnium vultu, atque adeo in festivissimis acclamationibus voluptatem? Illa omnium erat vox Deorum una: Si tam suaviter florerent horti; Deos omnes, acclinata maiestate, semper in flosculis colendis rusticaturos. Hic ad hilaritatem erugato regio supercilio Juppiter; Cur, *inquit*, edulium deciliarum alma parens Tellus pulcherrimos floreats sætus artificiosis hisce deteriores, utpote aut fatuo sapore non appetendos, aut venenato succo fugiendos paris? Responso aliquan-

quantisper expectato, nec accepto, Tellurem Juppiter inter confertam convivarum multitudinem oculis diu quæsit, nec inventam ut abesse cognovit, Et abest, ait, in florei seculi natalitiis magna mater florum? Tum Flora, demiror equidem, *inquit*, non interesse disertè vocatam. Quam fortasse nec dum potuit: sua enim mole prægravis lentè festinat. Sed jam ego lentissimam gravitatem istam Archimede facilius efficaci machina incitabo. Ministrabant regali facie puellæ centum, Auræ leves agilesque, atque inter seduli ministerii laboriosos excursus recursumque odoratæ animæ tenera reciprocatione sine flabello flabelliferæ genialem convivii calorem ventilabant. Ex his natu minimam, ore argutulam, vultu roseam, crine auream, lacteoli corporis candidum jubar linea nebula castè umbrantem, pubescentibus per glabellos humeros versicoloribus pinnis volatilem, extimis tenellis plumulis tremula palpitatione lascivientibus ipso in otio inquietam Flora sic alloquitur: Age mea festivitas, mea pèrnicitas, mea motacilla, Aurilla, Tellurem Deam tardigradam, ubiubi gentium erit, investigatam incitatamque tecum huc quàm ocissimè siste. Vix dum imperarat Flora, cum imperata ferè jam fecerat Aurilla. Vagulo enim volatu immensa terrarum spatia emensa jam erat: nec tamen in terris Tellurem inveniebat. Quacunque roseidulas alas concutiebat, sudum

Tellus absens accitetur.

sudum ver impluebat: quacunque halantem hali-
tum anhelabat, extemporalem amœnitatem inha-
labat. Desperaverat posse præterea inveniri per
amœnissimos omnes quæsitam hortos: cum, ubi
minimè rebatur, tandem reperit. In abdito igno-
bilique hortulo, variis oleribus liratis positis ordi-
natim viridicatio Matronam prospicit cruda viri-
dique anilitate melius, quàm purpurisso; annosum
os fucantem interpolantemque; obesissimam eam
quidem, at sedentario labore operosam: phrygio
enim opere vera olera mentiente matronalis pe-
pli oras lactucis, & brassicis, cæpis, & aliis, cæte-
risque oleraceis imaginibus insigniverat; ac tum
fortè manum ultimam imponebat. Tunc Auril-
la stabili murmurillo eloquenter eblandita facile
Telluri persuasit, ut nimium diu expectata præter
morem molemque properaret. Jucundissimæ nun-
tiæ aspirantibus hilarata blanditiis loci ejus olera
omnia vultu viridioreriserunt. Ipsa Tellus insoli-
to afflata impetu recens elaborato magnificè se
peplo exornat; levique curru, quæ curulis rapit
leo, quàm citissimè provectora, peplum vibrante
alludentis Aurillæ aspiratione, in sicco velificat.
Interea, dum Tellus acciretur, eruditum Jovis no-
dum vicario Flora responso expediverat: atque in-
ter multa, quæ nunc referre non vacat, responde-
rat, ideo formosissimos terræ filios, florum ple-
rosque aut insulsos, aut venenatos, aut malè oli-
dos,

Olitorio in
hortulo in-
venitur.

Cur florum
plerique in-
suli, vene-
nati inodo-
ri.

dos, aut saltem inolentes fatua specie colorari: ut ne nimium colori credat coloratis præstigiis facilis capi mortalitas: utque non in herba solum vanissimæ spei, sed in flore quoque brevissimæ formositatis anguem latere condiscat. Quanquam erravi, nec opus habeo (inquit illa) cibariam hortensium florum suavitatem argutè dissimulare: quando flores omnes nectarei sunt, merumque mel, quod Apes ministræ sedulæ hominibus colligunt, & prægustant. Quærenti præterea Baccho, quis amœnissimæ indolis coquus suavissima illa cupeidia in flores vernare fecisset, cum Charitum artificio florida ea bellaria concinnata esse subjecisset Flora; pinguis ventris, & pinguioris Minervæ Deus præter expectationem acutè, Enimvero sic decuit, *inquit*: è manibus enim Gratiarum quid potuit aliud præter flores existere? Verùm ubi tandem in convivarum conspectum dedit optatissima Tellus, olitorii syrmatidis textilem pompam trahens, omnium risu excepta jucundo spectaculo convivii lætitiâ cumulavit. Flora jussam discumbere convivali urbanitate sic dicitur allocuta. Quamvis fera, tamen ades tempestitiva, Omniparens mater. In tempore enim post florea mea ferula secundas ipsa mensas in ista oleraceo textu fertili veste attulisti. Aculeato joco solito gravior Tellus pauca hæc, & seria: Illusa vilium olerum figuris, ignobilique viriditate mihi atra & infelix vestis

Telluris
habitus ri-
detur.

Ejusdem
pro se ora-
tio.

vestis hæc misericordiam opemque implorat, Flora, non risum & joca. Damnatæ parentis in vulgariū partum herbularum quidni paratus agresti opere amictus concolor herbescat? Inani jam nomine ad ludibrium mater dicor omniparens; quando cinis & sabulo, nempe sterilis pulvis ad floræ fecunditatis gloriam eliguntur. Quid hoc artis est repugnare naturæ, terræque genitali relicta sativas humani generis delicias è cinere arenaque demettere? Si placet floræ ætatem diuturnam, stabilemque fundare: non levis pulvisculus, sed solida tellus fundamento esto. Si quid merui olerum opportuno fructu, florum ubertas honoraria remuneret. Si patritiam inter Deos matronam olerraceo virore vulgaris palla dedecorat; vestro Cœlites suffragio, tuo Flora beneficio floridæ purpuræ nobile sŷrma condecorct. Audita Deorum omnium assensu atque approbatione Tellus suam feliciter causam peroravit. Nam florali convivio soluto cœlestis Senatus consultum per vernum præconem Zephyrum in hæc verba recitatum est. Quod felix Floræ, bonum floribus, faustumque florum cultoribus sit: cum, quod nimium diu non minus in animorum indole, quam in annorum nomine regnavit, ferrum longè lateque jam propagato florum cultui serviat; in floralibus Deorum omnium comitiis, Flóra rogationem ferente, cæterorum Senatu Deorum censente, ferreæ floræ deco-

De flore
seculo, de-
que hor-
tensi ter-
ra Cœli-
tum edi-
tum.

decoro, aptoque transitu nomenclationem subrogari placuit: & appellatione ferruginea deterfa, à communi mortaliū studio erga flores floream feculum appellari. Illud præterea floriferorum hortorum coloni omnes inviolatè fervanto, quod, magna matre Tellurè ad eundem Senatū referente, sancitum est: ut, supervacanea cineris fabulique cum terra permiffione antiquata, pura puta hortensis humus immisto pridem fimo jam putri, atque in ipsam terram transformato, frequentique olerum fœtu nimia pinguedine depasta, subpinguis progenerandis floribus ufurpetur, atque olitoriarum fœcunditatis beneficio florida gratia referatur. Hoc tam jucundum tamque iustum editum genialibus comitiis peractis, ne cui florum studiofo ignoraretur, Jovis Floræ gratificantis iussu à volucri cursore Zephyro singulis hortorum postibus præfixum est.

FLO-



F L O R U M

N O T Æ

LIBER SECUNDUS.



Narcissorum notæ.

(A P V T I.



U^{Id} hortorum cultori turpius Cur flores
colono
præno-
scendi.
aut etiam nocentius, quàm
flores, nempe familiam suam,
de facie non agnoscere? Nam
quî suis quenque locis aptè dis-
ponere, atque educare possit;
nisi lineamenta formasque di-

stinguat? Et quanquam multiformes florum na- Complures
indiscreti.
tales indiscreta specie, & concordî figura simillimi
neque internosci: complures tamen sunt aut
claro, aut certè obscuro discrimine notabiles, quo-
rum, ut licuerit, notas persequemur. Neque ve-
rò hic universos, sed eos duntaxat flores suis colo-
ribus exprimemus, quos nostri exhibent horti; ut
necessitati pariter, & brevitati consulamus. Illud

G 2

autem

Bulbacei
pleriq; aut
hyacinthi,
aut narcissi.
R. Dodon.
florp. Hist.
Pempt. 2.
l. 2. cap. 18.

Narcissi no-
men unde.
Plin l. 21.
c. 19.

Narcissus
genere, &
colore va-
rius.

221

Narcissus
totus can-
didus, flore
simplici po-
lyanthes.

Narcissus
colore sul-
phureo, flo-
re simplici
polyanthes.

autem præmonitos cultores volo, è bulbaceis flo-
ribus, qui plurimi antiquitati prorsus ignoti, at-
que anonymi coluntur in hortis, narcissos, aut
hyacinthos ab erudita plerisque posteritate cen-
seri: & grandiores quidem ad narcissinum ordi-
nem, minores ad hyacinthinum revocari. Nar-
cissus à narce dictus, quod aliena gravet capita,
suum prius prægravavit; cum fabulosus umbræ suæ
amator puer è fontani speculi sincero nitore malè
sibi notus, atque è frigidis aquis tabificam flam-
mam trahens, ex homine in caducum florem dila-
psus est. Etiam nunc mutatæ formæ studiosus ore
vernatur multiformi. Aut enim simplici foliorum
textura tenuior, aut multiplici habitior est. Nunc
argenteo, nunc aureo pallore veteres curas præ-
fert. Medius flos, quem ab imitamento calicem
cum recentioribus in posterum appellabo, inter
lactea folia aut suaviter concolor lactescit; aut
splendide decolor aurescit, aut circa summam
oram croco illitanti lepide rubescit. Sed quis colo-
ris, magnitudinis, formæque inexpressibiles varietates
enumeret, natura cultuque ad assiduam novi-
tatem conspirante? Nostris autem hortis familiaris
potissimum est, qui colore totus argenteo suffun-
ditur; ut à medio candido calice in pateræ formam
depresso argenti patera Italico vocabulo nomi-
netur. Neque tamen hujuscemodi narcissus uno
argenti candore, sed sulphuris quoque pallore pin-
gitur.

gitur. Idem præterea in plura genera discrimina-
tur. Alius enim præmaturè, serò alius vernat: a-
lius minutos, modicos alius, alius peramplos in flo-
res è caule summo se diffundit: alius denique fo-
liorum simplici serie, alius multiplici componi-
tur. Hic ergo tum candido, tum pallido colore
narcissus à cæteris narcissis discrepat floreis fo-
liis angustioribus, & calice brevior. Virentia
quoque folia sæpe angustius patent, longius porri-
guntur, læviora & rigidiora sunt. Nec eadem om-
nibus tinctura. Candidum alii virore albida, &
veluti rorulenta; pallidum myrti exemplo viridif-
sima convestiunt. Bulbi membranas extimas co-
lor austerus infuscat; intimas tunicas dilutus deal-
bat: magis compacta forma ventrem deprimit,
cervicè modicè producta. Quin etiam isto ejus
qui folioso floret argento, bulbus depressior est.
At verò majoris floris bulbosa parens vastiore
corpore, ventre oblongo, procero collo, spad-
icis coloris dilutioribus tunicis notabilem in mo-
dum insignitur. E foliosis albenibus narcissis By-
zantius, sive Chalcedonius per placet, & colitur. Hic
tum præcox, tum serotinus membranacea primùm
vagina includitur, quæ longum in alabastrum; ut
simplicis floris folliculus, non fastigatur; sed ro-
tundiorè gremio latius tumet. Ea demum dehi-
scente numerosus, & formosus partus excluditur.
Deni aut duodeni fratres ex uno caule penduli sæ-

Narcissus
Byzantius
polyanthes,
albo flore
luteoque
calice mul-
tiplex.

pe numerantur. Alba folia densissimo congestu bene compactum tribuuntur in florem. Media foliola vario atque multiplici flavi calicis mæandro intercurfante undatim, intercise, permistæque implicantur. Subsimilem alium narcissum, sine mediis albis foliolis densato, atque in rugas replicato flavi coloris orbe multiplici cristatum, nimiam in sobolem luxuriantis bulbi decorum abortum esse constanter affirmant observatione diuturna experientissimi cultores: quod & numeroso fœtu effœta radix, & adnata posteritas nondum per ætatem satis robusta floribus explendis idonea non sit, cum deinde, ubi justam in rotunditatem adoleverit, prioribus pares, atque adeo æquè foliosos flores progeneret. Alii verò, & quidem callidi rerum æstimatores existimant, certis è bulbis minore vi præditis mutilos ejusmodi partus perpetua stabilique lege existere: nec desunt, qui eosdem, utpote Epidaurio missos, Epidaurios appellent; ac duplici potissimum procerioris caulis, majorisq; floris nota distinguant. Equidem (ut erudita dissidia ista componam) non negaverim, ex imbecillis radicibus hæc interdum speciosa monstra posse progigni; simulque inveniri crediderim radices alias ita natura constitutas, ut flaventibus tantum crispulis cristis albidos partus suos exornent. Utriusque foliosi narcissi caulis herbaceus de more nudus, concavus, atque striatus digitali ferme crassitudine,

*C. Claf. Rer.
rior. plant.
Hist. lib. 2.
cap. 13.*

*Narcissus
Epidaurius.*

ne, & pedali longitudine assurgit: virentibus foliis nonnihil carinatis, & paulò, quàm in simplici narcisso, laxioribus circumvallatur. Bulbus carne intus candicat, convestientibus tunicis foris nigricat, & in rotunditatem conglobatur: præcox magnitudine nostratis narcissi bulbum æquat, serotinus etiam superat. Hic etiam illo, qui præmaturè floret, magis compactus & rotundior ad florem difficilis & morosus est, frequentemque in rotunda basi cariem trahit. Non solet in semen exire in flore: foetus præstantiam exhausta utriusque fecunditas. Eminent foliosus alius duplicis generis narcissus, corniculati nomine insignis. Minor sex alba folia minuscule in orbem expandit: in umbilico aureum calicem crispantis auri plenissimum porrigit: inde sex flava cornicula in stellam diducta surgit. Quaternos quinosve flores profert, ac sustinet caulis, priore tenuior atque humilior. Ab radice folia exeunt proluxa, gracilia, mollia, & subalbida. Bulbus denique subest à vulgaris narcissi bulbis una corporis mensura paulò brevior diffusus. Majoris bulbosa radix vulgaris narcissi bulbum adæquat, cervice perparum extante: folia tenuitate, ac prolixitudine superioribus non dissimilia minus pallent: scapus insigniter procerus in duâ triumve ferè palmorum longitudinem procurrat. Complures è membranaceo involucri flores quâ prospero, quâ abortivo partu excluduntur, quo-

Narcissus
corniculatus minor.
& major.
polyanthus.

Narcissus
totus flavus
polyanthes.

Narcissus
silvestris
stellatus.

rum folia flaventis lineæ ductu eminulo intermean-
te liberaliter colorantur. Ut igitur vides, uterque
narcissus cornibus armatus longè fugiendus non
est: non enim fœnum habet in cornu, ut vulnere
præcaveantur; sed odoratum aurum, ut oculi na-
resque suavissimè feriantur. Jam verò ne qua nar-
cisso-desit opulentia; præter argentum etiam au-
rum totam floris bracteam opulentat: siquidem
inter simplicis composituræ narcissos & foliis, &
calice aureus in pretio est. Hic discoloris auri, va-
riæque aut conformationis, aut amplitudinis levi-
bus momentis pulchrè diffidet à se ipso. Superiori-
bus albis narcissis caule, florumq; pensili congerie
similis, folio, bulboque differt: illos enim foliosior,
hunc rarior plerunque silva distinguit: illi bul-
bum ipsum rotundant, hic in pyri effigiem turbi-
nat: circumtegentes tunicas illorum plerique fu-
scent, hic modicè rutilat. Simplicium denique
narcissorum ritu triangularibus folliculis nigrum,
& inæquale semen includit. E minuscule narcissi
aurcolo, à reliquis una brevitate sejuncto bulbulus
pendet rotundus, & nigellus; decolor nempe de-
coris floris appendicula. Verùm illi ditiores nar-
cissi sunt, qui frequentium foliorum flaventibus
bracteis aurescunt. Et in his genera variant. Alium
videbis à silvis oriundum è pallido bulbulo pusil-
lum æquante narcissinum bulbum, qui de jun-
ceis foliis nomen Hispanum traxit, inter angusta,
ob-

oblonga, tenuia, carinata, & pallidula folia ferè
 palmari, gracilique cauliculo innixum profilire;
 & creberrimis foliis in stellam distributis conser-
 tim coagmentatum, albo gilvoque confusis in
 paleæ speciem colorari. Subsimilis alius rosea spe-
 cie, bulbo & flore paulò amplior, & coloratior à
 collaris rugati crispissimo imitamento Gallicum.
 Frafei nomen adeptus rarò floret, floreo membra-
 na ægrè dehiscente, ac plerunque vitium faciente.
 Sed excellere se cæteris ipso vulgato jam nomine
 significat septentrionalis, sive silvestris narcissus,
 cui Roseus major nomen est. Is enim luteæ fo-
 liosæ rosæ decora suppari gyro complexus media
 floris folia calicis loco densissima complicat, &
 crispat; simili quoque auro colorat, foliis aliis quàm
 luteis, quàm pallidis, quàm herbaceis per ambitum
 congestis, & explicatis. Illud præterea familiare
 ipsi est, ut à foliorum densitate, & copia particula-
 rim efflorescat. Etenim extremis foliis marcenti-
 bus & præmorientibus, mediæ convolutæ panicu-
 læ paulatim evolvuntur in flosculos. Quanquam
 illa florea congeries raro difficulterque digeritur,
 ac dehiscit ad plenum. Roseus hic narcissus, sive
 narcissina rosa solitaria scapo insidet bene firmo,
 anguloso, duos circiter palmos alto; ac, tanquam
 ipsa sibi oneroso, nutat. Ex imo folio modicè con-
 surgunt, liberaliter patent, mucronem retundunt
 & rotundant, in viridi pallent. Bulbosa radix pro-
 pe

Narcissus
 silvestris
 roseus mi-
 nor.

Narcissus
 silvestris
 roseus ma-
 jor.

pe rotunda exteriores tuniculas diluto colore ferrugineo suffundit. Junceo folio, amplexum flore tum calice narcissi plerique saturo colore lutei sunt, & prope inodora pulchritudine tantum spectabiles, necnon eodem in genere multiformes.

*Narcissus
juncifolius
major, am-
plexo calice,
& foliis
convolutis.*

Alius enim foliorum oras nonnihil utrinque convolvit, calicesque semuncialis ferratum, & sinuosum labrum deducit. Ad hæc singulos, binos, atque adeo senos interdum flores, foliis totidem in orbem compactiles è folliculi sinu excludit. Scapum gracilem, concavum, rectum, peduncum, atque ex nobilissimi cultoris observatione simplicem excitat. Si quando autem plures conjunctim caules emittat; multiplicem bulbo fertilem florum sobolem adnatam esse significat. Bina, aut etiam terna profert ab radice folia pedalis, aut certè majoris longitudinis, angusta, cuspidata, cætinata, fusco virore herbida, & succi plena. Bulbum subjungit substricto ventre oblongum, collum non raro detorquentem, diluto exterioris tunice colore spadiceum.

*Alius foliis
continuatis.*

Alius explicata, & conjuncta, imò invicem supervenientia folia perpetuo velut orbe continuat: saturatiore colore lucet: angustiorum calicem magis crispas: superiore infœcundior quaternos circiter extendit flores: eodem vivacior ferius deflorescit: languidam suavitatem olet: ima folia mensura breviora profundit: bulbum subjicit forma consimilem, sed aliquan-

quantò contractiorem. Alius demum angustioribus floreis foliis in stellam diradiatis teretem æquabilemque calicem exporrigit. Nostrate sub cælo binis ternisve floribus avarè vernat: folia itidem carinata latius explicat, & parcius producit: bulbo gignitur persimili, sed longè minore, minusque cervicem detorquente, necnon subnigris involucris tunicato. At verò narcissus juncis foliis odoratus, ac totus liberaliter aureus, superioribus inodorus minor, à soli natalis nomine Hispanus, à medica vi (ut Remberto Dodonæo placet) vomitorius & simplici, & multiplici foliorum serie flavet. Ille florum foliis mucronatis, aut orbiculatis; conjunctis, aut dejectis: ipsis quoque flosculis præcocibus, aut serotinis; grandiusculis, aut minusculis; binis ternisve, aut etiam denis pluribusve ex unoquoque cauliculo emicantibus variis; ac partim unicaulis, partim multicaulis est. Hic verò ut plurimum singulos, binosve; ut maximè quaternos, aut quinos unico è caule flores promit, florem gelsimini, malique Medicæ halitum suavissima temperie olentes. Utriusque caules saturatior viriditas, inoffensus lævior, ac teres rotunditas compares facit. Veruntamen duplex eisdem nota discriminat. Illos enim proceritas ferè bipalmis tendit, hos pusillò brevior longitudo contra: illos continuum foramen vacuat, hos fungosa quædam natura modicè obstruit.

Alius calice
tcteti, & fo-
liis angustio-
ribus.

Narcissus
juncifolius
minor odo-
ratus sim-
plex, &
multiplex.
Stirp. Hist.
Pempt. 2. lib.
2. cap. 22.

struit. Folia pariter viridantia, oblonga, rotunda, carnosa, lævia, & planè juncida. Bulbuli plerique globosi: minùs plerunque utiles oblongi, dissipatis in longitudinem viribus: rotundi feraces, toti in floriferos nìsus collecto corpore. Idem omnibus color: extima enim pulligine nigricant. Hoc etiam inter utrunque narcissum convenit, ut longulos proferant è membranacea theca flosculos, quibus ille triangularia capitula subjicit, flore dilapso turgentia, & nigelli angulosique seminis fœcunda: hic autem longulis tantùm pediculis insistentes, nulloque seminali folliculo capitatos parit, genitali conatu in floris plenitudinem effuso. Triplex est præterea Hispano superiori lutco non absimilis, albo colore vernus narcissus. Prioris oblongus bulbus juncea foliola fundit humi reptantia: minutum, inolentem, informem flosculum, Martio mense tempestivum Romanis in hortis ægrè raroque aperit. Alter grandiusculus, Hispanique narcissi partibus cæteris gemellus, albore ac fœtore discrepat. Huic æqualis tertius candida folia sulphurei coloris calice distinguit. Uterque continenti foliorum serie florem orbem circinat. Est etiam, qui è longulo substrictioris ventris bulbo caulem ante folia impellens, binis ternisve, candidis, & leviter odoratis flosculis per autumnum vernet Hispano par, viridissimus; planeque juncus minimi pretii narcissus. Silentio dissimulandus

Albus minor.

Albus major.

Albus sulphurei coloris calice.

Albus autumnalis.

dus non est satis elegans junceis itidem foliis, albi-
 doque colore in sulphureum proclivi, & reflexo
 flore narcissus alius; cujus è radice bulbosa, nuci
 Ponticæ, aut Hispani juncei narcissi bulbulo exæ-
 quata, rotunda, candida, membranaceo involu-
 cro infusca, numerosis tenuibus albisque fibris
 bene comata, exiliunt quaterna vel quina folia, ut
 in proximè superiore narcissò juncea, proluxa, an-
 gusta, modicè carinata. Medius consimilis caulis
 Aprili mense fastigiatur in quaternos aut quinos
 flores oblongos, diluto sulphureo colore pallidos,
 sex foliis sursum reflexis supinos, devexis cervici-
 bus pronos, semuncialem aut longiusculum &
 inæqualiter sinuosum calicem porrigentes, levif-
 simè odoratos. Corruptis floribus summi caules
 triangularia turgescunt in capita, exigui, orbicu-
 lati, nigri, lævisque seminis plenissima. Pseu-
 donarcissos Hispanos Clusius vocat silvestres Do-
 donxi narcissos, qui sena inter folia velut in alas
 explicata medium prælongi calices tubum, re-
 pandas per oras fimbriatum crenatumque, in tu-
 bæ modum exertant; ex qua Italicum quoque no-
 men hauserunt. Ut meritò fabulari quis possit,
 Famam volando, buccinandoque fessam genia-
 libus tantisper in hortis conquievissè, dum refice-
 ret vires: utque hospitalibus flosculis appositam
 referret gratiam, è suis conditum insignibus no-
 vum florem, nempe alatum tubulatumque narcis-
 sum

Pallidus fo-
liis reflexis.

Pseudonar-
cissus Hi-
spanus.
Rarior.
Plant. Hist.
lib. 2. c. 17.
Sturp. Hist.
Pempt. 2. 4. 2.
cap. 23.

Pseudonarcissus pleno flore quadruplex.

sum floreo populo addidisse, amantis hortos Famae buccinatorem. Harum verò florentium tubarum, muta specie suavius argutarum, quàm quæ stridulo strepunt sono, aliæ aurea bractea flavescunt; aliæ argentea candicant; circa aureum aliæ tubum circumfuso foliorum veluti cupro expallescent; hunc aliæ cupreum pallorem media flavente linea inaurant, ac totum prægrandem tubum verno illinunt auro; alias mirè degenerantis seminis inenarrabilis varietas colorat; aliis præterea diffusior, aliis est mensura contractior; aliæ denique simplici gracilique tenuem, aliæ replicato confertoque tubo plenissimam publicant voluptatem. Et his quidem postremis forma præsertim quadruplex. Aut enim tubus in tubum inseritur; aut simplici tubo densissima folia innascuntur; aut grandior flos densè fartus ubertate plerunque rumpitur, foliis in rosei narcissi speciem confusis; aut demum similis tum simplici, tum duplici foliorum ambitu flosculus tubulum exerit foliosa fartura pariter densatum. Pseudonarcissis universis pro cuiusque florum amplitudine proceri caules; folia surrecta, proluxa, lata; in canaliculum concava, minimè mucronata, & languide virentia; bulbi oblongi, quorum extimæ tunice dilutiore ferrugine imbutæ raris, & fuscis ejusdem saturi coloris lineis in longitudinem intercurrentibus distinguuntur. Sunt, qui sentiant à ma-
jo-

jore roseo narcisso plenissimum pseudonarcissum, sive (ut alii nominant) narcissum alterum maximum septentrionalem, qui calicem implet, & folia duplicat, nullo discrimine separari. Veruntamen ut folio, & caule inter se congruunt; sic bulbo, & flore dissentiunt. Hujus enim bulbis, ut vulgaris etiam pseudonarcissi, longior cololum quadantenus obliquat; flos tubulatum calicem folioso sæpe farto, nimioque madore fatiscentem nonnihil exporrigit. Minusculi flore simplici pseudonarcissi ut flosculorum coloribus, sic bulbulorum figuris variant, cervicula in quibusdam proceriore: semper tamen aliquod majorum instar in pusillis eminet. Qui verò parva geminant folia, & caliculi tubulum addensant, aut saltem hunc plenissimè foliis infarciunt; minutulis funduntur è bulbis, grandiores bulbos pleni flores feraces, si non magnitudine, certè figura exæquantibus. Folium protenditur palmare, prætenue, palidum. Caulis itidem exilit, brevis, & concolor. Pulchrè mentitur & nomine, & narcissum pseudonarcissus montanus, in Lusitanis & Cantabricis jugis frequens. Hunc junceo folio & cauliculo flexilem, flavo albove flore in sena plerunque angusta folia expanso, pinnatum à medii caliculi cono in calathi seu nolæ figuram oblongo, repando, & sæpe fimbriato campanulam Hispani; flavum caliculum, & flavam violam Martiam Austriacæ matronæ

Pseudonarcissus pleno flore major.

Pseudonarcissus simplici flore minor.

Pseudonarcissus pleno flore minor.

Pseudonarcissus junceifolius.

C. Cl. f. 158. p. 12. c. 17.

næ

*Idem Cur.
poster. p. 60.
Narcissus
maximus,
sive incom-
parabilis.
Perpetuo
flavus.*

næ vocant. Subjectum flosculo caput nigro, rotundoque semine impletur. Bulbulus rotundus, intus candidus, foris nigellus juncei folii narcissinum bulbum prope indiscreta facie repræsentat. Narcissum maximum amplo calice, à magnitudine incomparabilem multiplicis esse generis invenio. Est enim, qui tam pertinaciter flavet, ut eodem, quo vixit, ore & colore moriatur. Hic senis foliis continuatum in orbem latè explicatis, medium crispulum calicem ab imis angustis paulatim ac modicè sese laxantem in uncialem longitudinem exerit. Subtenuem caulem ad binos palmos extollit. Folia surrigit silvestris more narcissi laxa, proluxa, retusa, incana. Bulbum subdit silvestris iidem narcissi bulbo consimilem, sed magis compactilem, colloque nonnihil obtorto notabilem. Alter hujus gemellus cætera, uno veluti vultu degenerat: flavum enim colorem, quem nascens præfert, in sulphureum, sive albidum senescens mutat, & foliis angustioribus, rugosis, atque utrinque leviter convolutis florem orbem minimè continuat. Tertius verò tristioris indolis frater eo colore dehiscens nascitur, quo superior moritur: & velut appetentem mortem pertimescens paulatim exalbescit, luteo per oras calice. Illud etiam differt, quòd calice foliisque latioribus, atque his etiam nonnihil continuatis prior floret. Candidus præterea Romanis in hortis visitur fo-

*Candidus
major, &
minor.*

liis

liis floris aliquatenus diversis duplex, major nempe discretis minorque conjunctis: uterque cæteris magnitudine superat: illius caulis ferè bipalmis, & gracilis; hujus autem paulò brevior. majoris folia, quàm vulgaris, tenuiora & angustiora; minoris quàm majoris, magis lata minusque longa: utriusque bulbosæ radices candore formaque similes pyrum superbum æquant, cervice modicè porrecta. Est etiam proxime superioris bulbum adæquans, foliis æquè candidis flavoque calice narcissus maximus, itidem major & minor: sed calix est minori coloratior. Postremus in Casertani Principis Andreæ Matthæi Aquavivæ principes flores merito cultu excipientis nobilissimis hortis alitur narcissus sanè incomparabilis, confertissimis nempe sulphureo colore foliis singularis. Narcissus serotinus montanus, aut ejus plañe gemellus (Musartum vulgus appellat) bulbosæ radices exteriore tunica subalbida, magnitudine media, ventre utrinq; substricto, corpore oblongo, cervice modica illius narcissi bulbum ex parte refert, qui cameli collum simplici producit in flore. Appetente jam vere folia trudit proluxa, angust, mollia, prasina, sive narcissinis similia. E teretis, pedalis, glabri, fungosique caulis apice ternos sæpe, quaternosve mense Martio suspendit flores, sena nivei candoris folia, vulgaris narcissi foliis laxiora, & flaccida stellæ modo decussantes, patulo sulphurei coloris caliculo crocea fimbria ornato distinguen-

Candidus
calice flavo
major &
minor.

Sulphureus
flore mul-
tiplici.

Narcissus
montanus
serotinus,
flore, sim-
plici candi-
do, calice
luteo.

Narcissus
Narbonen-
sis.

Narcissus
Anglicus.

C. Claf. Ra-
rior plant.
Hist. l. 2.

6. 12.
Narcissus
longa ter-
vice.
Simplex
candidus.

Simplex
pallidus.

Multiplex
candidus.

guentes, digna etiam pulchro corpore anima odo-
ratos. Duplicem hic habeo feri floris, extremo
nempe Martio, vel ineunte Aprili vernantis subte-
xere narcissum, alterum Narbonensem, Angli-
cum alterum. Priorem præcipue discriminant bul-
bus oblongus, modicus, fusci palloris membrana
tunicatus; angusta folia, & erecta; flos albus, fla-
vo cænice ferè unciali, nonnihil repand reflexoque
distinctus, incomparabili narcisso contractior, in
unoquoque palmari caule sæpe multiplex. Posteri-
orem non absimilem dignosces tum ex bulbo gran-
diore, in ventrem distento, in cervicem extenuato,
membranaque ferruginea circumsepto; tum ex folio
brevis latoque; tum ex ampliore flore luteum cali-
cem æquabiliter tubulatum porrigente. Longa
cervice narcissos camelinæ colli nomen ab imita-
mento appositè deductum notat. Merum puerperæ
Floræ lac in hosce flores candoris oximii concrevit.
Ex his plebejus alius, & senis tantum foliis pauper-
culus, atque inglorius candidatus à nobilium hor-
torum aditu distinetur. Unum diluto aridæ palææ
colore pallidum, & veluti sordidatum hortorum
exilio liberant coloni, utpote Byzantio translatum
& rarum. Adeo raritas etiam deformitatis pre-
tium facit. Alius foliosa prætexta per flavi ca-
licis fimbriatas oras purpurascens conspicuus, &
nobilis in patritios hortos admittitur. Caudæ
ferè bipalmes plerunque singulos flores, binos
inter-

interdum sustinent. Profiliunt ab radice folia prælonga, tenuia, mucronata, subpallida. Bulbacea radix pallidæ cutis, modicique ventris in collum absumitur, quod in foliosi quàm in simplicis floribus bulbo productius est. Virginensis narcissi bulbos cupressini hyacinthi bulbo modica magnitudine atque oblonga forma simillimus, colore distat. Is enim subrubet, hic albicat. Folia pusilli pleno flore silvestris narcissi foliis prorsus congruerent, nisi aliquantò longiora validius virent. Ex viridi pallens caulis in palmum assurgit. Flos in semihulcæ Persicæ tulipæ grandiorum figuram dehiscens obsoleto candore inficitur, dilutoque sensim rubore conspergitur. Narcissus Indicus lato folio narcissino, flore rubro liliaceo, album scilicet lilium imitante, quem Jacobæum adhuc vulgus appellat, extremi Maji, aut incunantis Junii caloribus citatus, antequam folia exeant, ita properat. Floreus thyrsus emicat enodis ac lævis, crassitudine propemodum digitali, ac duorum quandoque palmorum proceritate visendus. Apex membranacea conclusos vagina primum turget in calices: tum ea disrupta quatuor sæpe solvitur in flores striatis sex foliis deorsum reflexos, è crassioribus pediculis in decussim dispositis pendulos, purpura in crocum languente coloratos, sex subalbidis staminibus longiusculis in luteas appendiculas desinentibus, medioque stamine ru-

Narciss.
Virginensis
flore
purpure-
scente.

Narcissus
Indicus è
rubro cro-
ceus flore
liliaceo.

Narcissus
Indicus li-
liaceus sa-
turo colore
purpura-
licens.


bente cæteris longiore capillatos. Ubiflos membranæ moram rupit, aut certè ubi defloruit, bina sive etiam terna existunt folia, narcissi marini sive hemerocallidis foliis latiora & viridiora, minuto sæpe niinio guttata, summa parte subrubentia, non admodum longa, in hiemem usque diuturna. Bulbacea radix & figura, & magnitudine hyacinthinæ compar exuberante rubore aspergitur, & citra floream partum parens miniatula præflore. Alius Indorum narcissus rarior, & nobilior in hortis primùm Casertanis factus est Italicus. Magnitudine formaque candido lilio par, floreis foliis magis continuatis minusque resupinis dispar, florum numero superior, albo rubroque blande temperatis circiter Septembris calendas expingitur; ut ipsius lacte & sanguine pulchritudinis coaluisse videatur. Albidæ membranæ rupto involucrio conniventis primùm folia floris modicè rubent, colorationibus tantùm lineis in longitudinem virgata: in calathi deinde imaginem diducta adulto pudore suffunduntur. Adeo vel in floribus pudibunda pulchritudo publicam lucem erubescit. Toto denique senili vultu rubicundior, dum deflorescunt, floridiora sunt. Imus umbilicus intus forisque flavet. Sex inæqualia stamina ima parte candicantia, summa subrubentia lunatos in crocos ex viridi flavescentes desinunt. Septimum & medium stamen prolixius, itidemque coloratum apice

apice nullo insignitur. Viceni pluresve flores è pediculis satis crassis, binos seu ternos digitos longis, ex atro virentibus, & sive de vixis, sive arrectis modò in orbem penduli, modò in silvam prominuli, necnon particulatim dehiscences summum caulem coronant. Caulis ipse rotundus, digitum crassus, ac prope bipalmis ex viridi obsolescit in rubidum. Folia liliacei viroris, & narcissinæ magnitudinis, arfacto jam flore, à latere caulis enata in ipsum caulem incumbunt. Bulbus Neapolitano in tepore scillam prope exæquat, Romano sub cœlo minùs tumet; instar criophori summo sub oertice membranaceo lanosus extra pallet; nec florem fert, nisi ad justam punici mali molem adleverit. Et hic narcissus more cæterorum sementar, parco tamen proventu. Non absimili forma minùs formosum misit India narcissum alium, qui contractiore bulbo, caule tenuiore pedali & inæqualiter rotundo, florum quoque minore & numero & magnitudine, facie dilutior, à proximè superiore degenerat. Uterque tamen tam decenter, tam modestè rubet; ut ipse pudor vel in florem transierit, vel in flore seipsum expiaverit. Quare, si suo sibi colore flos hic nomen inscribat, rectiùs, quàm narcissus, flos pudoris appelletur. Utinam tam verecundè rubuisset, cum se Narcissus aspexit: candidiore profecto fabu-

*Narcissus
Indicus li-
liaceus di-
luto colore
purpura-
scent.*

la floruiſſet. Jam verò, quando roſeus vultus inſano amore in poſthumum florem expalluit, recens rubor ſuam erubeſcentis inſaniam pudor eſt.


Indi-




H 4














Indicus latissimis foliis, & florum forma liliacea, Narcissus Indicus flore liliaceo sphæricus. sphæralique ambitu narcissus; quam alii sphæricum ornithogalum, moly maximum Indicum alii vocant; Gallici soli advena nunquam floruit: sed Romanæ tandem amœnitatis & majestatis hospes effuso flore pro risu felicitatem sibi suam in Tranquilli Romaui felicibus hortis gratulatus est. Tranquillus Romauius. Bulbus longè scillino major ventrem propè rotundat: ferrugineum, & quamvis tenue, durissimum tamen corium superinducit: imam partem, ut in botryode odorato hyacintho, protuberantem pro corporis amplitudine latè circinat: fibras minimi vice digiti præcrassas, prælongas, immortalesque diffundit. Floris vagina ap. calendas Septembris existit in lanceam cuspidata, ternos lata digitos, quinos longa, exuberante cinnabari saturata. Post decem dies subnascente scapo in palmum exerta, turgente jam atque urgente numeroso fœtu, in geminas partes oris auguinei modo latissimè hiascit, non ut linguis tristulcis horribilis, sed ut floribus plurimis amabilis micet. Apparet primò conniventium florum confertissima congeries, quæ ramoso paulatim incremento rotundam ita rarefcit in silvam. Scapus exurgit prope bipalmis, binos digitos latus, ex rotundo pressior, ex viridi rubens; qua parte solem aspicit coloratior, summa capitatus. Funduntur è capite densioris more capillitii frequen-


quentes, prolixæ, suavique rubore visendæ lacinia: quibus internati radiata rotunditate porriguntur cauliculi triangulares, palmo longiores, minusculum digitum lati, interfuso rubore virentes, incapita extumidi tuliparum triquetro folliculo, seu præferratæ trifidæ clavæ simillima. Plerique instar candidi camelino collo narcissi cervicem defleunt: recto rigidoque nonnulli statu circumstant. E singulorum verticibus eminent sursum versum spectantes elegantissimo flores, rubro convolutoque montium lilio æquales, nec absimiles, quippe phœniceo rubore colorati, & foliis quinis nativos in cirros reflexis calamistrati, exteriore folio cum staminibus assurgente: quæ sanè conspicienda stamina sic extant. Sena luto colore punicea in totidem versatiles apices primùm flavos & grandiusculos; deinde contractiores, subter suffusculos, supra exalbidos, & veluti farina conspersos degenerant. Septimum sine apice pistilli facie productius, crassius, longa utrinque rimula interfecante striatum, summa parte recurvum pariter purpurat. Ut uno inclyta purpureo capillo veteris Nisi coma recenti flore superetur, quæ crocis pluribus blandè rubentibus citra discrimen amittendæ regalis gloriæ feliciter capillatur. Omnes inter se flores ternis quaternisve digitis intervacantibus distant. Per partes dehiscunt: nec prior ante deflorescit, quàm vernent universi. Senium illos
non

non contrahit, sed infuscat, ac demum decutit. Menstrua ipsis vita, & ver autumnale. Septem-ber eisdem parit oriens, perimit occidens: hæc enim multorum florentium capitum hydra non calore, sed frigore interficitur. Quamquam Lerna vivacior sumptis à funere viribus quotannis renascitur: neque clavas Herculeæ similes timet, quibus, tanquam cauliculis, insidet ac fulcitur. A florum interitu triangula capita grandescunt, pleraque inania, perpauca nonnullo abortivi seminis rudimento foeta: sive quòd peregrina planta nostratis Autumnus frigus reformidat: sive quòd eadem apud nos nondum robustæ fœcunditatis est. Caulis tandem, & inhærentes cauliculi penitus directi, atque in orbem diradiati sic exarescunt; ut floris pulcherrimi cadaver sidus sit: neque enim hoc insolense est, ut hydra mutetur in sidus. Nec isti hortorum sideri mors parcat. Præmortui floris decorum cadaver ingruentia primum frigora iterata morte corrumpunt. Neque clavæ multiplicis armatura formosum tueri germen adversus ævi demolientis injuriam potest. Folia circiter Octobris exitum apparent, flore non proveniente: in ejusdem proventu seriùs, extremo scilicet Novembri mense existunt. Pauciora initio, sex tandem flori prolusere. Longitudo illis bipalmis, latitudo palmaris, dimidiati ferme digiti seu cultri crassitudo, retusa forma, lata

læta viriditas & fusco per oras rubore circumlita,
corpus humi erraticum latèque procumbens, vi-
ta usque ad extremum Majum sive ad primos calo-
res producta.

Gemi-






I. 2.







Gemino latiore folio, & flore puniceo peregrinus Indiæ Narcissus, à Batavo cultore Suertius, ^{Narcissus Indicus gemino latiore folio flore puniceo.} sive Colchicum maximum Indicum, paucis ab hinc annis Romanos hortos nobilitavit. Bulbosa radix, pineæ nuci par, oblonga, squamosa, imi fibrati verticis orbe angusto coronata, fibris instar botryodis hyacinthi, quem *Muscari* vocitant, crassis lateque prorepentibus subnixa, deorsum porrecto tubere callosa, Septembri mense caulem protrudit crassitudine digitali, in rotundo utrinque planum, albidum, sanguineis anguineisque maculis guttatum, summa parte rubentem. Inde patescens vagina depromit florem balauustio similem, qui sex minimum foliis puniceis modiceque crassis complectitur intimos flosculos confertissimos, nonnihil hiantes, ribicundulos, brevibus subalbidisque pediculis innixos. E singulis flosculis terna subrubicunda, & luteolis pallidisve apicibus capitulata stamina confertim eminent. Flosculis postea dilapsis subiecta capitula turgent in folliculos ardenti colore rubros, trifidos aut quadrifidos, oleam æquantes, racemi seu corymbi aspectu conglobatos; quibus terna continentur aut quaterna nigilla grana, minusculi phaseoli figura & magnitudine. Bina post excussum florem folia existunt, flaccescenti atque in semen exeunti scapo adnata & superinducta, ovata, in duos circiter palmos longa, in palmi dimidium lata,

scillæ foliis crassitudine æqualia, nigrantia, primò surrecta, humidum jacentia. Hic autem flos sive regionis vitio, sive artis inertia ægrè rarenterque nostrate vernat in solo. Primum tamen formosus hic Urbis hospes, ac tiro in Quirinalibus hortis purpurati Principis FRANCISCI BARBERINI suam explicuit purpuram tributariam; ut pulcherrimi loci amœnitas Domino concolor effulgeret. Neque enim in APUM Regia nobilissimorum florum sterile scire decet annonam.







*Croci, Colchici, Corona imperialis, ac Tuliparum
notæ.*

CAPUT II.

CROCUS, & ipse florea impotenter aman- Crocum.
tium fabula, flore vario & multicolore,
tum simplici, tum folioso vernat, & au-
tumnat. Brevi pediculo ante folium assurgit: tum
florem expellente folio aut latiore gramineo, aut
candidè striato, aut in capillamenti modum te-
nuiore ac junceo viret. Bulbulo multiplicis ma-
gnitudinis rotundo, carnosio, & vivaci, intus albo,
extra spadice sive subnigro progignitur, fibrisque
candicantibus innititur. Colchi-
cum. Præter vulgare Colchi-
cum in Italiæ, Galliæ, Germaniæ, atque Panno-
niæ humentibus opimis pratis obvium plura,
& florum foliorum bulborumque mirabili varietate
præstantiora genera indagavit recentium colo-
norum amœna solertia. Hæc tamen serè conve-
niunt universis: bulbus turbinatus, parte altera
planior, media rima sive sulco, unde flos exilit,
dehiscens; ubi flos defloruit, connivens, rubenti-
bus ex nigro tunicis obvolutus, intus candidus,
carnosus, lacteo succo manans, dum recensere-
tur adhuc viget; sed ubi exaruit, rugosus, intus fo-
risque nigricans, aut certè rubidus; flore circi-
ter æquinoctium autumnii ante folia præproperi,
croci

Corona
imperialis.

R. Dodon.
Stur. Hist.
Pempt. 2.
l. 2. c. 5.
C. Clus. Re-
rior. plant.
Hist. l. 2.
c. 1.

croci flosculis non absimiles, & longiusculi, brevibus tenerisque pediculis insidentes: à floribus turgentes folliculi triangulares, crassi, oblongi, semine sæti rotundo, vergentis è rufo ad subnigrum coloris: folia proluxa, laxa, erecta, lævia, pingua, & planè liliacea. Unum cæteris præfertur Colchicis, quod rubello plenoque flore foliosum, & alternis quâ saturi, quâ diluti coloris quadratis maculis variegatum primoribus autumnii pluviis emergit. Flos est ab Oriente oriundus, quem vernacula, quàm latina vox augustiùs nominat: is enim latinè Liliū Regium, vulgò autem Corona imperialis appellatur. Caparum instar vegrandis ejus bulbus, binas & amplius libras interdum pendens, rudi & inæquali rotunditate conglobatur: candidas, promissas, molles, & parva offensione fragiles fibras non ab imatantum, sed varia etiam ex parte dispergit: medio patuloque, quâ scapus exit, foramine hiat: sine tunicis investis, succosa densaque carne modò candicat, modò purpurat, plerunque pallet: allium, aut hircum, aut quid insuavius olet. Atque hoc maximè distat à simillima Susiani, sive Persici lilii bulbosa radice, quæ graveolentia nulla nares ferit, quæque forma est prætereà longiore. Thyrsus robustus, crassus, intus fungosus, viridis, rotundus, procerus ad mediam ferè altitudinem modò confusus, modò ordinatis liliaceis foliis convestitur: inde teres, nudus, & purpu-

purpurascens foliosam summa parte silvescit in cristam. Inter cristati capitis folia plerunque bina tenuibus e pediculis vario numero, multiplicique interdum serie, raro scilicet naturæ luxuriantis lusu, lutei aut ex croceo rubentes liliorum similes flores, at minores in calathos ab imis angustius ducti, nec labella resupinantes, minusque dehiscentes, quàm decori, tam foetidi pensili coronamento nutant. Est etiam cum voluptate cernere in intimis foliorum singulorum floreis unguibus margaritarum gemella candida tubercula, quæ cum sereno, tum maximè pluvio cælo liquidam & prædulcem aquam guttatim delacrymant salubri documento, scatere lacrymis etiam coronas. Ea postmodum eminula unionum rudimenta, marcentibus floribus, introrsum abeunt in æquæ candidas lacunas. Ad hæc sex albida stamina luteis crocis capitulata cum trifido medii styli pistillo prominent. Excusso flore grandia capita sustollunt angulosis folliculi, seminibus graves subruis, planis, cartilagineis, duplici serie in unoquoque angulo digestis. Lepidissimum florem, Turcico vocabulo Dalmaticis pileis ob similitudinem communi Tulipam, recentiorum verò biformi nomine Lilionarcissum, quòd liliacea in primis & narcissina unus decora complectatur, appellamus. Sunt, qui velint coronarium esse veterum Cosmofandalon, aut certè Satyrion. Nulla æquè in planta versicolor

Tulipa.
R. Dodon.
Stirp. Hist.
Pempt. 2. lib.
2. c. 27.

C. Clus. R.
rior. plant.
Hist. 1. 2.
c. 9.

natu-

Idem ibid.
c. 7.

Idem ibid.
c. 9.

naturæ licentia lascivit: ut superioribus annis fuerit, qui supra ducenta coloribus discreta genera numerarit. Jam verò cum semper aliquid novi afferat fecundior Flora, quàm Africa; multò licebit plura perenumerare. Ne tamen quis istorum coloribus florum nimium credat, præmonente Cluſio, alternis annis versicolor inconstantia liberaliter credulos eludit. Princeps & publica ea generum particio est, quæ de triplici tempestivitate ducitur: ut aliz præcoces, mediz aliz, aliz serotinz tulipæ dicantur. Habent autem ferè universæ hunc exortum, hoc incrementum, hunc exitum. Inter bina diluto virore pallida folia flos, infantium primæ conspectum lucis non sustinentium more connivens, nec dum colorata formositate viridis & prorsus herbeus incipit existere. Tum paulatim impellitur succrescente scapo, qui medulla durior robustus, rotundus, & virens ad pedalem atque etiam cubitalem altitudinem modò arduo statu rectus, modò in anguineam spiram tortilis exurgit. Quanquam præcox tulipa brevissimo caule à terra vix eminet. Hunc sparsim amplectuntur folia plerunque terna, nonnunquam etiam quaterna & quina, crassa, oblonga, carinata, interdum per oras modicè reflexa & crispula, modò pendula, modò surrecta. Summus interim flos colorem mutat, seseque in sena, aliquando etiam in septena & octona folia, rarò foliosior

rem

rem in congeriem explicat, five calathi, five cya-
 thi, five resupini pilei effigie. Ex meditullio sex,
 vel etiam totidem, quot ipse foliis constat, mirum
 in modum coloribus varia stamina profert, apici-
 bus aut luteis, aut pallidis, aut nigricantibus insi-
 gnita. Idem hic flos nobilo cœlo tristatur, vul-
 tumque contrahit; pluvio faciliè defluit, & corrup-
 pitur; temperato sole hilaratur, atque in risum de-
 center hiat; ardenti perustus; formæ vitæque de-
 coquit. Dilapso flore subit membranaceum ac
 triangulare caput satismagnum, atque oblongum;
 quo tres in partes dehiscente, sex ordines visuntur
 seminis confertim aggesti, plani, cartilaginosi, ru-
 fi seu rubidi, prorsusque liliacei. Jam verò, quo-
 niam è medio bulbo cum foliis flos primùm exit,
 aridusque deinde floris caulis (quod etiam in iri-
 de bulbosa, Colchico, aliisque hoc genus vide-
 re est) imo extimoque eruti bulbi circulo hære-
 re conspicitur; quamobrem id fiat, enodare conve-
 nit. In intimo bulbo, unde caulis & flos eminet,
 novus quoque bulbus, veluti gemellus fraterculus,
 ejusdem scapo floris adnascitur; pariterque cum
 illo non modò per materni bulbi fibras terræ ali-
 mentum, sed ipsum quoque succum matris exugit:
 ubi verò, desito jam flore, lateri cohærens caulis
 inaruit, reliquo ille succo innutritus adolescit; ve-
 tere interim eviscerato bulbo membranaceas in
 exuvias, nempe in recentis involucra deficiente.

K

Miran-

Tulipæ an-
 nua corru-
 ptio & re-
 paratio.
*C. Clus. Rer.
 rar. plant.
 Hist. l. 2.
 c. 9.*

Fabritius
Sbardonus.

Mirandum jam non est, vel eruto bulbo extrinsecus hærentem aridum scapum inveniri, cum idem utrunque partus conjunxerit; vel altera novum bulbum parte planiorem esse, cum flos adnatus absolutæ offecerit rotunditati. Si cui lubeat, quod hic affirmo, fide oculata credere; periculum faciat, quod ipse feci non semel cum Fabritio Sbardono Caroli Cardinalis Pii hortorum peritissimo præfecto, florumque peregrinorum sagacissimo indagatore: tulipæ, inquam, bulbum, cum jam cœpit egerminare, intercidas; invenietque inter convoluta foliola pusillum flosculi rudimentum, adnatumque surgenti cauliculo novi bulbuli nucleum. Ita vetula parens cum floreo partu juventutem reparat, ac semet intra se parturit. Illud cultoribus ignorandum non est, tulipam, quæ folium ejicit singulare, florem eo anno non allaturam: sed in duplici folio proximi spem floris evirescere. Bulbosæ radices haud multum narcissinis bulbis dispares, forma modò ferè rotunda ventriosæ, modò turbinata gracilescentes; imo, unde exeunt prætenues, frequentes, brevisque fibræ prominulo angustoque circulo coronatæ, prædulces atque edules, interiore carne, velut excocti duratique albumen ovi, solidæ candicant: exterioribus tunicis aut flavent, aut subrubent, aut nigricant. Publicum præterea est omnium, parte altera magis tumere, altera paulò compressiores esse; & canaliculo,

liculo, cui scapus ab ima corona profliliens adhæret, intermeante sulcari. Nonnullis tuliparum, Tulipe propagario. C. Clus. Rer. plant. Hist. l. 2. c. 9. c. 10. seu nondum satis adultis, seu vegetissimis bulbis, & superfluente per imbres humore luxuriantibus antiquissimum est candidam, præcrassam, prolixam, anguineo more serpentem aut rectâ deorsum, aut in latus venam, seu nervum spargere, qui parte summa in bulbum desinit, ceu fœtus nuper editi solutior umbilicus. Fit etiam non raro, cum præsertim id bulborum diutius humatum esse permittitur, ut continuatus per adnatum bulbulum nervus unam alteramve præterea sobolem, tempestiva maturitate vernaturam, veluti catenata serie, subjungat. Id autem fieri crediderim, propterea quòd naturalis tuliparum sæcunditas, dum sobolem meditat, humorem naçta uberiozem, quàm qui citò digeri possit in bulbulos, in longum effunditur appendicem; quæ, quamvis radicibus consimilis, videtur tamen prominentis umbilici officio defungi; dum bulbulo, in quem deficit ac degenerat, alendo conferitur: ob eandem causam ea connexorum series bulbinorum continuatur. Ad hæc in altiorez latebram se penetrare consueverunt complures id genus bulbi, sive nativo pondere, sive frigoris humorisque amore deorsum urgente. Usque adeo vel per solidi elementi obicem ad ima prono amanti facilis descensus. Est etiam tulipa, quæ, suam ut feracitatem

*Tulipa
bombycina.*

*Persica bi-
color.*

*Præcoci-
ac Serotinae
indicia.*

velut jactantior extollat, bulbulos in ipsa caulis foliorumque junctura, hoc est, inter alas parit ac gestat. Pleræque tuliparum bulbaceæ radices utpote indiscreta specie ambiguoque vultu simillimæ, florum discrimina certò non indicant. Duæ tamen sunt, quæ notabilem in modum dissimiles cæterarum certis apertisque indiciis floris genus præsignificant. Bulbus majusculus, cui vulgaris coloris crassior ac durior membrana, tenui subalbidoque tomento intus languinosa bombycinæ tulipæ nomen fecit, florum dabit vel procero caule sublimem intus extraque rubrum, acuminatis & in summo subviridibus foliis distinctum; vel brevi scapo humilem, forinsecus ex viridi pallidum, intrinsecus tristi purpura dilutioribus lineis virgata nigrantem, uno pavonini oculi nomine à rudi specie in umbilico adumbrata speciosum. Persica bicolor tulipa utbulbo, sic flore longè recedit à cæteris. Bulbus igitur est avellanæ instar nucis perparvulus, prope rotundus; corio duriusculo, foris nigro, intus villoso, summo villo extante, carne candida. Flos senis coagmentatur angustis foliis, exterioribus ternis mucronatis, inter candidas oras dorso roseo distinctis, ternis verò interioribus, planè niveis, capitulo luteo, cinereis crocis: caule fulcitur gracili erectoque: foliis ambitur striatis, junceis, ac flexuosis. Ad extremum præcoces tulipas minore bulbo, serotinas grandio-

re

re plerunque dignosci, Clusii vox; recentis verò coloni observatio est, illas corona bulbi laxiore, has angustiore monstrari.

Ibid. c. 1.

*Fritillarie, Iridum, Liliorum, Orchis, atque
Ornithogali nota.*

C A P V T III.

Fritillaria nomen à fritillo, ab alveo lusorio Fritillaria. maculosas areolas mutuata multicolorem ludum in hortis ludit. Hanc etiam pictis A. Deleb. Stirp. Hist. Pempt. 2. l. 2. c. 28. C. Claf. Rer. plant. Hist. l. 2. c. 11. Crispin. Passem in Hort. florid. vero. Africæ gallinis consimilem suaviore gulæ vocabulo Meleagridem recentiores coloni appellant. Eandem ab inventore dixere narcissum Caperonium, à discolori forma lilium variegatum. Unico è caule pedali aut etiam longiore, tenui, quinis aut pluribus foliis, angustis, carinatis, impensè virentibus, atque inordinatè convestito flores singuli, interdum bini, raro plures, more tintinnabuli pendiles nutant. Quadratis aut oblongis maculis alternantibus plerique bicolores, velut opere tessellato, elegantissime variant. Nonnulli etiam unicolores sine varietate delectant. Interior foliorum pars floridiorè tinctura saturatur. Ungues, ut in rosis, candidant: inde ad medium usque solunt herbidi coloris linea producit. Stylus è floris erumpens umbilico inter sex luteos crocos quodam quasi pulvisculo conspersos multifidus eminet. Folliculus de-

K 3

inde

Tulipa
bombycina.

Persica bi-
color.

Præcocis,
ac Serotinae
indicia.

velut jactantior extollat, bulbulos in ipsa caulis foliorumque junctura, hoc est, inter alas parit ac gestat. Pleræque tuliparum bulbaceæ radices utpote indiscreta specie ambiguoque vultu simillimæ, florum discriminina certò non indicant. Dux tamen sunt, quæ notabilem in modum dissimiles cæterarum certis apertisque indiciis floris genus præsignificant. Bulbus majusculus, cui vulgaris coloris crassior ac durior membrana, tenui subalbidoque tomento intus languinosa bombycinæ tulipæ nomen fecit, florum dabit vel procero caule sublimem intus extraque rubrum, acuminatis & in summo subviridibus foliis distinctum; vel brevifcapo humilem, forinsecus ex viridi pallidum, intrinsecus tristi purpura dilutioribus lineis virgata nigramem, uno pavonini oculi nomine à rudis specie in umbilico adumbrata speciosum. Persica bicolor tulipa ut bulbo, sic flore longè recedit à cæteris. Bulbus igitur est avellanæ instar nucis perparvulus, prope rotundus; corio duriusculo, foris nigro, intus villosa, summo villo extante, carne candida. Flos senis coagmentatur angustis foliis, exterioribus ternis mucronatis, inter candidas oras dorso roseo distinctis, ternis verò interioribus, planè niveis, capitulo luteo, cinereis crocis: caule fulcitur gracili erectoque: foliis ambitur striatis, junceis, ac flexuosis. Ad extremum præcoces tulipas minore bulbo, serotinas grandiore

re plerunque dignosci, Clusii vox; recentis verò coloni observatio est, illas corona bulbi laxiore, has angustiore monstrari.

Ibid. c. 2.

Fritillarie, Iridum, Liliorum, Orchis, atque Ornithogali note.

C A P U T III.

Fritillaria nomen à fritillo, ab alveo lusorio *Fritillaris.* maculosas areolas mutuata multicolorem ludum in hortis ludit. Hanc etiam pictis *& Delant.* Africæ gallinis consimilem suaviore gulæ vocabu- *Stimp. Hist.* lo Meleagridem recentiores coloni appellant. Ean- *Pempt. 2.* dem ab inventore dixere narcissum Capertonium, *l. 2. c. 23.* à discolore formalilium variegatum. Unico è cau- *C. Claf. Re-* le pedali aut etiam longiore, tenui, quinis aut plu- *rior. plant.* ribus foliis, angustis, carinatis, impense virentibus, *Hist. l. 2.* atque inordinato convestito flores singuli, inter- *c. 111.* dum bini, raro plures, more tintinnabuli penfiles *Crispin.* nutant. Quadratis aut oblongis maculis alternati- *Passam in* ribus plerique bicolores, velut opere tessellato, ele- *Hort. florid.* gantissime variant. Nonnulli etiam unicolores si- *voto.* ne varietate delectant. Interior foliorum pars floridiorè tinctura saturatur. Ungues, ut in rosis, candidant: inde ad medium usque solenni herbidi coloris linea producit. Stylus è floris erumpens umbilico inter sex luteos crocos quodam quasi pulvisculo conspersos multifidus eminet. Folliculus de-

K 3

inde

inde turgescit sæpe uncialis; ac triangularis, super-
 nè crassior, haud coronatus, semine fœtus rufo,
 exiguo, plano & membranaceo. Radix bulbosa
 subiacet plerunque pusilla, orbiculata, depressa,
 nudula, exalbida; ubi aliquandiu inobruta fuerit,
 leviter lutea, in binas ut plurimum æquales partes
 veluti dissecta, & quæ caulis existit, extuberante
 toro pulvinata. Iris hortensis tam varia & versicolor
 est, ut cœlestem Iridem æmulata colorum
 vera specie coloratum cœli mendacium superet,
 idemque sibi decorum jure nomen adsciscat. Bul-
 bosæ radix ferè oblonga, & adnascensium nucleo-
 rum liberaliter fertilis subruvis aut subnigris indu-
 viis obducitur. Inde geniculatus caulis in cubita-
 lem sæpe profilit altitudinem, foliisque prolixis,
 angustis, striatis; superiore parte cavis, inferiore
 prope rotundis geniculatim circumdatur. Flos uni-
 cus, interdum etiam geminus in cactimine dehi-
 scit, figura picturaque nonnihil variantibus. Com-
 mune hoc omnibus, ut majora per ambitum folia
 de vexis labellis resupinentur, minora surrigantur.
 Post florem surgit longulum ac triangulum locula-
 mentum, quo tres in rimas fatiscente semen apparet
 angulosum, aut rugosum; rufum, aut fulvum. Iris
 alia partibus cæteris non dissimilis; flore solidose
 & majore præstantior, media floris paulò minutio-
 ra folia conduplicat, bulbumque magis rotundat.
 Bulbosam & latifoliam iridem è Lusitanis Bæti-
 cisque

Iris prima
 Clusi lati-
 folia.

cisque collibus cultissimos ad hortos transvectam
 ab eo, qui priorem describit accelebrat, Primam
 Clusii nominant. Bulbus cæterarum de more iri-
 dum modicus, candidus, phœnicea, tenui, lævique
 membrana velatus radices demittit vice glandium
 crassas, minusculum digitum longas, inde in præ-
 tenuem longitudinem procurrentes; quibus à flo-
 rum defluvio senectute rugatis & flaccidis novellæ
 subeunt, juvenilem parenti vim & fecunditatem
 suffecturæ: unde fit, ut altrici terræ fibris bulbus
 perennibus adhærescat. Folia prodeunt utrinque
 densa, sese invicem amplectentia, modicè carina-
 ta, longa, ternos digitos lata, acuminata, mollia,
 in terram prona, contortu plicata, supernè ex vi-
 ridi pallentia & levia, subrus incana. Medii flores
 membranaceis involucris evoluti, brevibus tene-
 risque pediculis instar croci vix eminentes, ex hæ-
 ruleo colore in violaceum inclinantes, interdum
 etiam lactei, vulgarembulbosæ iridis in faciem se-
 nisita foliis conformati, ut imæ præterea foliaceæ
 tres intersertæ exertæque lingulæ supinèntur, ad
 quindenos usque particulatim vernant, aliis ca-
 dentibus, aliis maturescenribus, aliis verò subna-
 scentibus. Hiberno frigore, ceu verno tepore
 citati gelidissimis mensibus; Decembri scilicet,
 Januario, & Febuario verbrumale diurnumque
 repræsentant. Ubi defloruerunt, ima pediculorum
 pars inter folia delitescens oblongam ac triangu-

C. Clus. R.
 vir. plant.
 Hist. l. 2.
 c. 44.

Iris Persica
variegata
præcox.

lam turget in thecam seminis, ut in tulipis, compressi, sed exalbidi, extremo Majo maturescunt. Persicæ iridis bulbosa radix proximè superiori persimilis minorem nacta est modum. Folia pauciora, diluto virore veluti rosulenta, atque in canalis effigiem concava sex digitorum longitudine, duum latitudine definiuntur. Exiguò post foliorum exortum sub extremum Februarium flores existunt superadietis conformatione pares, numero autem & colore dispares. Hi enim quaterni tantùm quinive pro cujusque bulbi viribus funduntur; totique sic albicant, ut folia terna surrecta dilutioræ cæruleo succo interfuso pulchrè livefcant: totidem verò hisce subiecta tum prominula crocea linea intercurfante distincta, tum violaceis guttis circumlita, grandiore janthini coloris velut holoserica macula devexum labrum infuscante, splendide nigrescant. Denique ejusdem formæ folliculus Junio mense maturefcit in semen. Quæ tuberosa & geniculata radice sunt irides, floris figura vix differunt à bulbosis. Quare minutiora minusque in rem meam necessaria discrimina petat, qui velit, ex iis, qui unicam florum historiam elaborarunt. Iridi lilium nominis adjungit affinitas, & contigua veris extremi tempestivitas. Nostrates horti emaculata & lactea venustate nativum rejiciunt, aut certè externo & silvatico posthabent naturali nausea, qua domesticas delicias fastidimus, perc-

Iris tuberosa.

peregrinis inhiamus. Candido autem notissimo-
que liliocum in aliis partibus, tum præcipuè in bul-
bo squamatim compacto subfimiles liliaceæ stirpes
omnes exteræ, ac nostris è silvis montibusque peti-
tæ, vario discrimine separantur; quas uno Martago-
num recenti nomine complectimur. Silvestris lili-
i, sive martagonis purpurei complura genera nume-
rantur. Aliud enim majus procero caule, foliis an-
gustis, atque è nigro virentibus circumfuso nume-
rosos, atque adeo lexagenos pluresve colore rubro
ad croceum inclinante dilutos, nempe puniceos
flores effert. Aliud humilius, minusque floribus sæ-
cundum, necnon foliis dilutioribus silvescens,
atque ex ipso bulbo propagines in latera graminis
more dispergens partibus cæteris consentit. Illud
autem cum hi, tum reliqui martagonum bulbi fa-
miliare habent, ut supra infræque porrectis fibris
liberaliter barbati sint. Aliud invenitur his non
absumile triplicis generis silvestre lilium etiam in-
ter folia floresque bulbosum. Est enim, quod non-
dum ferendis floribus per ætatis immaturitatem
par secundum caulem inter folia nascentibus bul-
bulis luxuriat, ac deinde in summi tantum caulis ra-
mulosa divisura, & juxta flores bulbos grandiuscu-
los effundat; cum ad bina usque cubita satis adul-
tum & senescens sanguineis floribus purpurat. Est
etiam, cujus jam adulti scapus humilior & fere cu-
bitalis raros, eosque superioribus minores bulbos
sum-

Martagon,
sive lilium
silvestre.
R. Dodon.
Stur. Hist.
Pempt. 2.
L. 2. c. 2. l.
C. Clus. Ra-
rior. plant.
Hist. l. 12.
c. 6.
Panicum
majus.
Panicum
minus.

Purpureum
triplex, in-
ter folia
floresque
bulbosum.

summis tantum in alis ferre sit solitus. Postremo est, quod inter superiora duo magnitudine medium numerosa bulborum tum foliis tum floribus adnascentium sobole semper oneretur, quodque è bulbi prædicto minoris lateribus propagines plerunque fundens, extuberantibus ad singula genicula candidis bulbulis latè sese disseminet. Pensiles porrò bulbi seu vento seu contactu decussi, terraque reconditi maternam radicem pari fecunditate imitantur. Quin etiam, dum scapo adhuc inhærent, fibras deorsum agere interdum solent, iis velut brachiolis communis germium nutricis implorantes. Ferunt præterea lilia hæc universa triquetris folliculis latum, cartilagineum, & leviter fuscum semen. Cæterum in horum aliquo liliorum poeticum hyacinthum, atris doloris vulnusculis compunctum, flebiliter efflorescere indicat fabula concolor ferrugineus floris rubor, nigellis atque adeo lugubribus lituris punctim literatus. Sed iste poetarum cantu, quàm colonorum cultu nobilior flos est. Geminum visitur lepidioris formæ lilium, quod Matthioli martagon, aut hemerocallis altera dicitur, è silvis montibusque in urbes hortosque translatum. Alterius sæpe bicubitalis, rotundus, & purpurascens caulis oblongis, latis, acuminatisque foliis in stellam sese pendentibus certa per intervalla radiatur: è pediculis prono suspendio vacillant flores purpura frequenter obsoleta, quando-

Ferrugineum atris
notis inscri-
ptum, sive
Hyacinthus
poeticus.
Æ. Dodon.
ibid.

Id. ibid. c. 3.

Montanum
primum.

doque elegantiore suffusi, & purpureis aut nigricantibus interdum maculis notati, nonnunquam etiam incontaminato candore spectabiles; foliis annulatos in cirros, velut calamistro, vibratis & reflexis; staminibus summa parte capitulatis, & citra mediam styli clavam extantibus. Squameus, atque in acumen gracilescens bulbus, quod ochræ luteo colore inficitur, apud Germanos aureæ radicis pretiosum nomen invenit. Multò alterum elegantius caulem attollit cubitalem aut proceriorem, non admodum tamen crassum, inferius ex purpura nigricantem: lævibus, pinguibus, surrectis, sensimque brevioribus foliis comosum. Ad hæc floribus grandiusculis, cinnabaris minique temperie prodigè coloratis nitidè rubet: neque à lilio Byzantiæ rubro distare videtur, quod à crispsula & cincinnata foliorum forma Italico blanditu Domina cincinnus vocitatur. Bulbosa radix superiore amplior minutioribus & subcandidis nucleis veluti squamatim coalescit. Habet Pomponii Martagon, quod à prædicto lilio nonnihil discrepat. Nam iustæ magnitudinis bulbis quasi squamulis compactus minutissimis, ac depressior sulphureo colore flavel. Scapus in quatuor circiter palmos adolefcit; ac productioribus, tenuissimis, contortis, asperis, inferiore parte abundè virentibus, & paulatim decrefcentibus foliis fastigatus densius capitatur. Flos priori congener tetro coronæ imperialis

C. Claf. Rarior. Plant. Hifp. l. 2. c. 4. Montanum alterum.

Martagon Pomponii.

(ut

Orchis.

(ut vocant) odore degenerat. Congruunt colore formaque nostratibus exteræ martagonum radices: quanquam in frigidiorē plaga, solo cœloque magis propitio, felicius florere dicuntur. Orchis radice constat bulbosa, in oleæ modum oblonga, gemina; altera plena & vegera, altera rugosa & flaccida; utraque alternis annis intumescēte ac decrescēte, supernè in imo caule fibrata. Inter pauca mirabilis est herbæ hujus varias animantium imagines numeroſo partu progignētis nunquam effecta fecunditas. Verum nobilissima in primis, florumque lectissimorum digna consortio censetur duplex ejusdem generis radix anthropophora; quarum altera hominum mares, altera femellas capitulis velut è galea, sive trifido involucro purpurascēte pensilibus, extēntis brachiolis, divaricatis cruciculis, corpusculis carnis colore subrubentibus extremo vere, aut ineunte autumno parit. Et quisquam dubitet humanogenēri decoram esse florum culturam, cum suorum illi cultorum in effigiem humanissimè transformati grata vice beneficium recolare videantur? Masculorum parens solia fundit ex pallido virentia, alia scapo circumvoluta, latè alia diffusa, & per ambitum undosa, unciam lata, palmum longa: ipsum verò pedalem scapum tenerum, & viridi lævori nitidum densissimis flosculis ab ima parte dehiscētibz inspicat. Flores, antequam dehiscant, purpurant: ubi

Orchis florum
vires viros
exprimens.
Fab. Columna Minus
cognat. Stup.
& Rerum.
par. 2. l. 4.

ubi deinde humanam in faciem explicati lineamentis hominunculi patuerunt, mentiente carnem fuco suavius rubent. Priorem hanc in herbosis Casperix collibus radicem reperit Fabius Columna, vir tum in pervadendis eruditis naturæ latebris industrius, tum Lynceus in pervidendis. Constat germinare asserit autumno: mense etiam Aprili floruisse: autumnii initio simplicem esse, & absque fibris vegetam: aliam deinde ab ipsa gigni vegetissimam, & succi juvenilis plenam, matre interrim senescente atque in rugas abeunte. Subsimilis est radix fœmellarum puerpera, bulborum altero justæ olivæ magnitudinem æquante, albicante, ac duro; altero autem minusculo, pullo, & rugato. Caulem hæc sesquipedalem, rotundum, lævem foliis duobus complectitur: ima quinque ferè semipedalia, unciam circiter lata, & recurva ex longa cervice ab humo sustollit. Majo mense floret silvosis in montibus Æquicolorum, è trifido integumento wirefcente, ac per oras purpurante suspensis muliebris formæ minutulis ludibriis, congerie in acutum fastigium decrefcente spicatis. Utriusque radicis flores aureis velut arenulis pulverulenti splendide fordescunt. Notabilis in ornithogalis est bulbi candor, imique verticis, unde capillamenta funduntur, latitudo. Sed præ cæteris, quorum pleraque nostrate in solo passim occurrunt, elegantiæ & raritate peregrinum spicatum placet.

Orchis floribus mulieris exprimens, Id. par. 1. c. 146.

Ornithogalum.

Peregrinum spicatum.

placet. Bulbacea ipsius radix rotunditate ac magnitudine Arabici ornithogali, quod vulgò Alexandrinum liliū vocant, radicem æquat, candore etiam superat; latitudine autem basis, ex qua prodeunt fibræ, superatur. Quina aut sena folia brevia & lata instar eriophori, sive hyacinthi Peruani humi sternit secus, quàm aliud solet ornithogalum spicatum, quod folia surrigit. Caulem trudit gracilem, at robustum, qui post mensem Majum in floream palmarem spicam fastigiatur. Flores lactei coronario frutici, sive candidæ syringæ non absimiles, medio subviridi capitulo turgentes, quod cum sementat, exalbicat, particulatim vernant. Neque tamen, dum summi dehiscunt, imi contrahuntur atque flaccescunt, quemadmodum in floreis plerisque spicis usu venit, sed, ubi avarum sui spectaculum per partes & paulatim indulserunt, universa demum argentea pompa simul explicata oculos ditant.

Hyacinthorum notæ.

C A P V T I V.

FLoribus hisce bulbaceis, plerisque grandioribus pulchrè attextitur hyacinthus, corpore, non gloria minor. Quoniam verò geminos, genere longè discretos unum hyacinthos

Hyacinthi
nomen an-
ceps.

nomen

nomen amplectitur; alterum, quem rubrum sive ferrugineum lilium (ut modò præmonuimus) herbarii, comosandalon Hermionenſes apud Pauſaniam, inſcriptum hyacinthum Theocritus appellat, quia floream ferruginem nigris & veluti funeſtis notis punctim inſcribit, funebri memoria vernans ſive Hyacinthi ſive Ajacis in hunc in florem fabuloſo miraculo mutati: alterum, qui non inſcriptus vocari poteſt, quique Vaccinium à priſcis Quiritibus, à recentioribus Gallis tanquam priſtini vocabuli veſtigio Vacietum appellatur: hunc nos in præſentia poſtremum non inſcriptum deſcribimus. Hic in omnes prope colores tum naturæ tum artis felici conſpiratione facilis Vertumnus, modò candidus monſtrat nigra vaccinia eximie poſſe exalbescere, ut alba liguſtra alieno candore victa penitus cadant: modò cinereus florem Phœnicem ſe probat, qui cinereis animat: modò ex albo rubens humani vultus formoſam temperiem pulchrè transformat in florem: modò cælo concolor Archimedeſ ludit, dum cælum anguſtiùs contrahit: modò colores alios mille non fictos & breves, ſed veros & conſtantes vario è ſatu trahit; ut admirationis filiam, fugitivam Iridem provocet & ſuperet: modò polyanthes numeroſo ſe ſoſculo conveſtit, ut unus ſlos hortus ſit. Folia illi oblonga, porri foliis plerunque anguſtiora & breviora, carinata, lævia, & ſplendens:

Lib. 2.
Idyll. 10.

Plin. l. 21.
c. 21.

Vaccinium

Joan. Ruell.

De nat.

Stirp. l. 2.

c. 104.

Hyacinthus
non inſcriptus multi-
color.

tia: caulis teres, enodis, glaber, fungosus, digito sæpe minimo gracilior, interdum quoque digitalem ad crassitudinem proficiens, aliàs florea turri superbus, aliàs onere felici languidus: flores à tubulatis angustis in calathi formam repandi, lili divifura per oras reflexi, à medio plerunque, nonnunquam etiam ab imo caule ad summum, nunc in latus, nunc per ambitum, modò densata, modò rara serie digesti: semen in triangularibus valvulis exiguum, rotundum, nigrum: bulbosa radix intus candida, & quemadmodum etiam tota

Hyacinthus
Orientalis.
R. Dodon.
Str. Elst.
Pempt. 2.
l. 2. c. 17.

herba, lento succo glutinosa. Orientales vulgò hyacinthos appellant, qui pinguiora latioraque explicant folia, qui crassiores vegetioresque exerunt caules, qui majores patientioresque suspendunt flores, qui denique à fertili lucis Oriente nitidam formositatem ducere videntur. Horum præterea geminum fastigium est, majoris alterum hyacinthi copiosius, alterum minoris parciù efflorescentis. Cæterum pro discolori florum varietate cernuntur plerique bulbi & coloris & figuræ discerniculo insignes, qui florea discrimina præmonstrent. Neque verò diffiteor nonnullos tam obscurè bulbos inter se differre, ut perspicacem etiam judicem sæpè fallant.

Albus brumalis.
Cæruleus odoratus
præcox.

Præcocem hyacinthum candidum bulbus arguit nonnihil compressus, & rubicundis tunicis prævelatus: bene odoratum, ac leviter cæruleum præ-

ma-

maturè vernantem pusillus, globosus, superiori
concolor, adnataque posteritate sese facile disse-
minans: cyani sive Lazuli cœlestis decus æmu-
lantem in pyri formam turbinatus, & saturata
purpura nigricans: hujus consimilis, obscuroque
discrimine prope gemellus exuberante cœli colore
splendide fuscum, foliolisque convolutis Februa-
rio & Martio mense cincinnatum: Byzantium
odoratissimum floribus diluto colore cæruleis,
splendentibus, majusculis, & raris mense Mar-
tio visendum in rapi rotunditatem depressus,
conglobatus, atro rubore suffusus: lætæum me-
dia tempestate florentem, atque à magni Ducis
Hetruriæ stabulis viridario conterminis imparem
appellationem indeptum vastior, in latitudinem
fusus, exalbidus: violaceum dilutioribus macu-
lis intercurrentibus distinctum, cui vernaculum
à leonino colore nomen est, non ita magnus, in
globulum prope collectus, nucleorum, quàm flo-
rum, fertilior, & pallidus: cineraceum modicè
subsiciens, inhxrentis crebræ squolis pressu atque
suctu denormante rærenter in rotunditatem glo-
batus, subpallidus: subrubente tubulo albican-
tem longulus, carne tenerimus, & hanc ob cau-
sam cariosa sæpe basi vitiosus: obsoleti candoris
serotinum polyanthem, facie simillima geminus
proximè superioris, qui florem fert ex albo ru-
bentem: subnascens per floridi caulis interval-

*Cyaneus
præcox.*

*E cyaneo
fuscus &
crispus.*

*Cæruleus
major odo-
ratissimus
Byzantius.*

Candidus.

*Violaceus
dilutioribus
maculis di-
stinctus.*

Cineraceus.

Subrubens.

*Albus sero-
tinus poly-
anthes.*

*Violaceus
polyanthes
caule folia-
to.*

L

la

Polyanthes
multifor-
mit.

Cæruleus
dilutior co-
lore rosma-
rini.

Subviridis
duplex.

Racemosus
multiplex.

Januarius
multiplex.

Roseus
multiplex.

la virentibus æniis foliatum rotundus, & frequen-
ter exesam carie imam sedem explantibus bulbu-
lis deorsum versum sobolescent: polyanthem quā
odoratum, quā inodorum, eumque maximè,
quem satu plerunque felicissimo prodigiosè va-
rièque multiferum suscipit quā feroc armorum,
tam mitis florum genitrix Brixia, compactus, or-
biculatus, nullo rarove hærede cohærente infœ-
cundus, tota in florei partus absolutionem luxu-
riante fecunditate: isti planè consimilis rosma-
rino coloratum, cum præcoccem parcius, tum
ferotinum liberalius florum feracem, & præcrasso
caule spectabilem: duplicato autem flore ex albo
& cæruleo virescentem itidem rotundus, foliati
radice major, sessili parte vitio obnoxius. Vio-
laceus est singulari pulchritudine hyacinthus, qui
de singulis longiusculis pediculis flosculos com-
plures frequentiore foliorum coma stipatos race-
mi modo plerunque suspendens (interdum enim
præter morem abortivus more provenit cætero-
rum) appositè racemosus dicitur. Hunc ex bulbo
conspicis mediocri, quadantenus rotundo, & sub-
rubentè. Januarii nomenclaturam à cultoris co-
gnomine sortitum in pusillæ rosæ formam foliosum,
pretiosumque diluto cælesti colore hyacinthum
prædicto cyanei floris bulbo simillimus ambigüe
indicabit. Sed grandiore Roseum flore, pariterque
cæruleum signo nullo insignis bulbosa radix à vul-
gari-

garibus non secernit. Anglicum sive Belgicum, Anglicus, sive Belgicus serotinus. nempe campestem earum regionum florem extremo Martio vernantem ex bulbulō interpretaberis nudulo & candidulo; si cæruleum is progignat, Cæruleus. sæpius orbiculato; si candidum; aut ex candido rubellum, Candidus. frequentius oblongo. Hispano hyacintho serotino atque inodoro minorem natura modum, faciem Belgico per similem dedit. Cæruleus plerunque aut candidus mense Majo palmari spica verna, Rubellus. cujus apex ad quaternos digitos confertioribus flosculis oneratur; cauliculus prætenus, & prædurus diluto colore viret; folia, quàm in Belgico, tenuiora atque angustiora canaliculatim incurvantur: albus & globosus bulbus pusillam junceo folio Hispani narcissi bulbosam radicem æquat. Hispanus serotinus. Obsoleto colore tum viridis, tum rubentis sive melini hyacinthi bulbus in crustumini minusculi pyri effigiem longiusculus, albidus, latiore basifessilis: folia prælonga, angusta, carinata, succosa, pallido virore suffecta, mucronata, flexuosa: caulis subviridis, pedalis, gracilis, duriusculus, ab imo ad summum inæqualia per intervalla secundum angustissimas foliaceas appendiculas flores extremo vere ferens Belgicis consimiles, nonnihil tamen longiores, è brevibus pediculis nutantes, senis foliis contextos, exterioribus quidem reflexis, interioribus verò tanquam in tubulum coeuntibus; imam spicam rariore, summam

Peruanus.

Botryodes
odoratus.

densiore copia onerantes, onerique interdum
 imparem & languidam acclinantes: folliculi semi-
 ne offertissimi plano, cartilagineo, circinato, ni-
 gro. Hyacinthum stellatum polyanthem Perua-
 num foliis crassioribus, latè carinatis, angustè mu-
 cronatis, splendide virentibus, propter liumum
 fufis; caule firmo, tereti, glabro, virescente; mi-
 nutis innumerisque floribus modò cæruleis, modò
 ex cæruleo in violam inclinatis, modò albis, mo-
 dò albidis, in stellam hiantibus, spicatum in turbi-
 nem conglobatis, ex ima primum parte sese pan-
 dentibus; acuminatis ac trigonis folliculis semen
 rotundum & nigrum concludentibus, bulbus ef-
 fundit grandior, foris fuscus, sub exteriori tunica
 laniger & re ipsa eriophorus, basi lata & prominen-
 te sessilis. Mera in florem collecta suavitas, hya-
 cinthus botryodes Chalcedonius, sive Turcarum
 Muscari, vel ipso barbaro nomine jucunde olens
 caulem surrigit crassum, teretem, fragilem, ad
 partem usque dimidiam nudum; inde ad cacu-
 men flosculis, utpote jucundissimi odoris plenissi-
 mis, in urceolos meritò conformatis, modò levi-
 ter luteis, modò subalbidis acervatim racematum.
 Prægrandibus, ac triquetris vasculis semen includit
 nigrum, rotundum, crasso par. Folia frequenter
 humi sternit prolixa, in mucronem fastigiata, satis
 & crassa & virentia, canaliculata, tortuosa. Bul-
 bum subijcit oblongum, albicantem, compluribus
 tuni-

tunicis caparum instar coagmentatum, crassis fibris ex ima extuberante basi diffusis, nec unoquoque anno pereuntibus & rediivis, sed perennibus innixum. Illud habet tandem subjicere, sufflavum hyacinthum botryodem geminum esse, alterum præcocem, serotinum alterum non sine discolori discrimine: illius enim præfestinatum ante hiemem germen expallet; hujus verno tempore tempestivum saturatiore purpura nigricat. Colitur præterea duplex hyacinthus botryodes inodorus, lacteo candore alter, alter diluta purpura respersus. Illius cauliculus, & juncea folia languido virore pallent; hujus autem ex viridi purpurant. Utriusque flores Aprili mense perangustis oscillis oscitantes concava rotunditate globantur minutarum effigie margaritarum, à quibus Italicum nomen retulerunt; summumque cauliculum uva confertim vernante convestiunt. Rotundi bulbuli penetralem candorem pullo cortice infuscant: prodigiosè etiam fœcundi, quod angustis corpusculis nequeunt; numerofo nucleorum partu latè se porrigunt. Comosus florum panicula hyacinthus, Aprilis flos, quod in floridissima Sannesiæ domus amœnitate primum admirabilis hospes Romam oblectavit, Sannesiæ dictus est: quod autem luctibus ac funeribus dicatæ cupressus læta ridet imagine, vulgò cupressinus appellatur. Flosculos granosos, capillamenti modo tenues, tenerrimos, fragiles, velut vitrea glacie concretos,

C. C. Append. ult. ad plant. h. flor.

Botryodes inodorus candidus, & rubellus.

Sannesiæ florum panicula comosus, live cupressinus. Fab. Columna Minus cognit. Stirp. ex Rarior. par. 2. c. 5.

Indicus tu-
berosus
candidus.

vario flexu ramulosos, è cœlesti colore in purpuram inclinantes primùm instar fœminæ cupressus metæ aspectu in fastigium convolvit; deinde, ut assolet mas, extra se spargit: cauliculo sustinetur subviridi, seu subalbicante, prætenui, rotundo, lævi, lignoso, inter folia profliciente prælonga, succosa, nonnihil carinata, & flexile in cacumen extenuata: bulbum turbinat; subrubente foristunica involvit, crassisque fibris firmat; à comoso spurio hyacintho dilutiore potissimùm rubore, & minuscula mole secernit. Indici hyacinthi, sive Asphodedi nuper ad nos translata tuberosa radix, ex qua ille cum vita nomen accipit, oblongum botryodis odorati hyacinthi bulbum imitatur: carnis, & subnascentis calli duritiem superat: nitiùm sui prodiga, & raritatis gloriæ officiens innumeros toto corpore parit hæredes: ineunte vere folia emittit in terram convexa, proluxa, digitum lata, in acumen deficientia, viridi lævore nitida: caulem impellit ferè bicubitalem, duriusculum, lævem; geniculatum, brevia è geniculis folia fundentem, minimo nunquam digito crassiorem, numerosis floribus cacumen onerantibus uberrimè spicatum. Hi succo pleni, degenerare à patriis Indis lacteo vultu oculis, odoratissimo spiritu naribus suavissimi, aurei mali floribus æquales, ab ima parte particulatim sese explicantes æstivis mensibus ad hiemem usque vernant.

Cycla-


Autumno-
lia

flore prorsus candido Cyclaminum prædictarum priori partibus plerisque simillimam tum floris theca magis turgida, tum flosipse numerosis foliis nondum satis evolutis primò glomerofus à populari secernit. Probabilior autumnii Cyclaminus aut languidè odorata, aut penitus inodora simili colorum in floribus discerniculo exalbescit. Ejus folia in orbem sparsa, crispa, supernè maculosa, angulata, & marginibus quasi circumrosis crenata ipsi floribus præpostera lentè festinant. Ubi marci di flores interciderunt, semine gravia longis cum pediculis, quibus insident, capitula multas convolvuntur in spiras, donec terram attingant: illic demum adulta; maturoque partu hiantia semen ostendunt inæquale ac fulvum; quod humo exceptum non abit in germen more seminum cæterorum, sed in tuberculum rotundatur, unde postmodum folia emergunt. Radix tuberosa in orbiculatam latitudinem effusa, oculis interdum, velut in cauliculos, extantibus supernè scabra, senio etiam rugosa candidam carnem nigrante corio investit. Indicum tuber effigie rapuli, colore intus albo, extra subrufo, corpore binos ternosve digitos lato, superno infernoque umbilico angusto, & nonnihil introrsum acto paucos ante annos ad Parisienses hortos advectum est è Bâtavia. Illic toto triennio sine fibrarum exortu, sine floris ostentatione ignavum atque inglorium latuit. Romam denique transla-

Flos Indi-
cus è viola-
ceo fuscus
radice tube-
rosa.

translatum, velut crosus terebratumque tere-
 dine, in Tranquilli Romauli manus, efficaces nem-
 pe cultrices, venit. Hæ vario satù indolem tuberis Tranquil-
 lus Ro-
 maulus.
 per biennium explorarunt. Et primò quidem flo-
 rem elicit macra humus cum exiguo fabulonis ad-
 mista. Jam verò ferum tuber adeo cultus edomuit,
 & consuetudo mansuefecit; ut communi bonoque
 olerum solo gaudeat, arcanumque gaudium flo-
 reo risu exprimat. Septembri mense radix in fi-
 stili primùm deposita germinavit Octobri; tum
 verno tepore turgere cœpit in florem: sed florea
 spes intempestivis pruinis præusta decoxit. Folia
 exeunt è tubere longa, & sæpe cubitalia, lata, ner-
 vosa, striata, gladii modo in mucronem exacuta,
 diluto virore albicantia, propter humum candida
 rubrisque guttis intertincta. Medius deinde scapus
 exilit dense ramulosus, & bulbosæ iridis more ar-
 ticulatus, at brevioribus mucronatis foliis articu-
 latim armatus: ut licet iridem nonnemo vocitet,
 gladiolo tamen propior hæc planta videatur. Flo-
 res simplici narcisso grandiusculo prorsus albo sup-
 pares in sex folia decussantur subter virescentia,
 supra è violaceo fusca, nativo tanquam holoseri-
 co villosa, furvis & velut fuligine oblitis per am-
 bitum cirris, seu fimbriis crispula & corrugata,
 atris albidisque unguibus maculosa, prominula li-
 nea intermeante distincta. Medium præterea sty-
 lum surrigunt janthinis, atque albicantibus macu-
 lis

lis notatum, staminibus tenuissimis in imo violaceis, in summo luteolis capillatum, quaternis quoque majusculis bifidis crocis exteriorem in decussatem demissiùs digestis coronatum. A medio caule ad cacumen usque summis è ramulis, atque ex ipso foliorum complexu mense Martio atque Aprili particulatim existunt. Medicamenti cujuspiam, aut mellis excocti elegantem odorem expirant. Diem, aut paulo diutius vivunt brevissima digni vita, quippe nocti mortique nigritudine concolores. Emortui, velut informia vespertilionum cadavera, illepidè contrahuntur: deinde ultro caduci voluntarium properant ad sepulcrum. Mira est hujus tuberis fœtura: ex imo enim umbilico fibra prodit modò longior, modò brevior, narcissinæ instar candida & modicè crassa, cujus summa pars in tuberculum paulatim sobolescit. Quare factum est non semel, ut ejus fibræ jam corruptæ soluto nexu procul à matre præter morem natus fœtus inobservato adhuc miraculo inveniretur: interdum quoque brevioris fibræ ligamine adhuc integro soboles matri cohærens & contigua, vel etiam de more adnata deprehenditur.



FLOS INDICVS E VIOLACEO FVSCVS
RADICE TVBEROSA





Anemones notæ.

CAPUT VI.

FLoriferis oraculis abundat exigua radix anemones, ut omnium voluptati oculorum quàm maximè prospiciat. Sunt, qui anemonem Phenion vocent: alii Adonidis ab apro Plin. l. 21. c. 23. Nicander. Theocrit. interempti florem appellant: alii Veneris Adonidem lugentis lacrymas in eum florem concrevisse debilaterant, innocentissimi risum floris impuræ fabulæ tragico luctu funestantes: alii denique vim Græci nominis interpretati florem venti nominant, quia non sine vento aperitur; & (quas etiam aula vices alternat) eadem, qua fovebatur aspirante aura, reflante diffatur. Duo autem sunt Anemone duplex. hujus herbæ fastigia: alterum enim tenuibus coriandri foliis alte multifidis, minutim laciniosis, atque tergeminis; alterum apii modo divisis, tripartitò dissectis, rotundum per ambitum modicè serratis, & leniter crispis viret. Ejus, quæ tenui Tenui folio. folio est, anemones cauliculus nudus, exilis, leviter lanuginosus, palmaris, aut etiam pedalis, circa dimidium aut sub ipsum cacumen tribus foliaceis laciniiis sine pediculo pressius cohærentibus, & aliquantulum surrectis intercinctus, in cacumine florem explicat latioribus foliis non minus senis, ferè in rosæ amplitudinem circinatum, medio inter-
terdum

terdum globulo staminibus obsito, exalbido, atque villoso capitulatum, qui tomentosam in lanuginem semine subrufo, longiusculo, planoque plenam aura levissima solvitur ac dissipatur: interdum etiam sine seminali capitulo coma densissima capillatum. At verò latifolia flos simili caule suffultus angustiorum foliorum modò simplici, modò multiplici serie contexitur. Excusso flore caput in umbilico eminulum nascentis asparagi cacumine intumescit, exili flocco incanum, & lanuginoso semine densatum; quotandem fatiscente, leviter volitantes seminales villos incautis cultoribus auræ præripiunt. Utraque anemone multum, sed latifolia è semine variè degenerante progenita licentius versicolore varietate lascivit. Quæ folio tenuiore pubescunt floris hujus radices, intus candidæ, pullo foris castaneæ colore non sine multiplici discrimine nigrificant: pleræque etiam in graciles, pressas, longulas, & inæqualiter articulatas appendiculas, quas ab imitamento linguas vocitant, effunduntur: nonnullas tamen animadvertimus nodosis oculis, quàm porrectis lingulis, frequentiores; præsertim sunt, quæ florem ferunt arboris persicæ flori concolorem, minutulas lacinias conglomerantem, quæ vivido cinnabaris rubore splendescentem, quæque planè viridi facie ahcipitem an inter flores herba sit, an inter herbas flos. Diuturna quoque observatione comperimus linguæ figuram fatam

Utriusque
discrimina
è radicibus.

fatam radicem in tuberosum oculum adnatis circa oblongis, & planis internodiis lingulatum sæpe degenerare. Latifoliae autem universae radicibus indicantur magis nigricantibus; nullas exertantibus lingulas; sed rotundos in oculos extuberantibus. Hæc autem oculata tubercula aut lata rotunditate subsidunt, aut gracili longitudine assurgunt. Dubia & facile fallentia florum discrimina petuntur è radicibus; quia sæpenumero vix, aut ne vix quidem facie discrepant: nos certiores cujusque notas præmonstrabimus. Inter eas, quæ tenui minutimque conciso sunt folio, & folioso flore, anemonas pallido candore lacteam radix indicat fusca, tenera, longis hæredibus sobolescens: circumfusus foliis albicantem, medioque villo subrubentem subpallida, duriuscula, longulas in soboles porrecta: rubram colore fusco ferruginea, lingulis oculisque pariter articulata, rara carie laborans: vegeto cinnabaris colore miniatulam, oculosque hilari luce perstringentem degeneri pallore decolor, nodosis toris levi nexu coeuntibus frequentius compacta, cariem sentire facilis: isti persimilis eodem fulgentissimo minio albis maculis guttato bicolorem: convoluta utrinque folia exuberante cocco saturantem proximè superiore magis fusca, pluribusque ac longioribus lingulis foecunda: languidè miniatam ex fulvo nigricans, in longas lataeque soboles ramosa: rubram albo virgatam è cinereo fusca, atque

ex

Anemone
tenui folio,
pleno flore
lactea.

Albicana.

Rubra.

Cinnabaris
saturato co-
lore minia-
ta.

Cinnabari
albisque
maculis bi-
color.

Coccinea
foliis con-
volutis.

Diluto mi-
nio colora-
ta.

Rubra albo
virgata.

Alba rubro
circundata.

ex facili putrescens. Huic parenti pallore ac teneritudine corruptioni obnoxia congener, novo mirabilique flore formosè degener geniculatusfœtus pudico & matronali visendam ornatu profert anemonen, purpurea nimirum instita circundato foliorum candore stolatam. Usque adeo non bene floret candida pulchritudo, nisi tutelari pudoris ambitu circuntegatur. Flos autem hic ut habitu, sic origine & pulchritudine Romanus natales habuit sanè memorabiles. Etenim rubræ albo virgatæ anemones humata radix inter flores de more maculosos è sobole adnata candidum florem edidit, cujus oras instar subsuti limbi ambitiosa purpura obibat. Ea soboles & adnotata, & à matre divulsæ simili semper miraculo floruit, perpetuamque demisit ex se posteritatem, ejusdem laudis hæredem. Trium colorum anemonè, foliis nempe fusco rubore saturatis, amaranthina coma, mediisque eminulis cirris blandè rubentibus insignis è radice dignoscitur nigricante, planos in oculos sapius collecta, quàm longas in linguas diffusa, & frangentibus contumaci. Alia quinque colorum anemone addit superioribus tribus, aut certè consimilibus coëuntium in oculi speciem unguium sulphureum, expansæque comæ imum argenteum colorem. Ejus radix proximè superiore parcius nigrat, molliùs riget, floresque pro vocibus locuturas copiosè sobolescit in linguas. Monendus

Trium colorum.

Quinque colorum.

neptis hic es, inveniri præterea degenerem & mendacissimam nomine tenus quinque colorum anemonem, re autem ipsa nullius prope coloris: perraro enim floret, ac luxuriantibus tantum foliis infelicitè silvescit. Radix hortorum exilio multanda oculorum nodosa sæcunditate discernitur.

Saturo rubore fusco, albo distincta trium colorum anemonen referat radice nigrore, in lingulas ocellosq; porrigitur, & frequenti carie absumitur. Violaceam, sive (ut alii à diluto colore nominant)

Saturo rubore fusca, albo distincta. Violacea.

columbinam ex radice prædisces misto atrore cinerea, lingulata, & vitio, postquam ingranduit, opportuna: mali Persici subrubicundis floribus concolorem, & medium capillitium colligentem è subalbida, tuberculisque sæpe acervatim adnatis incommodè coagmentata: eodem languido

Mali Persici flore subrubicunda comam colligens.

rubore gemellam, sed promissa & violaceis circumdata staminibus como disparem è longis latisque ramosa internodiis, & magis pulla. Quæ floribus folia holosericum imitantia obsoleto rubore infuscans, mediisque laciniis virens supra morem cæterarum caulem in excelsum impellit; radicem oblonga per intervalla geniculatam vehementer denigrat. Quæ verò viridior herbescit, biformis est:

Mali Persici flore subrubicunda comam expligans. Rubra mediis laciniis virens.

altera enim confertum medium villum superiore molliorem, velut in paniculam, convolvit: altera sic, ab umbilico ad media usque exteriora folia viret, inde ad oram subrubet; ut pavoninæ cau-

Tota viridis. Umbilico viridi subrubens.

M

dæ

Alba diluto
rubore um-
bilicata, &
coma du-
plici bico-
lor.

Flammea
flore sim-
plici.

Purpurea
flore holo-
serico sim-
plici.

dæ oculatum orbem imitetur; molliſſimum quoque
florei verticis frequentem capillum non criſpat,
ſed promittit. Utraque radicem tum oblonga,
tum rotunda ſobole extuberantem pullo indiſcri-
minatim colore ſufficit. Poſtrema inter folioſas
recenſetur anemonas, quæ nuper è ſimplicis floris
ſemine Romæ floruit formoſiſſima: candidis fo-
liis diluto rubore umbilicatis latiffimum in orbem
patens duplici ſpiſſa coma, & veluti gradata capil-
latur, altera attonſa & viridi, interjecta mediaque
altera intonſa & incana; quæ foliis etiam diſapſis
diu florida tam latè expanditur, ut lacinioſum flo-
rem anemonas latifoliæ mentiatur: provenit autem
è radice pallida, compacta, carnoſa, & vegetiſſimas
linguas exertante. Probabiles præterea exiſtiman-
tur ſine mediis laciniiſ anemonæ ſimplices non-
nullæ. Inter has quæ, foliorum candorem flam-
mea purpura in radios diſtinguente, purpureis à
flammis nomen trahit, radice ſubpallida tenuique
cum in oculos, tum in lingulas propagata ſe re-
parat; lanuginoſo etiam ſemine in varios diſcolo-
resque vultus ſeſe reſeminat. Neſas hic fuerit in-
dictam præterire anemonen, cujus flos à pulchri-
tudine Rex indigitatur. Non deſt huic Regi ni-
grans, & florido ſerico villoſa foliorum purpura,
cœleſti eleganter colore umbilicata. Purpurea
idem folia & laxa & promiſſa in tuliparum æmu-
lationem expandit; ut regio more ſyrma trahere
videa-

videatur. Radicem articulata gracilitate ramulosam subnigro squalore rufat. Cæterum latifoliæ anemonæ pari ferme atrore suffectis, nodosis, oculatis, interdum quoque ab opacitate, à morbo, à senio tenuiculas protendentibus cervices radicibus inter se vix differunt. Florem verò duplici ^{Latifolia duplex.} aspectu proferunt: aut enim exterior atque imatiorum foliorum series subviridis, ac discolori floribus rudimento virgata tenuissimas & confertissimas floreas lacinias suffulcit; aut foliis flos universis æquè angustis, prolixis, & coloratis micat. Flo- <sup>Anemones tenui folio discrimina-
re foliis.</sup>rum præterea, quos tenui folio anemone parit, genera varia prælagimus è prægerminantium varietate foliorum. Candore tum emaculato suaviter lactea, tum obsoleto nitidè sordida folium præmittit frequentibus incisuris leniter laciniosum, interque incisuras laxius anemones folio, quæ mali Persici florem diluta purpura æmulatur, comamque colligit: lactea tamen & magis explicat, & in viridi dealbat; albicans & angustat, & fuscatur. Rubra, albo rubroque maculosa, & oris puniceis candida effundunt prope consimile, longulo videlicet ab radice pediculo porrectum, mediocriter incisum, sparsum, herbeo colore viride ac subrubens: alba languido rubore umbilicata, & coma duplici bicolor viridissimum, peramplum, crassum, erectum, rariùs intercisum, crispum: hilari cinnabaris fulgore ardentissima, & lacteis guttis irroratis minùs ardens,

dens, magisque visenda bene virescens, levi per oras rubore conspersum, raros in ramusculos discretum, & serè jacens: quæ profundi coloris tristem ruborem interfuso candore diluit & hilarat, minutatim laciniosum, satis viride, non admodum assurgens: quæ contractis utrinque foliis cocco saturatiore nitet, mediocriter sessile, temperatè vires, & modicis divisuris incisum: diluto minio fucata spissum, laxum, rariùs crenatum, prasinum, nonnihil assurgens: quinque colorum ornatu multiplici singularis rarum, breve, retusum, minutè concisum, humi stratum & planè supinum, fusca viriditate inamœnum: trium colorum felici numero gaudens, & mali Persici flore languidè punicea, quæ mediam glomerat cæsariem, pusillum, densum, multifidum; sed illa herbidum & reptabundum, hæc luridum & minus primum: ejusdem mali Persici rubello concolor flori, quæ prolixam depexamque comam staminibus janthinis coronat, raris divisuris crenatum, latis particulis distinctum, & pleno virore splendidum: violacea mediis inter extremas incisuras intervallis superiori sub simile, surrectum, & vegeto colore jucundum: circa umbilicum viridi ambitu oculata oris rubentibus breve, minutum, fastigiatum, modicè incisum, blandè vires, humili silvula procumbens: at verò toto interdum subrubente flore, ac virènte coma bicolor gran-

grandiusculum, parcius fimbriatum, paulò erectius; minus silvofum, in viridi pallidum: circumsufis foliis obsoletius purpurea, mediisque conglomeratis foliolis virefcens altè infectum, longis & ramulosis pediculis dissipatum, raris ramulis brachiatum, incurvum, ac decolori facie inamabile: isti cætera confimile, at viridius, laxius, densius, atque in excelsum emicans quæ villoso florentem holoserico fuscâ purpuram induta regale cum habitu nomen usurpat: quæ denique floreas foliorum nives purpureis radiis innocenter flammea pervadit minutulas in lacinias dissectum, contractum, vegetissima viriditate coloratum. Cæterum ex hujus, quæ tenui folio est, anemones, atque etiam è latifoliæ cujusslibet sato semine ut multicolor florum, ita multiformis atque inenarrabilis foliorum varietas existit.

Ranunculi notæ.

CAPUT VII.

INter hortenses ranunculos lectissimi habentur, quorum exigua radix, pluribus ab uno capite demissis prope rotundis aut longiusculis pallidis radiculis in tennes fibras desinentibus, grumuli effigie coalescit. Oblongis & crassioribus coagmentata simplici flore ranunculum feret. In-

Ranunculus radialis in grumum accrevatis.

Simpler.

M 3

ter

Asiaticus
flore aureo
simplex.

ter simplices in primis aureus prætiolus est. Brevi prætenuique pediculo nixus quaternis, quinis, senisve latis foliis nigrum capitis rudimentum coronat, in longuli, plani, minutuli, & subrubentis seminis teretem thecā transiturum. Ima folia modicè lata, pingua, laciniatim divisa, & leviter serrata ex viridi flavescent. Cohærentes in grumum radicula gracili longitudine porriguntur. Sed radices illæ, quarum flores densa structi-

Asiaticus
flore cocci-
neo multi-
plex.

lique foliorum copia compacti ardentissimè rubent, minusculis quæ ferme rotundis, quæ oblongis glandulis coagmentantur. Folia pallida, itidem crenata, sed minora, & sæpe tripartita profiliunt. Cauliculus crassior & procerior, leviter lanuginosus, adnatisque minutim incisissimis foliis pinnatis aut rectius in unicum, aut obliquè ramulosus in plures desinit flores; quæ læta quandoque pabuli luxuria, radicisque robusta juvena è sinu medio altius impulsam, brevique pediculo nitentem unum alterumve pariter foliosum sese eviscerant in flosculum. Eum præterea ranunculum nostrates educant horti, cujus granosa radix granis paucioribus, quàm superior, albidis, rotundis, duplo, quàm triticea sint, majoribus in grumulum coalescit. Folia humi repunt rutæ simillima, sed herbaceo colore lætiora: caulis gracilis, imbellis, atque striatus in palmum adolefcit: ejus fastigium flore instar candidi multiplicis ranunculī mox descri-

Flavus
multiplex
folio rutæ.

describendi folioso, grandiore tamen splendidoque à Martio mense in Aprilem usque flavescit. Flos autem duplex, alter laxiorum foliorum imo ambitu media foliola spississima coronat; alter paulò ampliora proximè superioris mediis foliolis folia serie pariter densissima in rotunditatem conglobat. Alium prælongis, tenuibus, diffusisque radicibus in hærentem solo ranunculum nostri cultores in pretio habent, cujus folia oblonga, serrata, dura, nervosa, aut in summis pediculis aut circum ramulosi caulis alas in stellas collata, supernè fusca, subter diluta gemino virore pinguntur. Lactei flosculi minuta foliorum densitate instar bellidum turgiduli, unoquoque in ramusculo solitarii gemmantium hortorum smaragdinis virgulis præfixæ margaritæ sunt. Ranunculo, quem Fibratus
flore pleno
candido.
Globosus. globosum vocant, radix est è capite plurimas prætenues fibras in capillamenti modum spargens, adnascentem in sobolem itidem capillatam, quæ multiplici è germine prænoscitur, multiplicabilis: folia eidem lata, rotunda, stellatis anfractibus sinuosa, crenata, nervosa, ex viridi pallida: caulis concolor, palmaris, exilis, ac tener: aurco colore flos, geminatis foliis atque in anemones amplitudinem adultis in globum collectus, semperque nascenti similis, Aprili atque Octobri mense bis vernans: à flore loculata vaginula complures semine plenæ minuto, nigricante, ejusque simili-

Tuberosus.

Hist. de
herb. virtu-
tib. c. 9.

mo, quod regius flos, sive delphinium reddit. Tuberosi ranunculi, quem batrachium eum Græcis appellat Apulejus, tuber cinereo colore fuscum, rudi verticilli forma scabrosum, grandiore juglandem nucem magnitudine solet æquare: adnatis è tuberculis pallidas tenuesque fibras longè porrigit: numerosa protrudit folia latam in stellam angulosa, diluto vitore picta, ravis maculis distincta, nervulis intercurrentibus lineata; mediocri pediculo nitentia: in tres palmos caulem excirat ramosum, singulis ramusculis summum flosculum fundentibus luteolum, ranunculi, qui rutam folio imitatur, persimilem, at minorem, Majo mense vernantem.

Asphodeli, Pæoniæ, Lilii convallium,

& Iulæ Indicæ notæ.

Asphodelus.

Flavus.

A sphodelus, sive hastula regia, non ferro, & flore cuspidata, bicolore vernat aspectu: aut enim flavet, aut albet. Flaventis radix oblongarum veluti glandium, seu naporum acervatis numerosis appendicibus compacta rufescit; nostratibus in hortis libenter hospitatur, feliciq; floris ac sobolis respondet eventui. Densiore silva folia funduntur herbea, prælonga, angu-

angusta, lenta, conæva, mucronata: mediusteres ac firmus in unum alterumve cubitum scapum adolescit; modicisque liliaceis floribus suaviter olentibus, florido colore flavis, circa summum cæcumen per partes vernantibus Aprili mense decoratur. Albi Asphodeli nomine paucos ante an-
Albus.
nos à Byzantinis hortis ad Romanos transducta est radix phalangio non absimilis; complura, oblonga; crassa, exalbida fibrarum cruscula, flavi asphodeli radicibus graciliora ex uno capite divaricans: peregrino cadenti in solo exilii pertaxa nec unquam floruit, nec diu vixit. Vetus-
Pæonia pleno flore.
tissimum & saluberrimum inventum, montanæ opacitatis filia, hortorum urbano splendore donata, atque Hispanio præconio montium rosa, Pæonia, minore florum in populo speciosissima superbit; quæ confertissima foliorum congerie per amplum explet ac perficit orbem absolutissimæ formositatis: utque iudicibus oculis triumphet, triumphali tum saturata, tum dilutæ purpuræ splendescit ornatu. Si ardentius purpuret, flore
Pim. l. 25. c. 4.
sensim exalbescente & caduco fere intra dies octo
Rubra.
desflorebit: bipalmi nititur caule carnosio & brachiato in folia ramosa, rarius fimbriata, vegeto colore splendida, inferius cælia & lanuginosa: radice gignitur præcrassa, torosa, foris subrusa, intus candida, oblongos & carnosos in balanos divisa. Sin leviùs & suaviùs rubeat flos; paulatim è roseo
Subrubens.
pudore

Lilium con-
vallium.

Album, &
subrubens.

Juca.

pudore niveum in pallorem elanguescit, nati-
 voque scapo pertinaciter adhærescens immoritur,
 folioso cadavere primùm nigrescente, tum emar-
 cido, siccitate denique notabilem in modum con-
 tracto: folia illi dilutiora, & angustioribus laci-
 niis concisa: radix præterea contorta, crassa, di-
 lutior, longioribus & gracilioribus nodis glandu-
 losa. Lilium convallium pusilla rotunditate plus
 odoris, quàm floris includens, per oras denticu-
 larum & reflexum, toto etiam osculo suavem in
 halitum oscitans aut summè albet, aut modicè ru-
 bet: palmaris & rigidus cauliculus à medio sur-
 sum versus pronis flosculis oneratur: duplex aut
 etiam triplex folium liliaceis non absimile, bre-
 vius tamen splendide viret: graminea radix ge-
 niculatis latissimè proserpit internodiis: ab iisdem
 & radicis cacuminibus novas radículas dispergit.
 Floris candorem languidior, ruborem vegetior
 radicis & folii color; illum præterea laxior, hunc
 angustior utriusque mensura significat. A floris
 occasu bacca turgescit primò viridis, deinde ru-
 bicunda, duriusculo semine repleta. Occidentalis
 Indiz Juca radice nititur crassa, intus candida,
 foris rufa, geniculata, & velut arundineis bulbis,
 quos oculos vocant, sobolescente. Verno plerunq;
 tepore citata folia densò nemore fundit foliorum
 Aloës prope gemella, binos palmos longa, robu-
 sta, & rigida, in semicirculum canaliculata, in
 præ-

prædurum, præacutum & fuscum aculeum convolutum utrinque cacumine minaciter muricata, tenuiora tamen; crassitudine & colore palmea, nec obliquis per summa latera spinis exasperata, sed fulva margines percurrente linea distincta: cum cæteris anni temporibus, tum præcipuè vere torosus thyrsus asparagi, sive hastulæ regię modo emicat assurgitque in trium quandoque cubitorum lævem, & sanguineo colore splendentem virgam; quæ diffusis palmaribus ramulis turbinatim arborescens florea tintinnabula, fritillarias citra quadratas maculas imitantia, obsoleto candore pallida, levi que nonnunquam rubore interfusa, inodora, deorsum versum spectantia, raris intervallis numerosa suspendit: eadem tandem sine semine decidua sibi posterisque moriuntur.

Byzantina Lychnidis, & Americani Trachelii
nota.

CAPUT IX.

Lychnis Byzantina miniato sive coccineo flore multiplici in oblongam, luteo colore nonnihil aspersam, densis, promissis & capillaceis fibris comatam radicem gracilescit: in trium quatuorve palmorum caulem extollitur recto statu nitentem, striatum, geniculatum,

Lychnis
Byzantina
miniato
flore multiplici.

Trache-
lium Ame-
ricanum
flore rubro.

tum, bina ab nodulorum toris folia longula, è latiore basi in mucronem fastigiata, supernè lævia; subter hirsuta pandentem, geniculatim in ramulos fruticantem. Inflorescitur ita lepidè luxuriat: ex oblongis, confertim in orbem circumactis, atque striatis calyculis caulis vertici umbellam primùm obtendit: ex illis deinde prægnantibus involucris floream pilam densissima serie circinatam parit: florem bellio breviorē non admodum diversis, per ambitum bifidis confertisque barbulis contextit: cum Americano trachelio æstate vernat: in flore implendo exhausta semine deficitur. Trachelium Americanum flore rubro, cui Cardinalis plantæ vulgare nomen indidit color, tenuissima & candida capillamenta demittit, quæ flore dilapso, marcidoque caule corrupta defluunt, exiguo post fruticantibus novis: folia emittit bellidum foliis subsimilia, pingua scilicet, humi jacentia, levissimè ferrata; sed viridiora, longiuscula, & crispula: instar asparagistylum excitat modò simplicem, modò ramulosum, adnatis per intervalla foliis etiam pinna- tum: styli ramorumque cacumina conglobatis, velut in paniculam, creberrimis flosculis leviter onerat; subjectam inde teretem viriditatem rarioribus distinguit: osculos tum extremo vere, tum æstivis mensibus tempestivos, simplicis floris delphinium ex parte referentes fusco rubore villosum sericum mentiente colorat: intra eodē jam

jam peraridos capitula occultit seminis plena nigelli, orbiculati, actam exigui, ut in cernendi sensum prope non cadat: ubi flos intabuit, propagandæ soboli vacat.

Caryophyllorum nota.

C A P V T X.

VT coronariæ vettonicæ, sive vulgatiore nomine caryophylli discrimina internoscantur; ambiguae fidei semina, radices, & folia inconsultè consuluntur. Floreus enim iste in omnem varietatem Proteus nullius hæcenus Aristæi calliditate, ut vera præmonstret, deprehendi potuit. Sæpe fit, ut pulcherrima indicia flores respondeant pulchriorem; flos deinde promissus turpiter degeneret. Quare, dum florent, plantæ præsignandæ, & probabiles ab abortivis segregandæ sunt: eadem enim facies bonis malisque promiscua ex facili fallit. Publicum est omnium niti radicibus lignosis, subtrufis aut albidis, multiplici fibra crinitis; in foliaceos sæpe surculos abguntibus: inde cauliculos existere teretes, graciles, in ipsa gracilitate ligneam duritiem affectantes, pyxidatis geniculis articulatos, foliis obseptos geniculatim inter se adversis, brevibus, carinatis, in viridi colore plerunque glaucis: summos calyces multifidis calyculis suffultos, oblongos, glabros, extre-

extremas per oras orbiculatim denticulatos in flores hiascere modò simplices, modò foliosos suppari amplitudine rosas proximos, brevibus frequentius, interdum etiam profundis laciniis incisos, mira varietate coloratos, inter aromata nobilis caryophylli tum odore tum nomine insignitos: arefactis demum floribus, longos ac duriusculos calycibus inclusos folliculos plano & nigello semine turgescere. At verò caryophyllus pleno flore minutè alrèq; insecto pinnatus seu fimbriatus & minor & major apertè proditur saturatæ fuscæque viriditatis folio: ille præterea minutulo secernitur à cæteris. Caryophyllo propemodum par & congener recenti nomine flos Armerius, ne magnitudine superetur, flosculorum congestu latam explicat umbellam. Ejus quoq; prævium discerniculū in folio est brevi, lato, & ejus herbæ, quam saponariam vocant, simillimo.

Caryophyllus pleno flore pinnatus minor & major. Flos Armerius.

Granadilla, sive Maracoti notæ.

C A P U T XI.

ILle diu à nostratis mundi hortis omnibus hiulco florum ore suspiratus, ille è Peruanis ac Mexicanis longè determinatis finibus accersitus, poetarum ille canoro, atque oratorum facundo plausu tandem exceptus, divini Amoris manu vitalibus inscriptus doloribus Granadillæ flos, quem Indi Maracotum vocant; ut à mortalibus

bus obitos pro Deo cruciatus in coronam transituros intelligamus; illud, inquam, florem ac suave miraculum quotidiano spectaculo prope jam vult universis. Vix est, qui præterea miretur, pœnas degenerasse in florem, fortiter tolerantibus adulantem; extima per ambitum folia in aculeos extenuari, spinæ coronæ memoria molliter compungentes; ream pro nobis innocentiam in foliis albescere; pertæsa sævi laniatus cruenta flagra in floridæ voluptatis purpuream telam redordindam filatim retexi ac superinduci; saxo in germen emollito, columnam ex atrio crudelitatis ad piam in flore medio structuram excitandum transmigrare; columnæ imminere globosum rudimentum spongiæ quondam felle imbutæ, deliciarum aviditatem detergentis; modò ternos, modò quaternos extare conformatos capitatis è staminibus clavos, animis amabiliter configiendis aptissimos; unam crucis effigiem desiderari, quòd extremam sævitiam floris indoles mitissima repræsentare non audet; folium in lanceam exacui, sed innocentem, quippe retusam in ipsius vulnerato pectore charitatis; suavem denique ac medicatum fructum ad cordis imaginem rotundari, cum è divini vulneris flore vitalis fructus extiterit, amantis Dei cor. Vix, inquam, est, quem cura & cultura tangat floris planè admirabilis, in quo ipsi vernant ac rident acerbissimi dolores. Si
quem

quæm tamen non piget, imò delectat, salutis à Deo acceptæ infinitum beneficium in floreas notas suaviter contractum grata recordatione relegere, eodemque mortalium animos immortaliter esse inscribendos vel à floribus placet admoneri: si juvat è funebri Amoris flore salubrem sæpe fructum colligere in cordis amabilem figuram, ut cordatissimos amantes faciat, conformatum; radicem & folia, ne fallant indicia, prænotescito. Radix in luteum pallorem languida & geniculata inextirpabili sæcunditate proserpit, sobolescit, & fruticat: fistilibus verò claustris contineri nescia per imum foramen in subjecti soli amplitudinem clandestino reptatu se penetrat; multiplicique atque erratico gramineo lapsu latissimè spatiatur. Folia quasi trigona sambuci roseæ, seu potius lupi salictarii profundo incisu tripartita, majorem mediam laciniam porrigentia, quaternas aut senas uncias longa, minutim serrata, lævia, tenuia, imbecilla, aliquantulum venosa, diluto colore virentia, inferius etiam dilutiora, graviter olentia, alternis disposita, ternos inter se digitos distita lentum vitilemque caulem prævalant; qui, cum vires sine adminiculo standi non habeat, quicquid claviculis, veluti manibus, nanciscitur, avidè comprehendit, arduoque ascensu reptabundus, & cameras ac pergulas opèriens æstuantium Indorum hortenses cœnas jucundissimè

mè inopacat. Nobis etiam cancellatim scanfilem arundineam, siue virgam strūcturam sequaci viriditate prætexens Indicæ regionis remotissimam umbram commodat. Atquè hoc sanè sapienter de more congruenterque artifex natura caduco in flore ludit, ut, qui divini Liberatoris servile suspensum eligentis acerbissimos cruciatus opere singulari velut miseratus exprimeret, in crucis formam decussata statumina pensilis adamaret.

Gelsiminorum notæ.

C A P V T XII.

C Iterioris ejus Hispaniæ, quam veteri nomine Laletaniam, recenti Cataloniam vocant; flos fortasse ab animæ suavissimæ prodiga expiratione exanimato similis, & ex angui colore candidus, æstate autumnoque tempestivus, blando vocabulo ab Italis deducto Gelsiminum, Gelsiminum Hispanum candido flore simplex. asperiore Arabum appellatione Græcam odorariæ violæ significationem subolente Jasme vel Josme, Matthiol. in Dioscor. l. 1. c. 66. Jasminum vel Jeseminum tum ampliore mole, Joan. Ruell. de nat. Stirp. l. 1. c. 84. tum acutiore odore à silvestri nostrate sejungitur, Virgæ præterea è pallido, scabro, duro, lignosa, fibrataque radice stabilito caudice similiter fruti-

N

can-

cantes, proceræ, lentæ, & quò libeat, flexi obsequentes; geniculatæ, binis ad singula genicula foliis alatæ, ramulosæ, medullitus candidæ fungosæque, fotis tamen diluta viriditate lætiores modò arundineos cancellos topiario textu convestiunt, atque scenas hortenses textili umbraculo prætendunt; modò circumfuso convexoque in fissilibus nemore viride cælum cæruleo subtexunt: folia quoque Hispano, quàm silvatico nostrati, simillimis in divisuris latiora, obtusiora, crassiora, nigriora.

Hispanum
multiplex.
Tranquillus
Romau-
lus.

Quod autem in suis Romanæ amœnitatis hortis Tranquillus Romaulus conferta foliorum serie omnino singulare prior aluit gelsiminum, dimidio, quàm proximè superius, breviorum tubulum protendit: quina vel sena folia in stellam dividit: terna sive etiam quaterna ex umbilico surrigit, quæ nonnunquam in globulum colliguntur: quinto ferè die senescens non dilabitur, sed in natali ramulo inarescit: post multos dies dehiscens tubulus florem alterum plerunque parit: acrius olet: more superioris ab æstate in hiemem usque vernal, & gemella viriditate frondescit. Gelsiminum Arabicum, sive Alexandrinum, sive etiam Arabica novo nomine Syringa (Sambacum Arabes vocant) frutex est Ægyptius in unum alterumve cubitum arborescens. Quamvis pollicari crassamento, brevique longitudine nanus, arborea tamen duritie scindi contumax,

Arabicum.
C. Cl. f. Cæ.
p. 98. p. 99. 3.

max, squarofus, pallidusque stipes in tenuia & longula ramorum brachiola spargitur: folia inter se adversa mali aurei, quod aurantium dicunt, seu potius coronarii fruticis, quæ albo flore Syringam vulgò appellant, foliis consimilia, tenuiora tamen ac pallidiora, nullisque crenata incisuris ramulos investiant: è summis ramulis flores brevibus innixi petiolis ab Aprilimense ad extremum usque Octobrem erumpunt, modò duodenis, modò denis, novenis minimùm foliis duplicem in seriem digestis instructi, proximè descriptis angustiores, alitudine obsoleta palliduli, parum tubulati, umbilico circa tubum flavente discolorès, Hispani gelsimini atque aurei mali floream suavitatem odoratissimo conjunctim halitu inhalantes, more cæterorum caduci. Ut illud hic dolere & conqueri habeamus, Ægyptum esse jam floribus, quàm moribus odoratiorem. Luteum Italiæ gelsiminum, quippe minusculum nulloque odore amabile, præcipui nostrates horti non dignantur hospitio. Flavum Indiæ odoratissimum alio loco opportuniùs, nempe in hortis Barberinis inter indicas plantas olfaciemus. l. 3. c. 20. Planta est inter Indicas, ut nativorum America-
num. florum, sic peregrinorum nominum fertilissima, quæ patria voce *Quamoclitum* dicitur. A nostris enim cultioris ingenii sermonisque cultoribus modò gelsiminum Americanum, modo rubrum In-

*C. Clus. Cur.
Post. pag. 4.*

*Fab. Colo-
mna Minus
cognis Strep.
& Ker. par.
2. c. ult.*

dorum gelsiminum annum, modò gelsiminum folio millefolii, modò Convolvulus tenui folio, modò denique Convolvulus pinnatus exoticus rarior nominatur. Hic, ab imo ad summum geniculatim fruticat, in longos vitilesque ramulos itidem geniculatos & fruticosos ambitiosè brachiatus, imò verò foliis tenuissima divisura pinnatis volucer ad ascendendos libertate pensili summos cancellatæ structuræ gradus. Tanta est vel ipsis herbulis aviditas sublimitatis. Quin etiam æstivis coloribus viridissimæ umbræ topiarium Briareo par, hoc est numerosis viticulis centimanus prætexit. Flores oblongi ac tubulati, summa parte repandi & quinque partiti, exuberante Cancami, quod vulgò Laccam vocant, colore renidentes, lineolis rugisve striati, staminibus quinis pallidis capillati, longo petiolo singuli binive insidentes, alternato situ è ramulosis caulis geniculis ab Augusto mense ad extremum usque Septembrem existunt. Squamosi demum folliculi turgent quaternis, oblongis, nigris, durisque seminibus fœti. Indicum, sive Canadanum gelsiminum maximum caule tenui, geniculato, lento, atque erratico, quamvis suapte natura caducum, reptabunda tamen ambitione ad excelsa fastigia evadit. Ligneæ in primis amat adminicula, quibus hederacea tenacitate adhæret, non quidem instar hederæ toto corpore, sed unis

*Indicum
maximum
flore phœ-
nicæ.*

unis geniculis radicosum. Ex iisdem folia fundit
agrestis gelsiminii foliis non absimilia, sed produ-
ctiora & per ambitum serrata. Ramosi caulis defle-
xa cacumina rotundorum calycum sursum versum
spectantium densis & subrubentibus corymbis ra-
cemata turgent; è quibus in gemini transversì digiti
longitudinem adultis, puniceque Cytini denticu-
lata figura dehiscentibus tubuli leviter crocei, sum-
ma parte conniventes, porrectum circiter digitum
longi procurrunt; hiulco deinde osculo in quinque
labella resupinato, imo ventre substricto, medio
turgidulo, cervice angustiore æstivis mensibus ef-
florescunt; dilutisque crocis, necnon medio lon-
giore albicante stamine capillantur. Dum vernant,
saturatiore subinde phœniceo colore, villosum ho-
losericum referente, ac flaventibus longas in strias
lineis distincto expinguntur. Tabidi tandem florei
tubuli defluunt, hærentibus cum extante medio
stamine calycibus. Barberinos recens in hortos
translatus hic flos cœpit in semen siliquari. Ex arido
calyce siliqua porrigitur in viridi subrubens, in di-
gitum longa, ima parte summaque tenuis, media tur-
gens, infra supraque intercurrente prominulo toro
bipartita, seminibus gravis, ut in luteo leucoio, mi-
nutis, rufis, membranaceis. Quanquam hæc niem-
branæ prætenuis involucro circumsepta, multi-
plicique serie prope innumerabilia circa nigrum &

molle dissepimentum , lingulæ imagine interjectum, confertim confertèque constipantur.

Rosa-

GELSIMINVM INDICVM FLORE

PHOENICEO



4. N.



Rosarum notæ.

C A P V T - X I I I .

Rosa ex alabaſtri concha emergens hortorum pudica Venus eſt; nec alterius Veneris impuro ſanguine impudenter erubuit, ſuo decentius pudibunda. Eadem non aſperſa neſtare inter fabuloſas Deorum epulas tripudiantis ad Amoris impulſum effuſo, ſed ſucco ſuo neſtarea purpuravit. Quin potiùs toto vultu Amoris æmula, ſemper juvenis, mollis, & recens, neſon aureis capillis nitida; folia pro alis, pro face fulgorem, ſpinas pro ſpiculis geſtans, alter floridulus Amor eſt. Roſa punctiunculis vellit, ut cupere ſe legi præmoneat: amicè vulnerat, ut vulnuſculis gemit roſas: ſpinam emoriens hæredem relinquit horridulam; aculeatum nempe deſiderium ſui. Roſa volumen amœnitatum omnium, in qua legitur tota in florem contracta formoſitas, tam decore ſuomet nomine inſcribitur, ut inſcriptis aliena Regum nomina floribus ſorum Regina non invidet; imò ſuum commodet nomen rebus blandiſſimè nominandis. Roſa, ingenuus anni tenerioris pudor, odoratum veris blandientis oſculum, terræ comantis pulcherrimus cinnamus, fugacis pulchritudinis lætum fulgur, quamvis plurima ſpina fulmi-

Roſæ laur.

mineum, vultu multiplici variat, in quolibet formosa. Quicumque autem rosarum differentias à nocentibus indiciis innoxius prædivinare vult; spinas oculis, non manibus consulat. Odoratior scabro cortice præsentiat, halitu crassiore atque terreno in extimam scabritiem concrecente, tenui verò igneoque odoratam animam inspirante Rosa alba multiplex, nempe erudito scriptorum dissidio sive Plinii Spineola, sive Campana, sive Alabandica, lacteo flore splendescens virgas exerit exuberante colore virides, proceras, spineis hamis aduncis, grandibus, frequentibus, subrubenti livore vulnera & sanguinem sitientibus captiofas. Non absimilis obsoleto albore languidè rubens, dubioque rubore albicans, folioso flore rosa præacutis recurvatisque sentibus, quasi caninis dentibus, mordacissima est. Odorata palidæque pleno flore Damascenæ rosæ, quam Plinii Coroneolam alii, alii spineolam interpretantur, è viridi purpurascensem caudicem, ramosæque inde silvula diffusas saturo colore virentes virgas obarmant spinæ admodum infrequentes, breves, duræ, rubidæ, lata è basi recurvos in aculeos uncinatæ. Vulgari sativæ densis foliis le viter ex albo rubescenti, quam aut Plinianam Alabandicam, aut Trachiniam esse scriptores sanè nobiles autumant, virgei rami breviores, graciliores, subvirides, minorum grandiorumque spinarum pro-

Thoubrast.
de hist. plant.
l. 6. c. 6.
Plin. l. 21.
c. 4.

Rosa alba
multiplex.
R. Dodon.
Sturp. Hist.
Pempt. 2.
l. 1. c. 28.
Joan. Bapt.
Porta Villa
l. 9. c. 5.

Albicans
flore pleno.

Damascena
multiplex.

Matthiol. in
Dissect. l. 1.
c. 12.

Subrubens
flore mul-
tiplici.
R. Dodon. ib.
Joan. Bapt.
Porta ibid.

promiscuè crebris, languido pallore lividis, intentisque mucronibus minaces. Quæ varix diluto foliosi floris rubore masculosa, Prænestina dicitur, asperitate pariter aculeata inhorrescit. Italica flore suaviter rubente perpetua, proximè superioribus duabus persimilis, densioribus sævit aculeis. Batava flore oris humani rubicundam temperiem imitante atque odorato Centifolia fruticem quâ bene virentem, quâ ex viridi rubescentem spinis asperat quamvis aduncis, tamen mollioribus, non ita crebris, è cineracea basi rufum in aculeum desinentibus. Flore ardentius rubente, odore nullo probabilis, uno gloriosa nomine altera Centifolia, quam Plinius Campanam, Prænestinam Clusius appellat, viridi, graciliore, improcero, nullisque ferè spinis metuendo frutice funditur. Cinnamonæ flore multiplici subrubentis frequentes, breves, exiles, sanguinea purpura nitidi caules spinis non admodum densis, exiguis, hamatis, leviter fulvis leniter pungunt. Gemellas pleno flore rosas, nempe tum ardentissimè rubentem Milesiam, tum ex rubro nigricantem, cui fecit holosericæ nomen serico simillima, & veluti villosa mollicies, tenues, tretes, fusca viriditate illitæ, atque ex parte subrubicundæ, minutis & ferè aspectum fugientibus aculeis innocenter hispidæ virgæ proferunt. Miror hîc, postremam ex rubore in atrorem inclinatam Plinii Trachiniam vocari à Camerario;

cum

Variegata
flore pleno.
R. Didon. ib.
Italica flore
pleno per-
petua.
Batavia cen-
tifolia.

Centifolia
inodora.

Plin. 21.

4.

Jean. Bapt.

Porta ibid.

C. Clus. R. g.

rior. plant.

Hist. l. 1.

4. 81.

Cinnamon-

mina pleno

flore.

Rubra flore

pleno.

Ex rubro

nigricans

dupplicato

flore.

Lutea mul-
tiplex.

cum Trachiniam idem Plinius Milesia minùs affe-
rat rubere, nigricans verò longè superet purpura
coloratiore Milesiam. Folioso auro flava sive lutea,
jucundi aspectus, ignavique odoris rosa rufi
fruticis virgeos caules numerosiore pertinacium
spinarum agmine instruit, quarum pleræque luteolæ
spiculis vellicant minutissimis, perraræ paulò
grandiores, subnigro pallore cineræ, recurvæ,
identidem etiam binæ, junctimque prominulæ al-
tius lacerant.

Florentium arbuscularum notæ.

C A P V T XIV.

Arbor Per-
sica flore
multiplici.

Cerasus
flore multi-
plici.

Florentium arbuscularum adhuc infrequentes
nostrates horti perpauca nobilioresque mihi
suppeditant commonstrandas. Arbor Persi-
ca flore multiplici nobilis ligno extra cinereo, in-
tus flavente, mediocriter lævi, foliis oblongis serra-
tisque non discrepat à vulgari. Flores tepore verno
evocati, roseo pudore subrubicundi, leviter odora-
ti, folioso textu Damascenæ rosæ pares spisso arctoq;
congestu ramulis adhærescunt; rari autem in fru-
ctum exeunt, magna virium parte vernam in osten-
tationem effusa. Est etiam Cerasus, quam cæteris
partibus, id est, obscurè puniceo, & circulatim albi-
cante cortice, crenatis etiam mucronatisq; foliis in-
discre-

discretam pleniorum tantummodo florum gloria
 discriminat. Flores è plerisque ramorum oculis mi-
 nimùm terni, foliosi, mediis sæpe foliolis convolu-
 tis ex parte conniventes, de more candidi, longulis
 petiolis appensi numeroſo proventu pendent. Flo- Geniſta flo-
re albo.
C. Claſ. Rg-
rior. plant.
Eſſ. l. 1.
c. 70.
 re albo Geniſta, ſive tertium Cluſii Spartium Hiſpa-
 num juſta proceritate arboreſcit: lignoſas & arbo-
 reas radices agit: cineraceo caudice aſurgit: nu-
 meroſos implexoſque ramos viridi pallore tingit:
 ex iſdem virgulas more paſſi diſſipatique capilla-
 menti demittit denſiſſimas, prætenues, ſerè cu-
 bitales, ramuloſas, lentas, inſtar viminis obſe-
 quibiles, ocellisque diſtinctas creberrimis; unde
 folia rutæ foliolis minutiora, floſculique imo tan-
 tum nodulo rubentes, cætera candidi exiſtunt;
 pulchrè, pendulis floridis virgulis, tanquam lineis
 margaritarum: vere toto vernat: exinde cartilagi-
 neas, prope rotundas, ex viridi flavefcentes ſili-
 quas ſeminibus implet ſingulis, raro binis; ſerme
 orbiculatis, colore fuſco virentibus, lævibus, duris,
 germinare moroſis. Myrtus pleno flore latifolia Myrtus la-
tifolia flore
pleno.
 in arbuſculam commodæ ſtaturæ aſciſcit: myr-
 tum ſilveſtrem foliorum infrequentia, latitudine,
 dilutaque viriditate ſimulat: florum autem can-
 dore ambituque Bellidem adæquat: ab Aprili
 menſe ad hiemem uſque, nonnunquam etiam te-
 pidioribus hibernis menſibus floret, ac triſte ſe-
 nium anni genialiter coronat. Suam quoque
 myrto

Laurus In-
dica.

myrto le&issimæ India Laurum adjungit , quæ ju-
re Farnesia primùm exitit in domo , quippe inusi-
tatas laureas promerita . Discrimen est in dilutæ
hilarisque viriditatis cortice ; in foliis inter vulga-
rem ac regiam laurum interjectis mediisque , ac fe-
rè citrinis ; in flosculis subalbidis , tereti congerie
racematis ; in baccis instar oleæ grandioribus mi-
nusque nigrantibus .

Oleaster
exoticus.

Exotici oleastri , quem ab
odoris suavitate Paradisi arborem aliqui malunt
appellare , cortex saturato rubore nigrificat : rami
dilutiores atque spiniferi densa fruticatione silve-
scunt : folia vere primo renascentia , extremo au-
tumno decidua , angusta , oblonga , glauca , lanugi-
nosa , tactuque mollia silvestrem Salicem referunt :
flores totis ramis Majo mense quæ separatim ,
quæ conjunctim internascentes , Hispani hya-
cinthi aspectu perbreves , ex obsoleto virore in lu-
tæum colorem inclinantes diductis labellis aroma-
ticum halitum procul inhalant : baccæ subeunt
oleæ sativæ baccis minores , tenuique cute ruben-
tes .

Sambucus
rosea.

Ex arbusculis vulgarioribus rosea Sambucus
globofo speciosoque flore persuadet , ut rariores
inter arbusculas numeretur . Fruticosa nascitur :
cinereo corticis colore sordet : candidæ multum
medullæ includit : folia explicat angulosa , vitigi-
neis consimilia , sed minora & molliora : quinque fo-
liis flosculos complures , eleganter albidos , inodo-
ros , steriles ; in globosum florem floremve glo-
bum

bum culturæ (ut creditur) mangonio densatos, ex-
 tremo vere colligit. Multiplici puniceantem Ba-
 laustio silvestrem arbusculam libro materiaque fla-
 ventibus, foliis angustis nitidæque viridibus Pu-
 nicæ malignam infructuosam ipsa sterilitas vo-
 luptati oculorum à Majo mense ad Augustum
 usque fertilis hortorum amœna sede donavit. Hoc
 primùm anno Romæ vernavit peregrina Græci-
 nominis Rhus, sive Arabicæ appellationis Su-
 machus Indorum, excelsa floridæ purpuræ osten-
 tatione arborefcens. Ante quatuor annos fe-
 rè bipalmis ad Tranquillum Romaulum Parisiis
 missa hæc planta in quindecim palmos adole-
 vit. Radices illi copiosæ, spissæ, minutæ, sub-
 rufæ. Recenti germinatione impulsæ virgæ bre-
 vipilo hirsutæ rufescunt, solæque frondent. An-
 nuo spatio jam exacto ætas robustior ligneam
 duritiem, rari pilum lævorem, foliaceum de-
 fluxum, pallorem cinereum inducit. Sorbum
 è foliorum oblonga figura, ferratoque ambitu
 conjiceres, nisi horum longitudo major obstaret.
 Eadem folia læto virore saturata prolixis, mo-
 dicè pilosis; perque ramorum latera alternatis
 ramulis sive pediculis gemello utrinque ortu pin-
 narum aspectu cohærent. Floribus tempestivus
 est Majus extremus. Suum quisque initio summus
 ramus rudem viridemque turgēt in racemum, qui
 cum incremento paulatim formam ruboremque
 trahit.

Malus Pu-
nica silve-
stris pleno
flore.

Rhus pere-
grina.

Tranquillus
Romaulus.

trahit. Etenim flos in vulgaris amaranthi spicam exacuitur, atque in villosam purpuram accenditur, mediis granis pulchrè flaventibus. Ut idem videri possit, fertili vernans miraculo, specilegium simul & racemationem facere; seu verna facie geminam æstatis autumnique annonam præferre. Et lignum & folium ficulneo lacte, quo nutriantur, abundant: assiduoque dum lactatu vivunt, etiam, ubi consenuerunt, in infantia sunt, Quare cautio est, ne statò anni tempore uberrimè lactescens in teneram germinationem arboris rami vel amputentur, vel avellantur: quia ex facili fieret, ut alter hic sine fabula Polydorus, si non sanguineam, certè lacteam ex vulnere animam funderet; profusoque vitali succo præmoriens vitam sibi nativo nomine fluxiorem esse conquereretur. Extremi autumnus primus rigor decussis foliis ramulos relinquit investes; quos etiam adultiora paulò post frigora dejiciunt, qua parte extuberantem ramorum oculum, tanquam altricem papillam excipiunt, modicè cavos. Ab exitu Novembris ad veris initium crebris oculis distincti pilosique rami silent. Vernò tandem tepore à frigido steriliq; veterno excitata virgarum cacumina & capita summum folioso rubentique germine turgidulum oculum aperiunt. Inde ramusculi sensim existunt & adolescunt, æquali, quam supra descripsi, serie foliati. Illud etiam inter-

interdum evenit, ut è duro nonnulla vegetior
 gemma trudatur, & materix anilitas raro germi-
 natu lasciviat. Posteritati consulit hæc arbor mo-
 re lauri, è radicibus latè dispersis hærede submis-
 so. Eadem Indicæ Acaciæ Farnesianis in hortis ^{Acacia In-}
 primùm visæ magnitudo, quæ nuci Avellanæ: ra- ^{dica.}
 dix unica, prælonga, crassa, radiculis pluribus ra-
 mosa, in rectum altè descendens, per autumnum,
 dum flores lætat, succosior, ab incisione atque
 fractura contusam putremve brassicam validè lon-
 gèque olens: caudex cortice pallido, materia al-
 bicante, dura, inodora, insulsa: rami proce-
 ri, frangi contumaces, flexiles, alterno adver-
 soque situ articulati, binis ad ipsos articulos albi-
 dis, ferè uncialibus, perennibusque aculeis quo-
 dammodo cornigeri, diluto colore ferruginei, &
 punctim maculosi: folia bellè virentia & pinna-
 ta, id est, composita è foliolis inter se adversis,
 per æquales numero pediculos medio ramu-
 lo adnatos distributis, mane sese pendentibus,
 sub vesperam contrahentibus: flores inter aculeos,
 interque foliorum alas tum verni, tum autumnal-
 es; illi parcius, hi uberius provenientes; illi bre-
 vissimo, hi longulo pediculo porrecti; utrique
 verò mediocris cerasi magnitudine globosi, primò
 virentes, deinde lutei, post biduum triduumve
 pallidi, tenuissimorum staminum in luteos apices
 deficientium eminentibus flocculis ex oblongis ca-
 lyculis

O

lyculis compluribus in orbem digestis lanuginosi, & acuto luteum Leucoium odore vibrantes: è floribus mediis siliquæ modò singulæ, modò binæ, modò ternæ, atque adeo denæ pluresve, utpote à numerosis calyculis exortæ initio virides, postremò nigræ, falcatæ, longitudine digitales, latitudine ferè pollicares, ab inclusis seminibus verrucosæ: ipsa verò semina cum siliquis primùm virentia, deinde ferruginea, inordinata, compressa, oblonga, pisum æquantia, bifida, durissima, mandentibus allium olentia. *Molle* nominant Indi arborem è Peruanis convallibus ad nos insectam. Ea cortice est exalbido, scabro, candidam resinam oculorum caligini discutiendæ medicatam exudante: ramis prolixis, lævibus, lentis, atque in terram proclivibus: foliis more lentisci velut in alas explicatis, nonnihil flaccidis, longo pediculo utrinque cohærentibus; minimè ferratis, asperrimum piperis odorem saporemque præstantibus, ab avulsione lacteo succo, eoque lento, glutinoso, odoratoque manantibus: floribus minutissimis, candidis, rubellos crocos includentibus, palmari racemo pendulis, ab Augusto mense ad Octobrem vernantibus, deinde in semen abeuntibus albi piperis aspectu rotundum, læve, subrubente pellicula involutum, racemosa congerie cohærens, sapore acerrimum. Satis jam multa de præcipuis arbusculis: exoticas alias nonnullas locus duplex opportunior exhibebit.

*L. 3 c. 20. &
L. 4 c. 6.*

FLO-

FLORUM SATUS ET EDUCATIO LIBER TERTIUS.



Lex floris ferendi.

C A P V T I.



Egiferæ Floræ oraculo similis, Quo pacto
& perplexa lex est: Quicumque præfor-
rite ferere vis, prius papyrum, mandi hor-
quàm solum conferito. Hunc ti papyra-
ego nodum Gordiano sanè cci, in nif-
impeditiorem. Magno facilius que semina
Alexandro sine ferro sic expe- na dispo-
dio. Antequam hortum conferas, ejusdem linea- nenda.

rem picturam quàm brevissima poteris in papy-
ro graphycè deformato: areolam unamquamque
varia numerorum nota distinguo: graphidem
hanc in geminas pagellas plicatilem scriptoriz the-
cæ, ut diutius maneat, agglutinato: memoria-
lem præterea libellum ad graphidis commensum
compingito: in eandem thecam includito: in eo
libello ad pagellarum margines areolis ipsis in-
scriptas notas ordine describito: post singulos nu-
meros,

O 2

meros,

meros, pulvinorum indices, destinatarum adjicito nomina radicum, quæ tum in bulbos, tum in tubera conglobatæ potissimum feruntur; quæque hortensium deliciarum præcipua semina sunt: ut varias cuiusque pulvini radices breviter & clarè annotes, lineatas areolas, quo quæque loco diversis conferi radicibus debent, litterulis, vel quo alio arbitrario signo insignito: eadem signa areolarum, ad quas pertinent, numeris libello adscriptis subdito: è regione atque ad lineam florum nomina in album referto. Quòd si laxioris horti tota descriptio in geminas contrahi paginas non possit; in plures membratim partitæque ita colligatur, ut mediis duabus ipsi thecæ conglutinatæ, quæ utrinque excedunt, plicatili compendio intra eandem thecam includantur. Verùm, ut prævia hæc papyracea consitura quàm consultissima sit, florum patriam indolemque prænosco. Debet enim accuratus callere sator, ex quo natali loco, è calido ne an frigido, ex humido an sicco, e pingui an jejuno, ex aprico an opaco unumquodque florum genus in exteras oras propagatum sit; ut suis quæque locis queat florem prudenter atque feliciter destinare. Ad hæc floriferarum radicum suas in classes tributarium numerum initio: ne is excidat, annotato: quot quisque pulvinus radices quaternorum inter se digitorum intervallo, aut rariùs differendâs capiat, computato: pulvinis ita radi-

Florum patria prædictenda.

Numerus recensendus.

radices destinato, ut, quæ præcocem, quæ tempestivum, quæque serotinum florem ferant, singuli contineant; totoque ferme anno vernantes simul pubescant, simulque consenescent. Ea præterea in florifero satù diligenter curato, ut radices permisceas, quarum una ab alia, cum eruetur, facile discernatur, cujusmodi sunt hyacinthinæ ac narcissinæ: ut cujusque generis radices certis pro areolæ figura locis collocatæ artificioso florum colorumque in adversis transversisve pulvinis responso oculos delectent: ut è pluribus unum florum genus unicuique pulvino copiosius assignes, quod, velut unicolor vestis, variorum flosculorum discoloribus gemmis distinguatur: ut ordinata denique colorum confusio aut versicoloris texturæ aulæum, aut acu pictum variatumque Phrygium opus æmuletur. Scio complures esse, nec ipse paucos novi nobiles colonos, colendi floris callidos & solertes, quorum alii differunt in areas sui cujusque generis res; alii verò tam multa tam varia inter se confundunt, ut in singulis pulvinis ex unoquoque genere vix florum uni aut alteri locus sit. Equidem, ut omnes unicè amo, sic ab utrisque amicè dissensio: quòd illorum areæ unico rerum genere consistat, floribus per temporum statas vices deflorescentibus, sparsim nudæ turpiter calvescant; horum verò valde miscellus & quasi confusaneus hortus colorum obruat grata discrimina,

mina discretamque radicum inventionem impedit. Quare consultior mihi Apollo, sive sanior sententia non aurem, sed animum vellit; atque non Phaëtoni solum in cælo percurrento, sed mihi quoque in hortulo conferendo fugienda esse rerum extrema sic admonet; *Inter utrumque tene: medio tutissimus ibis*. Mirandum igitur non est, & præferri à me, & præcipi mediocrem florum in satione misturam. Non diffiteor mitissimos etiam hortorum cives, ac meram suavitatem, flores civilibus inter se odiis adeo posse dissidere, ut, si promiscui serantur, inimica vicinitate cominus pugnantes vel sese mutuo interimant, vel in sterilitatem effascinent. Verum adhuc tam graves inimicitiae compertae mihi non sunt, ut versicolor societas in amœno divortio mutanda videatur.

Tranquillus
Romau-
lus.
Ranuncu-
lus ab ane-
mona disti-
nendus.


Polydorus
Neruccius.
Qui flores
seorsum,
qui permi-
stè serendi.

Unus Tranquilli Romauli, erudito florum cultu florentissimi viri, consilio ab anemona, ranunculus distineri debet: assitus enim eam perurit & emaciat. Ad hæc non forensis modò, sed hortensis quoque negotii peritissimus, cultissima indole civis meus, Polydorus Neruccius diuturno sibi experimento deprehensum affirmat, quæ florem fundunt radice majorem, distinguè, quàm permistè positas plantas felicìus provenire. Hoc igitur authore ranunculos, junceo folio Hispanos narcissos, tulipas, aliosque hujus notæ flores separatim; cæteros eo, quem præscripsi, conjunctim ordine

ordine collocabis. Illa quoque speciosè nostros ^{Ducis Ca-}
distinguet hortos ingeniosa permistio, quam in ^{tani confi-}
suis adhibet Cisternanis Franciscus Caëtanus Ser-
monetæ Dux, tam hominum, quàm florum
temperator amœnissimus. Is ergo areolas ple-
rasque floribus triplici duplicive tum genere,
tum colore discretis seorsim, hoc est, triparti-
tò bipartitòve ita conferit, ut adversæ transver-
sæque vel eadem, vel simili varietate respon-
deant; atque proximæ diversorum satum colorum
discriminentur. Si qua verò commodè vacent
interjecta spatia, ea tuberoso Indiæ candido hya-
cintho confitis depressisque fistilibus media im-
plet, miscellaneo pulchrè eminentis coloris flo-
re per angulos distributo. Quin etiam per oppor-
tuno invento ad colores eleganter distribuendos
in hortorum graphide unamquamque areolam
tripartitam bipartitamve eo triplici seu duplici
colore distinguit, cujus coloris floribus eadem
in hortis ipsis obserenda est: in areolis quoque
flores genere diversos depacti laterculi crebro in-
terposito sejungit. Verùm ut florei satus opti-
ma ratio non aures modo tradita, sed oculos etiam
perspecta erudiat; eorum hinc hortorum, quos
idem Caëtanus Dux ad veteres Tres Tabernas,
sive ad Cisternæ recens oppidum amplissimos
excitavit, quarta pars in paginæ angustias contra-

ta, & areolis prædicta partitione distinctis notabilis exhibetur. Nequid autem Cisternanz amœnitatis in eadem pagina desideretur, extimæ etiam apponuntur bases, sustinendis vasis floralibus certa per intervalla collocatz.

Ducis





Ducis ejusdem geniali stratagemate bellica munimenta floribus occupantur, feliciterque servit Bellona Floræ, hoc est, arces in hortos mutantur. Earum enim ichnographia primùm delineatur, deinde partes singulæ in unam pluresve areolas deformantur; in quibus distinctè vel permistè sati flores velut eminus aut cominus de formæ principatu innoxia & voluptaria bella committant. Ubi papyrus, ut monui, florea partitione graphicè conserveris, tum demum ad hortensem consensionem tempestivus accedito. Septembri mense ab ipso æquinoctio, aut ex aliorum sententia cultorum Octobri serito. Etenim experientissimæ antiquitatis vox est: *Ante calendas Octobris serere non expedit.* Quòd si eandem antiquitatem audias, cum obitum Vergiliarum, tum in primis Coronæ ortum & occasum observabis: quia, quæ intra hos dies posita sunt semina, felicissimè provenire dicuntur. Quin etiam ex accurata observatione subjicit Democritus, præcipuè circa ejusdem Coronæ occasum non modò largos imbres effundi, verùm etiam veluti genitalis anni hora stimulatam gestire terram ad satum avidissimè accipiendos, partusque ipsos insigni fertilitate fundendos. Oritur hac ætate, in hoc Romano cælo Septentrionalis Corona quarto Calendas Novembris, cum Solis in ortum regressi digressique lumine ultra non hebetata, matutino in exortu antelu-

serendi
tempus.

Const. Pagan.
de agri-
cul. l. 3. c. 13.
Virg. Geor.
1.

Plin. l. 18.
c. 24.

Apud
Const. Pog.
l. 2. c. 12.

telucana incipit affulgere. Eadem cum occidente sole occidit septimo Idus Decembris. Ad properandos alii satus veteri agricolarum proverbio illo incitantur : *Properata satio solet saepe decipere, sera semper*. Alii verò properationem istam rati temerariam, ut incertas futuri temporis vices declinent, consitionem totam in tria quatuorve tempora partiuntur : neque consilium ipsi quoque suum antiquitatis autoritate suffulciant, decantato veteris agriculturæ oraculo, *Serere ne dubita*, suaderi sibi sativam hanc partitionem interpretantur. Equidem cum gravissimis quæ Græcis, quæ Latinis rusticæ rei magistris censeo, pro vario regionum positu serendi tempora esse varianda : ubi quisque natura locus frigidissimus aquosissimusque erit, ibi primùm, nempe ante autumnale æquinoctium, sive etiam ab eodem æquinoctio serendum esse ; tunc enim is calidior & siccior est : ubi quisque calidissimus est maximè siticulosus, ibi postremùm, sive post ipsum solstitium sementem fieri oportere ; quòd is, quò largiores pluvias hauserit, eò vernabit uberior. Temperatà denique solo conferendo median autumni temperiem, uti præmonui, convenire. Illud quoque tradendum hîc habeo, tempestivè commodèque hortos obseri, postquam æstivo igneam æstu terram largus ac ter saltem effusus imber ad palmum infuso humore refrigeraverit. Quippe levis pluvia,

Colum. l. 11.

c. 2.

Plin. l. 18.

c. 24.

Colum. l. 11.

c. 1.

Theophrast.

De caus.

plant. l. 3.

c. 17.

Cato De re

rustic. c. 34.

via, cum post longos æstus ac diuturnas siccitates superiorem terræ partem madefaciat, inferiorem verò non attingat, terram ipsam adhuc æstuantem vehementius adversum positas radices succendit. Neque tamen, simul ac magnis imbribus terra permaduit, seres: sed tantisper expectabis, dum pluvius ille mador modicè siccetur: ne madentelimosoque in solo statutæ radices exputrescant. Quid, si (quod evenire non rarò solet) serenus imbrem sitiat autumnus? Non erit, cur ipse hortuli tui privatus Juppiter fictili vel cupreo nimbo fontanam pluviam areis affundas: quia cœlesti Libra examinatæ æquatæque diebus, aut mox productiores noctes humifica umbra diurnam satis emollient siccitatem. Huc adde, sicco solo commissas, tanquam domi reconditas, radices non corrumpi, sed sub natali terræ tecto commodè habitare ac protegi, donec emollito pluviis exitu altis nixæ fibris suo quæque tempore in floream silvam feliciter egerminent. Quid, si ipsa constitutæ tempestivitas ab imbribus intempestiva & naufraga radicibus sit? Erit, cur sationem prudenter procrastines, donec humus nimis humida ferescat. Illud quoque inviolatè custodies, ut austrinis tepidisque diebus hortos conseras; quia tepor laxatòe terræ sinu fertiles ad semina vapores evocat, fibrasque citat: aquiloniis verò & perfrigidis sationi parcas; quia frigore astricta humus ægrè.

*Constant.**Pegemet.**l. 2. c. 12.**Pallad. l. 1.**III. 6.*

Luna ob-
servanda.
Apud Plat.
in Camillo.

zgrè satus accipit, interclusoque materno halitu languidè fovet. Cæterùm satori potissimæ curæ sit, ut lunares vices viresque prædicat, ac felices operi dies eligat. Neque enim eum Heracliti discipulum placet esse adversus Hesiodum sentientis, unam eandemque dierum omnium esse naturam; sed ipsius Hesiodi auditorem volo disertè docentis, dierum aliam quidem esse matrem, aliam verò novercam. Luna enim, inter sidera Vertumnus, inæquali vultu subditos hominum labores non æqua semper aspicit & juvat. Idcirco sunt & Græcis agrestis rei scriptoribus, qui serendum putant crescente Luna, à quarta scilicet usque ad plenam dum eadem infra terram est. Sunt etiam, qui doceant per Lunæ senium, quàm per adolescentiam, præstare hortos conferi: quia, cum senescentis lunaris luminis languidior calor humorque, gemina nempe generandarum rerum initia, terræ seminumque tenuissimos meatus, quos poros vocant, lentius relaxent ad germina; cumque naturalem plantarum calorem humoremque parcius augeant, atque inanem foliorum luxuriam retardent; prior impetus genitalis in altissimas firmissimasque fibras abit, quarum numerofo largoque succu ad floridam quæque radix alitur feracitatem. Verùm enimvero experientissimos colonos diuturna secus docuit experientia. Hi tandem felici periculo didicere cum augefcente Luna, tum præcipuè præven-
te

te & consequente plenilunium quadriduo utiliùs deponi radices, quæ deinde in flores densitate, amplitudine, numeroque præstabiles exeant; floridæque præstantiæ magno fœnore cultores abundè remunerentur. Per id enim tempus lunaris potestas caloris humorisque fœcundissima, luce auctior & potentior innatam radicibus calidam humidamque vim sic exanget & fœcundat; ut eadem & fibris diffundendis, & implendis, amplificandis, multiplicandisque floribus abundè generosæ & succosæ sint. Hæc ergo hujus sententiæ summa est: Florum sationi Lunam adolescentem, & globosam eligito: senio corniculatam (cornu ferit illa) caveto. Aliorum & quidem nobilium cultorum nonnihil dissidens ususita monet: Radices & bulbos crescente Luna, semina verò minuentè deponito. Neque tamen una satis est curiosis cultoribus citimi sideris notatio. Etenim penetrales quoque cœli fulgores florum genituræ propitios conjunctim observant. Hinc Accius in Praxidico (ut ex Plinio accepimus) serendum ait, cum Luna est in Ariete, Geminis, Leone, Libra, Aquario. Cum eadem commoratur in Tauro, Scorpium partes duodenas Sole transgresso, tempestivè feri existimat Zoroastres. Unum ego aliquem nostræ ætate novi domi forisque prudentissimum virum, qui consimili cœli observatione felicissimè ferit. Non enim unicum lunare lumen, sed orbis quoque

Natur. hist.
L. 18. c. 24.

quoque signiferi, quem Lunæ menstrua volubilitas totum permeat, sationi comoda aut certè non incommoda signa observat. Prospera comperit Pisces, Arietem, Taurum, Virginem, & Libram, ea ferè nimirum, quæ cum verno atque autumnali Sole conjuncta sementinam tempestivitatem asferunt. Unam Geminorum extremam partem inimicam expertus est; reliqua media atque indifferentia.. Animadvertit præterea ex prædictis signis ea sationi feliciora esse, cum quibus Luna crescens aut plena congregitur; horum verò aliqua in Lunæ auctum semper incidere, cum partim verna, partim autumnalia, id est, adversa inter se sint. Igitur cum augefcens Luna felicium signorum cuicunque subjicitur, ille semine ferit; cum Taurum eadem aut Virginem subit, radicum bulborumque tempestivam justamque sementem facit. Quanquam autem istum crescente Luna serendi morem potissimum ducit; eadem tamen sub auxiliariis aut saltem indifferentibus signis decresciente, rectam sementem fieri posse affirmat. Quare si laxior hortus diuturniorem sationem exiger, quàm quæ intra lunaris adolescentiæ curriculum perfici possit; nobiliora semina adolescente, vulgaria senescente fidere deponentur. Quærenti demum utra sit satio commodior, an quæ crescente Luna sub indifferentibus signis, an quæ decresciente sub propitiis fit, secundam utiliorem esse respondet. Ut autem

autem Lunæ cum sideribus cæteris statas congregaciones exploret; mathematicæ perspicacitatis cœlestes ephemeridas consulit, aut Christophorum Comput. Ecl.
clij. c. 12.
p. 13. Clavium, ad inveniendos Christianos fastos cœli numeros, ordinatosque lunares errores computantem legit. Labet hic (ne quid indictum præteream, quod expedire floriferæ sationi videatur) alias in obserendis hortis nonnihil diversas cœli notationes attexere. Qui tantidem facit flosculi satum, quanti principis viri genitura fieri solet, ut felicissimum horoscopium minutius & scrupulosius inspiciendum putet; is unumquemque morem periclitetur, optimum persequatur. Sum igitur, quibus authoribus serere atque plantare oportet à quarta ante plenilunium die ad vigesimam usque Lunam, præcipuè verò cum orbe prope jam pleno Luna supra terram est. Etenim per eos dies sidus tum incitatum tum lumine auctum obruta semina feliciter evocat & fovet. Servandum præterea est, ut nocentissimus Martius fulgor infra terram sit: ut ex errantibus beneficæ stellæ, Jovis præsertim & Veneris, supra terram extent, Lunamque ipsam felici positu aspiciant. Proderit quoque stellæ Saturni amicus aspectus: nam præstet ea plantis, atque à corruptione & vermiculatione semina tutatur. Sit denique Lunæ stella in eorū aliquo signorum, quæ Terrea nuncupantur ab astrologis, in Tauro scilicet, in Virgine, in Capricorno. Quanquam

P

Tau-

Taurus duobus reliquis minùs creditur salutaris: quòd fixa stabiliq; efficacitate posita semina rarefacit. Quare sub illo copiosa sementis facienda est, ut modicè metas. Fortunata demum habentur & Piscium totum signum, & postrema Sagittarii dimidia pars. Nonnulli laudant consitos hortos Luna obeunte Arietem ab ejusdem Arietis parte decima tertia usque ad vigesimam sextam, Taurum ab octava ad vigesimam primam, Cancrum à sexta & vigesima usque ad Virginis decimam septimam, Scorpionum à nona ad quartam usque Sagittarii. Infelices hortorum consitiones fiunt silente Luna, vel eadem & Sole deficiente: item cum Luna erraticis à stellis aut retrogradis aut noxiis, privatimque à stella Martis aspicitur; siue cum ipsæ noxiæ stellæ supra terram agunt. Alii denique vetant deponi semina, cum Luna est in Cancro à parte prima usque ad tertiam decimam, in Virgine à decima septima ad ultimam, in Libra à tertiadecima ad sextam & vigesimam, in Capricorno à vigesima sexta usque ad extremam, in Aquario à prima ad vigesimam secundam. Usque adeo Genethliaci cum stellis errantibus discordi sententiarum vertigine aberrant. Ut, qui in flosculorum natalitia sorte è cœlo ducenda opinionum caligine cæcutiunt, quantum in hominum libera conditione stellarum habenis frzpnanda hallucinentur, judicemus. In tam dubia

bia fallacique longissimè affulgentium siderum Floræ Lu-
nam con-
sulentis fa-
bula.
luce caligantibus incertisque cultorum sententiis,
decrevit olim Flora prudenter maximam rerum
terrenarum arbitram & præsidem, Lunam adire
atque consulere; ut multa nocte nigrantem, nem-
pe ambiguam, necdum satis perspectam explora-
tamque veritatem in lunari lumine intueretur, op-
timumque tempestivi satus consilium deligeret.
Uno igitur Achate Zephyro, ardui laborem itine-
rise ventilante, florumque omnium tributarias de-
licias in cistellam bellè congestas præferente, imis
raptim è terris gradum facit ad cælum. Quà pro-
pero gressu anhelat cor, afflatur ver: quàm solum
premit pes, assurgit flos: pedis vestigium rosa est.
Jucundissimæ adventu hospitæ ipsum didicit, ve-
luti lucis hortus, vernare cælum: lætiore siquidem
lumine persusa sidera floruerunt. Est in orbe Re-
ginæ noctilucæ via patentissima planæque regia, si-
gnifero circulo subiecta, sed Solis itinere tum in
Aquilonem magis elata, tum in Austrum magis de-
jecta, assiduique curulis cursus vestigio signata.
Hoc ingressa curriculum Flora Lunam habuit ob-
viam in argenteo curru noctuabundam. Jam enim
Lunæ amica Nox, non sine Somniis somnifica pa-
pavera spargentibus, citimo mundo incubabat.
Lunare vehiculum anteibat volaticus puer Hesper-
us fronte splendida tenebrarum prænuntius: si-
qui-

quidem hæc cœlestium flammæ extinctæ die
interlucentium primam scintillam, Vesperum
nempe sidus præferebat. Currum trahebant sublu-
stri colore noctis albentes equi; volucris celeritate
in Olympico stadio victores. Adductis habenis ra-
pidissimam frænavit, Hespero etiam adnitante, in-
citationem Luna, substititque in occursum Floræ:
ac perhumaniter arridens, Quæ potuit, *inquit*,
adeo premens & cogens causa inveniri, tuos ut
hortos, Flora, pulcherrimorum florum multico-
lore luce stellatos nostro, quod minùs tibi renidet,
cœlo mutare volueris? Tum Flora. Meorum te
florum altricem, meam te moderatricem colere
potior & suavior est mihi cura, quam florum ne-
gotium insistere. Utque tutelæ tuæ, quam culturæ
meæ, plus tribuere flores intelligas; en ipsi te me-
cum tributarii conveniunt & venerantur. Debeo
inquit illa, plurimum humanitati tuæ, cujus be-
neficio flores in cœlo colligo, unoque meum side-
re sublustrem orbem stellulis novis hortensibus il-
lustro. Gratam equidem hortensi rei polliceor
operam opemque meam. Istam nunc enimvero,
subjecit Flora, è tua non modò luce, sed voce
quoque atque oraculo ut exorarem, arduum mihi
huciter fuit. Magna inter mites florum cultores,
& quidem adhuc sub iudice, lis est, quo videlicet
mense, qua menstrui cursus tui die, quo cætera-
rum

rum* cum tua stellarum congressu florei satus faciendi sint. Tuum jam est, quæ hortis è cœlo præes, judicium ferre: meum erit, quæ hortensem disciplinam trado, cœleste decretum evulgare. Hic exporreæ dexteræ indice digito duodena inter astra fulgentem Libram & Scorpionem demonstrans Luna, Ab adulto, inquit, Septembri diem ac noctem æquissimis lancibus librante ad extremum usque Octobrem stellati Scorpii splendido aculeo morientem hortos feliciter conferes. Mei sideris adhuc adolescentis felices numeros observabis; si cum torum, quod ab octava die ad quintamdecimam intercedit intervallum, tum præcipuè duodecimam diem hortensi deliges consitueræ. Cæterorum minuta nimis, necdum satis comperta mortalibus siderum observatio spinosis in animo curis, quàm suavibus in hortulo floribus serendis utilior est. Astra reliqua remotiora, ut hortos vix aspiciunt, ita non magnopere curant. Meam ergo stellam unam, terris citimam, & familiarissimam, atque adeo rerum spiritum universa potissimum germina animantem attendere satis habeto. Jamque vale: salutarem enim cursum diutius interfistere publica mundi cura non patitur. Floreo denique comincatu inque sinum congesto, perque currum disperso recreata, laxatis decoram in fugam habenis, velociore volucrum pennis curru volubiliter avolavit. Flora verò exoptati compos

Plin. l. 2.
c. 9. § 99.

oraculi felici comite Zephyro dilectos ad hortos
facile redux sativam tempestivitatem cœlesti re-
sponso monstratam, prosperoque deinde pericu-
lo comprobata universis cultoribus promulga-
vit.

Ante-





Antequam præmollito soli strato femina committas, veteres ipsis fibras (si quæ, cum effoderes, te fortè latuerint) eximito, aridas inutilesque membranas, seu potius exuvias bulbis detrahito: at vero Tulpis intimam tunicam, adversus cælo terræque investâ incommoda tanquam præmunientem interulam, ne subducito. Jam verò floriferæ radices, formosæ prolis delicatæ matres, ne abortient, mollissimè cubent. Igitur duum palmarum egesto (si quod fortè in arcis obduruit) denso crudoque solo; eoque, quod subjacet, brevi bipalio, aut majore trulla cautè, ne tutelarium laterculorum compago luxetur, pastinato; olitoriam terram cribro rariore succretam ea, quam exigunt ponendæ radices, altitudine substernes: tum levi manus trullæ ductu exæquabis. Ut autem in solo æqualiter substrato certas radicibus sedes, ac debita interordinia describas; sulcos imprimes cancellatos vel arundine pressè applicata, vel certè resticula in amussis intentæ modum adducta remissaque: singulos deinde bulbos, & quidem generis omnes ejusdem, si separatim serere mavis, in quaque decusse collocabis. Sin autem cuiquam lubeat areas transalpino more quadrangulas de unoquoque florum genere distinctè conferere; is ad radicum deponendarum æqualia intervalla citiùs ac certiùs præfinienda Gallicam cratem singulis areolis æqualem, & aptam, adeoque dupli-

Radices ut
purgandæ.

Ut inhu-
mandæ.

Satoria
crates du-
plex.

duplicem triplicemve adhibeat, quæ sic fieri consuevit. In triangulum dedolati è materia adversùs cariem curvationemque firmissima, præsertim ex abiete buxoque, asserculi ita consertè junguntur; ut singulorum bini anguli porrigantur in latera, unus verò angulus promineat, spatiis quadratis intervacantibus, quæ loci laxitatem cuique radici debitam relinquunt. Decussata ista crates depressæ, quemadmodum docui, æquatæque terræ eo situ superponitur, ut plana pars supina sit, extante angulo deorsum verso: tum eatenus apprimitur, quoad sui vestigium sulcatim imprimat. Ubi sese cancellatim sulci decussant, radices locantur; humoque, sicut mox dicam, superinducta obruuntur. Alio clathratum hoc instrumentum artificio compingitur è quadrangulis asserculis, quorum singulæ decusses affixis ligneis bullis tumidæ modico pressu ordinata bulborum cubilia præformant. Hoc igitur ordine arborum symmetriam æmulati flores decòro utrique quincunce, in quancunque partem spectaveris, recti sunt, ac terræ succum æqualiter trahunt. Cæterum si miscellaneus, qui variam inæqualemque ferè postulat altitudinem, perplacet satus; duplicem habeo monstrare viam, longiorem alteram, alteram breviorē, utranque verò cultorum vestigio & consuetudinis satis tritam & celebrem. Ut priorem insistas; in solo itidem coæquato, & arundine seu resticula cancellatim

tim signato bulbosas priùs radices, quæ debent altiùs infodi, depones: tum juxta depositos bulbos defixis ad lineam tesseris, quæ superiores radices ab inferioribus justo distineant intervallo, æque minuti soli tantum supersternes, quantum minùs altè ponendi bulbi postulabunt; idemque solum decussatis sulculis præsignabis, & similiter conferes. Pari ratione tertium solum, sive soli tabularum minimo spatio à summis laterculis distitum impones, ubi anemonas & bulbulos minore mensura demergendos interferes. Ut autem altera expeditiore via utaris; ad prædictam mēsuram bipalmem exinanitas areolas recenti cribrataque humo usque eò replebis, dum eadem pariter æquata, cancellatimque distincta palmi dimidio à summo laterculorum ambitu subsidat. Postea radices, prout exigent, ita distribues, ut earum alias in præparata mediocris altitudinis planitie sistas; alias vel scrobiculis manu ante excavatis, vel digitis assiduo soli repulsu viam pendentibus deprimas; excitatis denique terræ cumulis alias exaltes. Ubi ad præscriptum, & rite severis; consimili humo positas radices sic operies, ut hæc areolarum oras non adæquet modò, sed paulò etiam cumulatior media extumescat: tum quia medius tumor undique devexus, derivato percolatoque ad extremas pulvinorum quasi colliquias, pluviali humore, sicciorem tutioremque à putredine sedem radicibus

bus nondum solo hærentibus præbet: tum quia iale-
yiter superingesta humus suo ipsa paulatim ponde-
re, caducoque imbre depressa summis arcolarum
marginibus coæquabitur. Quòd si magis in arcis
ab ipso statim satuinoffensa æquabilisque planities
delectat; debet aggerata supra lateritias arcolarum
tutela terra lignea regula radiove præradi, atque,
ubi defecerit, semel aut iterum lacuna suppleri. De-
bent etiam summæ laterculorum oræ, siquæ pulvi-
sculo aspergantur, peniculo detergi; ne per imbrem
lutescant. Illud hic habeo præterea præmonendum,
advenas Indiæ bulbos, quorum non pauci narcissimi
generis sunt, nostris in hortis florem non edituros,
nisi parum altè adobruantur. Etenim, antequam
transvehantur ad nos, in Bataviæ Galliæque æquilo-
nares oras translati altius infodiuntur, ut à penetra-
bili frigore vindicentur; illic verò, dum solis calo-
rem quærunt, vim floris fertilem in productius
collum exhauriunt. Propterea frequenti comper-
tum experimento est, florem tunc extitisse, cum, ob-
ruto bulborum ventre, collum extaret; quo sensim
exarescente magis compactum bulbaceum corpus
ad florem partum convalescit. Quare curandum
est, ut parco in sole ipsa cervix apricetur, dum exa-
rescit; ne totum bulbum diuturnior insolatio perna-
rat. Hæc est nata cum hortorum cultu, ac peri-
torum usu colonorum ad nos usque transmissa ve-
tus ponendorum in areolis seminum consuetudo.

Alia

Alia est consitionis ratio recentior, quæ, citra laborem convehendarum in cellam radicum, per æstivos menses easdem simul effodit, detrahisque adultis nepotulis simul infodit. Verùm id ego sationis genus (nisi hortorum postulet amplitudo) utpote periculosum, atque incommodum non usurpaverim. Periculum imminet vel ab æstivis imbribus, quibus insuccata semina revalescunt mox æstu frequenter ad tabitudinem infervescunt; vel à residuo post imbres tridui, quatrduive nubilo, quod è plantis, quæ primæ florent, fibras elicit, redeunte deinde intempestivo calore non sine frequenti plantarum ipsarum exitio perurendas. Neque verò par subeunt non cruta ac recens adobruta semina discrimen. Ab illis enim requieti soli densa soliditas æstivi humoris calorisque penetrabilem noxam nonnihil excludit: ad hæc autem emotæ terræ laxa mollities pestem utranque transmittit. Huc adde non levem illam incommoditatem, quod, si qua inter effodiendum corrupta semina offenduntur, in illo tumultuario satum apta substitui ægrè possunt. Quare incogitatæ consitatur flos inordinata plerunque confusio est. Antequam testas conseras, tum ipsarum tum radicum deponendarum numerum subducito: singulas cuique testæ radices (nisi cujuspiam amplitudo exigit plures) cum peculiari tessera destinato: ista, ne animo excidant, in albo, qua præscripsi ratione, descri-

*Filiolum
conferen-
dorum ra-
tio.*

scribito. Testas autem ad satus accipiendos sic præparato. Imum foramen minutis potius glareis, quàm testaceis fragmentis (ut vulgò solent) obstruito. Illi enim ob globosam figuram minùs invicem cohærentes conceptam aquam ex facili transfundunt : hæc autem planioribus corpusculis inter se apta modico terræ illapsu ita coeunt & coalescunt, ut superfluum humorem ægrè parcèque transmittant. His aliqui excreta cribratæ terræ duorum triumve digitorum alta in eundem usum superaddunt. Quem ego morem non improbarem, nisi periculum fuerit à formicis, quæ per imum foramen adrepentes inter excreti soli minutulos aridosque calculos libentissimè nidulantur. Quamobrem expediet excretorum loco glaream aggerare. Ubi crassiore materia ima fistilia constraveris, tum cribrarii pulvisculi tantum ingerito, quantum substerni deponenda semina postulabunt. Ubi anemonas & ranunculos, molles nempe radículas, aut lectissimos bulbulos collocare velis; substratum solum, mollique manu depressum ab ipsis testarum oris ternos quaternosve digitos distet: sin autem majusculi bulbi serendi sint, ad quinos ternosve digitos subsidat. Ita mollissima constratas humo singulas testas unica media radice conserito. Si quàm pluribus destinaveris; Tenos illæ ab ambitu vasis, quaternos minimum inter se digitos distent. Sic enim maternum terræ gremium lactentibus

ribus fibris complexæ, quam à fatum mianæ, largiore tamen suctu paucos intra menses ad uberimum florum puerperium adolescent. Sed, ne plures in unico vase radices permistæ confusæque secermentis cognitionem fallant, generis omnes ejusdem sint. Post singulos satus suam cuique testæ vel plumbeam, vel arundineam, vel furculaceam tesseram, supra ejusdem testæ labrum nonnihil extantem à tergo defigito. Itæ positas radículas humo eidem tenuissima cumulatione contégito; ut mediâ humus paulò extumida consistere non patiatur aquam, sed molli undique devexitate diffundat. Nonnulli satores primùm testas humo cumulant, summis deinde digitis comprehensa semina usque eò mergunt, dum ad primos articulos terra perveniat. Sed vulgaris ista ratio non admodum placet: tum quia cæca ipsa collocatio nec præstituta seminibus loca, nec apta vel inter se vel à summis fictilibus intervalla exquisitè custodire potest; tum quia incauta sæpe digitorum depressu sobolescentes radices infringit; ac parentibus utiliter hærentes, necdum à materno lacte removendos foetus cum utrorumque pernicie, vel certè non sine magno vulnere avellit ac distrahit. Hæc autem foeta floribus vasa, si nondum abunde autumnus calores temperarit, loco subdiali quidem, non tamen aprico, tantisper hospita, dum folia exire cœperint, asservato; ne radices ab humido terræ complexu,

plexu, antequam comprehenderint, turgescerent
nimis caloribus in tabem sufferveriant: sin æstus
remiserit, solibus expositas in sedes, ubi tamen
apricis areolis non officiant; ad ornatum apta serie
digerito: eadem singulis binisve stratis æqualiter la-
terculis, nisi lapideæ bases itidem scabræ suppetant,
superposito; ne, imo foramine humo subjecta præ-
cluso, ubertim concepta, nec faciliè transfusa obru-

Minutorum
seminum
satus.

tas radices aqua corrumpat. Per eosdem autumnales dies minutis hiemalium vernorumque florum seminibus seminarium sic obserito. E tenerrima terræ farina palmi dimidium alta sub ipsas pulvinorum oras molliissimum cubile substernito: eam terram levi manu coæquato: illic suis singula notis sedibusque discreta semina collocato modicè rara, ut inoffenso incremento feliciùs convalescant: prætenui cribro terram dimidiatum digitum altam incernito: eandem radio, seu manu leviter complanato: areolas, quæ hiberno soli ostentæ non sint, æstivorum atque autumnalium florum vernæ satione reservato: minutiora semina æquè, ut jam monuimus, depressa spargito: grandiuscula in scrobiculos unum alterumve digitum altos raris intervallis demittito, eodemque cribrati soli polline obruito: donec egerminent, superpositis pensilibus cratibus, aut ramusculorum umbraculis (si fuerit opus) æstum defendito: si quando non pluet, ne terra sariat, præscripti hortensis Aqualis, vel fi-

cti-

ctilis vel cuprei, angustius pertuso tubo sive scopula asperginem irrorato potius, quàm affundito: pro incremento terram identidem aggerato. Henricus Corvinus. Henricus Corvinus, experientissimus herbarius, antequam contumacis lentæque duritiæ semina solo committat, aquam defundit in catinum: nitri modicum superfundit, ac distabescere finit: in eam nitratam aquam semina immittit: duodenas horas pro varia duritie plus minusve macerari & medicari patitur: exinde ferit: eandem aquam inspergit, ut nitrum ex igneo terræ halitu concretum seminalem contumaciam ad uberem germinationem proritet. Breviore alii via, salubrique vulnere præduræ grandiorum seminum morositati medentur. Illis enim forcipe apprehensis, à tergo adversaque oculo parte corium præacuto cultro dissecant, lima ve deterunt; aut eadem non satis matura, & proinde molliora, legunt, & rite conferunt. Ita humore terræ penitus pervadente intra paucos dies turgescunt, citumque germen emittunt. Si agri modus angustior laxam aream seminario negat; fistiles catillos eadem ferme ratione, qua testas supradictas parandas esse præcepimus, intra ipsos hortos præparato: ad eundem seminarii modum conferito: humoque subinde nascentia semina tegito: per æstum, donec germen existat, à Sole distincto: per siccitates aspergine tenuissima irrigato. Semina, quæ probabilem florem ediderint, præ-

Q signa-

signata in hortos admittito: quæ degeneraverint, rejicito: quæ nondum effloruerint, si perpetuis radicibus nituntur solo, ad floris experimentum intacta reservato: sin fibras quotannis deperdunt, ubi illæ exaruerint, curiosè refossa, cribroque, ne aliqua prætereantur, à solo discreta post æquinoctium autumnale rariùs differito; nequaquam, nisi probata per florem tirocinium indole, ad patri-tiorum florum consortium admittenda. Placet altera septentrionalis industriæ constitura, frigidæ videlicet plagæ opportuna. Congestitii lætaminis quadrata moles excitatur: huic æqualis mensuræ figuræque ex asserculis compactilis, quinos senosve digitos altus margo imponitur: media capacitas de more minutim succreta humo repletur, quæ usitato satu gravidata inusitata felicitate parit. Nam subditi fimi suffitu adversus abortiva frigora vaporatur, ipsique partus pinguiissimi soli ubere nutricantur.

Lex floris servandi.

CAPVT II.

Nunc alia Floræ lex æquissima promulgetur. Sicut florum parens, & altrix terra est; ita colonus sator simul, ac tutor esto: hortensis enim familiæ infirma teneritudo non ubere solum indiget, verum etiam tutela. Prima igitur coloni cura sit, ut subinde nascentes malas herbulas floribus defendat. Quoniam verò inutilibus ac voluntariis herbis assidue subnascentibus areolæ, ac semitæ, atque adeò testæ ipsæ faciliè silvescunt; ideo totus omni tempore hortus exherbandus est, præterquam tellure vel gelicidiis obdurata, vel imbris madente. Concreta enim tenaxque durities, quarnvis avulsis foliis, hoc est filiis, extrahi non patitur parentem radicem, mox ab injuria incremento vastiore regerminaturam. Mador autem incommodè liberalis multum altricis terræ noxiis cum radicibus distrahendum agglutinat. Porro facili feliciq; opera herbæ eximentur ex humo aut hibernis frigoribus, aut æstivis solibus soluta, aut etiam humida, non tamen madida. Sed custodiendum est, ut infra herbacæum capillamentum depressis digitis arreptum radicis caput, digitorum, impulsu laxata in orbem humo, recto conatu educatur: sic enim scitè trahentem radix integra sequetur. Hic autem hortenses runcatores admonitos vo-

Modus exherbandi.

lo, tunc esse runcationi tempestivas herbas, cum illæ mediocriter adultæ manu eligi facile possunt: perniciosè verò runcationem procrastinari, donec eadè alitè latèque diffusæ alendis floribus paratum terræ uber emungant, inextricabili fibrarum nexu florea semina cancellent, irretiant, atque adeo strangulent, multiplicique lapsu solum complexæ contra vellentem pertinaciter obnitantur, aut etiam (quod nocentissimum est) arefactis caducisque seminibus sese latius reseminant. In eam denique providi cultores curam incumbant, ut, quoad fieri possit, areolas ante interpurgent, quam floreat; ne florum teneritudo runcantium fortuita offensione lædatur. Verùm quid profit nocentes herbas extirpare, nisi nocentiores bestias extermines? Hoc longioris orationis argumentum in proximam dispositionem, bipartitò & secretiùs pertractandam, reservamus. Nunc alia florum incommoda propulsemus. Sæpe fit, ut posita semina vel sponte sua super terram emergant, vel fortuitò detegantur. Ea, si nondum radices egerint, altius defodito: si fibras miserint, aggesta humo accumulato. Eodem aggerati soli remedio iisdem seminibus consulto, ubi non satis altè depressa fuerint. Indicio autem erunt imæ foliorum partes, sive extantes petioli lacteo candore notabiles, utpote maternis terræ uberibus proximi. Non placet contra gelicidia plantis circumspergi aut comminutas paleas, aut finum, aut facile vermiculantia cornuum ramenta,

Detestas
radices o-
periendi.

Frigoris at-
tendi.

ta, sordida nempe remedia. Nonnulli testas intra tectum, quod solem largiter admittat, tantisper, dum terra regeletur, continent. Alii floribus aplicatione gaudentibus noxiam tecti opacitatem rati vel ad parietem ab aquilonio aversum frigore ac meridiano tepori adversum easdem admovent; vel nostratis plagæ nitijs gelu nihil veriti nullo munimento defendunt. At verò septentrionales coloni adversus sæviora frigora hortenses pulvinos arborco musco ad palmarem altitudinem insternunt: quòd is æquè contra brumam, atque contra calorem tûendis floribus opportunus & beneficus est. Nec minùs eorundem solertia colonorum nobilioris notæ serotinis floribus æstivos cavet ardores. Nam, ne brevis ævi flosculi ab æstu præmorianur, è tenuissimis abiegnis tabulis ad areolarum pretiosè consitarum commensum compactis & circumsectis, aut certè è lino textili umbracula sic obtendit, ut inæqualium pedum fulcris innixa vel alligato devexo varioque ad solis cursum oppositu solem arceant. Si per æstivam hibernamve citra gelu siccitatem vel in fictilibus vel humi sitiant, quæ rigatione proficiunt, semina & radices; secunda post exortum hiemalem solem hora, eodem æstivo jam occidente aut occaso irrigentur: ne vespertina per hiemem nocturno frigore congelaciet, matutina per æstatem diurno æstu infervescat aqua, utraque verò bibu-

Caloris defendendi.

Irrigandi.

la semina perurat. Debet præterea nec nimia lento infusu propinari, ne plus æquo potæ atque inebriatæ plantæ marcescant; nec largior uno impetu affundi, ne temere ingurgitatæ, non in omnes æquæ partes transfuso madore, inæqualiter alantur: sed cupreo fictilive aquario-vase, minutis foraminibus pluvio, irrorari, ut paulatim perfusæ æqualiter bibant, & feliciter vivant. Quod si consitum fictile ab diuturna humoris inopia siccissima squalcat siti; tamdiu in aqua demersum habeatur, donec undique bibulum largiter immaduerit. Indicio erit penitus extinctæ sitis tum lætior plantarum viriditas, & florum velut ridibunda formositas, tum ex imo testarum foramine liquoris emissæ satietas. Summa terræ cutis, quæ crustulam duxerit, nunquam per hiemem ligneo ferreo ve scalpello (quod inconsultè nonnulli faciunt) incidenda, nec laceranda est: ut affusus humor quò lentior & moderatior, eò innocentior & salubrior humum radicemque perfundat ac permeet. Eam ob causam ante hiberna frigora internascens inutilis herbula maturè vel litur. Ita in gelicidiis minimè herbescentia vasa evulsione non indigebunt; quæ solum dimoveat, aditumque ad radices noxio frigori patefaciat. Irriguus autem humor è puteo, qui profundi haustus sit, quoad ejus fieri poterit, hauriendus nequaquam est: quia nunquam incoquente sole rarefactus ac tenuatus, ideoque pertinaciter gelidus insuc catas radices non

Terræ cutis
non scalp-
pturicnda.

Aque irri-
guæ dele-
ctus.

non refovet ad alimentum, sed frigefacit ad exitum. Quare, nisi salubrioris aquæ suppetat facultas, antequam putealis affundatur, sub dio exponenda, aut etiam insolanda est, ut intepescat. Maxime probabilis atq; utilissima riguis hortis haberi solet, tum quæ profluit; quia cursu percussuque ipso extenuatur & incalescit: tum quæ cœlo delapsa cisternis concipitur; quòdignis potissimum atque aëris vitali halitu sortita hortensem mirificè augèt fecunditatem. Propter hanc elementorum beneficam temperiem censentur imbres agris maxime salutares. Aqua stagnans & pigra damnatur, ut quæ putri crassitudine ægerrimè penetrans, tetraque spiritu promptissimè nocens vermibus procreandis, quàm floribus alendis, præsentior est. Rigationis modum rigandarum stirpium ætas & sanitas temperabit. Novellæ tenera atque humida ætatula, minimo etiam corpusculo, ut minùs sitiunt, sic parciùs bibunt. Confirmatis jam viribus adultæ, utpote calidiores siccioresque, innocentius, quàm viri, bibaculæ sunt: fontes enim, non dolia, exhauriunt. Quæ præterea consuevere, liberaliter potari desiderant. At verò quas caries, aut senectus, rerum omnium morbus, infestat, ne præmaturè corrumpas, cautè parcèque adaquabis. Ex veteri denique admonitu floream hortis feracitatem tusa lotos & in aquam coniecta, aut fœnum græcum in aqua tritum medicata irrigatione conciliabit. Si pluviùs ventus magnis im-

*Constant.
Pogo de
Agric.
L. 12. c. 6.*

Vasorum
inclinatio
ad evitan-
dos imbres.

Caduci flo-
ris fultura.

Vitiosæ ra-
dicis cura-
tio.

bribus terram alluat; testarum in latus acclinata-
rum ora, ab ipso vento averſa in oppositam pla-
gam expedit obvertere: ne tum defossæ maternæ
radices, tum prominuli florei partus in solo nimis
madente naufragium faciant. Si floris cujuspiam,
qui præsertim inani scapo sit, statura procerior
violento turbine everberetur; furculi adminicu-
lo statuminanda est, aut fictili tubo circumvallan-
da. Si radix intra testam condita decoloratis,
aut marcentibus foliis ægrotare deprehendatur;
testa in latus inclinata, Aqualis tubulo aqua su-
perfundatur, donec, innocenter excavata proxi-
ma humo, radices oculus atque adeo totum latus
citra fibrarum injuriam diluatur ac renudetur:
corrupta pars ferro ad vivum recidatur: integra,
dum affusus humor paulisper exiccet, per semi-
horam detecta sit: tum, cera terebinthinæ resinæ
admista obducto vulnere, arida & macra humo
fossula repleatur. Si defossus bulbus de indicio
eodem vitiosus esse intelligatur; terra, quæ cir-
cumsusa est, cautè subducta, ligneo cultello vitium
vivo tenus abradatur: vitiatæ tunicæ detrahantur:
macro itidem siccoque solo scrobiculus expleatur.
Sin autem sive bulbi, sive radices ima morbus in-
festet; penitus erui debent, & curari, & etiam
terra modò præscripta obrui. Si circa folia flo-
resque summum solum albido, araneoso, aut ro-
scido, nec non fungum olente mucore obduca-
tur,

tur, quo tanquam ferro succisa germina cum radicibus contabescunt; existimandum est, illic aut corii refegmen, aut clavum, aut aliquid tale infuso vitio nondum in terram computruisse. Quare, vitiata statim humo, quæ circum supraque est, citra radicum contactum & noxam egesta, recens innocens & macra sufficiatur. Sunt, & quidem insignes, hortorum cultores, qui flores florumque caules innocenter attrectari putent: eos verò, qui tactionem damnant, superstitiosè meticulosos vocitent. Si tamen res ad philosophicam trutinam expendatur, damnificam esse floribus contrectationem diffidendum non est. Flos enim, floreusque cauliculus dum contrectatur, molliissimi corporis quàm distenti, quàm contracti, quàm distorti naturalis constitutio violata luxatur; adeoque flos ipse læditur, ut sæpe gracilescens extabescat. Usque adeo vita floris est esse intactum. • Quamquam florei partus jam hominum voluptati, ornamentoque, nec non suæ ipsorum gloriæ adulti distrahi debent à materno radicum ubere, vel ungue vel potius ferro succisi; ut etiam à vulnere formosissimi brevem quidem, at gloriosam vitam vivant inter gestantium complexus, inter odorantium oscula, inter plausus admirantium: ut in ipsa morte risu discolore renidentes mortalitatem exhilarant: ut iisdem expirantes legentibus odoratam animam mortalibus vitam inhalent: ut denique

Florum
contrecta-
rio caven-
da.

Reciso u-
surpanda.

nique jam enixæ radices diuturniore nutricum officio liberatæ ad pulcherrimæ fecunditatem sobolis perennent. Flores autem sparsim decerpere oportet, ut in singulis areolis æquè rarefiant; floridos quoque plerisque caules citra subnascen-
 tium florum vulnus paululum supra terram subsecare; ut ipsius proceritas caulis flori formam exaugeat, & radici uberioris alimenti absumendi materiam subtrahat. Est, qui jam desitis bulborum floribus folia solo tenus intondeat; ut, quando florei cirri defluerunt, abrafo foliaceo capillitio glabellus hortus minùshorridè calvescat, hoc est impubis atque imberbis exhausta in senectute juvenescat. Istam equidem violentam calvitie-
 nobilium hortorum nulli suadeam: quòd atton-
 sarum è vulnere plantarum vitalis ac genitalis vigor tenuissimus evanescit; radicesque vel ene-
 ctas, vel ad alios fœtus relinquit effœtas. At verò cum supervacaneus tantum & crassior succus in foliorum luxuriam abeat, hortum præstat capilla-
 tum habere, quàm calvum. Huc adde, quòd per germinis plagam frigoris calorisque penetrabilis inclementia proximam radicem non rarò vel ene-
 cat, vel emaciat. At enim rei rusticæ nobiles ma-
 gistri affirmatissimè docent floriferis bulbis affi-
 nes cæpas, foliis detractis, magis fieri capitatas, & convalescere. quid ergo detractio eadem tan-
 quam perniciofa damnetur in bulbis? Quia nimi-
 rum,

Folia post
 flores non
 detrahenda.

Plin. l. 19.
 c. 6.
 Constant.
 Paganat.
 Agric.
 l. 12. c. 31.
 Pallad. 117.
 24. Februar.

rum, qui porrigi solet in folia, concoctus leviter succus crassior & lentior ex angustis attonsi bulbi meatibus effluere non potest. Quare ad inferiora contractus bulbum ipsum & largè nutrit, & mirificè amplificat. Verùm, qui pulchrè pullulat in flores, humor, quia tenuior & purior est, utpote magis concoctus, è spiramentis vulneris facilè interspirat & vanescit. Argumentq; sit delicatæ atque evanidæ tenuitatis florum vita brevissima. Huc accedit, quòd eodem humore superfluente, quo bulbis violentam in pinguedinem, seu potiùs in hydropa distenditur, genitalis calor, ac vivida vis in florem eruptura sic opprimitur ac restringitur; ut una existat ex ignava obesitate ingrata sterilitas. Parem scilicet naturam legem plantis dixit atque animalibus, ut præpinguia minùs fœcunda sint. Fatendum igitur est crassitudinem bulbis faciente tonsura non magis foliorum comam, quàm fertilitatem recidi. Quòd si narcis- Quæ cura
iisdem fo-
lis adhi-
benda. sinorum præcipuè foliorum incommode diffusa magnitudo displicet, laxiorem in nodum molli- ter substringatur. Sic enim, succo ad ima leniter coacto, plenioris crassitudinis bulbacea capita fiunt. Cæterorum autem folia bulborum tum brevia, tum lata, tum fragilia, nodo videlicet inepta, quæ tamen non geniculatim seu gradatim adnata caules altè convestiant, sed à radicibus humiliter assurgant, si Plinii consilio deflexa obruantur; ip- l. 19. c. 3.

sa

Vasorum
post flores
custodia.

sa succo in sese contracto capita excreſcent. Eadem poteris areolarum folia æſtivo ſole ſiccata vel eximere, ut etiam ſine floribus niteat ſimplex munditiis hortus; vel utiliùs relinquere, ut obrutæ illa radices à calore ſolis excuſent. Cæterùm teſtæ, amiſſis floribus, ne vehementi ſole igneſcentes incluſa ſemina perurant, appetente jam æſtate in ſubdialeſem locum, qui tamen non inſoletur, transferantur, ubi emeritas radices mitior æſtus paulatim atque innocenter arefaciat. Si ver extremum, aut æſtas nova largis atque hiemalibus imbris diffluat; ne radices jam enixas corruptentem humorem nimium ſiſtilia vaſa concipiant; aut humi (quemadmodum modò præſcripti) reclinentur, aut intra pòrticum aliudve ſub tectum aëri patentiſſimum comportentur: in clauſo enim adhuc humida ſemina muceſerent. Si bulbos ſo boleſcere velis; vel altero, vel tertio quoque anno extrahes: ſin ad unicam florum ubertatem reſervare mavis ſingulis annis effodies. Hoc tamen conſilium ad complures inferius per cenſendos duntaxat reſeres, non promiſcuè ad univerſos. Sunt enim nonnulli rariùs eruendi, quorum unumquenque ſuis nominatim locis excipiemus. Poſſumus quoque cum experientiſſimis cultoribus & ſentire prudenter, & feliciter periclitari; qui cum ad copiam; tum ad pulchritudinem florum pleroſque rariſſimè bulbos effodiunt. Sed illud quo-

Exemptio
bulborum
noſtrarium.

quotannis custodiunt, ut adnatas soboles à matribus avellant; ne maternum illæ succum, in flores cæteroqui abiturum, in sui nutrimentum incrementumque prælibent. Igitur post octavum calendas Julias subducto solo adhærescens bulbacæ matri bulborum pullities cautè detegitur, clementerque revellitur: subtractæ jam effætæ recens ac fertilis terra sufficitur: eruta soboles opportuno in loco mox repangitur. Pari sermone ratione, si quando immotæ bulbiferæ matrici differendam, aliove mittendam sobolem subtrahere voles, sic facies. Sobolescentis bulbi situm, nisi memoria tenes, aut nisi præfixa tessera jam animo infixisti, memoriali codice, tanquam Sibyllino volumine, consulto investigabis; illic terram usque adeo subduces, quoad imam parentem cum adjuncta posteritate retegas: tum altera manu matrem ipsam retinebis, altera, quos cupies, posteros leniter innocentemque revelles; terram denique in effossum scrobiculum revocabis. Quoniam verò æstivis quæ caloribus, quæ imbris obrutæ radices sæpe marcescunt; idcirco expedit palmum altam pulvinis humum superingerere, quæ medio tumore in omnem partem æqualiter de vexo utraque seminibus defendat injuriam, donec autumnus beneficio tepori humorique excipiendo aggerata humo exoneratæ arcolæ detumescant. Peregre allatos & adhuc hospites loci cujuscumque bulbos, si hospitale

Externorum.

ami-

amicumque solum nati fertili semel successu floruerint, loco movere non expedit: quia nostro tam coelo, tum solo nondum assueti translatione sterilescent & pereunt. Cominodum satisque diuturnum effodiendis bulbis bimestre spatium est, humo sicca per æstatem ab extremo Junio in extremum usque Augustum, cum folia & fibras æstiva jam insolatio siccavit. Præcoces tamen bulbos, præsertim vero narcissos præmaturè præstatu erueret; quòd Augusto mense nonnunquam pluvia novellas illi citare radículas incipiunt. Solo à recenti pluvia madido cessandum; ne præconceptus humior effossas bulbosas radices corrumpat. Sic autem effodito. Ab extrema qualibet areolæ parte trulla seu manu leviter demissa solum in semitas progerere incipito: proximos bulbos diligenter pervestigato: subducta circumfusa humo extrahito; vel certè lanceæ cuspidi non absimili, quod supra descripsimus, ferramento infra radices adactò humum paulatim suffodito, interque manus identidem caducos educito: caveto autem, ne incauta ferri manusve impressione vel parentes vel pullos faucies, aut se jungas: sic ad reliquos ordinata fossione progreditor, donec omnes effoderis. Antequam ad areolam aliam perscrutandam rimandamque, transeas, priorem recognoscito ac retractato: solent enim minutiones præsertim bulbi cum ipsa terra subtracti conniventem latere scrui-

L. L. G. S.

scrutatorem, qui cum eadem regesti præposterè
 confusèque regerminant. Ad hæc egestum solum
 regerito; ne naturæ artique inimica inanitas in la-
 cunosis arcis lateritium sepimentum incommodè
 subsidere & collabi faciat. Scorsum conferen-
 dos, qui leviter matribus hæreant, adultos bulbo-
 los innocenter separato: si quis bulbus cariem vi-
 tiumve aliud sentiat, exacuto in cultellum furculo
 bene purgato: sabulo vulnus inspergito: singulos
 vix erutos bulbos indecoro noxioque pulvere for-
 didos (tulipas tamen excipio) præscripto periculo
 detergit; siccis radiculis liberato; exterioribus tu-
 nica quamvis aridis ne spoliato, nam illæ oppor-
 tunam vitio protegent nuditatem; suas in classes
 distribuit; sub dio ne relinquit, nam illos cum
 imber & ros, tum maximè Sol corrumpit; sed aut
 loco non nihil calido, qui tamen Soli obnoxius non
 sit, prius per biduum asservato, ut bene siccescant;
 tum in siccæ frigidaque cellæ pavimento deponi-
 to; aut certè statim comportato intra tectum in
 conclave iis asservandis accommodatum, quod
 nempe à Sole æversum, Austro impervium, Aequi-
 lioni fenestratum salubriter inspiretur, in summa
 quod frigidum siccumque, muribus denique inac-
 cessum sit. Super cellæ huiusce pavimentum sinus
 in ordines digesta, inscriptisque schedulis notata
 semina expandito, illic per dies quindeimos aut vi-
 cenos aut ra frigida perflari & siccari finito; deinde
 in

Adnato-
rum.Erutorum
cura.Reponen-
dorum cel-
la.

in arcas ad seminum discrimen loculatas, sive in alias thecas papyraceis involucris præscriptisque nominibus discreta recondito. Ego singula bulborum genera singulis pensilibus canistris, quæ raro textu salubrem semper auram admittant, utilius inclusa distinxerim. Ad hunc eundem modum anemonas tum in arcis, tum in fistilibus positas erues & repones. Hoc tamen à bulbis anemonæ discrepant, quod illi rarius erui possunt; hæ (quicquid alii sentiant) quotannis debent: cum diutius obruta vitio atque exitio, ut sæpe compes-

Ranunculi. rimus, opportunissimæ sint. Nisi ranunculum, ob complusclos pediculos Polypum inter flores, protinus à foliorum casu extrahas; ultro ipse more ranarum supra solum resiliet, à Sole plerumque periturus. Ut autem soboles parenti arctissimè implicatas explices extricesque, in umbra prius afficescere finito: ubi enim conserta cruscula detumuerint, facilius atque innocentius extricabuntur. Nihil nimirum temerariæ festinationi tam impeditum est; quod tanta cunctatio non expediat. Hæc servandorum florum ratio est, quorum

Plantæ immortaliū radicū. fibræ cum foliis æstate arescunt, & pereunt. Aliæ verò plantæ, quæ radices æternas habent, sub ipsum ferendi tempus erutæ, aut protinus aut mox obrui debent; dum tamen interim in supradicta cella incolumes conserventur. Sed juxta salutaris, ac formosa Pæonia vel subterraneo loco; vel intra

tc-

restam superingesti solicumulo custodiat a sole.
 Eodem terræ frigido humidoque operimento quæ Bulbi teneri
 carnosique.
 tenerrimè carnosæ sunt, velut fritillariæ sive mele-
 agrides, defendantur; ne insepultra rugas trahant
 ac penitus exarescant. Denique silvestria vel Lilia silve-
 stris.
 montana lilia, simul ac defloruerunt, effodiantur,
 viridisque caulis cautè eximatur. Hæc enim radi-
 culis carent, dum vernant, quas, deperditis flori-
 bus, agere incipiunt. Usque adeo quod in terris
 pulcherrimè floret, radicatum ac stabile sæpe non
 est.

Contra majusculos hostes hortense bellum.

C A P V T III.

NON in theatrâ tantum, sed in hortensi
 quoque arena hominibus cum belluis bel-
 lum est. Adeo ab ipso theatro voluptatis
 optatissima pax exulat. Utque minimè nos esse
 tutos, cum maximè securi sumus, admoneamur:
 ipsa sæpe hortos custodia infestat. Quis autem hoc
 injuria credat? hortensem elegantiam & mundi-
 tiam ipsi corrumpunt in primis atque contami-
 nant domestici fidelissimique custodes, canis & fe-
 lis. Uterque videlicet ab acribile iniquis, atque Canis & fe-
 lis agilitas
 unde.
 agile, ideoque venaticum & ludibundum animal,
 in tenera resolutaque humo vel subterraneam præ-
 dam,

R

dam,

dam, laterculos & musculos facili fossione vesti-
gans, vel belluinam pyrrhicam exulcram ludens,
concinnam soli æquabilitatem iniquat, utilesque
nonnunquam radices effodit. Quin etiam fel-
lis præposteram & posticam sementem faciens
delicatos hortos odiosè stercoreat; sui que foedum
ag foetidum indicium ipso, quo contegit, circum-
sculptæ cumulo terræ detegit. Quamobrem cau-
te colonus observet, ne qua id genus bestia per
hortos recens consitos evagetur, priusquam cœle-
stibus aquis densatum fuerit ac solidatum solum.
Per eos dies hortensem canem domi solutum, ne
tabescat in vinculis; per eas noctes intra ipsos hor-
tos catenatum contineat, latratu satis insidiatores
proditurum. Domesticam selem à noxiæ excur-
su arctior custodia cohibeat. Externos quæ canes
quæ felles tum probè obseratum ostium, tum edi-
ta munimenta vel examentitia, vel saltem (ut antè
dixi) spinea distineant. Multi, quibus hortuli
modus non ita magnus, facilisque tuitio est, mol-
lissima humo fartos pulvinulos superinjectis aspe-
rant spinis, donec illi conera injuriam obdure-
rint. Ego verò satius esse duxerim sepibus dume-
ta relinquere, plantarumque rarissimis duntaxat
ac præstantissimas præacutis arundineis paxillis
præfixis obsepere, ne cui noxæ obnoxia sint. Ca-
torarum si qua radicum eruta fuerit, suam in se-
dem, quam suffossa monstrabit fossula, repona-
tur;

unde si qua vallecule defossa, si quis monticulus ex-
 citatus sit, lani translatione complacent; si qua
 felis adobruit exerementis, ea procul trulla proji-
 ciuntur, ne rursus exereturam eodem odor invi-
 tet. Quamquam istis modis opportuni non
 erant hosti, quos praescripta modo munimenta
 nocantur. Sed gravior minuet radicibus & talpis
 moribusque, hoc est, & clandestinis hostibus per-
 mices. Adeo vel humatis sepultaque florum pa-
 rentes & perspicacitas, & exetis pervident, ut
 laedant. Ne talpae quidem ad nocendum satis ocu-
 latae, quod inquietis ingratisque ungibus hospi-
 talem certum vellicant & laecerant; quod haren-
 tes natrieb optima innocentes radices longe late
 quae actis coniculis oppugnantae sobruunt; quod
 nocentissimis furibus, moribus volui dicere, oc-
 culas ad corrodenda semina vias aperiant; iusto
 operis supplicio, ut loquipes auctor Stesimbrio-
 tus ait, ab ipsa terra damnata sunt. Sed cum sove-
 ra non revocet animadversio acuta magis, quam
 sint oculi, novendi libidine, itum veteres, tum re-
 centes coloni communem in hostem ulatione mul-
 tiplici conspirant. Sotioris antiquissimi scripto-
 ris praesentissimum contra talpas remedium est, ut
 veratrum album & cyndereambes cortex contun-
 dantur, cribrentur, cum polenta & ovis ex vino
 & lacte subligantur, & plures in offulas coacta ipsa-
 rum foraminibus talparum inferantur. Facilio-

Talpae cur
 hostis no-
 xia.

Apud Sai-
 dam in voco
 mpha meo.

Ut infe-
 stande.

Apud Con-
 stant. Pagan.
 de Agre.
 l. 13. c. 7.

*Apud eund.
ib. Pallad.
l. 1. tit. 35.*

ri quoque tormento cunicularium & cavaticum hostem Græci debellabant, suffitu fumoque viatores. Nucem, sive aliud quodcumque pari duritia pomum utrinque perforatum enucleabant: nuclei loco palcas, cedriam, seu ceram, & sulphur includebant. In eundem usum vas angustum usurpabant; spiramentis exiguis, ne quâ interspirarent, præclusis, nucem intus accensam, seu quod aliud sufficionis instrumentum in aditu latiore sic aptabant, ut acceptum forinsecus afflatum intima penitus in latibula diffunderet; utque, oppletis tetro fumo cuniculis, talpæ proptius fugerent, vel necarentur. Contra bestiolas easdem proderant frequentes felium excubiæ, dum tamen satis duratum solum suffodientium seu ludicra, seu foeda vestigia non ita facile admitteret. Ea gratia mustulas habebat nonnemo mansuetas, quæ suis in latebris incautos grassatores jugularent. Erant, qui foramina ipsa succo silvestris cucumeris, & rubrica opplerent. Plerique in aditu penduntium setarum laqueos disponebant. Nonnulli circa talparum cubilia plures cavos aperiebant; ut quamvis orbi tenebriones immissam inimicam lucem sentirent, longèque diffugerent. Istæ in talpas veterum inermes pugnx; hæc recentium ferrea expeditio rusticorum. Eorum aliqui bipalio, aut ligone, rastrove armati loca talpis infesta vigilanter observant. Ea plerunque sunt areæ, prata,

prata, hortique, ut quæ lumbricis pingui solo gaudentibus, jucundissimo nempe talparum pabulo, abundant. Ubi ergo terram in tumulos exaltari suspendique lento speculatu cognoverint, eò statim levibus tacitisque vestigiis, ne strepitu ter-ritus terga vertat hostis, accurrunt; & bipalio, aut ligonis rastri acuta parte cum ipsa terra subterraneum vastatorem effodunt; aut certè retusa asurgentem humum validè contundunt, unàque suffodientem bestiolam vel exanimant, vel obstupefaciunt. Alii verò exarmatis manibus sic expugnant. Ubi excitatus cæspes emotæque terræ cumulus intumescit, effossum à talpa scrobem, remota utrinque, terra detegunt; inde cuniculum plerunque ramosum ad cubile usque latebramque bestiolæ, humo penitus egesta, vestigant atque aperiunt, Verum enim vero, quia, quàm hebeti est visu, tam acuto est auditu talpa, fossionis etiam remotæ sonitum tenuissimum sub denso surdoque elemento liquidè exaudit; atque, antequam in angustias adigatur, novas ad fugam vias ungue rostroque scalpens humum regerit in summum aggeratque. At, cum prope à præda venatorem esse ex emoto solo percipit, protinus diuque consistit; ne scalptura capturam pariat. Ea re callidi venatores unam sæpe alteramve horam immoti cessant, ut diuturna quiete absentiam simulent. Decepta demum longa cessatione

bestiola suum properè opus adurget, rostroque suffossam irrequietis pediculis terram eiecit in cumulum. Tunc enimvero insidiatores subita manuum impressione emoto mollique cum solo talpam extrahunt; arreptaque ipsius cervice, aure, caudave, prædam, ne se mordicus ulciscatur, pedica impediunt; captivamque in herile Capitolium referunt mercenarii triumphatores. Ipse præterea villosa holoserico mollior animalis huiusce villus, inter pellitarum vestium delicias vendibili molliæ ac nigræ expetitus, opima victoribus frequenti quæsticulo spolia repræsentat. Ita belluino bello lentè profligato rustici Fabii, fabis utique victitantes, agrestem nobis cunctando restitunt rem. Hic & placet, & decet laborioso parabile, permolesto jucundum attexere inventum. Ollam fictilem, palmos binos, aut unum & semis altam loco talpis obnoxio summa tenus humo, aut paulò inferius totam infode; vivam talpam in eandem ollam demitte. Illa, ubi diurnæ lucis intolerans neque latibulum fodere præ vasis duritie, neque præ altitudine ac lævore ulla ex parte potest evadere, tinnulo grunnitu calamitatem dequesta finitimas talpas ad commiserationem opemque penetralibus è cavis contrahit. Videas non sine risu totum subinde agrum scaterre nigellis tenebrarum sororibus, quæ, quò nota vocat querela, cæcitate duce perreptantes in lubricum

cum decipulum alia super aliam incidunt, atque identidem crescente cadentium stridore, cæcarum captivarum atratus chorus tragicam intra olæ caveam dissona grunnit symphonia. Nec ante isti cæculi Homeri suorum Iliada malorum flebiliter canere desinunt, quàm penitus oculos in vindicis mortis æterna nocte præcludant. Diceret canoros in funere cynos, nisi stridor & color obstaret. Vernis hæc mensibus tempeſtiva præſertim captura est; cum genitalis annus ad societatem animantes extimulat; cum cæcus amor cæcos assecletas faciliè in præceps trahit. Quanquam ex facili talpæ totius quoque anni ventoso statu capiuntur, quo frequentius & cuniculos agunt, & humo egesta cumulataque se produnt. Quòd si cæca feritas adeo nocet; quid faciet oculata? Quamobrem adversus nocentissimè fœcunditatis mures implacabile bellum suscipiendum est; ne, sicut agrestes prædantur fruges, ita urbanos populentur flores; neve sicut olim Gyari Troadisque incolæ fugarunt, ita nunc hortorum colonos exterminent, ut impigro ipsi dente hortos colant. Si tanta ipsis furandi dulcedo est, ut apud Chalybas durissimum ferrum furtim arrodere suave sit; quidni teneræ radices, fœtæ floribus matres, furacissimam ingluviem timeatis? Atque utinam, sicut in aurariis fodinis istos auri voracissimos Crassi nepotulos iustissimi exactores tanquam repetundarum

Plin. l. 10.

c. 65.

Id. l. 8. c. 29.

Id. l. 8. c. 37.

Id. ibid.

rum reos exenterant, ut illustre furtum repetant; sic nobis liceret alvo dissecta corrosæ floriferæ radicis integrum furtum educere. Sed hæc vindicis auri prærogativa est, ut nimis avida viscera dilaceret. Age igitur veteres novasque machinas contra mures, hortorum lemures, adhibeamus. Quoniam verò murium alii urbani, quos oculorum, auriumque, atque adeo totius corporis mensuraliberalior, caudæ quoque longum syrma nobilitat; agrestes alii, quorum cum reliquum corpusculum, tum præsertim oculos, auresque necnon caudæ appendiculam insigni brevitate distinguit curta rusticitas: ab utrisque floriferæ radices defendendæ sunt; ab illis, quas domus; ab his, quas humus occultat. Domesticos mures, id est, familiares fures, apud eundem Constantinum Cæsarem gravis author, & ultor Paxamus hisce suppliciis mactat, pœnis multat, terriculis fugat. Polentam semine silvestris cucumeris, helleboro nigro, & colocynthide, aut certè helleboro solo medicatam offert. Murium cavernulas quærneo cinere saturat, ut nocenter asperfos scabies occupet ac perimat. Ferream scobem fermento admiscet, qua devorata dispereant. Adco ferrum vel sine vulnere interficit. Eosdem perdit rubi radice cum butyro, pane, caseoque commista. Idem ex veteri usu album helleborum, & cynocrambes corticem tusum cribratumque cum polenta,

Mures ut
profligandi.
De Agric.
l. 13. c. 4.
Pallad. l. 1.
lib. 35.

lenta, & ovis, & lacte confundit ac subigit, eamque intritam in ipsorum foramina immittit. Ubi moderatius punire libet, thythymalum contusum cum polenta ex mulso propinat. Ita vel in tenebris ad furtum perspicaces excæcat, hoc est, lepido miraculo è muribus talpas facit. At verò suis è latibulis relegat ac fugat, quos simul chalcantho, origano, apii semine, ac melanthio, vel seorsum hæmatite lapide, aut viridi myrica suffumigat. Sed efficacius territat abigitque universos, cum captum quempiam detractâ capiti pelle demittit, timent enim reliqui, ne sibi quoque cum charissima cuticula muris facies exuenda, & ridiculè recutita Marfyæ larva induenda sit. Horum contra mures medicamentorum pleraque docet Anatolii quoque, ac Tarentini de horreo liber. Illud præterea affirmatissimè scribit Anatolius, cui Didymus subscribit, si spissam amurcam in æream pelvim infundas, atque mediis in ædibus noctu constituas, omnes tum incolæ tum accolæ mures & conventurus, & adhæsurus. Agrestium murium contactum radicibus defendes, si easdem, antequam obruas, Apuleii consilio felle bubulo contingas. Multò ramen præstat per caniculares dies cicutæ semen cum helleboropolentaque miscere, aut anguini cucumeris, vel hyoscyami, vel amygdalæ amaræ, atque hellebori nigri æquas partes contusas ex oleo subigere,

*Apud
Cens. Po-
gro. de A-
gric. l. 13.
6, 5.
Pallad. l. 1.
tit. 35.*

re, atque ita intritas in cavos murium indere: hæc enim esca ocysimum est vescentibus venenum. Qui verò vetustissimum in Bithynia rei periculum fecerunt, pro certo affirmant rosei nominis rhododaphne murium aditus tam nocenter occludi; ut ipsi mures, dum in exitu nituntur, ad mortis iis, quæ obstant, miserè moriantur in rosis. Exitualibus hisce medicaminibus addit Palladius agrestis cucumeris & colocynthidis æquè noxiam suffusionem. Cæterum gnarus cum primis ac prudens naturæ Plinius vel herbaceis vel aliis parabilibus armis murinum bellum ita profligat.

ibidem.

- l. 21. c. 21.* Denticulatos hosce furunculos helenio herba, & nomine pulcherrima, & re alioqui saluberrima, *l. 22. c. 18.* contrita enecat. Chamæleone, sive ixia, addita aqua & oleo, eosdem contrahit ac simul exanimat, nisi protinus aquam sorbeant. Simo itidem herba vel fugat, vel caverna præclusa extinguit & sepelit. *l. 20. c. 2.* Decocto anguino sive erratico cucumere sparsa semina ab ipso liberat noxio contactu. *l. 18. c. 17.* Cinere mustelæ aut felis diluto, vel decoctarum aqua semine consperso musculos procul abigit. Adeo furti reos vindicis vel extincti solus odor externat atque exterminat. Unum denique foricem castrat & emittit: ut unus emasculatus complures in fugam vertat masculos musculos. Adeo brutæ quoque, omnisque grammaticæ indociles animantes odere neutrum genus. Sic antiquitas pro-

prolusit in mures; sic posteritas debellat. Muscipulas instruit multiformes. Inter has ea præstantissima habetur, quæ gemino artificio utrinque captiola est. Liceat hic citra curiositatis affectatæ Muscipula. notam rem hac ætate notissimam particulatim describere, cujus artificium reliquis adversus mures excogitatis machinis decet anteferri. Tabellis plerunque fagineis curiosè lævigatis in capsulæ seu domunculæ oblongæ modum compingitur facie quadrangula. Tabellarum altera pavimenti loco supposita ternas suffulcit erectas in parietes, & nonnihil prominet in gradum; altera lacunaris instar superposita modicè porrigitur in subgrundas. Ostium claudit cataracta sive foris pendula, quæ geminos utrinque ferreos annulos tenuissimis è ferro clathris infertans brevilino de longiusculo vecte, ceu tollenone suspenditur. Vectis hic ab ea parte, qua cataracta adnectitur, crassior paulatim ita gracilescit, ut in mucronem desinat. In media superiore tabella defixus eminet cuneus bifurcus, qui vectem ferreo filo trajectum ideo intercipit; ut ille susque deque versatilis cataractam attollat ac dejiciat. In eadem extrematabella sub extremo vectis mucrone foramen ferream lineam transmittit transversæ foraminis ferreæ lineolæ ad retinaculum circumvolutam, nec non summa parte reduncam, imà hamatam; ut superior uncus extremo vecti cataractam attollenti leviter hæreat, infse-

inferior hamus escam tenaciter teneat, quam ubi subrepens musculus avidè ac mordicus arripit, repente reducto superiore retinaculo cataraetamin suam dejecit ruinam; incautaque gulæ reus popi, nam sibi vertit incarcerationem, mox, geniali ac ludibundo carnifice fele, ridiculum salutatum supplicium luiturus. Posticum decipulum quò simplicius, eò funestius est. Unica laxior à tergo affixa tabella capaci murini capitis humili foramine in orbem fenestratur. Satis intus insidiis patet non ita magnum angulare spatium, quod in obliquum statuta muscipulæ anterioris tabula relinquit. Ima foraminis ora ternis eminulis ferreis aculeis armatur. Extimus itidem ex ferro radius partim à summa tabella ad imam latè recurvatus affigitur, partim iisdem aculeis transversus libero ductu protenditur, cujus apex paulum ultra foramen porrectus ferrea linea supraque infraque foramen reflexis apicibus tabellæ infixæ cancellatim includitur. Funiculus ligneum cuneolum radio adnectit; quo violenter ad summam usque ferreæ lineæ curvaturam in nervi morem adducto, altera cunei extremitas tenui lino alligata summæ tabellæ imponitur, unco supponitur altera ejus simillimo, quem in priore muscipula descripsimus. Hic etiam inferius hamatus subdolan escam offert, qua vix dum avido dente contacta emotaque, cuneus repente lapsus ex unco radium laxat: ille magno impetu

petu ruens interceptum lucronis caput & subjectis aculeis affigit, & supra quàm aviditas cuperet, infelici epulo sistit. Sed, quoniam prodigiosæ fecunditatis bestiolas muscipulis fallere anceps ac lentus ludus est, ipsa sub esculentis illecebris latentia præsentissima venena in perniciem irritantur; in quibus auripigmentum sive arsenicum, utpote parabile, usitatum admodum est. Equidem venenata ista remedia iis relinquo usurpanda, qui non metuunt, ne gulosi prægustatores muretum esculenta tum poculenta contagioso contactu halituque suos ulturi venenarios inficiant. Tutius ego medicamentum suaserim, vitrum modicè tustum, aut gypsum recens in farinam solutum, utrunque verò cum caseo, sive cum alio quopiam muribus expetito cibo subactum, ac per infesta loca in pastillos digestum. - Illud enim angulosis asperisque pulvisculis mollissima viscera erodit, insanabilique dolore lancinat; hoc celerrima concretionem lapidescens præcluso spiritu strangulat; neutrum autem contacta cibaria venenat. Sed cur domesticas venatrices, feles indictas præterimus? Præcæteris probantur colore leucophææ, pallida fuscaque varietate virgatæ, prædatricibus nimirum tigribus, ut forma, sic indole simillimæ, quæ à Syria originem & nomen trahunt. Istas enim, utpote calidæ regione propagatas, temperatior sanguis ad mansuescendum dociles, ad venandum sedulas facit. Legendæ

Optima felis forma.

Corda. De variet. 17. c. 33.

genda sunt ore torva; pectore torosa; pedibus ampla; toto corpore grandiuscula, hoc est, leonina magnitudinis generosa brevitaria, ut sesquipedales hostes aggredi, ac frustillatim comminuerent ne pertimescant; natura mares, ut viriliter vim audeant in mures; arte seminares, ne foris amicis sequioris sexus feles, quam domi infensos musculos, avidius confectentur; docilitate cientes dominisque tractabiles, non efferae atque uncinatis unguibus sanguinarias mimae; assuetudine in ipsis procul excretis fordibus munda, non in mediis aedium munditiis spurcificae; educatione vigilaces, non solidum diem noctemque sterrentes; fidelibus excubiis totam domum perlustrantes, non latentis sub cinere igniculi fessiles custodes, Vestalis nempe superstitionis haeredes; parco denique vilique cibatu ita famem tolerantibus, ut hostilibus rapinis emeritis vescantur, non herilibus damnis inexplabiles ventres immeritis distendant. Sin autem iuvat lepido facilique miraculo furacem murem transformare in vindicem felem, sic facito. De nos duodenosve majusculos mures vivos capies; captos in amplum, atque ab esculentis prorsus vacuum vas, seu fictile seu ligneum, includito; idem vas, ne quod pateat effugium, probe operculato; unum tamen exiguum relinquito spiramentum; unde, quid intus rerum agatur, arbitreris. Et rabi-
di quidem fame stimulante captivi mutuo se mor-
fu


su absumunt. Tu verò subinde quot supersint exploratos, ubi unum reliquum esse compereris viotorem, & consanguineæ carnis Thyesten, continuo per ædes liberum emitto. Is enim murina esseratus carnificina nihil tale suspicantes cognatos mures ad unum omnes se felicior, quia fallacior, brevi jugulabit ac perdet. Ades fames degenerat in furorem. Ita ultimo supplicio multatis domesticis latrunculis, ipsum iterum capito atque occidito carnificem; ne, qui generi suo non pepercit, in rem tuam escariam insaturabili voracitate, grassetur. Post tragicam Thyestæ carnivori fabulam ab uno musculo cum plausu datam, nascentis è dentium saty armatæ multitudinis, mutuis sese vulneribus concidentis, cruenta spectula ferro concolor murina natio instaurabit; si scobem æris Cyprii cum fallaci pulicula devoraverit. Mox enim in rabiem acta è satis dentibus excitisse videbitur, velut olim armis pugnans fabulosa terræ filia juvenus; quia sese moribus invicem lacerabit. Denique, ut universi domestici mures domi naufragium faciant, oris angusti turgidique ventris vas oblongum & per amplum aqua ita oppleto; ut à summo labro palmum circiter distet; aquæ summam partem fluitante acere, sive supernatante gluma integito; triticeam farinam, caeciique frustula vel scobem inspergito. Tum verò mures odore pellecti, ac solidam aquæ superficiem

ciem rati pronò impetu saltuque in escam ferentur: sed incautis exitiali syncopa caseus vertetur in casum, liquido elemento gravia non suspendente vestigia. Ades jam animo genialis hortorum colore, & aure facili risuque liberali lepidissimam rusticorum murum capturam accipe. Circumvoluta membrana, quam Pergamenam appellant, plurimos turbinetur in cucullos; circumplicatæ partis oræ conglutinentur, vel consuantur; pars verò ad hiatum eminentior promurini capitis magnitudine in orbem æqualiter attondeatur. Hi cuculli, demissis ad imum casei nucisve juglandis frustulis, summisque lateribus intrinsecus visco circunlitis, in scrobiculos paulò laxiores, propter murum foramina sparsim effossos, sereno cœli, arido terræ statu ore tenus defodiantur: Fiet enim, ut escaria illecebra decepti vaguli mures tota capita induant in cucullos; ac tenacissimè adhærente visco, dum cæco ingressu perreptant, virgarum ictibus debilitati à vestigatoribus, nullo negotio capiantur chartacei monocerotes, sine vulnere capite diminuti. Jam verò tempus est, quamvis pulillos, agrestes hostes arcu petere ac ballista. Et hic sanè arcus arcuatæ pedicæ, qua ficedulæ falluntur, non ab similibus tum maximè vulgatus est, tum minimè operosus. Ut autem majoris operæ ballistas conficias, virgas duriusculas in complures arcus recurvato; lineum nervum singulis prætendito; graciles arundines duode-

Ballista in
mures.

duodenos quindenosve digitos longas ingeminam
 cuspidem ordine opposito bifurcam exacuito: su-
 pra cuspidem alteram ad quinque digitorum in-
 tervallum arundinis utrinque perforata crassitudi-
 ne ita funiculum trajicito, ut alterum laxius fora-
 men funiculi nodum extremum intra inanitatem
 ipsius arundinis admittat, ex angustiori altero funi-
 culus totus propendat. Ad hæc laxioris arundinis,
 quæ gracilem priorem cum funiculo capiat, pal-
 mare internodium sub ipsis nodis præcidito, ut sum-
 ma pateat pars, imam genicularis cartilago tenui li-
 gno inarescens penitus ocludat: ab ipso statim ge-
 niculo binas è regione fenestellas musculis pervias
 aperito: supra istorum foraminum alterum à sum-
 mo arundinis ore quaternorum intervallo digito-
 rum transversam crenam altè imprimito, inferen-
 dum intenti arcus nervum excepturam: in laxio-
 rem arundinem eundem gracilem calamum sic de-
 mittito, ut trajecta funiculo pars imo sit propior in-
 ternodio, ipse verò funiculus ex ore summo laxæ
 arundinis cum gracili calamo simul emineat: arcum
 gracili præfigito: nervum crenæ inserito: funicu-
 lum elato intentoque arcu eò usque adducito, do-
 nec ima calami cuspis ad fenestrati foraminis, quod
 ille obstruebat, summam partem revocetur: funi-
 culo ipsi, ubi foraminis initium attingit, herba-
 ceam tæniâ adalligato: eandem ante medium
 foramen recto objectaculo ductam sub imum latæ
 S arun-

arundinis nodum reflectito : muscipulam hanc sic aptato , ut modicè prono depaſtoque in terram cum herbeo vinculo arundineo nodo , quâ liberum eſt ab herbulæ mora foramen , agreſtis muſculi cavernulæ continuetur : ne quis autem hinc atque hinc exitus pateat , utrunque latus aggerata humo ſaxu- liſque congeſtitiis obſtruatur. Ita muſculus egreſſum obnitens , extrinſecus objectæ herbulæ retinaculo præroſo , in ſuum caput jam arundinis cavo inſertum cuſpidem biſulcam arcu premente ruituram laxat ; ſibiſque , dum maximè conſulit , minimè cautus vitæ filum cum herbula recidit.



Ne principis horti funestissimo exemplo horti Remedia id
omnibus execrabilis anguis in herba subdolè la-
serpentes,
& rubetas.
teat, sicut olim in pomo, ita nunc in flore crudeliter
niteat; cum floriferis radicibus sese importunus de-
fodiat, calida in latebra hibernaturus; cum germi-
nibus horrendus erumpat; tepido sub cœlo verna-
turus: uramus galbanum, cervi capræve cornua, Constat.
Pog. De
Agric. l. 13.
c. 8.
Pallad. l. 1.
lib. 35.
Plin. l. 8.
c. 32.
caprinas quoque ungulas & pilos, juniperum, radi-
ces lilii, styracem, nasturtium, & rutam ex veteri;
at ex recenti consuetudine corium veteresque cal-
ceos, ranas quoque luridas rubetasque fugaturos,
& quicquid odoris gravitate dispellit, accendamus: l. 28. c. 10.
l. 24. c. 8.
l. 12. c. 17.
l. 20. c. 13.
l. 16. c. 13.
tribulum herbam ex aqua tritam immittamus in
latibulum: inimicissimam serpenti fraxinum, si
locus ferat, asseramus: amicissimam hederam, &
salviam distineamus. Ne rei hortensi etiam im- In aviculas.
probulæ aviculæ, dum sese sicco pulvereoque à
longa serenitate solò perfundentes plumam pen-
nasque emundant, atque (ut Ephesius Heraclitus
ait) dum pulvere lavantur, suffossis ubique fossulis
Apud Co-
lum. l. 8. c. 4.
hortorum plana subvertant, neve teneros florum
Plin. l. 19.
c. 9.
thallos defringant: allium sponte nascens in arvis,
quod Alum vocant, ne regerminet, incoctum, si-
cut prisci solebant, in hortis exponamus; ut quæ-
cunque devoraverint aves, continuo stupentes &
confopitæ manu capi faciliè possint. At earundem Iohan. Bapt.
Porta Mag.
natural.
l. 15. c. 8.
Apul.
stuporem capturamque lappæ semina ingeramus;
herbæ quinquefolio simillimæ, quam à foliorum

numero heptaphyllon, novoque vocabulo tormentillam nominant; valido vino incoctæ frustula cum esculentis seminibus per hiemis præsertim frigora nivesque objiciamus: cum hordei granis pul-tem ex hordacea farina, hyoscyami seminibus, & felle bubulo temperatam apponamus: hordeum itidem cum hyoscyami seminibus & muscariis fungis in pultriculam permistum offeramus: triticum, aliudve avibus expetitur semen cum aqua seu vino stillatitio, cum quorum alterutro prius aut simul nigrum helleborum inferbuerit, infervescitur afficcaturque spargamus: avesque obstupefactas aceto rostris affuso, si libuerit, excitemus: easdem (quod rustici nostrates solent) ingrato sulphuris suffimento abigamus; vel prisco novoque more mortuarum avium nobile terriculum suspendamus, ut vivæ metuant, ne sibi quoque ipsis pendulo supplicio vacillandum, hoc est, sine vita volitandum sit.

Contra minutas hostes machina.

C A P V T IV.

HUc recidit humani fastigium dominatus, ut præstantissimum hominum genus cum belluinis Pygmæis, & quidem ancipiti infelicitique nonnunquam exitu, belligerare necesse habeat. Hinc, tanquam cum Gigantibus de-
præ-

præliaturi, pro pulcherrima charissimaque florum
natione contra vermiculos operosas naturæ artisq;
machinas expeditimus. Adeo quodcunque mon-
strum, quamvis exiguum, ad injuriam magnum
est. Te verò manet in primis eruca, te limax,
inexplebiles florum parasiti, par sceleri suppli-
cium; ut unde innoxia apes delibant vitale mel, vos
feri fures lethale sel degustetis. Et erucam quidem in erucas.
avidò morsu folia floresque absumentem, sub terra-
neo ingressu hærens radicibus solum subverten-
tem, venenato contactu plantas adurentem sic ar-
cebat antiquitas. Spargenda semina herbæ, quæ se- Colum. l. 10.
C. 11. c. 9.
Pallad. l. 1.
lib. 35.
dum appellatur, succo, vel ipsarum erucarum san-
guine madefaciebat: frequentius tamen, utpote
paratius remedium, adhibebat pulverem, qui su-
pra cameras invenitur, vel etiam fuliginem, quæ su-
pra focos tectis inhæret. Pridie igitur, quàm satio
fieret, alterutrum cum seminibus commiscebat, &
aqua conspergebat, ut succum tota nocte combi-
berent; sic macerata postero die serebat, ac plan-
tarum incolumitatem percommodè tuebatur. Sin Plin. l. 19.
c. 10.
Colum. ibid.
Pallad. ibid.
erucæ natæ jam essent, decocti absynthii, fedi, aut
marrubii succum inspergebat: palo imponebat in
hortis equæ jam sætæ, aut etiam asinæ calvariam:
fluviatiles cancrios pluribus in locis intra hortos vel
suspendebat, vel clavis configebat: scillæ bulbis aut
suspensis, aut confictis minutas hæc pestes averte-
bat: sanguineis virgis ea tangebant, quæ nollet ob-
noxia

noxia erucis esse. Cæterum locuples inter Græcos author Anatolius bestiolas eosdem fugat vitigineo cinere aqua triduana insuccato, plantisque hortensibus asperso; vel bitumine, ac sulphure, aut etiam fungis sub nucis arbore nascentibus suffumigat; vel ficulnei cineris lixivio semina præmacerat; vel alterius horti captis erucis, & aqua cum anetho decoctis refrigeratisque hortos inspergit: sed attentè cavet, ne aqua illa malefica faciem manusve contingat; vel certè urinam bubulam, & amurcam pari mensura mistas fervescit, atque, ubi mox refrigerint, medicato imbre germina omnia irrorat; vel tandem vespertilionis simum, atque alii fusticulos per universa horti spatia comburens erucas latè diffuso nidore præfocat. Virides erucæ sunt, quas cum Hesychio doctissimo grammatico, atque cum Ulysse Aldrovando græcas Theophrasti prascurides esse conjicimus, hoc est porricidas, nec non florea pulchritudinis paricidas. Dira hæc animalia ita veteres coloni Diophanis consilio insectabantur. Vervecis recens occisi ventriculum suis adhuc sordidus plenum eo in loco, qui bestiolis istis maximè scateret, humo leviter obruebant. Post biduum ubi animalia hæc aliaque gregatim coacta reperiebantur, quæ vel aliò deportabant, vel eo ipso in loco, ne rursus crumperent, altissimè defodiebant. Hoc bis vel tertio cum fecissent, nocentium bestiolarum genus

1. 2. de insect.
6. 4.

Pallad. ibid.

nus omne pessundabant. Verùm de veterum tam multis unum posteritas in primis probat, usurpat-^{Colum. 11.} que remedium; manu videlicet erucas colligit, vel maturinis horis hortenses frutices succutit: ut, dum adhuc nocturno frigore torpēt, facili decussæ protritæque frigida penitus morte torpescant. Poteris quoque galbanum, aut caprarum ungulas, aut cornu cervinum à secundo flatu aversus incendere, ut abigas; vel florum cæspites ac thyrsos intortis paleis coronare, quibus, velut objectis laqueis, subrepentes erucas implices, atque à cœpta via revoces. Debes præterea, quæ poteris investigare, folia in sese convoluta, atque intus araneoso lanugine obducta comburere, quippe quæ erucarum ova concludunt, verno Martii mensis tepore noxios fœtus exclusura. Si consitum fictile ex humo perforata; ex ambesi folii florisve accisis reliquijs verminare, atque erucis infestari animadvertimus, pigeatque intestinum hostem non sine radicis incommodo curiosè pervenari; in amplum vas, quod frigida oppletum sit, ipsum fictile quaternos infra aquam digitos demergimus, atque ad quartam horæ partem insuccari sinimus. Mox infusi humores intolerantes vermiculi præterun- que emergunt; quibus occisis vas educimus, conceptam aquam paulatim transmissurum. Illud autem periculo ipso exploratissimum est, circumluente humore non modò radices non lædi, verùm etiam

co-

In limaces.
& cochleas.
Pallad. ibid.

L. 1. cap. 4.

In lumbricos.

L. 1. c. 6.

codem dilapso emotam suspensamque ab intimo cruciarum reptatu atque cuniculis humum salubriter densari, & foramina connivere. Adversus limaces & cochleas olim vel amurca recens, vel ex cameris petita fuligo spargebatur; nunc ipsas, ubi vel humida nox, vel antelucanus ros, vel austrinus dies, vel amicum substillum ad pabulum evocat, lentus nostrorum colonorum speculatus vestigat, ac deprehensas opprimit, sive (quemadmodum pramonui) delitescentes quâ limaces, quâ erucas relicta per vestigia indagat, humumque cautè scalpit ac rimatur, ut citra plantarum injuriam nocentissimas bestiolas intercipiat. Neque enim tanti putatur esse (quanquam est, qui dissentiat) obductam terræ cuticulam interseindere, fibrâque aliquam intercidere; ut vulnusculis istis nocentiorum bestiolarum interitus redimendus non sit. Huc adde, sub tellure summa plerumque desolatas levi atque innoxia fossione refodi: nec posse radicibus consitas arcolas, quemadmodum fœtilibus medemur, circumfusi humoris alluvie ab infestissimis verniculis liberari. Ne lumbrici, sordida terræ intestina, excitato egestoque solo nitidissimis in hortis turpiter existant, neve æquissimas areas terebrent ac subruant; aut infelici complexu radices enecent & putrefaciant; humum fuge (ut prius docui) humidam, stercoreosam, ac pinguem, vermium feraciorem, quàm florum: mediocrem vero

rò elige, cujus è cribraria farina perraros vermiculos (siqui tamen fuerint) & angustum incerniculum, antequam transmittantur, & fortè transmissos cauta incernentis manus excernet. Si quos autem largior pluvia procreaverit; pluvio cœli statu nonnihil extantes, humentique auræ obvios penitus extrahes atque maſtabis. Nonnulli ante ſationem exitiali lumbricis vulgari lixivia ſolum inſuccant. Sed iſtam arborum conſutoribus medicinam relinquimus, ſorum cultoribus minimè neceſſariam, ut qui cribro manuque hortenſi vermiculationi feliciter medentur. Ne quod tamen è validiſſimis tormentis intactum indiſtumque prætereatur; falſa omnia atque odorata lic odit fugitque inſuſum hoc ſœdumque animal, ut ad ipſorum contactum contrahatur ac pereat. Aqua etiam cannabiniſ foliis ac ſeminibus incoctis medicata ſi terræ affundatur, lumbricos ad ſuperficiem evocat, ſive odoris illecebra obvios, ſive odio fugitivos. Sed nihil æquè fugat; ac vivæ calcis inſuſu efferveſcens aqua. Hac ergo ex hortenſibus ſemitis (neque enim expedit areolas floribus obſitas præſervidoliquore contingere) reptantia monſtra non ſine riſu ita exterminabis. In lumbrici foramen recens immiſſa macerataque calce efferveſcentem, & venenatam aquam per infundibulum transfundes. Statim ille liquidam peſtem odoratus per aliud, & quidem diſſitum, foramen evadet. Ita reliquos

mea-

*Phyſ. Al-
dour. De in-
ſect. l. 6. c. 6.*

id. ibid.

In vermiculor bifurca caudæ.

meatus si potentissimo liquore perfuderis, totum latè hortensium viarum solym citra sumptuosam artificum operam opere vermiculato ridiculè distinguetur. Ut è confita fictilis humo abditum & penetralem lumbricum elicias; in dehiscens foramen surculum immittito, levique percussu idem vasis latus aliquandiu tundito: mox alia ex parte lumbricum erepere videbis. Terrestres ascarides, id est, subterranæ pestes, ac brevius alterum quàm candidi, quàm lutei, quàm nigri coloris lumbricorum genus, quòd subsectis fibris plantas enecant, prioribus lumbricis nocentiores sunt. Omnium vero vermium, ut maximus, ita nocentissimus est cucurbitarius vermis, qui cucurbitarum semen arrodit, nomenque surripit; ut nostrate vocabulo latinis auribus peregrino Zuccarola nominetur. Utrique occulto malo sic medere. Ubi plantam demisso capite languidam, amisso virore pallidam ægrotare animadverteris; humo ad radices usque cautè curiosè effossa, edacem morbi causam, ne illic ultra sæviat, aliove serpat, extingue. Ut vermiculos, quos à cauda bifurca Forficulas appellamus, simul plurimos excipias, humi surculum offigito; hircinum cornu, vel suillam ungulam, vel arundinis laxum internodium suo supernè tantummodo distinctum præclusumque, nonnihil à solo sublime imposito: vermes enim latebricolæ in eam se confertim latebram conglobabunt.

Jam

Jamverò cuniculatim ducta circumfossura suspen- ^{In formi-}
 sis, frequentique morsu excelsis feminibus pernicio- ^{cas.}
 sissimas formicas (ut Theocritus ait) numeroque ^{In Syrac-}
 modoque carentes quis qua potentia in singulis ag- ^{jan.}
 minibus exterminet universas? Ipse bellicosus Im-
 perator Constantinus Pogonatus, terra marique vi-
 ctor, post Arabes Sarracenos debellatos formici-
 num bellum suscipere, tanquam principes Myrmi-
 donas expugnaturus, sibi censuit gloriosum. Igitur
 ex Bithyni Diophanis rusticæ rei consultissimi con-
 silio hisce præceptis posteros colonos veluti con-
 ductos milites armat in istas exiguas quidem, pu-
 gnacissimas tamen levis armaturæ bestiolas. Si ca- ^{Deugric.}
 ptas, inquit, formicas aliquot ufferis, reliquas fuga- ^{L. 13. c. 10.}
 bis. Quanquam ego ignem, belli terrorem maxi-
 mum, atque adeo unum renascentis hydræ domito-
 rem, ad foecundiores hydra formicas penitus fugan-
 das profligandasque invalidum esse frequenti peri-
 culo comperi; quippe qui torre ac face non semel
 armatus quò plures perurerem, eò pluribus solum
 scatere cernerem. Quamobrem ideo contempto
 igne cæterarum generosissimas Romanas esse for-
 micas existimavi, quòd popularem suam Scævola
 æmulentur. Præcipere pergit Imperator: Formicas
 è cavernulis exturbabis, si cochlearum vacuas te- ^{Pallad. ibid.}
 stas cum styrace uistas comminutasque ipsarum a-
 guini aspergas. Peræquè abiges, si contusi origani
 sulphurisque pulvisculo foramina oppleas. Si for-
 micam

micam è gregalibus unam sustuleris, reliquæ ultro latebram relinquent; Græculæ fortasse: nostrates enim adeo meticulosæ non sunt, ut unius exitio vertantur in fugam; nec adeo modestæ, ut loco decedere, & concedere dominis velint. Si cedria exteriores cavos circumleveris, hortenses arcolas formicæ non ingredientur: Si Cyrenaicum succum, sive laser oleo dilutum ipsis affuderis, omnes ad unam interimes. Si radicem silvestris cucumeris, aut silurum, præcipuè Alexandrinum, lento vaporis succenderis, inimica suffitione mactabis. A floriferis verò fruticibus arbusculisque audaculas prohibebis, si trunculos alba terra rubricave circumscripseris; si lupinis amaris in aqua tritis aut incoctis, vel felle taurino & pice cum amurca temperatis, vel certè confusa pice cum rubrica, vel permisto lasere cum aceto illeveris; aut si postremum hoc medicamentum in foramina ipsa condideris; si præterea caudicibus silvestre organum circumposueris; si albam lanam circumdederis; si coracinum piscem de arbore suspenderis, quo juxta in unum locum congregantur. Atqui si densa hederæ caudices obligaveris, post paulò formicæ; imò & scarabæos hederacea sub umbra torpidos supplicioque opportunos invenies. Ita magnus contra formicæ militat Imperator, cui præsci sapientes hæc suppetias ferunt. Limo marino, aut cinere formicarum foramina obturant, efficacis-

lima

Plin. l. 17.
c. 28.

Plin. l. 19.
c. 10.

simā heliotropii herba, aut rubrica & cinere in
 aceto intritis formicas ipsas enecant; aquam diluto
 latere crudo iisdem ingratam affundunt. Si fora- *Pallad. l. 1.*
 men habent in horto, cor noctuæ admovent; si *tit. 35.*
 foris irrepunt, totum hortense spatium cineris aut
 cretæ candore denotant. Ne floriferas in arbuscu- *Plin. l. 17.*
 las conscendant, rubrica & pice liquida imos cau- *c. 28.*
 dices perungunt, quibus alii butyrum admiscunt, *Pallad.*
 vel unica perfundunt amurca; lupino trito cum *mar. l. 10.*
 oleo fratribusve radices oblinunt; vel bitumen cum *Colum. l. de*
 oleo incoquunt, eoque truncos tangunt: succum *arbor. c. 14.*
 portulacæ cum aceti dimidia parte permixtum, *Pallad.*
 aut vini faciem, peculiare ceraso remedium ad flo- *ellib. tit. 12.*
 rифeros caudices medicandos traduci posse osten-
 dunt. Ætas nostra semelso esse, sive quo alio ef-
 culento illicio sæpius in unum coactas toties fallit,
 donec omnes aqua vel igne perdat. Cum præterea
 sollicito excursu recurſuque it nigrum campis ag-
 men, & multijuga scaturigine ebullit, è ramalibus
 stipulisve parabili face occupat, iteratoque aliquo-
 ties supplicio tandem conficit universas: penetra-
 les ipsarum cavos origano minutatim detrīto im-
 plet: sulphure suffumigat: tithymali cujuscunque
 decocto utiliter inspergit: papaveris lacryma ac- *Petr. Bellon.*
 to diluta perfundit, aut florum stylos inungit: *l. de neglect.*
 sulphuris selibram terreno in vase ad ignem lique- *ſup. cml.*
 facit; adjicit salis factitii ex facie vini concreta, *c. 10.*
 quam Tartarum vocant, aut salis cinerum qua- *Alexius*
 dran- *Pedemont.*

drantem vel trientem, hoc est, ternas uncias aut quaternas; diu peragitans bene commiscet, donec ea mistura subrubeat; tum ab igne subtractam supra tabulam aqua madentem defundit; ubi jam induerit, minutim conterit; ipsique in vitreum vas coniectæ, quantum aquæ fontanæ sat est, affundit, eamque patitur aquam colorari; hoc denique veneno floriferarum stipites arbuscularum circumlinit; aut ipsa formicarum agmina conspergit; importunasque bestiolas vel interitu vel fuga exterminat. Curiosa quoque minutaque demolitione latibula & nidificia subruit, atque ova cum matribus vel protinus exurit, vel procul exportat. Nova denique forma fictile vas excogitavit, medio foramine supraque infraque pervium, in extremo autem ambitu canaliculatum. Intra hoc mediam ferit arbusculam; opplectoque aqua orbiculato canali, tanquam militari fossa, formicinas distinet aggressiones. Sed argillaceum hoc propugnaculum (pace recentis industræ dixerim) mihi non probatur. Quænam enim ista calliditas est, ut hostem arceas, liberam plantarum adolescentiam coctili carcere, & figulari compede impedire? hortensis æquoris inoffensam speciem testaceis offendiculis asperare? cuniculis oppugnantes bestiolas extimo munimento distingere? Quare positos in areolis flores præscripta satis remedia defendent: quos autem in testulis collocaveris, ipsarum in pedibus, aut
sup-

*Benedicti.
Curt. de
Hort. l. 14.
c. 5.*

suppositis basibus excavati canaliculi abundè præmunient, in quos, velut in elices sive sulcos aquarios, aqua vel pluvia vel irrigua confluet, minutulis animalculis Oceanus insuperabilis. Si volatilis In locustas. hortorum pestis, locustæ in flores inviolent, hortatore Democrito, amaro lupino, aut silvestri cucumere in muria servefacto conspergantur: è vestigio enim morientur. Complures captæ urantur: statim enim reliquæ à nidore vertiginosæ & caducæ partim occidunt, partim demissis alis venatorem expectabunt; vel, hic si deerit, à sole corrumpentur. Confecto ex iisdem liquamine, & quodam veluti garo effossi scrobes madsiant: brevi enim in scrobibus summo sepultæ, funeri videlicet proludentes reperientur. Suspendiosi vespertiones de celsissimis loci arboribus pendeant: & illo terriculo fugatæ minutæ harpyæ procul avolabunt. Absynthio, aut porro, aut centaurea in aqua tritis plantæ contingantur: & contactu edacissimæ bestiolæ abstinebunt. Denique matutinus indagator colonus nocturno adhuc frigore pigras ac torpidas invadat: & citra veterum arma & machinas in exarmatis manibus volucris de hoste victoriam positam esse fatebitur. Cantharides non In cantharidibus. hominum modò igneum, sed florum etiam edax venenum (si Pamphilum audiamus) vel galbano Apud Const. P. gen. l. 13. cum veteri bubulo fimo, vel silvestris cucumeris radice suffitas fugabimus. Quamquam recentium c. 16.

T

rusti-

In scorpione
nec.

Id. l. 13.

c. 19.

Plin. l. 20.

c. 22.

In virides
pulices.

Pallad. l. 1.

ut. 35.

rusticorum experimento docemur, ne fugatæ redire ad injuriam possint, callidè comprehensas utilius interimi. Sub hortensibus testis defluente earundem humore concreti, juxta floribus indecori, atque cultoribus periculosi scorpiones sæpe stabulantur. Humidis opacisque locis gaudentes igne persequere: unius exusti nidore cæteros exturba: latibula sulphure, galbano, asinique ungula, vel unico serpyllo, serpentibus etiam atque scolopendris infesto, suffumiga: ipsos præterea scorpiones alligata imis fictilibus nuce avellana è Plutarchi monitu distine; ex recenti verò usu ad patinam frigida oppletam allice, ut perdas: aut identidem testas loco dimove, ut latitantes proteras. Virides pulices, qui roseti teneros asparagos, & virescentes rosarum alabaistros confertim obsident, nocentique attactu arefaciunt, atque adeo perurunt, acre acetum hyoscyami succo admixtum, pulicosis olim oleribus præscriptum remedium, enecabit. Eandem operam præstabunt sinapis, & rhododaphnes semina, si conservescant, & cum refrixerint, affundantur. Sunt, qui doceant, floris odoratissimi parricidas olei graveolentis illitu, quòd à saxo nomen habens Petrelæum sive Petroleum vocant, velut justo supplicio esse multandos. Aliqui sabulonis, aut cineris injectu dejiciunt ac dissipant. Alii tandem summa mollitie animalcula levi digitorum pressu frictuque graviter oppri-

primunt & elidunt. Fœdi vermiculi seu blattæ In blattæ bulbosâ radice formosis liliis quâ sativis, quâ silvestribus, quâ nostratibus, quâ externis degeneri partu innascuntur. Hæ rubent ab ortu: sed postquam folia floresque cum scapis erosere, nigrescunt; ac semesum liliaceæ plantæ cæveretra ventris proluvie inficiunt, depastosque caules turpi facie relinquunt. Id ne fiat, supposito plantis linteolo recentes bestiolas decute; atque, ne adolescendo convalescant, extingue nascentes. Hisce potissimis armis (nec enim omnia possumus, nec probamus omnes) majorum minorumque, gentium incommodas hortis belluinas nationes singillatim vel ulciscimur, vel depellimus: generatim verò atque universè omnia reptantia monstra sic insectamur, & proturbamus. In omne genus bestiolas. Opium Cyrenaicum, sive laser, melanthion, galbanum, Constant. Pag. de M. grec. l. 13. c. 8. hyssopum, pyrethrum, peucedanum, sulphur, cervicornu, & capræ ungulam unâ contundimus: asperrimo aceto perfundimus: in pilulas conglobata succendimus, cruciabilemque fumum excitamus. Omnes itidem repentes humi bestias galbano, sandaracha, & butyro, sive adipe caprino suffitas procul à floribus amovemus. Inter odorata unum styracem adhuc invenimus, cujus deustio Card de rebus variis. l. 7. c. 30. odore acerrimo universa ferme animalia, quæ vocamus ab incisuris insecta, vaporemus ad fugam. Ne suam ipsi calamitatem, insectas nempe bestio-

T 2

las

Id. ibid.
Constant.
Pag. Agric.
l. 5. c. 42. &
l. 10. c. 89.

Idem de A.
gric. l. 2.
c. 16.

Id. ibid.

las horti progenerent, deponenda semina in testudinibus corio siccamus; aut mentam olitorio more interferimus. Ne floriferis satis arbusculisque hortensis ulla bestia noxæ possit esse, ex Democriti præscripto caneros fluviatiles complures, vel marinos, quos paguros nominant, decem non minus intra fictile vasculum in aquam coniectos tegimus, atque sub dio statuimus; ut decem diebus sole vaporentur: ea deinde aqua, quæcunque illæsa voluimus, aspergimus; atque octavo quoque die asperersionem iteramus, dum, quæ sevimus, adoleverint. At verò si Africani consilio paulò antè sationem sedi succo; quemadmodum tradidi, semina madefiant; non modò adversus infestas bestiolas medicamentum, verùm etiam ad præstantissimos flores producendos valetudinem combibent. Perinde salutaris deponendis seminibus erit aut pridie immista, quæ focis hæret, fuligo, aut protulacæ aqua sic affusa, tota ut nocte sorbeat. Nonnulli contusa cupressi folia; siccum alii & concisum, sive etiam elimatum cervi cornu, aut elephantis dentem cum seminibus commiscunt: alii medicata prædictorum infusu ossium aqua semine irrorant, ut noxiis animantibus nullis obnoxiam sementem faciant. Proderit etiam aqua & amurca eadem semina macerare. Genialis medicus Apulejus, ut minus ægrotent, vino serenda præmunit. Usque adeo, quæ aqua lactantur, medicinæ

cinæ nomine vinum sitiunt. Invenio etiam à quibusdam urina veteri, & canino fimo unà confusis affusisque contra noxam quancunque semina defendi. Eadem hyenæ pelle si contegantur, post aliquot dies metuendæ feræ odore penitus imbuta^{Colom. l. 2. c. 9.} noxias hortis animantes deterrebunt. Solent præterea, quæ dimidiata luna feruntur, illæsa servari. Ut omnem præterea floribus nocentium bestiarum defendamus ac propulsemus injuriam; aceti, fellistaurini, decocturæ anguinei cucumis, hellebori albi, colocynthidis; & lupinorum amarissimosapore; aut sulphuris, chalcanthi, florum, & foliorum utriusque sambuci, coriandri, rutæ, cornuum, & ungularum gravissimo odore; aut demum ignis intolerando contactu absterremus. Duplici antiquitas præsidio (utrunque posteritas^{Id. ibid.} oblita est) pice videlicet ab æris, amurca ab animantium noxa omnia tutabatur. Adeo, nisi nos antiquæ simplicitatis puderet, parabilis atque obvia rerum tutela esset.

Lex floris propagandi.

C A P V T V.

Favete linguis, imò & manibus favete impigri coloni, provida faultrice vestra, horumque magna moderatrice Flora, ter-

T 3

tiam

Flores industria duplici propagandi.

Qui referendi ad semen.

tiam legem, emolumento principem, sic ferente. Qui floreas opes nativo fœnore fructuosas non amplificas, ab hortensi cultura tanquam profanus, nempe ignavus exesto. Quoniam verò domi forisque opportunitas est horti locupletandi: propterea duplex in propagatore industria requiritur, ut flores domesticos augeat, externosque conquirat. Quamobrem non omnes indiscriminatim ac temere flores tuis in hortis demetes; sed ex lectissimo quoque genere nonnullos, qui magnitudine ac foliorum densitate speciosissimi primò existant, ad semen reservabis. Prior enim ille partus adhuc integris nondum effœtæ plantæ viribus effusus cum vegetior sit, generosius luxuriabit in semen. Quin etiam proderit seminalibus folliculis onustos bulborum scapos decacuminare, simul ne bulbi complurium educatione seminum fatiscant, simul ut pauciora liberalius educata semina colonorum votis fœcunditate respondeant. Et seminum quidem plurima bulbis rotunda, & nigra; pauca plana, & rubida, ut liliis non paucis, & meleagridi sive fritillariæ; utraque autem folliculis involuta, aliqua oblonga, & fusca, nec non siliquis inclusa, ut acaciæ, Indicæ arbusculæ; multa longiuscula, rubella, atque in lanuginem conglobata, ut cuilibet anemone. Ea omnia jam aridis cum folliculis, aut siliquis, aut certè cum lanuginosis pappis vixdum hiascere,

re incipientibus colligantur, priusquam spontè ca-
duca, aut vento decussa temere dissipentur. Con-
ducit autem ea legere interdiu, cum pluvius aut ir-
roratus mador efficaci sole siccatus est. Permagni
quoque interest hortensis rei optimorum seminum
habere delectum. Præstant, quæ propter magni-
tudinem ac pondus in imo subsederint: quia vis
major, & succus densior inest ad uberem germina-
tionem. Ad hæc indubitato fecunditatis argu-
mento plena & solida seligantur: at verò tanquam
infœcunda & inutilia rejiciantur, quæ senio sint
exucta & leviora, contusa & rugosa, emaciata &
languida, permista & propter similitudinem adul-
terina. Altera est, & ea quidem compendiaria
propagatio; cum bulbus aut radix incohærentes
bulbulos aut radículas extuberat, quæ celerius,
quàm lecta de bulbis aut radicibus minuta semina,
in idoneam ferendis floribus maturitatem adoles-
cunt. Quanquam illud à seminum satù jucundis-
simum emolumentum provenit, ut floris moram
coloris formæque non rarò degenerantis mirabili
novitate compensent. Luxuriant autem numero-
sam in sobolem bulbi & radices, quæ post alterum
tertiumve (uti jam docui) à satù annum refodiun-
tur. Sed intelligant nimis avidi sobolis coloni
adnascentium sætuum copiam florum officere for-
mositati: primo enim partu exhausta mater fa-
cilè abortat in altero. Quare quem plusculum

Quo semi-
ne ferendi.

Colum. l. 2.
c. 9.

Constant.
Reg. Agric.
l. 2. c. 14.
Varroni
rust. l. 1.
c. 40.

E bulbis ut
multipli-
candi.

laboris non deterret, singulis hic annis, quæ id exigunt, effodiat infodiatque semina, ut parcius enixa vividæ pulchritudinis plenissimo flore colorentur. Quod si bulbus frequenti etiam inter homines infelicitate quàm nobilis, tam sterilis est; eum probè maceratæ resolutæque pinguedinis solo, ad nucleos sive spicas eliciendas efficacissimo, committito; aut imam sessilis partis coronam, unde fruticant fibræ, ungue leviter incidito, minimalque decidito particulas: ne vulnus noxæ sit, macro aridoque pulvisculo insperso medicinam facito. Quot enim vulnera feceris, in totidem fœtus vigor genitalis erumpet. A mollioris tamen ingenii bulbis violentam hanc fœcunditatem exigere abstinet; ne, antequam pariant, vitæ faciant abortum. Cæterum cui cordi est hortensem quotannis fundum præstantissimorum florum accessione ditare, is debet florida tempestate nominatissimos alienos hortos frequens adire: quos in suis desiderari animadvertit insignes flores, aut gratuito accipiendos, aut pretio aliorumve seminum merce permutandos cum domino pascisci: ferreo tubo, vel imbricata pala sive extractorio imbrice, quem supra descripsi, dum adhuc illi vigent ac vernant, transducere, aut saltem denotare; ut, ubi penitus aruerint, certa manu eruat. Multiformes excogitari notæ possunt: nos usitatas & parabiles, id est, arundineas, surculaceas, & plumbeas

In alienis
hortis ut
eligendi, &
præsignan-
di.

l. 2. 6. 5.

beas tum in colono instituendo, tum in hortensi^{lib. 1. c. 4. §. 3.} supellectile numeranda præmonstravimus. Sin autem suspicio est, incertæ fidei promissorem impositam placito flori notam ad simillimi vultus vulgarem plantam translaturum, tibi que vastre impositurum; poteris è Belgio in Galliam transfusa callida cautione sic obsignare. E crassiore alearum, aliave illiusmodi papyrolatum circiter digitum amplas tesserulas facies. Easdem medias per geminum foramen acu factum inducto lineo filo sic trajicies, ut in eandem partem utrumque fili caput promineat. A tergo, ubi filum papyroadhæret, liquefactam miniatulam Hispanam ceram adjungas, & confestim sigillo consignabis: tum utrumque lini caput utraque manu comprehendes; ac, tessellæ signatura extante, imum floris caulem citra noxiam incisionem innodabis: quod supererit filum; sub ipsum nodum succides, ne, vinculo enodato, supposititæ plantæ per dolum ad alligari tesserula possit. Cavebis autem, ne demutilato caule summum florem, aut media folia demas; ut obice illo supernè clausum nulla fraus alligatum extrahat signum. Quod si demesso flore thyrsi cacumen præcideris; eundem cum foliis aliquot substringes, quæ connexæ tesserulæ lapsum exitumque remorentur. Denique, ne electæ notata in hortis improvidè obliteres in animo, in hortensis rei rationarium codicem, hoc est, in album memoriaræ

moriarum delectorum florum genera, numerum, situs, notasque impositas referes. Ita, cum tempestivitas advenerit, pactas radices sinceras atque integras fide certa effodies. Unas tulipas, si libeat, licet (quod transalpini aliqui coloni solent) adhuc florentes eruere: dummodo statim sicco sabulo in frigida cella substrato bulbos obruas, ipso etiam in sabulum prono germine. Fiet enim, ut, quæ floribus, quæ foliis sensim assiccatis, solidas, succique plenas, atque incolumes bulbosas radices invenies. Quoniam verò terræ omnes ferre omnia non possunt, debemus hoc etiam hortis, ut suavissimo florum commercio, tanquam flore nexu, dissitæ non minus moribus, quam regionibus gentes arctissime jungantur. Igitur ubi peregrini floris fama florere externum quempiam colonum cognoveris, inita per ingenui officii promissique plenas litteras amicitia, pretiosas horti longinqui merces pari permutatione, pretiove mercaberis. Quòd si displicet remota ista, semper cæca & sæpe fallax mercatura; exiguum patere, dum aliorum curiosa festinatione colonorum translatum in proximos hortos advenam florem in tuos oculata fide, minimoque labore ac sumptu admittas. Curabis præterea, cum, soluto remotoque tristi nivium sipario, infinita, eaque versicolore florum multitudine frequentari cernuntur solitariae camporum ac montium scenæ, ut, qui generis aut formæ novitate

E longin-
quis ut ac-
cerfendi.

vitate spectabiles emineant flores, tuos in hortos
 ferreo tubo transducti ex agresti vita in floreæ ur-
 banitatis convictum evocentur. Fit enim sæpe, ut,
 sicut hominum, sic florum pulchrè degenerante
 genitura, ex agro civitate donanda egregia indoles
 existat. Sed & illud custodiendum est, ut salubrius, *Theophrast.
De caus.
plant. l. 3.
c. 6.
Constant.
Fog. Agric.
l. 2. c. 46.*
 aut æquè bonum, aut certè non admodum dete-
 rius in solum hortensia semina transferantur, ne
 nocentium reorum instar in oram pestilentem da-
 mnata & relegata vel præmorianentur, vel emacien-
 tur: ea enim præpostera mutatio imbecillo cui-
 que facilem morbum creat, vel interitum: atqui
 semen est aliquid imbecillum. Verùm enimverò
 bulbos si quis peregre mittat, in capsulas aut pyxi-
 des debet condere, ut in frigido siccoque strato
 melius iidem perennent: arboreum muscum al-
 terna serie substernere, ne commistio vel simili-
 tudo allucinantem colonum decipiat: unum-
 quodque genus præscripto nomine numeroque
 distinguere, loco discludere, aut etiam papyraceo
 involucro penitus separare, ne conclusi bulbi ve-
 ctione agitati atq; inter se collisi & confundantur,
 & corrumpantur: in arculas aut pyxides satis refer-
 tas superpositum muscum infarcire: tum easdem
 probè operculatas crassiore lino diligenter circun-
 ligare, nodoquenectere: nodum ipsum, ne is do-
 lo malo dissolvi possit, miniatula cera Hispana
 perlitum obsignare: frontesque capsularum vel py-
 xidum

Ut procul
 mittendi.

xidum illi, cui res destinatur, inscribere : aquistan-
dem tum pluviis, tum obviis impenetrabili cera-
to linteo infuere ; extimamque inscriptionem in-
timæ geminam adjicere. Sunt qui prudenter astu-
ti, ut quorundam alienas exteras merces exploran-
tium, optimasque captantium hamatos ungues
viscatasque manus impunè ludant evadantque
immunes, inclusos bulbos non per adjuncta no-
mina, sed per certas numerorum notas, aliaſve
per arbitrarias formas distinguunt, quas cum ip-
sis nominibus conjungit explanatque data ſeor-
ſum interpres epistola. Si bulbi longius miſſi aut
accerſiti vel itineris diuturnitate, vel quo alio in-
commodo ſitum contraxerint, exuſtoque ſucco
peraruerint ; vitiſis omnibus tunicis denudentur :
ſict enim non rarò, ut intimus ſaltem nucleuſ in-
corruptuſ ab interitu vindicetur. Supradictam
pyxidum tutelam cautionemque deſiderant lon-
ginquas in oras mittendæ floriferæ radices, quas
tamen pro muſco emporeticis ſive inutilibus char-
tis obvolvere abunde eſt. Verùm anemonas, in
gracileſ lingulaſ oculoſque tenuiter porrectaſ ſtu-
pa, vel goſſipio molliter prætegi, deinde etiam
chartuliſ involvi convenit. Vivi radiceſ ſive plan-
taſ radice aliqua fibrataſ diu peregrinaturaſ illituſ
melle muſcuſ ad medium uſque conveſtiat : mel-
liſ enim illituſ perennat humor, peregrinantibuſ
plantiſ dulce viaticum. Quòd ſi viæ mora octo
dic-

dierum spatio brevior futura sit; muscus frigida madefactus satis illas præstabit incolumes. Non-nihil dissimilis ratio est in præmuniendis taleis sive furculis transmigraturis. Nam vel illos in melle Cardan. de
falsis, l. 8. submergimus: quia mellis humor neque pinguis, neque corruptioni obnoxius; sed tenuis, dulcis, ac temperatus teneris germinibus à materno lacte avulsis vicaria suavitate alendis tuendisque accom-modatus est: vel figularem cretam ex melle subactam in Calabri limonii mali formam & magnitudinem conglobamus. In hujusmodi argilla-ceo globulo quatuor aut quinque furculorum imas crassioresque partes defigimus: extantia cacumina, ipsamque argillam musco involvimus: in capsulas aut pyxides, musco alio (si opus sit) undique densato, includimus. Pari præsidio delicatissimæ indolis plantas contra itinerum incommoda tutamur. Nonnunquam etiam furculorum extrema succosis malis utrinque infigimus: in pyxide componimus: insuccatam denique aqua spongiam imponimus: atque ita floriferæ soboli exiguo ligneo vehiculo peregre transferendæ vitalis com-mearus, nempe humor in sicco non deerit. Illud autem cavemus, ne minuta semina, quæ quàm sic-cissima mitti debent, cum furculis, aut radicibus humida integumenta poscentibus componamus. Quare bulbis, aliisve siccam vecturam amantibus radiculis bene chartulis conclusa, suisque nomi-nibus

bus discreta adjungimus: aut certè cautiùs in pyxidiculas seorsum recondimus. Ut enim hominum, sic seminum tenera indoles à pernicioso consortio periclitatur.

Narcissorum cultura.

C A P V T VI.

ENucleata florei cultus disciplina postulat, ut propria communibus præcepta subjiciantur. Neque verò plantarum omnium satus singulos persequi est animus, sed earum duntaxat, quæ nostratibus, & præcipuè Romanis, hoc est, nobilissimis in hortis curiosius coluntur. Satis enim habui ex infinita florum silva lectissimos cultissimosque seligere pertractandos. Interim ad aliorum culturam præcepta generatim tradita conducent. Narcissus, nimium sibi placentibus fabula salutaris, sive ingenio, sive artis manigonio in plura speciosè genera degeneravit, quæ tum frequenti scriptorum descriptione, tum quotidiana cultorum observatione jam vulgatissima percensuimus. Duos ex immani numero narcissos, eosque plebejæ in hortis notæ ad medicos usus recepit antiquitas, calice alterum purpureo, alterum luteo, candidis foliis utrunque. Et priorum quidem ab inspersa per oras calicis pur-

Dioscor. l. 4.

c. 155.

Plin. l. 21.

c. 5. & 19.

purpura purpureum, posteriore fabulosa muta-
 tione inclytum à medio croceo flore albis foliis
 coronato croceum, sive luteum appellarunt. Nar-
 cissorum plerique macro, soluto, ruderato, are-
 noso, atque aprico lætantur loco. Id satis ipsi co-
 lonos admonent, dum voluntarii fabuletis, &
 montibus innascuntur. Bonum tamen requirit
 solum, qui foliosior efflorescit. Pingui penitus
 abstinendum: quia sessilem bulbi verticem ex fa-
 cili corrumpit. Hæc autem folioso conveniunt
 cum simplici narcisso, ut sole gaudeat uterque
 velut ad ostentandam etiamnum in flore manen-
 tem pristinam venustatem: ut ad quinos senosve
 digitos defodiatur: ut palmaribus intervallis, præ-
 cipuè luteus, collocetur. Est præterea, qui affir-
 met, narcissinum bulbum in flores non exiturum,
 nisi raro, nempe tertio quoque anno refodiatur,
 aut disfraretur, cum videlicet adnatæ numero so-
 bolis exugitur. Simplici flore narcissi, qui semen
 soli reddunt, levissimæ varietatis inutili lucro fru-
 stra serunt. Narcissum, cui nitidus candor aut
 languidè luteus pallor toto non solum flore, ve-
 rum etiam calice diffusus argenteæ, sive sulphu-
 reæ pateræ Italicum nomen inscripsit, summæ
 apricitatis, mediæque macritudinis solo infodiet,
 quale est, quo nullus æquè atque hic bulbus gau-
 det, olitorium. Depositionis, atque à cæteris
 bulbis intervalli modus erit, quem in aliis usur-
 pan-

Narcissi
plerique.

Disser. &
Plin. ibid.
Joan. Bapt.
Pera Villa
l. 9. c. 13.

Narcissus
totus can-
didus, to-
tusque sul-
phureus
flore sim-
plici.

Narcissus
foliosior.

pandum esse narcissis paulò antè monuimus. Nonnulli sunt densissima serie foliosi narcissi, velut Byzantino vulgatiore major, qui albida inter folia luteo calice sinuosa à monstratoris coagmento Boncori cordatum nomen nostratibus in hortis refert; velut etiam planè candidus, qui nitidam argenteo nomine pateram, non vino, sed flore plenam oculis propinat. Hi quàm pulchrè florescunt, tam ægrè dehiscent: in florem enim turgentis membrana involucro hibernis quà nebulis, quà frigoribus flaccescente, atque in rugas contracto, flos, antequam oriatur, aboritur. Quàm obrem obstetric hac arte floreo fœtui opem feres. Extremo Januario bulbos serus adobrues: cum illi turgidos flore scapos impellent, vesperi bene operculatos à nocturnis pruinis nebulisque vindicabis: mane (si dies tepeat, & insoleatur) operculo remoto apricari patieris. Proderit etiam interdum thecam ipsam duriusculam, & dehiscente contumacem leviter citra conclusi floris injuriam incidere, viamque partui vulnere aperire; ne is tanquam in uteri membranae angustis præfocetur. Ipsos verò bulbos quotannis tempestivè erutos in siccissima cella custodies: quia in humidior thallos citarent, vimque genitalem omnem, flori etiam reservandam, in folia profunderent. Et hi reliquam culturam superioribus debitam desiderant. Ampli floris & calicis juncis narcissis congruit mediocris olerum terra, &

Narcissus
juncifolius
major.

& loci positio modicè aprica. Amant iidem quaternis subesse digitis, ac totidem inter se aut paulò pluribus abesse. Superioribus minor juncidus tum odoratus luteus, tum albus; tum foliis reflexis pallidus narcissus in fictilibus, quàm in areolis, lætior provenit: locum exigit soli obnoxium, Solum, quod infra supraque est, olitorium & bonum: idem tamen digitalis crassitudinis macriore humo proximè circumtegi vult, ut minimè in sobolem exhaustus profusè luxuriat in florem, utque à pingui humore sæpe manans vitium devitet: frequentem verò, ac tempestivam, quoad folia exaruerint, amat irrigationem. Hac ergo cultura compertum habemus; tum simplici, tum pleno flore, junceoque folio Hispani narcissi bulbos mirè crassiores fieri, ac fecundiores. Si rotundus est bulbus, terni digiti depressioni dantur, intervallo totidem aut saltem bini. At oblongus digitali, aut paulò majore altitudine defoditur, ne solis appetens incommodam in longitudinem excrescat. Est etiam qui supposita, cum is conseritur, testula longulum faciliè rotundet. Rarènter, ac circumactò minimum triennio eruitur adnatam ad foeturam segregandam, sive etiam ad vetus effœtumque solum recenti fertilique commutandum. Supra quatuor sexve dies inobrutus esse non debet: quia pusilli corporis & roboris bulbus à vitali matris amplexu diutius dissitus æstivis præsertim calibus

Narcissus
juncifolius
minor luteus, albus,
& pallidus
foliis reflexis.

Narcissus
juncifolius
autumnalis
albus.

Viridis.

Pseudonar-
cissus junc-
ifolius.

Pseudonar-
cissus Hi-
spanus.

bus emaciatur. Semine satus narcissus hic in bulbulos floribus fœcundissimos proficit. Duplex denique in juncifolii narcissi, eoque potissimum qui foliosior floret, cura atque opera impendenda est: altera, ut florem citò legas, cum exiguo corpori par, nempe imbecilla bulbuli vis citra interitus discrimen flori diu alendo non sit: altera, ut, postquam idem narcissus defloruit, oblitum illo vas sub tectum referas, pluvixque subducas; ne per bibulum scapum infusus humor totum bulbulum permeet, ac putrefaciat. Eiusdem à juncifolio nominis Narcissus albus autumnalis amat locum à Sole summotum, terram levem & raram; trium altitudine digitorum demergitur, duorum intercapedine dissociatur: perrarò effoditur: aggesto per æstatem solo ab æstu defenditur: ubi remisit calor, eodem exoneratur. Languidi odoris flore viridi stellatoque, per autumnum ante folia itidem juncea emergente sub similis priori, crassior, retamen ac proceriore caule ternos quaternosve flores efferens dispar narcissus humo gaudet medijocri, & parum aprica: in tres digitos demittitur, parique spatio disjungitur: vix unquam exeritur. Similis cultura, quæ superiori luteo Hispano narcissi adhibetur, bulbulum similem educat juncifolio pseudonarcissum. Silvestris narcissus Dodonæi, sive pseudonarcissus Hispanus major & minor Clusii, qui simplici senum foliorum textura stellatus velut

velut in tubam tabulato fimbriatoque calice grandioris tubæ sibi appellationem vendicat, seu flavescat, seu palleat, sive albescat, mediocre solum, ac satis insolatum situm, nec non quaternos in depressionem digitos, in intervallum verò palmi dimidium requirit. Qui foliosa densitate stipatus minus expressa tubam promit imagine, quique consimili facie narcissus Roseus major appellatur, imò (ut quidam existimant) à proximè superiore pseudonarcisso non distinguitur, eodem cultu lætantur: jamque in florem turgente membranæ vagina ab aqua pluviali, quàm maximè poterit, abstinendi sunt; ne largiùs insuccati, ac plus æquo tumefacti dirumpantur, enormiterque fatiscant. Idcirco mobili præstat eisdem fictili, quàm stabili areolæ, committere. Parem ferme culturam quærit minutulus pleno flore pseudonarcissus. Peculiare tamen hoc poscit, ut minus altè, tres nempe digitos loco magis humecto deponatur, & rarò aut nunquam eruatur; quia nostro cœlo non admodum gaudet, crebraque translatione vexatus maligno respondet eventui. Non dispar debetur cultus geminis pari brevitate narcissis, nempe silvestri Stellato, & Roseo minori. Narcissus quoque, cui singularis, & conspicua magnitudo nomen dedit Incomparabilis, in terræ delectu cæteris comparatur: olitoria enim contentus est. Modicè apricari satis habet; quia diu-

Narcissus
incompara-
bilis.

Narcissus
longa cer-
vice.

turno sole flaccescit. Vult à summo solo quaternis digitis, ab assicis bulbis palmi dimidio propter sobolis numerositatem distare. Is autem narcissus, qui virentis cerviculæ deflexa & rigida longitudine prolixum cameli collum in similem flosculum, atque flosculi nomen contraxit; quique ab aurea calicis corona coronario nomine decentius insignitur, quærit humum pinguiissimam, quæ tamen bulbi verticem, unde fibrarum capillitium fruticat, non attingat; ne vitiet, neve corrumpat: id quod in cæteris quoque bulbaceis radicibus consimile solum postulantibus custodiendum est. Amat idem narcissus aversum à Sole locum; quòd incalescente jam anno serotinus floret, ac, veluti candidum hortorum fidus, clarior in opaco niter. Potest ad palmi dimidium demergi. Quanquam sæpius utiliusque brevior quatuor digitorum mensura deponitur; quia foliosiores & plures ab uno caule sic flores trudit. Eodem digitorum totidem, aut paulò laxiore intervallo ab aliis plantis commodè distinetur. Par adhibetur cultura Narbonensi, & Anglico narcisso, cæterisque, qui serò vernant. Solent Indici narcissi, antequam nostro tum cælo tum solo assuescant, ad intimum usque nucleum lenta macie tenuari ac tabescere. Horum plerique, quòd hospitari nesciunt, paventque novitatem, penitus intereunt. Nonnulli sensim repa-

Narcissi Indici.

reparatis tunicis viribusque non sine spe flores
 parvus in molem pristinam turgescunt, & revivi-
 scunt. Verum, ut in exteris hortis longinqui
 hospites incolumes perennent, atque ad florem
 & sobolem usque proficiant, ferè fabulosa humo
 excipiendi sunt. Virginienſis narcissus vult intra
 terrenum vas in olerum solo duum digitorum
 altitudine deponi, mediocriter apricari, nun-
 quam refodi, nisi ad sobolem sejungendam. Apud
 nos non sementat. Affinis lilio narcissus Indorum
 è rubro croceus, duodecim ante annos Jacobei nar-
 cissi nomine ad Romanos Farnesiorum hortos mis-
 sus, diu sterilis & inglorius in folia tantum eger-
 minavit. Sed nova jam industria, seu potius in-
 juria colitur & juvatur. Etenim bulbosa ma-
 ter macerrimo in solo ad binos ternosve digitos
 mergitur: ut eadem alimentum incrementum-
 que capiat, felicique sobole se propaget, ad
 mensem usque Novembrem eatenus irrigatio-
 ne atque insolatione fovetur, quoad primis fo-
 lia frigoribus exaruerint. Tunc enim obsita hoc
 bulbo testa in locum subducitur imbris qui-
 dem & gelicidiis inaccessum, sed tamen aëri per-
 vium, placidoque spiritu perflabilem. Hic ad me-
 dium usque Majum paulatim inarescere as sitire si-
 nitur. Eo demum tempore superposita bulbo hu-
 mus diligenter scalpitur atque egeritur: donec
 mater cum sobole demidetur: tum eidem matri

Narcissus
 Virginien-
 sis flore
 purpura-
 scente.

Narcissus
 Indicus è
 rubro cro-
 ceus, flore
 liliaceo.

adnati bulbuli seorsum ferendi subtrahuntur, radicibus, quæ semper terræ inhærent, immotis intactisque; ipsa verò superinjecto solo, quod modò subductum fuerat, operitur. Principiò potest sicutulosum fictile fontanam in aquam demitti, donec bene penitus humescat: in solem deinde pluviamque producit, atque, cum res poposce-rit, irrigatur. Quanquam aliis colonis annua mon- stravit experientia, nullis ab intacto incultoque bulbo blanditiis provocatum florem facilius exi- stere. Indicus uterque liliaceus narcissus, tum sa- turo, tum diluto colore purpurascens, in olerum raro arenosoque non nihil solo ad binos ternosve digitos depressus, & apricus prosperè solet efflore- scere. Quòd radicibus nititur immortalibus, nisi sobolis avellendæ causâ, nunquam eruitur. No- stris in hortis nondum exit in semen. Sphæ- ræ hortensis artifex numeroso flore, narcissus Indicus communem Indiæ narcissis culturam quatit. Nimius illi humor omni cura defen- dendus est; ne calor, quo maximè gaudet, aut extingatur, aut refrigescat. Indicum, seu Suer- tium narcissum gemino latiore folio, & flore pu- niceo sic tutò feliciterque seres. Bulbum amplo fictili cautiùs concedes: macra & sabulosa humo adobrues, ne pinguioris habitudinis præcrassa & squamea bulbacea cutis cum terrestri pinguedinis præfervido humore tabem combibat: in tres digi- tos

Narcissus
Indicus li-
liaceus tum
saturo, tum
diluto co-
lore purpu-
rascens.

Narcissus
Indicus
flore lili-
aceo Sphæ-
ricus.

Narcissus
Indicus ge-
mino latio-
re folio,
flore puni-
ceo.

tos pones: in aprico statues. Quoniam verò squamosus hic bulbus nimio inter squamas humori vitioque concipiendo est opportunus; à foliis Majo mense, aut paulò prius amissis, quod circumstat, solum inarescere sines: tum eundem bulbum, si terreno vase incluseris, in locum ab imbris quidem tutum, at folibus expositum recipies. Sin hortensi areolæ commiseris, arida recenti terra aggesta pluvialibus ab aquis, atque ab æstivis fervoribus unà corrumpentibus vindicabis. Ineunte Septembri, cum germinationis tempestivas appetit, ab areola sublato, quod in cumulum tumebat, solo, fictili autem in apricum producto, profusissima semel irrigatione siticulosum bulbum recreabis, ut ad germen incitetur. Hæc Tran-

Tranquil-
lus Romau-
lus.

*Croci, Colchici, Coronæ imperialis, ac
Tuliparum cultura.*

C A P V T . VII.

*Crocum
silvestre.*

Colchicum.

*Corona
imperialis.*

Silvestri croco tum verno, tum autumnali solum convenit citra vermes pingue, ac modicè insolata positio. Sationi dantur in altitudinem digiti tres, totidemque in intervallum. Eodem quoque versus interposito spatio, & paulò altiore quatuor. serè digitorum mensura Colchicum seres bono in solo, & satis aprico. Vastæ rotunditatis bulbus, cujus aurei flores in orbem nutantes. Imperialis coronæ splendidum nomen retulere, mediocriter macro apricoque olitorio solo ad quinque digitorum altitudinem, & palmari intervallo infodiendus est. Quoniam verò idem, tenerrima nudaque carne cum sit, incommode abest à terræ gremio; transmoverti non debet, præterquam si satis adulta subtrahi postulet fœtura. Septembri mense eruitur, & reseritur. Nulla à fatu seminis vicissitudo provenit coloris. Observatum est, ab eodem hoc bulbo prælagiri & præmonstrari temporum vices. Ubi enim is caulem trudit, desuisse frigora significat: erutus quoque siccoque in loco sepositus, ubi fibras mittit, imminentes pluvias, frigidioresque tempestatem prænuntiat. Illud etiam habeo longo compertum periculo

riculo affirmare, flores hosce maternam plantam
 pronis velut gratum in obsequium verticibus co-
 ronantes transalpina inter frigora, quàm in Roma-
 na temperie, florentis auri numerosiore ambitu
 splendescere. Tulipæ familiari eximæ pulchritu-^{Tulipæ.}
 dinis arrogantia cæterorum florum odere consor-
 tium. Ternos digitos in depressionem exigunt,
 in distantiam quinos. Mediocritate lætantur Solis,
 & soli: hujus, ut bulbi tutiores; illius, ut flores diu-
 turniores sint: ne scilicet hujus pinguedo teneros
 vixit; illius fervor serotinos adurat: ne denique
 necesse sit obtentis velut castrensibus velis cum
 cælo & sole pugnare. Tutissima satio est, quæ cum
 totum bulbaceum corpus, tum in primis averfam,
 quæ fibris fruticat, sedem jejuno infodit solo; le-
 ve deinde, ac validum ternos circiter digitos altum
 superinjicit. Experimento didicimus in ea simo-
 sa terra, quæ superiore anno in anemonarum ali-
 tura fervidioris pinguedinis uber nonnihil emun-
 xerit, tulipas & mirificè adolescere, & magnificè
 efflorescere. Quin etiam amœnissimi flores, hi
 maximè lætantur alunturque ad amœnitatem inso-
 litam eo terræ flore ac polline, quem è declivi lo-
 co delabens aqua delibat, ac devolutum in imo si-
 sit. Læctissimarum præcipuè, pulcherrimisque
 coloribus distinctarum bulbi grandiores à folio-
 rum jactura quotannis erui statim debent; ne diu-
 tius obruti decrescant, aut mirabili latebrarum
 amore

amore descendentes pessum eant, aut etiam tun-
cis, velut in calcis concretionem, obdurescentibus
lapidescant, aut demum æstivis quâ pluviis, quâ
caloribus suffervescit exputrescant. Quæ simpli-
ci probabilique colore vernant minùs nobilium
tuliparum bulbosæ radices, continenti biennio hu-
matæ utiliter interquiescunt; dum tamen, ubi folia
evanuerint, aggeratâ quaternos in digitos humus
æstivas propulset injurias. Priore autem anno illæ
pariunt, altero partum amplificant; tertio, nisi edu-
cantur, fœtus adhuc invalidi novâ minutula prole
superfœtant, exhaustique attenuantur: quinetiam
complusculis simul involuti membranâ abincluso
superfluo humore sæpe tabescunt; id quod exin-
de malignus florum proventus ostendit. Quam
nonnemo laudat atque usurpat lateritii pavimen-
ti moram, ne depositæ tulipæ sese altius demit-
tant, à summa humo interstitio palmari substra-
tam, & supervacaneam puto, quia vix in palmi
dimidium solent hi bulbi descendere, neque no-
biliore tulipæ quotannis refodiendæ in altiores
latebras abeunt: & præterea noxiam, quia inter-
vallis, quæ lateres angustè disinent, paulatim den-
sata humo expletis obturatisque pluviatilem hu-
morem transmittens via sic præcluditur, ut eo
largiter concepto mollissima hæc bulborum na-
tio plerunque marcescat. Si tuliparum bulbis
extra terræ gremium quàm maximè consultum
velis;

velis; eosdem cohærente cum sobole, cum universis membranceis involucris, atq; adeo cum ipsis aridis fibris, concretoque cum solo crues: tum aperto, non tamen aprico loco per quadriduum, ut siccescant, expones: in sicca denique frigidaque cella papyro involutos habebis: cum tempus referendi fuerit, adhærescente humo, extimis exuviis, fibrisque detractis, iidem bulbi cum adnatis nucleis incolumes integrique reperientur; quos, si vixdum erutos improvidus cultor tutelaribus iis sordibus liberaisset, facile durior instar calcis concretio corrupisset. Cavendum verò est, ne nobilissimi generis matri adhærens pusillus hæres exteriore arida membrana denudetur; quia nudulus noxam ex facili contraheret. Quoniam præterea frequenter est, ut appendix illa nervosa, & candida, quæ bulbulos gignit, emergens in apricum, summoq; solo natans rubescat ac vitietur; diligenter aggesto solo adobruï debet, ut felicius fœtificet. Et quanquam solent inanes tunicarum exuvix inveniri, exhaustis matribus, quæ tam profuso sese partu eviscerarunt; nonnullo tamen interdum residuo succo concreti, & posthumi bulbuli inter membranaceas veluti secundas delitescunt, cautè secernendi. Jam verò seminis optimi feraces tulipæ feligendæ sunt. Id è serotinis, quàm è præcocibus, utilius, quippe magis varians, colligitur. Solent in hunc usum præferri tum candidæ, nigris; aut violaceis, aut cæruleis unguibus infuscatæ: tum coccinæ, unguibus

bus ex cæruleo in violaceum inclinatis, alboque circulo coronatis rariores. Utraque enim florem genus discoloribus maculis decenter aspersum seminabit. Verum si quis versicoloris picturæ rariore gloria flos inter cæteros excellat, in semen abire permittendus non est, sed maturè legendus; ne bulbacea mater exhausta vel decrescat, vel præmoriatur. Adde, quòd ab istiusmodi flore, in quo unguis internigrare minimè solent, inutile semen existit, in unius nempe coloris flores sæpius degenerans. Folliculo sponte sua jam dehiscente semen legitur: ubi primoribus imbris September immaduit, intra fistile in olerum bono minutoque solo dimidiatum altè digitum de more deponitur. Nisi circumacto biennii spatio prognati bulbuli non effodiuntur: grandiusculi à minusculis segregati in seminarii pulvinis, aut certè in fistilibus referuntur. Ita confiti quarto demum quintove anno flores non paucos decoris maculis conspicuos dabunt. Compertum verò est, in pingui solo seminibus satas tulipas eodem in bulbos adultas velle nutriri. Perficæ tulipæ pusillus bulbus brevi duum digitorum mensura mergitur, trium intervallo se jungitur. Omnibus annis refoditur; alioqui sese altè illatebrat. Nequicquam semine seritur, quia colorem non variat. Reliquam culturam exigit cæteris parem.

Fri-

*Fritillaria, Iridum, Liliorum, Orchis, atque
Ornithogalli cultura.*

C A P V T V I I I.

FRitillariæ, non palato, sed oculis gratæ Me-
leagrides, soli pinguitudine, situs opacitate
ac frigore; nec non tempestiva per æstivos
fervores irrigatione delectantur. Fictilibus ma-
lunt, quàm areolis, infodi; ut ab intempestate cœli
tuta in loca subducantur. Digitorum trium demis-
sionem, ac totidem intercapedinem amant. In
floribus legendis quàm minimum cauliculorum
decerpatur: quia nocentissimum id bulbis est.
Hosce sæpius refodi non patitur parvitas & nu-
ditas. Septembri mense (ubi respocet) eruen-
tur, si tamen annus refrixerit; continuoque satum re-
condentur. Nisi statim referi possint, diu saltem in-
obrutum ne sint: quia parentis altricisque telluris ex-
ules mœrore senioque rugati perniciosè exarescunt.
Semine sati florum colore à parentibus non dege-
nerant. Irides, quarum bulbosa radix, mediocri so-
lo ternos in digitos; quarum durata in tuber, sive (ut
vulgò dicitur) tuberosa, macro siccoque mergun-
tur in binos. Illæ quaternis digitis; hæ palmari
spatio determinantur. Illæ solem ferme fugiunt;
hæ quærunt. Bulbosæ demum, itidemque tube-
rosæ tertio quoque anno sub extremum Julium
men-

*In bulbosa,
ac tubero-
sa.*

*Iris prima
Clusii, &
Persica.*

mensē eruuntur, Septembri referendæ. Iridem Clusii priorem, alteramque Persicam in olerum temperato solo, & aprico loco tres altè digitos depones: crassas bulbi radices bene divaricabis: ne quam incautè revellas perfringasve, custodies; quia gravissimæ id noxæ est: palmaribus interstitiis separabis: è terræ sinu non educes, nisi ut prolem subducas: utranque operam Septembri mense præstabis: è semine nequaquam degenerante

Lilia Silvestria.

discolores vices non expectabis. Silvestribus, sive montanis, atque adeo peregrinis liliis, quibus martagonum nomen ætas recentior imposuit, amica est olerum subpinguis levisque terra; solibus parum ostenta, & frigida, non tamen humori nimis opportuna positio, palmaris denique tum descensio, tum distantia. Bulbi, nisi ad sejungendos fœtus, emovendi refodiendique non sunt. Tempestivè transponuntur, cum prope jam defloruere: tunc enim veteres fibras amiserunt. Ipsæ quoque humi positæ bulbaceæ squamulæ tandem adolescunt, & rotundantur in bulbulos. Semen jacitur citra spem varietatis. Æstivus fervor frigore gaudentibus exitialis est. Hic ergo ipsis aggesta humo, aut quo alio diligenter obice defendetur. Veruntamen hæ frigidioris Germaniæ peculiare & vernaculæ plantæ nostrorum ægrè ferunt hortorum teporem; intimamque ægritudinem parco flore significant. Orchis, & Satyrium in humidis atque opacis

ad

ad quinos digitos deponuntur. Vulgare ornithogalum narcissi culturam desiderat : Peregrinum, quod & Indicum vocant, Romæ in pretio habetur, ac studiosè colitur. Solem amat è patria solis oriundum nostratis plagæ frigora pertimescit. Ea re in fictili intra bonum & validum solum Hispani odorati junceo folio narcissi ritu custoditur, ad binos digitos Septembri mense defossum. Ab asperrimæ hiemis intemperie sub tectum ac tutum locum revocatur. Frequenter effodi non vult. Si quando tamen effosso fuerit opus, id fiet dilapso jam flore, maturoque jam semine : statim enim recentes agere fibras incipit.

Hyacinthorum cultura.

C A P V T IX.

HYACINTHUS utpote genere multiplex, colore varius, florum ubertate diversus, præcox, tempestivus, serotinus, debet hortis infodi numerosus ; ut in species renideat universas. Huc adde, cohærentibus eundem spicis, quæ nisi bimæ trimæve copiosè non efflorescunt, adeo sobolescere ; ut ad florum segetem plerunque sterile scat. Quare feri plurimus debet, ut nonnullus uberrimè floreat. Apricissimum

Ornithogalum.

Hyacinthus
quolibet.

Cæruleus
polyanthes.

num locum plerique hyacinthi quærunt. Hyacinthinios bulbos à bulbosis aliis radicibus utiliùs segregatos inter palmaria spatia disponemus, itidemque palmari altitudine deponemus. Hæc tamen iis convenit bulbis altitudo, qui iusta magnitudine sunt, quique scapos multo flore convestiant. Cæteri pro corporis mole ad senos, quater nos, binos etiam digitos descendant. Universi verò, nisi fatiscant in sobolem, intra quadriennium non effodientur; quòd extra terræ gremium sterilitatis, & corruptionis discrimen subeunt. Sic autem rectè feritur in primis & simplici & multiplici flore cæruleo polyanthes. Solum gracile, non ita leve, nec ubertate nimia defatigatum effœtumve, sed satis robustum, imò etiam antea rude immotumque, quamvis exile, mirabili proventu bulbo substernitur, & circumfunditur. Utiliter deinde bonum & pinguius superingeritur; ut illud nimiam fœturam tabemve prohibeat, hoc temperatæ pinguedinis instillatione abundè nutriat ad floream fertilitatem. Quoniam verò senio, partuque fatigatur humus; junior identidem, & vegetior substituetur: adhærescens matri soboles non annicula, sed bima subtrahetur; quia materno feliciùs ubere adolescet, ac tertio demum anno fertilem in ventrem rotundata numeroso flore luxuriabit. Hyacinthus præterea candido flore præcox, quia priore post sationem anno minutissimos

Albus brumalis.

fimos bulbulos sessili per ambitum vertici hærentes
 denticulata serie prodigiosè ferax profundit cir-
 cumacto biennio cum adultiore sobole eruendus
 est. Caterùm bulbosas hyacinthorum radices, qui Albus sero-
tinus, sub-
rubens, &
violaceus
caule folia-
to.
 singulis in scapis plurimi serò candicant, qui diluto
 colore subrubent, quique secundùm violaceos flo-
 res longas foliorum ramolas porrigunt, maiore
 humo circunteges; quaternos in digitos tantummo-
 do demittes: ubi folia exaruerint, quotannis reso-
 dies, ne dulci teneraque carne delicati ab imo verti-
 ce fibris comante vitium capiant, vermiculentur &
 computrescant. Herbeo virore florentem hyacin-
 thum ab assiduo sole salubriter dislinebis, ne diuturno Subviridis.
 calore perustus viror in tristiores palloris colo-
 rem cinerescat. Racemosus hyacinthus macra humo, Racemo-
sus.
 aprico positu, quinos senosve digitos alta depressio-
 ne latatur. Debetur hyacintho botryodi inodoro, Botryodes
inodorus,
Belgicus,
Hispanus
serotinus,
& obsole-
tus.
 Belgico, Hispano serotino, atque obsoleto bonum
 solum & parum apricum, trium digitorum altitudo,
 par aut digito majus intervallum. Stellatis Peruanis
 hyacinthis olerum subpinguis & robusta humus, nec-
 non à sole non nihil averfa positio commoda est; ut
 caulis desiderio sideris procerior ac decentior exci-
 retur. Quoniam autem bulbi oppidò capitati sunt,
 nucleosque grandiusculos procreant; palmo laxiora
 per intervalla disponuntur: quaternis digitis subside-
 re satis habent: Julii mensis exitu effodiuntur. Spu- Botryodes
odoratus.
 rius ille hyacinthus, quem Byzantii cultores suavi

X

voca-

vocabulo *Muscari* appellant, loco eximiè pingui modicèque aprico, inter palmaria interordinia, in palmi dimidium depressus ponitur. Perrarò idem eximitur, cum videlicet suæ ipse numero sobolis opprimitur; quòd æternis humus radicibus complexus à matre simul vitalique profectu incommodè avellitur. Neque verò statim, atque ipsum effoderis, radices adhuc succosas carnosasque extorquebis, ne vivida visè vulneribus expiret; sed aridas tandem atque emortuas subtrahes innocentè. Quamquam refodere Septembri mense præstiterit, eodemque mœx detractis fibris attonsum inhumare: quia, si diutius absit à terra, noxam ex facili capit. Proderit etiam quotannis, cum prima exire folia incipiunt, intactis tenuis radicibus veteri effœtaque terra subducta, recentem fertilemq; sufficere. Hyacinthum in lugubris cupressi conum turbinati festivâ imitatione cupressinum, mediocris apricitatis peramantem, & propter ramosum silvofumque florem ab aliorum consortio florum palmari divortio segregem, quatuor altè digitos demersum olitoria subpinguis humus utiliter excipiet; nec, nisi revolutò triennio, amovendæ sobolis ergo remittet in lucem. Hyacinthus, seu potius asphodelus tuberosa radice Indicus polyanthes, odore jucundissimo, bonum, leve, robustumque solum, apricissimum locum, liberalem tota ætate irrigationem postulat. In fictili, quàm in areola, eventu lætior respondet; quòd in hujus laxitate nimium fœtificat:

Cupressi-
nus.

Tuberosus
candidus.

cat : in illius angustis parcius propagata tuberculorum posteritate, vegetos conatus effundit in florem; ac tempestatum injurias gestatorio declinat hortulo. Solitarius, aut sociatus palmaris latitudinis cubile desiderat : in tres quatuorve digitos deponitur : ingruente jam frigore in contactum quidem, at perflatilem locum recipitur: quotannis decresciente Martij mensis luna eruitur: peregre mittendus etiam dimissis foliis, tutò effoditur: adultior, & facilis revelli soboles abjungitur: prolixum fibrarum capillamentum ad arbitrium strictum summatisve attondetur: idem tuber præscripta ratione referitur: fibrarum coma excitato terræ cumulo circumfunditur. Semen, quod floris colorem non variat, nostratis more feminis hyacinthi differitur. Ut autem nostrorum mirè degeneret hyacinthorum color & numerus, hac arte semen leges, hac infodies. Ex eo bulobo cujus vires nulla soboles adnata delibet, plurimis convestitum floribus primigenium caulem reservabis: altero tertioque loco genitos succides: ubi flores prope jam evanuerint, caule decacuminato, summos ac ple-rosque amovebis: tres quatuorve imos relinques, in quos vigor omnis uberrimè confluat: à maturitate jam fatilcentes folliculos, & nigella seminum grana præmonstrantes colliges: in Septembrem, vel Octobrem usque proximum opportuna in cella repones: alterutro è prædictis mense in altis & peramplis fistilibus, bona alitoria humo repletis, semen rarissimè

Hyacinthi-
ni feminis
delectus, &
satio.

differis; quippe toto biennio, donec in grandiusculos bulbos adoleverit, transmoveri non postulat: cū opus fuerit, irrigabis: à frigore in aprico, ab æstu in opaco tutaberis: ab amissis foliis, curabis, ut semper humus non nihil humeat, ne perparum succosi recentes bulbuli arido in solo penitus exucti arescant: pinguem anno exacto humum superingeres, ut, quæ subjaceret, ob diurnam alituram exhausta pinguioris accessione revalescat: elapso biennio erutos bulbos, cum ad juglandis magnitudinem excrevisse solet, in seminari pulvinis inter laxiora intervalla paulò altius mox inhumabis, ne tenera parvitas diu inobruta lædatur. E primi rudimento floris, quem tertius à satū annus plerunq; citare solet, specimen indolis capere non satis licet: id autem annus insequens palàm faciet. Primum deinde triennium ostendet, ad quem florum numerum singulis in scapis eniti fœcunditas possit. Quos igitur bulbos intra id tempus bellè copiosèque florere animadvertis, retinebis; degeneres exterminabis. Neque enim uberior in posterum proventus, aut flos numerosior sperandus est.

Cyclamini, & floris Indici è violaceo nigricantis cultura.

C A P V T X.

Cyclami-
nus.

V Traque cyclaminus, tum verna, tum autumnalis intra testas ampliores inhumari vult, ut uberior floreat, utque tutior perennet. Levi quoque, non tamen effœto, sed pingui solo

solo auctior extuberat in ventrem, & pulchrior capillatur in florem. Binos altè digitos deponitur; ne altiùs obrutus tuberis oculus, dum lucis desiderio nimis assurgit, vim floris procreatricem longum absumat in incrementum. Flos, & folium hierno frigore infestatur. Autumnalis in umbra sublustri, dubioque sole floridior nitet: ipso enim adhuc fervido anni tempore satis caloris habet etiam in opaco ad florum citandam uberem paritutam. Vernaloco gaudet apriciore: quia extrema vernare incipit hieme, cum sol adhuc remotior plantas languidè fovet, ac leviter ad florem paratum extimulat. Tunc autem transponenda solum est, ubi jam adultior alimentum ac feracitatem ultra non ducit à terra, & fictilis angustis compressa strangulatur. Argumento erit foliorum silvula densior, ipsoque fictili diffusior. Illud extrahenti cautè custodiendum est, ut, quæ concrevit adhæsitque fibrarum capillamento humus, ne decutiat, neve excidat. Alioqui enim creberrimæ capillacæ fibræ novo satù explicari non possent; impexæ verò confusæque ex facili putrescerent, ipsumque tuber corrumperent. Ad hæc circum fibras inaresacta eadem vetusta humus ab recentis circumfusa & contigua uligine sensim humescit, elicitque vires alendo tuberi pares; quod, cum suaapte natura humidum sit, magis uliginosam recentiore terram non sine contagionis periculo continget.

bum degenerante. Indici floris è violaceo nigri- Flos Indicus è violaceo fuscus.
cantis tuber terreno in vase ad binos ternosve digi-
gitos depressum, & mediocri solo adobrutum lax-
tius provenit, sole gaudet, frigore contristatur.

Anemones cultura.

CAPUT XI.

ANemone latifolia, utpote existere, flore- Anemones lato ac tenui folio serendæ tempus.
re, ac sobolescere contumacior, quàm
quæ tenui folio est, maturius, nempe
triduo ante plenam Septembris lunam seritur.
At verò tenuiore folio anemones, hieme præflo-
rentis, ac præmaturè deflorescentis, aut sæpe etiam
à frigore abortivæ sationem Octobri mense tem-
pestivam in primis esse, diuturna docuit experien-
tia. Quin etiam violacea, atque albo rubroque pi-
cturata, quippe quæ vernare præfestinant, No-
vembri mense utiliùs inhumantur; ut clemen-
tiore veris tempestate seriùs quidem, at pulchriùs
efflorescant. Utranque tum tenui, tum lato fo- Locus.
lio anemonen ad radicis diligentiorém tutelam,
ad uberiorém & sobolis & florum proventum, in
fistilibus deponimus: cribrariæ quoque olerum Terra.
terræ præscripta superiùs ratione committimus.
Ea tamen in primis placet ponendæ anemones for- Modus.
ma, quàm Tranquillus Romaulus, Romanæ amœ- Tranquillus Romaulus.

nitatis cultor & propagator eximius, felicissimè usurpat. Is enim vetustissimum fimum, qui penitus in terram abierit, pinguem, levem, ac probè maceratam, nec malè olentem, nec igneo halitu vaporantem prætenui cribro succernit substernitque in fictilibus: ipsas insuper radices ad crassitudinem duum digitorum macra tenuique humo circumtegit: cribarium denique ejusdem generis fimum superingerit; ut & contigui soli frigida macritudo stercorearium, nempe humidum calorem ex facili corrumpentem à turgescensibus radicibus distineat ac temperet, & remotioris fimi maximè alibilis pinguitudo radicum aviditatem per exporrectas fibras expleat & fecundet. Illa denique anemonen feliciter educabit, & liberaliter amplificabit humus, quam (sicut in tuliparum cultura præmonui) pluvia in proclive decurrens, utpote leviolem mollioremque, devexerit. Neque

Collocatio. verò una eademque radicum omnium debet esse collocatio & situs. Nam quæ ab omni vitio innoxia sunt, supinis oculis pronoque ventre statuuntur; quòd magnam terreni humoris vim cœlesti calore extenuati elatique integris viribus validè trahant, ac pulchrè concoquant in absolutum sui alimentum incrementumque, atque adeo in tuberculorum florumque sobolem numerosam. Lingulæ autem, summa parte oculatæ, non directò deorsum, neque in latera, sed latiore in partem, quæ

quæ tamen oculum deorsum non invertat, leviter inclinatæ collocantur. Etenim, si, qua sunt parte latiores, humi nonnihil pronæ insideant, plus è terra vitalis genitalisque succi recto itinere transfusi exugunt & combibunt: ex quo fit, ut ad vitam sæcunditatemque & enutriantur, & convalescant. Is autem succus calida vi evectus, nisi radicum latas offenderet moras, magna sui parte per tenuissimos terræ meatus inutilis evanesceret. Cur igitur (dicat aliquis) non præstiterit anemonarum linguas æqualiter humi suas jacentesque deponere, ut quò largius, eò sæcundiùs humescant? Equidem istam esse ajo ejusmodi radicibus incommodam & noxiam posituram: quia ubertim haustum humidum nutrimentum in floream luxuriam digeri satis effundique non potest ex oculis in transversum jacentibus, qui supinum exigunt situm, ut sursum versum amore solis adnitentia germina feliciter profundant. Quamobrem ut homines, sic plantæ, ipso, quod non perficiunt, alimonio necantur. Quòd si subsectarum radicum ima pars defecto vitio cicatricosa sit; non debet omnino recta, sed quadantenus obliqua deponi. Etenim vulnere læsa, atque etiam semimortua vitalem vim non habet ad uberem terræ humorem concoquendum, qui, cum semper in sublime feratur, à sole vaporatus, iis præsertim, quæ habitu sunt imbecil-

lo

Interval-
lum.

Apricatio.

Lociposi-
tio.

lo maloque, corruptionis origo est. At verò hu-
mi acclivis non corrumpitur portio vulnerata:
quia plurimus, qui rectà sustollitur, vapor inof-
fenso transitu per soli spiramenta transmittitur;
parcior autem, quique ab infirma ægrotaque ra-
dice in alituram fœturamque digeri possit, sensim
atque innocenter eidem sese insinuat. Mirificè
quoque convalescet & proficiet anemone, sive æta-
te, sive morbo imbecilla, si fœcilium cretæ cocti-
li contigua inhumetur. Quæ justum cepit incre-
mentum, in palmari seritur intervallo, & in qua-
ternos digitos demittitur: quia, summo paulatim
solo subsidente, in trium digitorum congruen-
tem altitudinem decrescit altior demissio. Mi-
nusculæ radices minore altitudinis intervallique
mensura disponuntur. Solem omnes quærunt,
præcipuè hibernum, quo floreat ad partus inca-
lescunt. Spatiosum quoque cubile, apertamque
loci positionem, & liberum cælum postulant:
quòd hæ complurium dissimiles plantarum & mul-
tis in latitudinem fibris capillantur, & humilem
foliorum silvam latissimè spargunt. Quòd si præ-
focantibus loci angustis in sublime nitentia, atque
officiente opacitate solem quærentia folia valde sus-
tollant; emaciatis, abortivos, rarosque flosculos
dabunt: procerissimos verò cauliculos mordentia
frigora succident, everberantia flamina proster-
nent;

nent; quibus cauliculis brevi arefcentibus, radices
 ipsæ notabilem noxam concipient. Quanquam ^{Tutamen-}
 autem frigidas hiemes non reformidant anemo-^{tum.}
 næ; siquando tamen bruma præter morem nivalis
 & prægelida sæviat, non ab re fuerit in locum ab
 aquilonio frigore aversum, unique solis tepori pa-
 tentem confita vasa tantisper recipere, dum gla-
 cialem rigorem clementior aura regelaverit. Ri-^{Rigatio.}
 gatio ministrabitur eo, quem superius tradidi, mo-
 re; cum tellus minimè nigrabit, sed solutior pul-
 verabitur. Horæ rigandi matutina hieme, ve-
 spertina vere. Cæterùm, etsi mobilium testarum ^{Locus in}
 tutoribus in pulvinis molles anemonarum plerun-^{areolis.}
 que radiculae deponuntur, non rarò tamen, quæ
 præsertim robustiore sunt habitu, bulbis insertæ
 sic digeruntur; ut illi mediæ, extremas hæ areas
 atque angulos occupent, ne foliosiore bulborum
 nemore obruantur: ut certè per angustiores
 hortorum oras, & veluti fascias, quæ cæteras am-
 biunt ac definiunt areolas, sic seorsum tribuuntur;
 ut cujusque generis singulæ, binæ, ternæ, aut qua-
 ternæ, alia discoloris floris radice distinctæ, colorati
 discriminis ordinata serie interiorem hortensem
 amœnitatem elegantissimè coronent. Diuturno
 autem experimento comperimus, anemonas humi-
 da hieme in fœtilibus, sicca in areolis melius pro-
 venire: quia superfluentem pluvie hiemis humo-
 rem fœtilia facile transmittunt, atque intra textum
 sub-

subducta, seu tantum acclinata nimium imbrem declinant; areolæ verò per sicca etiam frigora propter laxiorem profundiorēque humum satis hument. In areolis positæ anemonæ olitoriam item terram, exiliorem tamen minusque minutam, quàm in fictilibus humatæ, desiderant. Ad binos digitos demerguntur; palmari spatio distantur. Præcipitis impetu imbres nudatæ iterum ac diligenter adobruuntur. Quoniam verò radices eadem frigoris humorisque temperiem requirunt; idcirco definientibus areolas laterculis proximæ & prope contiguæ utiliter asseruntur. Placet nonnemi fugacis quæ nominis, quæ floris anemonas, quippe quæ ventum sonant, ac vento facile diffantur, toto anno vernare. Idcirco radices illarum quotquot mensibus obruit, foliisque fibrisque postmodum arefactis, eruit: atque, ut annuæ tempestivitatē constantes vices custodiat, quo mense radicem unamquamque semel severit, eodem semper in posterum reserit. Verum auctore me nemo istud assiduum ver à delicatis radicibus extorqueat: quod præpostero, atque intempestivo satū sæpe abortiuntur; ac sæpius etiam, suas violari leges indignante natura, non pariunt, sed pereunt. Solent minutim confertimque ocellatæ radices, ejus præsertim anemonas, quæ Persicæ arboris flori concolor subrubet, aut quæ sordido pallore albicat, in densissimam foliorum

Satio cre-
brior no-
xia.

Sterilitas
emendan-
da.

rum silvulam, sine floribus inamœnam evirescere. Sic nimirum sperata mortalibus felicitas ipso frequenter flore fraudatur. Quærenti quid sit, cur folia pro floribus exeant, hanc habeo subjiciendam causam, quòd illiusmodi radicum oculi spissa genitura indistincti conglobatique nequeunt fertili terræ complexu commodè foveri, purioremque succum exugere, quem efferant in flores. Quare, quæ crassiori alimento congruat, fusca foliorum viriditate silvescunt. Sic igitur hæc radices ad bonam florum frugem revocato. Confertos oculos dejungito, ut efficacem singuli fundendis floribus tenuem humorem trahant. Serissimè serito, ut, qui solis accessu jam probè concoctus attenuatus est, terræ succus sese faciliùs in radices insinuet, atque inde in flores egerminet. Illud autem in ea, quæ lato est folio, *anemona* Abortus impediendus. peculiare ac mirabile monstrum sæpe visitur, ut ex eadem radice flores tum foliosi, tum simplici foliorum orbe degeneres existant. Abortus istius origo est ipsa radix multorum incommodè fertilis oculorum. Genitalis enim succus & vigor, dum in plures latè oculos dissipatur, in singulis parvus & invalidus frequenter in abortivum & mancum germen evanescit. Qui verò numerosa foliorum serie confertissimos fundit oculus flores, hic & plus elicit humoris, & eate-
 nacitate pollet, quæ vim inclusam, floris feracem,
 aliò

aliò distrahi non patiatur. Quamobrem idem & circumligante pediculum filo præsignandus, & à cæteris deinde ad optimam sationem dejungendus est. Hieme præproperæ degeneri plerunque abortu orientur anemonæ. Quare, si quæ macie tenuatæ exuâtæque appareant, solo tenus amputabuntur; ut retardata fœcunditas tempestivos absolutosque in partus vegetior erumpat. Neque verò expedit in floream fœturam exhauriri delassarique radices: sed ultra duodenos fœtus attondenda luxuries est. Flores forficulis utilius succiduntur, quàm ungue demetantur: quia ipse demetendi nifus radicem solo leviter hærentem sæpe revellit, aut luxat. Quotannis, aut altero quoque ad summum anno distrahendæ sobolis ergo emeritæ radices refodiuntur: aggerato interim solo ab æstivis fervoribus, pluviisque vindicantur; coque post imbres autumni primores subducto exonerantur. Quanquam æstatis caloribus imbribusque defendendis cumulatim aggeratum solum areolis quidem peropportunum, at ficiilibus prope irritum munimentum est. In angustiora enim atque extantia ficiilia nimius & calor, & humor se penetrant. Unum ergo potissimum tutamentum est recessus. Quapropter, ubi consitæ jam testæ defloruerunt, in locum recipiantur Solis radiis; humorique pluvio subductum, animabili tamen ac spirabili elemento pervium apertumque, & salubri aurâ perflabilem.

Luxuries
coercenda.

Exemptis,
& custodia.

lem. Id enim temporis ab æstivo ardore quâ foliis exuctis exustisque, quâ subeunte ad eadem folia humido alimento, in parentum sinus refuso repulsoque, radices quàm maxime humefcentes infervescere atque interire periclitantur. Quas efodi non placet, Septembri mense superinjecta digitum alta pinguior humus refovebit. Extremo Junio cum concreto & cohærente solo fibrisque refoßa sicca in cella reponuntur. diebus octo exa-

Diviso.

Caries er-
denda.

mar-

tem ob eam ipsam causam quærunt radices, quæ, ^{Semen tem-}
 licet incorruptæ sint, senio tamen laborant. ^{pestivè col-}
 color & planè admirabilis anemonarum varietas ^{ligendum}
 jacto semine comparatur. Semen optimum in- ^{de seren-}
 ter anemonas latifolias, quæ foliosior floret, ple-
 runque dabit. Ex iis verò, quæ tenui folio sunt,
 simplici flore vernantes solæ feliciterque semen-
 tant: earum enim semen in flores nonnunquam
 degenerat colore varios, foliisque multiplices.
 Geminam ex ejusmodi satu anemonen insignitè
 conspicuam nuper suscepit Joannes Baptista Mar- ^{Joan. Bapti-}
 telletus, qui Janiculi montem cognomento Au- ^{sta Martel-}
 reum cultissimis hortis nitidiorem facit. ^{leitus.}
 Altera
 oriunda è pallido flosculo rubris maculis guttato
 paleæ pallorem suavi rubore virgatum circumfu-
 sis explicat in foliis, eundemque densa surrigit in
 coma. Candidam alteram purpureis unguibus bi-
 colorem, duplicique lacinoso apice tum xeram-
 pelino humilius, tum subrubente celsius cristatam
 mater peperit filix quidem concolor, at simplici
 foliorum ornatu ignobilis. Meridianis horis tem-
 pestivè legetur, dehiscente jam lanuginoso globu-
 lo, siccissimum semen cum exiguo cauliculi, ut
 melius maturescat. Rectè spargitur vel Augusto
 mense, ubi jam Leonem lustravit sol; hoc enim
 anticipato satù intra octo menses properus plerun-
 que flos indolem præmonstrabit: vel certè duo-
 decima Septembris luna, nempe cadic, quæ tri-

Y

duo

duo plenilunium antecedit. Sic autem deponitur. Præpinguis, levis, maceratique soli cribraria farina in fictili catino substernitur. Super eadem lanuginosi seminis congeries tenuiter latèque explicata digeritur; aut certè utiliùs eadem ante sationem cum prætenui solo in aveolo, vel in patina confunditur & permiscetur, donec, invicem discretis penitusque cum terra confusis minutis seminibus, unus & unicolor terræ acervus appareat: ea deinde mistura rarissimè differitur. Ejusdem generis solum supercernitur cultri crassitudine. Binæ, ternæve matutini solis horæ, dum exeat in herbulam semen, indulgentur. Aquulæ præterea minutum ac lene stillicidium identidemirroratur, ne leviter obruta sementis guttis grandioribus denudetur. Hæc autem usque adeo ministrabitur irrigatio, quoad singulis è seminiis terna folia exierint; quibus pro incremento humus eadem angustissimo incerniculo transmissa inspergetur, donec digitali radices altitudine obruantur. Cæterum, ne hibernis algoribus nocturnisque gelicidiis inflata & fermentescens terra summo tenui solo depresso, & raris brevibusque fibris in hærentes radículas suspendat, ac regerat in apertum, ejectasque disperdat, ipsis constitum vas apricissimo loco, qui gelida tepeat hieme, statuetur. Ubi folia inaruerint, à pluvia & sole intra frigidam porticum revocabitur. Nec ante medium Septembrem eadem radiculæ

diculæ refodientur, ne solis halitu exuctæ ac retorridæ dispereant. Mox adultiores separatim humi deponentur; minusculæ in catillis humabuntur. Sic tum probabili flore eligendæ, tum degeneri rejiciendæ internoscentur:

Ranunculi cultura.

C A P V T XII.

Ranunculus Byzantius, sive Asiaticus, radice in grumulos coagmentata veluti multipes (hic enim præcipuè in hortis colitur) antequam terram subeat, natare vult, donec per solidas quatuor & viginti horas frigida insuccatus & præmollitus ad facile germen intumescat: ut in humore terraque vivax rana in florem transiisse, nec tamen indolem nomenque amisisse videatur. Septembri mense ante plenam lunam, triduo intercedente conseritur. Ex hominis resolutò fimo concreta humo præpingui humidaque nutritur. Summa tellure lætatur in binos digitos demittendus, angusto intervallo in quaternos ternosve disponendus. Diversi generis floribus infociabilis solitario satù deponitur: assitos enim igneo frequenter veneno exurit & enecat. Primò expetit solem, qui florem ardentissimè coloret; deinde umbram, quæ diutius eundem tucatur. Ea

Ranunculus radice in grumulo accrevit.

re commodius in fictili deponitur. Siquando irriguam aquam in sicco sitiāt, adaquandus: siquando familiari ranis inconstantia exiliat, aggesto solo tegendus est. Ut primū folia cauleſque inaruerunt, effodi statim debet; quod æstivis tum imbribus humoris avidus profilit e terra, tum fervoribus retorrescit & corrumpitur. Hujus perſimiles acervatis in grumum radiculis, at simplici flore dispares ranunculos in olerum terra pinguiore à sole nonnihil averſos ita obrues, ut eadem binis digitis altè superveniat, quaternis intercedat: quotannis erues, ac superioris instar custodies: ut cetera spem foliosi floris colere degenerent, semine ſeres. Qui rutz folio virescit, foliosoque flore flavesceſcit ranunculus, quærit vas fictile, bonam olerum terram, apricam positionem, digitorum in ſatu duum altitudinem, trium intercapedinem. Radice molli nudaque cum ſit, diu inobrutus noxia obnoxius est. Septembri mense eruitur, & ſobole ſubtracta, reſeritur. Quare ubi foliorum vires exaruit, frigidum in locum recipitur, ac Sextilis mensis imbribus, ne novas citet ſibras, ſubducitur: aut certè utiliùs amiſſis foliis ſtatim effoſſus, iterumque conſitus in averſo ab æſtivi ſideris radiis angulo deſiteſcit; ut æſtatis imbres, ſibrarum illices, in eundem bellè depoſitum innocenter, atque adeo ſalubriter incidunt. Non abſimilem cultum deſiderat nemoreſis ſibrata radice, alboque

Flavus
multiplex
folio rutz.

Fibratus
flore pleno
candido.

que flore multiplicis Ranunculus. Terra enim pariter olitoria humectaque, vase fictili, duum digitorum depressione, post amissa demum folia subdiali opacitate lætatur: mediocri verò apricatione contentus est; nec extrahi vult, nisi ad sobolem secernendam, ineunte autumno, statimque adobruui postulat, discretis passisque capillaceis fibris; quemadmodum Iridem Clusii priorem ferendam esse monstravimus, & Pæoniam deponendam pluribus trademus. Glonierato quoque flore globosus Globosus. exigit in bona riguaque olerum terra, & positu mediocriter aprico, nullo testæ vel areolæ discrimine, minutum fibrarum capillitium diffundi: radicum oculus in digiti altitudinem demittit, ut is deinde conspicuus à terra extet: nunquam refodi, nisi cum foetus numerosior à matre fuerit separandus: extrema hieme simul effodi, simul inhumari. Tuberossus Tuberossus. in quaternos digitos deprimendus, & palmi dimidio intervacante distinendus: ejusdem soli bonitate, solis mediocritate assiduoque terræ latibulo gaudet, præterquam si adultiorem à parente prolem abjungere opus sit. In hanc opportunitatem exitu Augusti refoßum tuber illico recondatur.

*Asphodeli, Pæoniae, Lili convalium,
& Incae Indicae
cultura.*

C A P V T XIII.

Asphode-
lus.

Pæonia.
Plin. l. 25.
c. 4.
C. l. 27.
c. 10.

A Sphodelo tres altè digitos deponendo, pal-
marique mensura sejungendo attribuunt
solum pingue, humectumque, ac mo-
dicè apricum: alternis quoque annis eximunt, quò
adnatam sobolem subducant. Ex opacis montibus
silvisque accita medicatissima Pæonia sublustrem
opacitatem amat. In olerum pinguiore humidoque
solo defoditur, ipsius radicis oculis ternos tantum
in digitos depressis, triumque circiter palmorum
quoquo versus interstitio relicto. Translatione
non gaudet, præterquam tertio quoque anno,
cum subterranea radicoforum oculorum sobole,
conspicuoque ramosorum foliorum nemore partes
in omnes nimia diffunditur. Si quando igitur eam
refodi transferrique oporteat, Novembri extre-
mo id fiat: quia, cum fibras nondum egerit novel-
las, exempta non læditur. Citra vulnus fractu-
ramve diligenter eruta plures in plantas sic dividi-
tur, sic divisæ repangitur. Quoniam præcrassa ra-
dicis crura multiplici dubioque flexu implicat; in-
tra magnam aquæ vim perbene prius agitur ac di-
luitur

luitur, ut, hærentis terræ deterfis sordibus, deprehensi faciliè nexus extricentur, aptiorque secturæ locus dispiciatur. Ad hæc ipsum radicis caput in oculos ternos quaternosve, aut etiam singulos cultro conciditur: in excavato scrobe medius congesti soli turbinatus cumulus excitatur: eidem radix ita imponitur, ut oculi ternos in digitos subsidant, crura verò per excitati monticuli ambitum bellè divaricentur; quia, si mutuo implexu inter se contingerent, minus è terra pabuli haurirent, faciliq; negotio corrumperentur. Admoto demum solo eadem circumtegitur, utque illud arctiùs hæreat, etiam irrigatione juvatur. Fortè divulsi balani depangi debent; quia justam sobolescent in radicem. Lilia convallium geniculatis internodiis confertè Lilium convallium. contextèque colligata & cohærentia in ipso satum non extricamus atque distrahimus; sed à materno cæspite oculis confertissima, & radicum nexuferè inextricabili catenata cultro discindimus: mense Novembri, aut etiam Decembri non amplius tres digitos obruta in pinguibus umbrosisque statuimus, ne videlicet patrias convalles mutasse videantur: irriguam siticulosis aquam ministramus: vix unquam loco movemus, quia in angusto spatioso uberrimèque florent. Summam prædictis mensibus per annos singulos effœtam humù cautè scalpendo subducimus, recentem aggeramus; quia numeroso fœctu densissimè propagata profiliunt. Juca Indica Juca.

ad nostratis oleris altricem, validam humum libentissimè divertit: nostra frigora tolerat: apricitate etiam lætatur: infœcunda seminis adnatis oculis sese propagat, ut arundo, similique cultu sata digitali solo tegitur, subinde altioris aggestu soli, prout exigit usus, obruenda. Ea propter quatuor à summo scrobe digitos primò depacta distabit. Verna temperies hæredibus à matre vulsis prosperè transponendis tempestiva est. In fistilibus positi maturius adolefcunt, servanturque curatius. Modico per ætatem tum sole, tum humore proficiunt. Possunt autem jam satis adulti è fistilibus in hortenses pulvinos cum suo cæspite differri. Sed matrem ac sobolem areolis inhumatas transmove non expedit.

Trachelii Americani, Lychnidis Byzantine, aliarumque consimilium herbarum cultura.

• C A P V T XIV.

Trachelium
Americanum.

Americanum indolis mollissimæ trachelium declinandæ multiplici noxæ idoneam testam desiderat. In olerum bono, bene macerato, & nequaquam verminante solo proficit: ab erucis enim & limacibus ob teneritudinem avidè appetitur. Frigoris tolerans tepido cautiùs loco hiemare debet. Caloris peramans irriguam aquam sitire non debet. Annua translatione peren-

perennat : quia densius sobolescens, nisi sæpe rarefiat ac differatur, ipsum seseopprimit & marcescit. Februario mense, aut primo Vere tutò transponitur, & sobole feritur; cum scilicet, hiberno frigore coërcita florea luxurie, maxima incrementa viresque cepit materna radix, adnatique pulli, matris ubere saginati, complexuque defensi validè convaluerunt. Avulsi oculi passis, ut uberius alimentum trahant, fibris in binos digitos, sive summo vigore testus demerguntur: illico irrigantur, ut solum adhærescat; & proferuntur in solem. Id enim plantæ genus opaco aversoque à radiis loco facilè putrescit. Sed, ne delicatum flosculorum ver ab æstu præmaturè deflorescat, à diurna insolatione avertatur. Semen aviti coloris in flore tenax citra spem jacitur varietatis. Eodem propemodum cultu *Lychnis Byzantina* testæ committitur. *Lychnis Byzantina.* Hoc autem distat, quòd resecta radice portione ternis quaternisve minimum fibris crinita propagatur: cum Americani *Trachelii* foetus à matre sine vulnere separetur. Terram pinguem, tempestivam irrigationem, tepida & ab Aquilone aversa quærit hibernacula. Editiore in loco vegeta viriditate juvenescit, ac diu vivit; in imo pallida senescit, brevique interit. Ubi florum pila prope jam globata ex toto est, à sole destinetur; ut florens fructus & voluptas diuturnior sit. Cum sitit, irrigatur. Plures in plantas dispersita ita differtur.

Fibratæ
plantæ.

fertur. Incunte vere ocelli cum radices particula sejunguntur, atque ad virentis usque germinis initium inhumantur. Cæterum, ut felicissimè soboles proveniat, novellus oculus cum exigua materni corporis portione, quamvis non fibrata, revellitur: dimidio germinis defosso, vulsuræ plaga vasis lateri applicatur: invulneratæ parti solum bellè apprimitur. Ita radix celeriter comprehendit, ac speciosam in plantam feliciter adolescit. Auricula ursi, atque Lichen sive Hepatica multiformi genere conspicuæ, aliæque hujusmodi fibratæ gelidissimi Septentrionis plantæ bono licet in solo apud nos minùs incommodè hospitentur, vitales tamen non sunt; quia frigoris peramantes nostro tepore tristantur & contabescunt. Nostrates verò, quarum pleræque semine conferuntur, per æstum florentes herbæ pinguibus, riguis, apricisque delectantur.

Caryophyllorum cultura.

C A P V T X V.

Caryophil-
li satio du-
plex.

Caryophyllus vernaculus & semine & surculo seritur. Ad optimam fœturam bini circiter flores è magnò numero in semen exire permittuntur. Maturitatis indicium est hiatus aridi folliculi, & seminis nigritia. Imum in unoquoque folliculo fœcunditate præstat: id enim, pro-

propiore alimento liberaliter hauſto , generoſius
majorem folioſiſſoris numerum procreabit. Ex al-
bi caryophylli ſemine multiplex varietas proveni-
re ſolet. Inter maculoſos fulcis miraculis diſtinctus
utiliter ſementat ad progignendos inſolita decen-
tium macularum varietate perpiſtos. Denique ſa-
turo colore fulvus pulchrè varièque degenerem,
atque adeo candidam frequenter prolem ſeminat.

Sementem autem non Octobri menſe, ſed collecto
ſtatim ſemine facies , ut intra annum florem legas.
Ut autem prodigioſè folioſis ac peramplis floribus
abundes, quartadecima luna caryophyllum, Ze-
phyro aſpirante, ſeminabis. Quòd ſi genitalis &
felix aura prædictam proximii menſis diem non ſo-
ſpiter ; ſatio erit procaſtinanda, dum fertilis ven-
tulus incidat in alterius menſis ſimilem diem. Se-
men fictili catino, præpingui minutimque ſuccreta
terra inſtrato, committes, in digiti dimidium de-
mittes: loco per æſtatem mediocriter aprico ſta-
tues, qui ternis tantùm matutinis horis inſoletur:
crebrò irrigabis. Ita intra dies octo primulam viri-
ditatem citabit. Ubi quaterna foliola emiſerit, diu-
turnum promovebis in ſolem: ut frequenti humus
irrigatione ſemper humeat, curabis: exitu Octo-
bris teneras plantas differes. Ita proxima ſos æſta-
te properabit. Idem præterea caryophyllus avul-
ſione feliciffimè conſcritur. Avulſi enim ab ra-
dice pulluli, ſive ramuli, vetuſtam partem aliquam

*Serendi
tempus.*

Educatio.

*Propagatio
per ſurcu-
los.*

è ma-

è matris corpore referentes, & rite depaſti, licet à materno colore vultuque non degenerent, nec æquè, ac ſemine conſiti, flore aſcetet luxurient; hæreditariæ tamen pulchritudinis certiſſima laude probabilis varietatis incerta decora rependunt. Quarto nonas Octobris, caryophyllorum ſurculos, tanquam certò comprehenſuros, depangere muliercularum cultura eſt: hordei verò ſemina, tanquam alienas fibras inſito humore citatura, ſubſternere ſupervacanea liberalitas. Feliciter panguntur à menſe Februario ad medium uſque Martium, nempe ſub ipſum germinandi tempus. Deca-
 cuminatis foliis ſummatim attonſi, ſiſtilium lateribus contiguo compreſſoque ſatu applicati, atque ita depreſſi, ut oculi emineant, fidelius comprehendunt. Non eſt, cur ima pars intorqueatur; aut bini ponendæ ſobolis extremi vetuſtique cum intercepto internodio articuli cultro diffindantur. ſed utiliùs ultimum geniculum circulatim medium diſſecatur, aridæque foliorum exuviæ detrahuntur. Terra congruit non nihil effœta. Situs requiritur apertus, nec tamen apricus ad viciſſimos tricenoſve dies; atque uſque eò, dum media foliola incipiant adoleſcere: tunc enim apricatio aſſidua indulgetur. Utque inter diuturni ſolis incendia illæ tenellæ plantæ proficiant, frequens humor affunditur. Ita eædem exitu feliciore, quàm ſi Octobri menſe poſitæ fuiſſent,
 ino-

inoleſcent, ac ſtorem inducent. Eximia indo-
 lis caryophyllum naſtus ita curabis. Ubi annus
 algere incipit, totum caſpitem è pronò ſiſtili levi-
 ter concuſſo demiſſum eximes: tum implicitas ter-
 ræ fibras extremas in duum digitorum craſſitudi-
 nem circuncides; cavebiſque diligenter, ne cohæ-
 rentis glebæ pila comminuat, neve intercida-
 t. Clareolis deinde rite obſtructo ſiſtilis imo forami-
 ne, unum alterumve digitum altam mediocrem
 terram ſubſternes: ad quaternos quinoſve digitos
 bubulum aut vaccinum ſanguinem ſuperfundes:
 trium digitorum exile ſolum adjuuges: circumton-
 ſum demiquè caſpitem impones, humoque pingui
 reliquam inanitatem explebis: in ſolem proferes:
 ut uſus veniet, adaquabis. Verùm, ſæviente jam
 brumali algore, in vaſe peramplò gallinaceum aut
 columbinum ſinum aqua bene macerabis: cõ me-
 dicato liquore conſutum ſiſtile rigabis. Ita, licet ſub
 huius cœli clementiæ caryophyllum hiberno frigore
 non admodum infeſtetur, magna tamen eidem
 hoc fiet cultu vigoris & fecunditatis acceſſio, ut
 folioſiores vegetioresque flores eliciantur. Exacta
 jam hieme vulgarem aquam affundes, ubi devexior
 dies deferbuit; ne cum irriguo per æſtum efferve-
 ſcente humore radix pariter interveſcat. Ut aſſiduo
 grandioriꝝ caryophyllo vernet annus, complures
 eodem tempore calyces dehifeſcere non patieris; ſed,
 ſummis & primoribus relictis, detergebis adnatos.

Flora con-
 tinuatio.

Ut

Ut hibernis floribus abundes, æstiva, dum calyculos inducunt, germina præcerpes: sic enim nova, quæ trudentur, seram maturitatem ad hiemem usque retardabunt. Quin etiam frigidioris oræ coloni constas testas aut lætamine munitas, aut in loca tuta receptas ab injuria gelantis anni asserunt; ubi verò tepidiore tempestate conferenavit, in apricum revocant: ubi nubilavit, aquis cœlestibus exponunt. Ne pinguioristerræ lætitia, uberiorisque pabuli sagina tam lautè cultos dirumpat flores; cum satis turgidos calyces intra biduum oscituros animadvertes, lineo filo bis terve circumducto medios religabis: ac denticulatum osculum levibus æqualibusque incisuris librario scalpello factis laxabis; videbisque ad voluptarium prodigium profuisse vulnera; ut è calycum singulorum tubulis totidem quasi florea nemora extitisse videantur.

Alligatura, & incisio.

Translatio. Illud autem in primis custodiendum, ut hæc sæpius planta deplantetur, putrique senio amputato transponatur. Translatione enim mirificè proficit & perennat: diutius relicta & reses folio silvescit, flore minuitur, odore degenerat. Debent ad hæc, ubi defloruerunt, nuduli cauliculi plerique imo tenus geniculo succidi, paucis admodum relictis; qui geniculatim & subinde floreant; dum attonsi & recalvastrati ramuli nova germinantium foliorum juventute repubescunt. Eadem utiliùs planta inter fistilis angustias alitur, quàm in area paten-

Putatio.

Locus sativus.

patientiore: quòd in hac aut largioris alimenti nimia satietate dirupti calyces enormiter hiascunt, aut nescio quo loci tædio flores macescunt. Solis, ^{Infolatio.} quem unicè amat, largior copia facienda est; nisi tamen æstivis floribus vernet. Tunc enim vel tecto, vel inumbrante velo, vel subducto radiis loco servidior apricitas defendi debet: ne florea seges, versicolori amœnitati nata, vehementi ardore præusta miserè flavescat.

Granadilla cultura.

C A P V T X V I.

Occidentalis Indiæ miraculum, occidentis Dei cruciatibus floridum, Granadilla nostrorum olerum pingui glebæ sic insuevit; ut inexpugnabili propagatione jam ubique luxuriat. Tres altè digitos toto corpore prostrata delitescere vult; quia ex omnibus geniculis geniculata radix emittit. Solis atque humoris appetentissima est. Felcius pangitur radix junior; quia vernet uberius. Quam latius proserpere nolumus, in fictili serimus. Ne per imum foramen clandestinum exitum inveniatur, neve per posticum fugitiva subiectum se penetret in solum; obsitam restam super laterculum statuimus: an captiva surreptitiam libertatem attentet, identidem exploramus:

mus: foras eminentem, jamque deprehenfam fervili more demutilamus. Ne vasis angustiore ergastulo elisa spatium querat apertius; jam adultior rem diffusioreraque plures partimur in plantas, separatim ac dispersim inhumandas. Emicanti jam germi è cancellatis funiculis, vel arundineo virgove textu scanfalis ansa præbenda est. Nisi enim divini funeris efferendi pulchrè ambitiosa hæc planta adminiculum habeat, quo in excelsum evadat; brevi parcoque germinatu velut pudibunda sterilefcit, humique latè procumbere, longèque proserpere dedignatur.

Gelsiminorum cultura.

C A P I T U L U M XVII.

Gelsiminū
agreste.

Sua est & agrestū candidi floris gelsimino digna patritiis cultoribus, digna cultricibus curis amœnitas, ipso, quamvis sero, tum virore tum odore amabilis, nec inutilis. Ut enim sileam topiarias hortorum scenas hoc sequaci lentoque frutice speciosè textiles; si quis præterea velit eximium voluptatis fructum è vulgari flore colligere, virgas recentes, læves, teretes, digitum crassas, & bene fibratas vere, sive etiam autumnō sicilibus infodiat: duobus digitis, nec amplius, è terra emi-

eminere p̃ssus supra imam gemmam recidat: in silvulam prope bipalmem jam adultos ramulos circumtondeat: regerminantem luxuriam frequenti celsura coërceat. Proveniet enim, ut pila tonsilis densissimam viriditatem ferè densioris floris odorato candore formosè conveſtiens cum splendidas ædium, tum lautas convivorum delicias exhilaret. Eadem planta pingui solo pabulanda est, ac liberaliter adaquanda, assiduo etiam in sole habenda; ne in materiam frondemque penitus absumatur. Mediocre quærit apricationem silvarum gelsiminum flavum atque inodorum: reliquam culturam superiorem similem desiderat. Hispani seu Laetani gelsimini, quod à Catalonia vernaculum nomen obtinuit, nulla satio felicior, quàm insitio. Silvestris igitur novellas, nitidas, minime scabras nodosæve, mediocre digitum crassas, & frequentibus fibris comosissimas plantas mediæ magnitudinis fistilibus de more committito. Et quanquam sunt, qui vix dum translato silvestre gelsiminum inferant; tu tamen annuo spatio cautius alescere & convalescere sinito; aut, si liber, autumnis transponito, ut semestri quiete satis virium recipiat, atque insitione magistra celerius feritatem dediscat. Mense Martii luna decedente inferito. Illud autem antiquissimum tibi sit, ut silvatici stylum quam proximè imum nodum supernè præcidas. Ita enim insitus furculus faci-

Hispanum
simplex.

Z

liis

lius coalescet: quia omne virentis alimentum, quod quasi quædam anima per medullam trunci, veluti per fistulam, naturali spiritu trahitur in summum, in ipsa nodorum densitate diutius hærens atque consistens augetur, nec angusto meatu contineri facilis complures per oculos vehementissimas in materias exuberat. Quare uberiori succo proximum insitum citissimè inolescere necesse est, si præferim, subinde coërcita deteraque silvestrium germinum luxurie, in unum adoptivum furculum fertilis humor transcurrere atque confluere cogatur. Ubi quintam gemmam truserint germina, decacuminanda sunt, densiore ut ramulorum silvula, plus florum inductura, fruticentur. Alternis minimùm annis incunte vere solidus cæspes debet eximi è testa, idemque ad binos digitos cultro circumsectus pinguiore humo adjecta suum in vas restitui. Quotannis primo itidem vere ipso tenus insitionis capite id fruticis angustè deputatur. Nam, si virgæ sic præcidantur, ut unus alterve oculus relinquantur, rara paucis ex oculis flagella pullulabunt, maligno fœnore vernatura. Sin autem caput insiti strictius attondeatur; germinatu densissimo utiliùs capillabitur, & perennabit. Non possum hîc eos in re florea satis callentes existimare putatores, qui fruticem altiùs vulnerare metuentes sic amputant, ut citra imam gemmam ramorum aliquid extare patiantur; quod aliquandiu,
dum

dum viret, nova in germina abiturum alimentum inutiliter avertit in sese; ubi verò exaruit, viridissimam plantæ juventutem intermisso senio inhonestat. Crebras idem frutex amat irrigationes. Orientem solem spectare mavult, quàm occidentem: alioqui florum sterilis foliorum infelici feracitate luxuriabit. Æstivis mensibus, ac Junio potissimum Julioque non incommode inoculatur. Atque hoc sanè cultu fistilibus rite conceditur, & curatur. Sed elegantius multò virentia hortensium parietum aulæ opere topiario prætexit, & numerosis grandibusque floribus jucundius distinguit. Hunc in usum silvestris gelsimini plenioris plantæ humi panguntur, quæ spatiosa in area largioribus fariatæ alimentis insitivo è furculo productissimas citant virgas, prædicto putationis tempore parcius amputandas, ut in propaginem submittantur. Propagationum autem duo maximè genera sunt in usu: unum, quo editæ à matre virgæ sulcis mandantur: alterum, quo mater ipsa prosternitur, atque in plures plantas per suas virgas dividitur. Sic igitur à matre virgæ deprimuntur in terram. Appetente vere secundum matrem scrobes fiunt: in eisdem virgæ proximè maternum caudicem modicè contortæ, ut radices faciliùs citent, atque arcuatim recurvatæ demittuntur: quaternis circiter adobrutis gemmis sic retorquentur, & supra terram eriguntur, ut, cacuminibus defectis, una, aut

Z 2

ut

ut maximè altera gemma relinquatur. Ita recentes propagines quà radicis, quà telluris, geminatum nempe matrum ubere tutelaque pinguiter ac feliciter enutritæ ingens robur & vires capiunt: quin etiam inhumatæ renascuntur ex sese; quæque modò filix fuerant, fiunt repentè matres. Circumfacto anno actis jam radicibus à materna stirpe amputantur, & quò libuerit, differuntur, suis jam viribus parituræ. Hasce tamen floriferendo minùs utiles experimur: tum quia parcè florent, tum quia ocyssimè evanescent, utpote fibrarum penuria laborantes, gracilique corpore imbecillæ. Quare utilior est propagatio, qua (sicut in vite fieri consuevit) ipsa stermitur mater, ut propagata soboles uberiore alimento vegetior assurgat; cum scilicet juxta imum fruticem ita, ne radicem lædamus, curiosè fodimus: ita in excavatum sulcum leniter prostratam matrem supplantamus, ne radicem eandem abruptamus: cum deinde ex eo sulco veluti ramosas fossas deducimus, per quas, uti quæque virga postulaverit, nonnihil intorta propagetur; atque (ut paulò priùs docui) humo propagines, operimus, & ad unam alteramve extantem gemmam præcidimus. Ubi radicibus emissis virgæ comprehenderit, transferuntur. Quanquam hæ quoque minùs fertiles vivacesque sunt, quàm quæ silvatici gelsimini robustis radicibus adoptivæ inhærent. Sativa hæc peristromata orienti meliùs, quàm meridiano,

diano, vel occidenti soli advertuntur; ut primæ lucis flos matutino candore similes amico frutici flosculos appingat. Humor eidem irriguus ubertim affunditur: nives & gelicidia caventur. Quapropter hibernis mensibus in opertum obsita fictilia revocantur: plantæ verò subdiales canneis aut scirpeis tegetibus proteguntur. Par ejus cultio gelsimini, quod, ejusdem generis cum sit, duplici foliorum texture densius floret. ^{Hispanum multiplex.} Quanquam propagatione atque insitione sæpe tentatus omnem elusifam industriam, fortasse ut minore sui copia, quò rarius, cò præclarius habeatur. Et hoc in fictilibus cautius custoditur. Alterum gelsimini genus, quod ^{Arabicum.} lato Medicæ mali folio, foliosoque miræ suavitatis flore Alexandrinum, sive Arabicum appellatur, præterquam quòd solo lætatur itidem pingui, multum irriguo, aperto insolatoque; frigoris & caloris adeo intolerans est, ut frequenter utroque perustum intereat. Quare in fictili obseri debet, ut gelido anni tempore in opertis ac tepidis locis hibernet. Maturè, ubi primulo rigore inalgescit annus, recipitur in locum contextum eum quidem, non tamen undique præclusum, sed patentem & utiliter perflabilem, velut in porticum peramplam, quæ hibernum solem accipiat, & austrinis affatibus late oscitet, impervia & impenetrabilis Aquiloni. Diuturnum verò periculum docuit, in oclusa cella repositum hunc fruticem foliorum defluyio non

sine noxa callescere. Debet idem præterea cæteris gelsiminis seriùs vere jam adultiore in subdilem aream promoveri, atque, cum sitiet, ita rigari, ne folia madescant: quia solent irriguis guttis, quasi brumalibus pruinis, contacta dilabi. Per æstivos tamen fervores minuta aspergine, quam scopulæ irrorabunt, mirificè recreabuntur. Hoc isti etiam convenit frutici cum superiore, ut in silvaticum inferatur: veruntamen, ligno, folio, & flore cum valde discrepat, difficiliùs coalescit. Paucis culturam colligam universam. In ipsa scabritia duritiaque novo more delicatus frutex ipso, quo colitur, obsequio sæpe læditur, & blanditiis necatur. In eo putando discordes putatores & sententiis inter se, & ferro cum eodem digladiantur. Etenim verno (ut mos est) alii quotannis amputant in palmum. Nimis crudelem alii omnium annorum trucidationem rati, leviori tonsura summa tantum cacumina distringunt. Alii, silvosa densitate interlucata, ramulos reliquos intactos relinquunt. Ab aliis denique duro tenus ramosa teneritas reciditur. In re adeo controversa & plena dissensionis meam equidem sic interpono sententiam. Nonnullam singuli, universam putationis disciplinam complectuntur omnes. Primo alteroque ab insitione anno insitum angustè, imoque tenus oculo deputabitur: sic enim ille fiet crassior, & plures ex se, vehementioresque ramos ejiciet; qui, cum instar quatuor

tuor digitorum erunt; Hispani more gelsimini nonnihil mutilabuntur, ut cum ipsi, tum maxime gemma crassescat. Tertius annus palmares virgas in arbusculæ speciem indulgebit. Ita quotannis paulatim excitatus frutex in trium circiter palmorum altitudinem latitudinemque arborefcere permittetur: atque hanc in posterum staturam annua putatio tuebitur. Quare gracilioribus, deorsum spectantibus, distortis, aridis, & supervacuis ramulis decisis, pusillum arbusculæ lucum collucabit: vegetos, nitidos, procerosque relinquet, ubi prædictum excefferint modum, leviter attondendos. Ita fruticis incolumitati & pulchritudini, sublata inutili sobole, consuletur, idoneique insitioni furculi comparabuntur. Ad extremum stirpitus detrahetur, quæ solet ab ima stirpe identidem pululare, matrem prælibans, mitibusque ramis alimentum præripiens, silvatica progenies. Ope-^{America-}rosiorem postulat culturam rubrum Americæ-^{num.} gelsiminum annuum, quod barbaro vocabulo Quamoclitum appellant. Morosa nasci semina in aqua, & in sole ipsam tepesciente habentur eatenus, quoad præmollita turgescant: aut singula, aut bina in singulis fictilibus pingui humo repletis duos altè digitos demerguntur: sol, & humor affatim indulgetur: ventus immodicus evitatur. De tempestivo satù dissentiunt sententiæ colonorum, aliis Junio mense, maturius aliis, aliis verò serius seren-

dum esse firmantibus. Ego satis habeo non ignobilis cultoris prosperum cultum proponere. Hic ergo Majo aut Junio mense, lunaris curriculi quarta extremaque parte, bina seu terna semina conferit in fistilibus: quotidie meridiana irrigatione madefacit, & intra dies octo prope-rato germinatu in lucem evocat. Ubi quatuor digitos à terra extiterint; unica in singulis testis relicta planta, reliquas cum adhærente solo in singula fistilia transducit, parique irrigat sedulitate. Sumit sibi deinde capaciora vasa, & aquâ replet: consitas in hæc testas undique potaturas immittit: humoris exhausti damnum crebro rependit infusu. At si exuperans æstus humum arefecerit, irrorato manibus imbre æstivus Aquarius humectat. Quoniam verò convolvulus hic ambitione reptitia summa rerum affectat: arundinibus cancellatim fistili circumtextis, intentisve funiculis duum cubitorum commodos illi gradus offert. Ramulos quoque succrescentes, si qui vaguli vacillent, arundineo septo, lineove adminiculo applicat implicatque: ubi tortili reptatu arundinum & funiculorum fastigia superant, cacumina demutilat, ut majore conatu luxurientur in flosculos. Monet hic etiam, semina, ubi vix inaruerint, diligenter esse legenda: quia frequenter è folliculis dilapsa minutulis nigellisque corpusculis vestigatorem fallunt. Testatur denique, eadem, nisi largo humore

re ac sole sollicitentur, unum, alterum, tertium quoque annum sub terra silere, antequam progerminent. Recens & rarum Romæ, phœniceo flore ^{Indicum maximum flore phœniceo.} gelsimum Indicum, sive Canadanum, præter solum pingue, exhalato pinguedinis vapore bene maceratum, felici positu apicum, radicibus ramisque fundendis vacuum apertumque, desiderat etiam cancellatim scānsile adminiculum, ut amœnissimam prætexat viriditatem; aut certè pedamentum procerum, contra imbres pervicax, decoratum, & scobina exasperatum, ut articulatim radicosā fruticis brachia statumen adjunctum arctissime pertinacissimèque complectantur, atque ambizioso reptatu in arboream altitudinem evadant. Debet autem à parietibus nonnihil distineri, ne floribus onusta pendula cacumine incurvantibus ventorum furiis allidantur. Hiberna frigora non ita multum reformidat. A primo vere in extremam usque æstatem rigari vult. Seminis, quod hoc primum anno apud nos protulit, adhuc intentata satio est: necdum insitio cæsiōe ac vulnere peregrini fruticis cum vernaculo adoptiva sœdera sancivit. Una prospero usurpata periculo cultura ita singularem stirpem docet esse multiplicandam. Verno, priusquam oculi fruticis intumescant, trigemmis ramulus præcidatur: ejus caput cultro diffinditur, ac depangitur binis obrutis gemmis, ut tertius nodus extet. Sic ex facili

ca-

capit & germinat , humore præsertim adjutus ,
& sole.

Rosarum cultura.

C A P V T XVIII.

Rosa, risus anni pulchrior, & princeps hortorum purpura, ut antiquitatem hilaravit ornavitque, ita exercuit & pupugit curam, quàm aculeo. Sicigitur ipsam curavit & co-luit antiquitas. Fidiculæ vesperi occidentis novis-simis diebus, mense scilicet Febuario, ubicunque patiebatur cœli ratio, terram ad rosæ satum bi-palio vertebat. Hoc eodem tempore, sive inter Virgiliarum occasum & brumam rosaria nova se-mine aut virgultis conserebat, vel antiqua curabat: sarculis enim, aut dolabris circumfodiebat, univer-samque ariditatem refecabat. Eadem à Favonio fodiebat, iterumque solstitio. Sed locis calidis, apricis, atque maritimis Novembri etiam mense rosæta instituebat. Satio multiplex erat. Alii enim semina ponebant, quæ seriùs eveniunt. Ob id potiùs caule conciso inferebant, & ocellis radicis, ut arundines. Alii caules aut in propaginem deprimebant, aut radicitus recisos in virgulis palmares intervallo cubitali adobruébant, & frequentibus irrigationibus juvabant, factas deinde viviradices trans-

Rosæ cultu-
ra verus.

Plin. l. 18.
c. 26.

Colum. l. 11.
c. 2.

Pallad. Fe-
bru. tit. 21.

Varro de re
rust. l. 1.

c. 34.
Plin. l. 21.

c. 11.
Pallad. No-
vem. tit. 11.

Plin. l. 21.
c. 4.

Constant.
Pog. Agric.

l. 11. c. 19.

Theophrast.
de hist. plant.

l. 2. c. 2.

transferebant. Ex horum numero Pangæi montis Plin. ibid.
 accolæ adeo translatione profecerunt, ut numero-
 sis foliis pusillas rosas in amplissimas explicarint.
 Erat præterea, qui non absimili more ante calen- Colum. l. De
Arbor. cap.
30.
 das Martias, sive post Vergiliarum occasum ro- Plin. ibid.
 sam fruticibus, & surculis quaternum digitorum
 longitudine, aut etiam ampliore pedalia per inter-
 valla disponderet: omnibus annis per idem tempus
 circumfoderet & recideret, ut quàm diutissime
 conservaret. Neque verò exputabant solum, ve- Theophrast.
De hist.
plant. l. 6.
c. 6.
 rum adurebant etiam nonnulli: quia succi copia
 in foliorum ramorumque silvosam atque inanem
 luxuriam nimia fundebatur, nisi ferro atque igne De caus.
plant. lib. 3.
c. 24.
 in brevissimi ramuli utiles angustias coercita, ipa- Plin. ibid.
 riofoque exitu prohibita & repersa, diuturnio-
 re morafatis concoqui & perfici cogeretur, ut am-
 plè foliosos erumpere posset in flores. Fossio altior
 quàm frugum erat, levior quàm vitium. Pange-
 batur nec pinguibus, nec argillosis, nec riguis lo-
 cis, sed raris, & præcipuè ruderatis. Quanquam, Constant.
Peg. ibid.
 ut assiduè vernaret, singulis mensibus serebatur,
 atque stercorebatur. Ad hæc ponebatur calido,
 prono ad meridiem, & sicco loco, magno naturæ
 documento, tum quòd Carthagine Hispaniæ hie- Plin. ibid.
c. 4. 7. & 11.
 me tota præcox purpurat: tum quòd arida & sici-
 culosa Cyrene odoratissimos flores, nebulosa &
 rosca Ægyptus procreat inolentes. Jam verò
 florum callida ita posteritas rosas colit. In solo
 quo-

Cultura
recens.

Rosâ Itali-
ca flore
pleno per-
petua.

quolibet feliciter, at feliciùs in præpingui & ad so-
lem reclivi, palmari altitudine tria cubita aliam ab
alia depangit, per autumnum effæto senio reciso
stercorat: arundineis parietibus, cancellata stru-
ctura excitatis, applicitas implicitasque adminiculat
ac nodat: cåpita quoque deorsum versùs curvata
substringit; quia ipso flexu retardatus, qui fruti-
cem permeat alitque, terrenus humor adeo coqui-
tur ac digeritur, ut numerofo & conspicuo flore
tandem exuberet. Italicam superiori per similem,
nobilio rem tåmen, ac diligentius colendam semper
virentem, perpetuam, sive omnium mensum ro-
sam appellant: quod ea sæpius amputata primùm
fasciculi aspectu confertissimos calyces simul pro-
mit, quos deinde paulatim atque per partes ad alte-
ram usque putationem florem recludit in partum;
ut ipsos singulis mensibus unà cum floribus in-
ducere videatur. Isto autem densiore calycum nu-
mero, florumque prope continuato vere maxime
distat hæc à superiore, quæ minùs dives floridæ
purpuræ rariores aperit virides alabastros. Ut
igitur omnibus, aut certè plerisque mensibus per-
petua vernet, sæpè intra annum, ac his minimùm
deputanda est. Exitu Octobris superficies omnis
solo tenuis angusta putatione succiditur, ut è duro
repullulet: ita enim citati calyces numerosiores
floreæ fertilitate perhiemant. Mense iterum Mar-
tio exputatur, uno aut altero ramulis articulo reli-
cto.

cto. Verùm, ut serotini calyces tota æstate vernaturi subnascantur, tempestivi, dum connivent, verno tempore detrahuntur. In altiore solo depactam putator minùs compescet, quippe plus humoris trahentem, quàm quæ in fictili posita sit. Putationi dies aptissima censetur, quæ triduo quadriduoque plenam lunam præcedit. Quindecim spatio dierum ante ipsam putationem aqua non ministrabitur. Ubi jam siti nimia laborare plantam animadverteris, priùs circumfodies, vetustæque terræ subductæ vice vel hominum attonso capillo, vel equino fimo jam putri lætificabis, bono solo consitæ ipsæ testæ superinducto: tum crebris eandem irrigationibus refocillabis, salubri apricatione refovebis, à frigoris inclementia tecto tepidove loco tutaberis. Eadem ferè cultura convenit iis rosis, quas pulvinis hortensibus commiseris. Sed, quoniam illæ ad incommoda temporum declinanda citra noxam transmoverti nequeunt, averso à Septentrionibus loco depangi debent; cum hieme progerminaverint, impositis tegeticulis à nocturni frigoris injuria protegi; & iisdem remotis diurnæ apricitatis beneficio foveri. Quamquam optimus magister usus jam docuit, id genus frutices, præsertim robustiores, citra frequentem putationem intonso pleraque anni parte vernare; dum tamen & pinguis terræ pabulum, & irriguæ aquæ poculum frequenter

ter & affatim administretur. Ut autem dapſilem florum proventum habeas, ipſa fruticum brachia (quemadmodum in proximè ſuperiore roſa monuimus) præcipitabis. Cæterùm eoſdem frutices multiplicare promptiſſimum eſt, ſi de more propagentur in ſulcos: ſi autumnali putatione reſectæ virgæ modico inclinatu ſtatuantur, ac ſtriſtim attonſæ duos de terra digitos extent: hæc enim ratione radices & germina vehementiùs impellent. Sationi huic tempeſtivus October aut November eſt. Batava centifoliæ robuſtum ſolum, frigidus modicæque apricus locus deſtinatur. Virgarum aritudinem & ſenium tantummodo exputare convenit: quia raros in ramulos hæc planta diſpergitur. Pullulans ab imo ſtirpe ſoboles ſibris nonnullis capillata diſfertur. Parem cultum depoſcit nomine ſpecioſo par, flore minùs amœno diſpar centifolia inodora. Variegata. Vario rubore maculoſa, odore ac magnitudine vernaculæ ſubrubenti perſimilis, ligno durior, ramis fruticoſior, florum medioeriter ferax quærit aperta, aprica, & rigua: ſolo gaudet robuſto. Flos adeo mollis eſt ac delicatus, ut nebulas reformidet. Putationis vice ſumma ramorum teneritudo decacuminatur. Fœcundiſſima radix latè ſpargendam fruticat in familiam. Damafce-na jucundi ſpiritus roſa, modò aureis crocis odoratio, modò argento tantùm folioſiore minùs odorata, humore, ſole, liberoque lætatur cœlo. Frigoribus

Centifolia
Batava.

Centifolia
inodora.

Variegata.

Damaſce-
na.

ribus non affligitur: imò etiam toto ferme anno germinat ac vernat. Vetustiorum virgarum, quas ætate duratas ægrè transcurrit humidum alimentum, angustam trunco tenuis cæssionem per divortium veris atque hiemis amat; ut novella virgea silva integro, ac nusquam intercepto satiata succo latiore se vègetioremque profundat: atque ipsa materni trunci revirescens & juvenescens anilitas florida fœcunditate luxuriat. Junioribus verò caulibus idem frutex unam vel alteram gemmam relictam vult: quòd illorum teneritas ubertim tractum faciliè admittit, atque æqua portione dispensat humorem: & paucos in exitus compulsa germinandi facultas vehementior assurgit, silvestique diffusior. Rosa hæc surculo, & viviradice frigido in solo posita feliciter celeriterque capit & profilit. Obsoleto colore alba rosa, operi topiario densa & flexibili viriditate perutilis, validum solum, liberum solem, & uberem aquam expetit. Putationem recusat, præterquam si quis senio defectus ramus exaruerit. Vegetas, hortorumque textili ornamento commodas, recentes virgas antiquioribus, proutres feret, adjungi adnectique postulat. Uberrimè succrescentibus ab imo virgeis nepotibus genus amplificat. Lutea rosa, quæ foliorum densissima flavet coma, frigore delectatur. Idcirco felicior in Tusculano, quàm in Romano, provenit solo. Illic enim plerunque foliosior flos mature-

Albicans
flore pleno.

Lutea ma-
xima.

turefeit ac dehiscit: hinc inani florum spe sæpe turgidi alabastris sensum corrugati languent. Robustum solum, vacuumque ramulorum libertati cœlum appetit. Quare arundineis cancellis implicari alligarique formidat. Tonsuram odit, quia summam floret. Inutiles tamen, malè nati, aridique ramuli utiliter interpretantur. Florum plerosque deturbare ante maturitatem expedit, ut reliqui suis absoluti numeris eleganter vernalent. Quæ pullulat ab radice densior virgea soboles, primo vere avellitur, ac transponitur. Cinnamomina educat humus valida, irrigua, non admodum soli ostenta luteæ rosæ communis parca putatio conservat: propagat etiam revulsus à materna stirpe pullus non nihil fibratus. Inter purpureas princeps habetur, quæ quamvis leviter odorata plurimis tamen foliorum versibus ornatissima, impulsoque altero flore è medio sinu, velut apice regio insignis, superbit. Quanquam decora hæc non semper illam crista honestat: sive quòd solito foliosior prior flos genitalem succum absumpsit: sive quòd eundem florem nimius imber, & nebula corrumpit; aut natus, & familiaris vermis exedit. Luteæ rosæ debita huic etiam cultura debetur. Ita in vario rosarum genere variat hortensis disciplina. Nostratibus autem rosis reliquis præcepta generatim tradita satis consulent, Illud habeo extremo subijciendum loco, sic esse rosei fruti-

Cinnamomina flore pleno.

Rubra flore pleno.

Arborescens.

fruticis, quem volumus arborefcere, incrementa formanda ; ut , imis mediisque nepotibus sæpius detractis, succus omnis partim implendæ caudicis crassitudini serviat , partim ad summa germina evocetur , quæ putatoris artificio in ramulorum speciem fingenda sunt.

*Floridarum stirpium arborefcentium
cultura.*

C A P V T XIX.

VNis ferè florum deliciis inclytæ arboreæ stirpes, quarum paucissimas adhuc Romani educant horti, peculiari diversaque cultura vix indigent. Olitorium enim solum, uliginosum, & apricum vel omnibus, vel plerisque prodest. Peregrinæ atque hospites eo cœli terræque positu excipiendæ sunt, qui loci natalis ingenio respondeat. Earum verò hæreditariæ posteritati continuandæ latèque spargendæ consulit seminatio, insitio, propagatio, talearum positio, fibratæ sobolis translatio. Superest jam, ut publicæ privata præcipuarum cultura subjungatur. Arbor Persica folioso roseo flore rosarum æmula à vulgari cultu pomiferæ non abhorret: bono in olerum solo, humecto, apricoque proficit: insitione sobolescit; quæ crescente lunafieri debet; quia flos for-

Arbor Persica flore multiplici.

A a

mo-

Cerasus
flore multi-
plici.

Genista flo-
re albo.

Myrtus la-
tifolia flore
multiplici.

Laurus In-
dica.

Oleaſter
exoticus.

Sambucus
roſea.

moſior, non fructuſuberior exigitur. Februario
menſe arida ſenectute recifa, novo cum anno ju-
venefcit Eadem alit cultura Ceraſum, pleno in
flore impolluti candoris, alioqui rari, feracem.
Et hæc rectè inferitur in alias Ceraſos, cum genus,
tum decus propagatura. Candida Geniſta pangit-
tur in olitorio ſolo non ita pingui, moderato ſoli
objicitur, æſtivilis irrigationibus conſoſvetur, ſemi-
ne ſeritur; quod, cum prædurum ſit & natu mo-
roſum, præmollita vel tenuata cute (ſicut edocui)
urgetur ad germen. Látifoliam flore multiplici
Myrtum non humo pingui duntaxat, verùm
etiam ſole multo, humoreque nutrimus: parte
aliqua exareſcentem interputamus: in eam, quam
volumus, formam artiſici conſura componimus:
depaſta fibrata ſobole ampliamus. Indica ſive
Americana Laurus libenter in terra pingui rigua-
que hoſpitatur: ſolem ab eadem expeti, calidiſſima
docet patria; & ſanè in ſolis regno nata, non minùs
quàm noſtra laurus, Apollinea eſt. Anguſtè, ipſo-
que tenuis trunco inutilium ramorum amputatio-
nem timet: quia paulatim pateſcens à contiguo
vulnere ad medullam intimam foramen aditum ad
noxam & necem aperit. Baccærum ſatu, ſobo-
liſque translatione diſpergitur Exoticum Olea-
ſtrum optimè recipiunt loca pingua, uliginofa, &
aprica: more ſalicis rami panguntur, & pullulans
ab radice ſoboles radicoſa differtur. Sambucum ro-
ſeam

seam caulibus vel in propagines depressis, vel seorsum depactis faciliè capientem humido solo, & parum aprico excipies: si lubeat, in arbusculam leviter attondebis. Potes non dispari cultu nutrire geminas vulgatissimi nominis notissimæque formæ Syringas, alteram candidis brevique serie spicatis, alteram cæruleis & longiore panicula racematis floribus visendam. Malus Punica silvestris bono, irriguo, & aprico solo, grato videlicet blandimento, ad uberrimum florum fœnus mansuescit: infitis surculis, defixisque ramis, quibus pars aliqua materni corporis hæreat, coalescit: plantis quoque conferitur de matrum radice divulsis: inchoante vere inutile scium interputata deponet. Rhus peregrina, sive Sumachus Indorum optimum solum, tempestivam irrigationem, assiduamque apri-
 cationem diligit: putationem recusat: Italicam hiemem non reformidat: adnata sobole sese disper-
 tit. Indicam Acaciam externis hortis assuefaciunt
 pinguis humus, humor, & sol: frigoris metuentem Aquiloni subducta loci positio præmunit: tempestiva quoque putatio sparsim arescentem senescentemque salubriter vulnerat, & renovellat; vel nimia fruticatione silvescentem compescit, & si lubeat, in arbusculæ staturam extollit: semina verò, quamvis durissima, prædicto more præmedicata, vel è filiquis nondum planè nigrantibus ante maturitatem lecta, deficientem rarioremque

Syrinx alba
& cærulea.

Rhus pere-
grina.

Acacia.

Molle.
Theſaur.
Reſ. medic.
novæ Hiſt.
l. 3. c. 15.

reficiunt atque multiplicant. Molle, arbor Indorum, quam noſtris libuit Lentifcum Peruanam, ſive anguſti folii Terebinthum appellare, amat calidum cœli ſtatum, bonamque humum, ſingulis alterniſve annis ſufficiendam: aridis reſectis ramis interpurgari vult: propagari debet, pullis, qui naſcuntur ab arbore, de more in terram depreſſis, ac triennio poſt è matre deciſis, quia lentas illi radices mittunt: ſi qua parenti adnaſcitur, utilius planta transfertur: tenera & adoleſcens viriditas rigationibus adjuvatur.

Aquaticorum florum cultura.

C A P V T XX.

FLoridæ aquarum plantæ, veluti natantes hortorum Nymphæ; dilectis in undis demerſæ memoriã prope ſuffugerant. Sed age jam adhuc in tempore memores à terreſtri cultu ad aquaticum tranſeamus: ut hoc etiam hortorum cultores gloriari poſſint, ſeſe amphibios eſſe, felicique labore à ſe aquas conſeri. Nymphæa, non ſolùm forma, verùm etiam nomine inter flores Nympha, gemina eſt. Altera Heraclicion dicitur, quia Nympham erga Herculem zelotypiæ fabuloſus ardor in frigidam aquarum herbam deformavit, radice nigra, ſcabra, & clavam referente, unde Rhopalon aliqui vocant; foliis ferme orbiculatis, lævibus, herbaceis in aqua ſum-

Nymphæa
 duplex,
 Alba.
Plin. l. 25.
l. 7.

summa natantibus; flore candido, compluribus foliolis oblongis & acuminatis compacti, mediis laciniis flavente, per Majum Juniumque mensem vernante; cum defloruit, capite papaveris, in quo semen pullum, splendens & milio majus. Altera ra- Lutea.
dice alba, folio oblongo, flore luteo, capitato & rosam æquante, semine superioris instar subnigro splendidoque, sed paulò majore, quia Peneo inna- Is. Reüll. de Nat. stirp. l. 2. c. 67.
scitur in Thessalia, Thessala nuncupatur. Utraque verò conferitur in fictilibus ternos minimùm palmos altis, fundo minimè pertuso aquam non transmittentibus. In binos palmos humus pinguißima, penitusque putris substernitur: ibi radix bellè collocatur: deinde trium altitudine digitorum similis humus adjicitur: aqua demum superfunditur ita, ut oras vasis exæquet; cumque illa subsederit, subinde recens infunditur. Resecandæ transponendæque, cum opus est, radici, necnon demutandæ terræ Autumnus tempestivus est. Palustrem Caltha palustris flore multiplici.
Caltham flore pleno luteo, in semen non exeunte; caule inani, palmari, obliquo, in alas diviso; folio ferè Nymphææ, rugosiore, rotundo, succido, venoso, leviter serrato; radice multis candidisque capillamentis fibrata, cultus educat non absimilis. Requiritur enim vas humori continendo non pertusum in imo, & summæ maceratæque pinguedinis solum. Hoc tamen reliqua cultura distat, quòd in digitum radix deponitur, quòd aqua

Trifolium
palustre.

supernatare non debet, cum insuccatam limosamque esse humum satis sit. Licet autem hæc planta hiemem non reformidet, à gelido tamen Septentrionis afflatu eam avertere præstiterit. Vere floret, interdum etiam autumnò. Ut autem senescentibus novos flores continues, plura de illis vasa conferes: cum unum aliquod prope jam flores amisit, humi acclinatum siccari ac sitire patieris: deinde aridam superficiem attondebis, terræ præpinguis exiguum adjicies, & aquam superfundes: ea industria flores alieno tempore evocabit, atque ita per vices vasa vere perpetuo lutei floris aureiscent. Cum radicem voles eximere, sobolemque transferre; tum vere, tum autumnò id facies. Communis est cum Calthæ superioris cultura cultio Trifolii palustris, geniculata radice latè proserpentis; terna folia, ovata, glabella, & carnosâ singulis in pediculis surrigantis; flosculos hyacinthi effigie albos, densis albidisque staminibus instar Capparis capillatos, à medio ferè bipalmi caule sursum versùs palmari spica extollentis; folliculos denique parvos & rotundo rufo, miliique persimili semine implentis. Sicui præterea suppetat in hortis commodi fontis, aut lacusculi, aut piscinæ oportunitas; is melius poterit in imo ejusdem labro, prædicta terra constrato, & has, & alias aquaticas florum feraces plantas eadem ratione conferere, hoc est, in aquis hortos instituire.

Indicæ

Indicæ stirpes in hortis Barberinis.

CAPUT XXI.

India quoque ut opum, sic florum prædives
 expolitissimos Barberinos hortos singularium
 admirabili munere plantarum exornavit; ut
 illi suo similes Principi longè inter cæteros emine-
 rent, ut Romanarum deliciis Apum India Romæ Cassiod. in
Chron.
 vernaret, utque Numæ Capitolium vetus in Quiri-
 nali, postquam in dominatricis familiæ viridarium Martian.
l. 4. c. 22.
Lips. de
Magnitud.
 refluoruit, amœnitatis Indicæ tributariis floribus
 coronaretur. Ea igitur ornatu barbara, ingenio
 amœna, manu Pallas, vultu Venus, quàm strenuè
 pugnaci arcu, tam formosè feroci supercilio sagit-
 tifera, ut appposito regnantes Apes dono cultuque
 demereatur, florum semina quæsitissima defert ad
 littus. Inde Neptunum per liquida regna natante
 curru non ita procul aurigantem brevi sermone
 compellat. O fluctuantis imperii tranquille mode-
 rator, qui per infidas & naufragas vias tenui ligno
 linoque orbem terrarum ultro citroque portas:
 denique disternatas immenso elemento gentes,
 ventis licet reclamantibus, undis licet obluantibus,
 mutuo commercio misces, atque unum alteri
 mundum admoves, age, Apibus mellea suavitate
 amabiliter dominantibus remotissimæ Indiæ gra-
 tum obsequium siste. Quid autem mellificas Apes
 oblectet magis, quàm florei delectus amœnitas?

A a 4

Has

Ita præviæ Indicæ stirpes Barberinos ad hortos feliciter appulsæ sunt; atq; inter mellitas advolantium Apum blanditias felicius hospitantur, totas floridæ Indiæ silvulas felicitatis illecebra mox evocaturæ.

Longissimè remotis, necdum à patrio solo digressis præire cœperunt exemplo proxima ejusdem Indiæ plantaria, quæ non ita pridem Romanos ad cultores diverterunt: cum certatim cupidèque ad Hyblam properent Barberinam. Et adhuc sanè properarunt è narcissis qui florem amplissimum liliaceum rubente saturat croco, qui lilio itidem similis primitivum candorem levi paulatim rubore confundit, quique puniceis foliis densissimam staminum cæsaricæ coronat. Neque narcissi segnior venit, ut formæ, sic officii æmulator, hyacinthus, cui candor atque odor famam, tuberosa radix nomen dedit. Crassis quoque raptabunda geniculis Indica

Juca lentè festinavit. Canadana pariter insolitæ magnitudinis fraga adrepserc. Tenuissimis leviter niuum fibris Americanum Trachelium faciliè solutis retinaculis accurrit; Dominoque concolor Purpurato, flos Barberinus, & planta Cardinalis evasit. Ipsæ altiùs ac pertinaciùs humi hærentes plantæ, revulsis prælongis radicum digitis, adfuerunt, Indicum scilicet flore phœniceo Gelsiminum, Granadilla, Vitis Canadana, Indica Laurus, Oleaster exoticus, Arbor vitæ, Acacia, Sinensis Rosa. Indica præterea peramplo folio, eleganti flore, fructuque prædulci Musa, quam Plinii Palam esse,

Narcissus
Indicus è
rubro cro-
ccus flore
liliaceo.

Narcissus
Indicus lili-
accus flore
purpura-
scente.

Narcissus
Indicus flo-
re puniceo.
Hyacinthus
Indicus tu-
berosa radi-
ce.

Juca Indica.
Fraga Ca-
nadana.

Trachelium
Americanum.

Gelsimi-
num Indi-
cum maxi-
mum flore
phœniceo.

Granadilla.
Vitis Cana-
dana.

Laurus In-
dica.

Oleaster
exoticus,
Arbor vitæ.

Acacia.
Rosa Si-
nensis.

Musa.

Nat. hist.
l. 22. c. 6.

Pa-

Garzias ab
Horti Plant.
Hist. l. 2. c.
10. apud
Clas. in exor.

Papyrus

Tobias Al-
dinus.
Arbor Co-
ralii.
C. Clas. Ap-
pen. ad hist.
plant.

Palan appellatio Malabarica prope eadem persuadet, quo congruentius in Parnasso vernaret, quam ubi, Musarum volucres, Apes sibi nidificant, Musis mellificant? Addidit se stirpibus Indicis Ægyptia Papyrus, victuro in chartis Principi decora planta. Verum hæ stirpes rarum, illæ decus afferunt singulære, quibus unos India Baberinos hortos herbarum scientissimi Tobiaz Aldini manu conferit & condecorat. Prior Americana Coralii arbor bono minutoque in solo intra testam semine sata nostratis phaseoli simillimo, splendide tamen rubente planèque coralino visendam in altitudinem exiit, pluribusque ab radice stolonibus fruticavit. Medius & crassior caudex tres digitos biennio implevit. Palmari supra terram intervallo patulos dissipatur in ramos. Cortex per adolescentiam lævior viret: in senecta rugosior ficulnei facie pallet. Raris idem, brevibus, pallidis, hamatisque sentibus armatur. Folia, ut in silvestri Siliqua, nullis incisuris interrupto, sed æquabili & prope rotundo ambitu circinata leviter fastigantur: ipsius etiam hederæ rotunditatem, amplitudinem, crassamentum, duritiamque referunt. Singulos hinc & illinc porrectos nervos brevi pediculo nixa in triangulum terna sempiternò convestiunt; ac temperato lætoque virore spem colorant coralini ruboris in floribus legendi, non inter naufragia expiscandi.

Flo-



Flores per arbusculæ immaturitatem Romæ nondum tempestivi, coraliū æmulaturi, pulcherrimique nominis sœnus maternæ stirpi repensuri expectantur. Deflorescens deinde arbor in concolores floribus phaseolos creditur siliquatura. Hæc interim peregrinorum ritu pomorum, quæ ab acore nominantur, satis irrigata, largiter insolata, in primis autem inimico frigori subducta pulchrè valet & convalescit. *Brasilius* Phaseolus è subnigro semine, lupinum æquantē, atque umbilicum leviter lunante, propter coctilem laterculum in bonam succretamque eorundem acidorum fructuum terram depositum tam feliciter extitit, ut intra annum quindenos in palmos adoleverit. Simplici, tenui, caduco, & vitigineo assurgit caule, instar vitium statuminando. Dextro lævoque latere alternantibus è gemmis, quadruplici digito intervallatis quaternum itidem digitorum ramuli erumpunt, mali Cydonii latiore folio triplici aut quadruplici semper virentes; indidemque virgulæ, duplo longiores porriguntur, primum flore fabaceo quâ candido, quâ subrubicundo, siliqua deinde (quanquam hæc nondum evenit) fastigiata. Indicum hoc legumen à frigore tuta & aprica positione, aquæ præterea tempestiva ministrante in extero solo libenter didicit hospitari.

Phaseolus
Brasilius.

Sc-



Præsentissimis parantidotis, Malabarica Moringa, Moringa. Christoph. à Costa l. 1. c. 15. Apud Claf. in exot.
 semine confita Erui simillimo, eodemque cultu
 educata, in fictili vegeta, laxiore loco vegetior, ju-
 cundissimi floris vice hilarem explicat viriditatem.
 Caule ramisque nodosa simul, & fragilis ad Len-
 tisci naturalem staturam incremento jam cubitali
 contendere videtur. Minutis & lentiscinis foliis
 raram sterilemque adhuc, dum ista scribimus, ob-
 tendit umbram, quippe fructus pedalis & octogoni-
 ni, crassitudine raphanum æquantis, nondum se-
 ra x. Cajus five Cajous, ac Tamarindus
 primulo germine præmiserunt exiguum sui tene-
 rumque rudimentum. Id. c. 24. a. ped. eund. Garz. ab Her. Arbo. hist. l. 1. c. 30. apud eund.
 Illius arbor malum Puniceam, hujus Fraxinum aut Juglandem apud nos
 etiam æquatura creditur. Cajoi nucem lepörimi
 renis figura, & colore cinereo in rubrum incli-
 nante, vas exceptit, humus bona nutrit. Mense
 Martio posita exitit Majo: Septembri quatuor di-
 gitos eminebat. Lauri regia folio minutiore viret:
 viget autem apricatione assidua, irrigatione sedu-
 la, cautaque frigore declinatione. Florem candore
 formaque mali Medicæ flori consimilem, folio-
 sioiorem tamen, nec ita odoratum; itidemque fru-
 ctum grandiori malo æqualem, flavum rufumve,
 bene olentem, spongiosum, succi plenum, cum a-
 strictione subdulcem, è prominula nuce, suo scilicet
 exubere, alimentum incrementumque sugentem,
 accuratissima educatio pollicetur. Tamarindi


Bb

ar-

Tamarindus.

arborem è semine , lupini ferè gemello , sed fusco, cura prope par , & cultura in duos jam extulit palmos, rufa & ramulosa virga surgentem , ramulis utrinque alterna serie digestis , & minutim foliosis ; foliolis, veluti pinnulis, in alas è regione geminatis, diluto colore virentibus, acidulo sapore jucundis, & acrem herbaceum intinctum concinnantibus, sub noctem velut in somnum conniventibus, bene mane velut ad vigiliam grato spectaculo sese pendentibus. Nec vana præterea spes est, alibi nesciam hospitari plantam in Apum ac mellis amœnissima Regia flores citaturam, qui candido colore, suavique spiritu cum ipsis Medicæ mali floribus certent, octo foliorum majore numero victores : medicatissimum quoque fructum addituram, qui Græcæ Siliquæ more proveniat.

Fla-





Flavum Gelsiminum, Sinensis Orientis, sive (ut
alii malunt) Indici Occidentis delictum, ac nostra-
tis orbis miraculum, nullo melius in theatro, quàm
Barberinis in hortis suspiceretur, quibus Urbanus
Sol, Vaticano tum rubore tum candore nitidissi-
mus, nempe Alius & idem beatissimè affulget.
Accersivit ad Romanam amœnitatem Eques Cas-
sianus à Puteo, ad quem cumulatissimè ornandum
& animi, & generis, & opum decora difficili alioqui
fœdere conspirarunt. Misit Aquis Sextiis Salyum
Nicolaus Fabritius Peiresius Senatorii cum ordinis
tum consilii vir, cujus prudentissimis in Republica
tuenda curis fructuosus labor florei cultus laudabi-
li voluptate coronatur. Hic ergo frutex Romam
translatus in duo ferme cubita attollitur. Lævi cor-
tice, amaranthum referente, purpurat. Ab imo
caule ramus pluribus virgis, itidem in ramulos
brachiatis, fruticat. Foliis viret saturato splendi-
doque colore conspicuis, oblongis, Punicæ mali
foliorum instar duriusculis, densis, non incisis,
non deciduis, quinis ternisve in singulos ramulos
coëuntibus, alarum aspectu per virgarum latera
explicatis. Floribus autem flavet omnino aureis,
vulgaris gelsimini simillimo pediculo innixis, per
summa ramorum in umbellam diffusis, Hispano
gelsimino minoribus, diutius vernantibus,
invalescente cum stirpe majora quotannis incre-

Gelsimi-
num Indi-
cum fla-
vum odo-
ratissimum.

Cassianus à
Puteo.

Nicolaus
Faber Pei-
resius.

menta capientibus, ejus floris, quem vulgò Saponariam vocant, facie retusis, suavissimè olentibus, arido etiam è cadavere odoratam animam spirantibus. Post florum gemmas baccis gravescit, minuscultas oleas magnitudine primoque virore exæquantibus, à maturitate deinde liventibus, maturæ instar uvæ translucidis, inclusumque nigellum & longulum, quale pyra includunt, semen indicantibus, hîc præterea solitariis planèque unionibus, illic gemellis & cohærentibus. Culturam exegit cum Hispano communem. Humorem in primis aniat, & solem. Gelidam Septentrionis animam odit: imò etiam quodcunque hiemale frigusculum in tantum reformidat, ut viridissima folia luteo pallore tingat; corticem lævorem, ac ruborem decorum minutim granosa luridaque scabie asperet, ac decoloret; proserpente demum aritudine citò senescat, & pereat. Sed hiberno frigore infestari publica multarum stirpium calamitas est. Ille fruticis hujus teneritudine peculiaris, ut, per æstivos fervores sitientibus herbis cæteris expetito guttatimque propinato rorantis cœli nectare lædatur. Etenim floris folia vel levissimo roris aspersu pallefcunt, assiduo etiam infusu exalbescunt. Hac autem feliciter industria propagatur externus frutex. Virga ab exteriori par-

parte , qua vix latum unguem distat à matre , sursum versùs obliqua plaga in transversum digiti longitudinem ad medullam usque inciditur : incisuræ leviter diductæ lapillus inseritur : sabulosa terra , vel argilla nonnihil humecta plagæ illinitur : oblitum deinceps vas in altiorem laxioremque testam demittitur : & inhumandæ incisæ parti humus superingeritur : aut certe angustius , ac dividuum sine fundo fictile utrinque admovetur , & modicè deprimitur ; ut ad obruendum propaginis vulnus satis emineat , nec nimio descensu matris radices convulneret. Nisi verò id vasis suppetat , testaceis fragminibus circum oras fictilis defixis aggerando solo , tegendæque incisuræ parabile vallum excitatur. Sunt , qui cæspitem eximant è fictili , & ima parte subsecta , reponant : subsidentem autem incisam propaginem humo adobruant. Hoc alioqui percommodum inventum eo nomine videtur incommodum ; quia dum supernè prodest , inferiùs nocet. Subducta enim , quæ imam plantam alebat & fovebat , humus quidni noxæ sit ? Ergo per vulnera impetratis radicibus , anno jam exacto secundum matrem abscissa virga transferetur : & Indicum aurum flavos in flores liberaliter egerminans nostro etiam in orbe propagabitur , hoc est (ut illustri poëtæ ferme eadem aurea ver-

ba in rem meam usurpem) floridam parentem
æmulata, simili florebit virga metallo.

FLO-



FLORUM USUS

ET

ADMIRANDA

LIBER QUARTUS.


*Florum structura multiplex.*

CAPUT I.

EO potissimum spectat universa florum cultura, ut messem variè voluptariam faciamus, si-
ve ut eodem demissos flores multiplici serie velut arctiores in hortulos disponamus. Novo igitur more, singularique sollicitate hortensis messor præmaturum gaudii fructum in flore legit; ac tempestivè metit, dum adhuc messis in herba est. Voluptatis enim seges tum maximè maturuit, ubi non-

ma structura flores dispones prælongo caule præditos , ut ad imum fasciculi manubrium, quoad poterit, porrecti, altricem in vasis aquam exorbere possint. Duplici fasciculum ratione obligabis. Aut enim unumquenque florum ordinem bis terve , aut sæpius circumducto nodatoque , ac deinde ad extremum usque fasciculum gradatim demisso longiore lino devincies : aut certè, ubi summam seriem linea spira sine nodo substrinxeris, florem orbem alium subjicies, superioris fulcimentum, ad quem pariter illigandum spiram eandem cautè deduces : eodemque singulos orbes modo continebis, donec ad ultimum deveneris, quem lini volumine multiplici astringes, non sine magno vinculi compendio. Perfacili etiam opera floribus in vasculo bellè dispositis, ac demum subligatis, vario fasciculis artificio compones. Illud autem universè curabis, ut artifex collocatio discolori structura naturam imitetur grata varietate consulentem voluptati. Cæterum capulus ipse narcissinis foliis in longitudinem demissis, consertèque compositis vestietur: summa & ima pars lineo nexu coercetur : linum autem circumvoluto narcissino folio utrobique, si libeat, protegetur: ad octo digitos producta longitudo æquali cæssione terminabitur. Ut autem structilis hæc florum congeries discolorum vivacitatem proroget, resupinato capulo frigida identidem

dem infundetur. Sicenim cum proximi & conspiciui, tum fortè remoti abditique scapi utiliter portabunt. Quin etiam proderit flores ipsos levi aspergine irrorare. Placet hîc florei fasciculi exemplar proponere, ut etiam oculis flores olfacias. Illud addo præterea, fasciculum exhiberi potuisse florum varietate locupletiore concinniorèmq; sed uni structuræ in brevissima pagina indicandæ minùs miscellaneum typum perinde visum esse idoneum.



Commonstrare præterea convenit Romanam, Calathus
florifer tri-
plex.
id est, pulcherrimam florum architecturam, quam
principum virorum animis parabili speciosoque
tributo demerendis Tranquillus Romaulus, Tranquil-
lus Romau-
lus. lau-
datissimorum gloria hortorum florentissimus, pau-
cos ante annos excogitavit. E delibratis viminibus Calathus
primus.
calathus aut rotundus, aut ovatus, prona concava
parte gibbus, ac testudineatus hoc authore con-
textitur. Media pars nonnihil editiore textura
infixorum, hispidaque segete extantium, nec-
non gradatim ad umbilicum usque assurgen-
tium viminum corona minimum triplici valla-
tur. Et laxioris quidem coronæ ambitus ab ipsius
calathi ora quatuor circiter digitos distat: una-
quæque verò inter se binis ternisve digitis se-
paratur. Vimineum solum, tum quod extra val-
lum porrigitur, tum quod interjacet, variis flo-
rum ordinibus, distincta generum & colorum
serie in ambitum dispositis, sic insternitur, ut ipsis
in extimam partem floribus obversis, in intimam
caules inter extantia vimina porrigantur. Ipse au-
tem calathi umbilicus supinis flosculis, quorum
cauliculi prius detruncandi sunt, confertim integri-
tur. Surrecta denique vimina ordinatis floribus
perornantur. Id autem ut pulchrè fiat, in ipsorum
scapos, si vacui sint, eadem immittuntur: sin autem
duriuscula medulla pleni; debent ipsi florum sca-
pi modice demutilati concavos alios in scapos ex

Cc

alte-

Alter.

Tertius.

altera parte inferi, ex altera verò vimina im-
 mitti. Quin etiam custodiendum est, ut illa,
 quatenus extant, vel uno caule, vel pluribus con-
 vestiantur. Ita florea ætate aridæ quoque vir-
 gæ sese induent in florem. At verò tulipis,
 quæ concavo scapo non sunt, ordinatè statuen-
 dis, peculiarem calathum, modicè cavum, ca-
 lathiscis compluribus quatuor digitorum alti-
 tudine intextis peropportunè capacem, eodem
 authore Tranquillo, comparabis: calathi hujus-
 ce fundum myrtaceis ramusculis flosculisque
 præsternes: eodem ornatu convestitos quasillos
 lectissimarum manipulis tuliparum, & si collibi-
 tum fuerit, humilioribus quoque florum ramulis
 infarcies, ut eorum silva multicolor excitetur.
 Concinnior alia, & frequentius usurpata florum
 dispositio ea est. Vimineus orbis peramplus,
 quantus in dulciariis placentis, quas Martios panes
 vocant, circumferendis adhiberi solet, compara-
 tur. Quatuor in ipso æquali crassitudine ac lon-
 gitudine arundines, pro viminei orbis amplitudi-
 ne proceræ, in summo æquabiliter circumsectæ,
 in imo bifurcæ, paribus à medio atque inter se
 intervallis, in quadrum, necnon ad lineam defi-
 guntur; transmissioque per singulas inferiùs effora-
 tas lineo vel ferreo filo subsuuntur. Arundo cæ-
 teris modicè prolixior ad eundem modum media
 depangitur. Diffisis deinde arundinibus, aut
 len-

lentis ramusculis, aut funiculis præfixarum quatuor arundinum, ima, media, summa pars in orbem trajicitur, aut circumligatur: atque huic etiam ad commensum circulus interior adjungitur, ne stabiliti extrinsecus arundini calami summa intrinsecus parte impelli & nutare possint. Qui circumjacet planus ambitus, myrteis ramulis confertim assutis ita contegitur, ut, crassiore extremitate sub imum arundineum circulum nonnihil immissa, ultra viminei orbis oram aliquantulum cacumina exporrigantur. Exterior quoque arundineæ turriculæ pars myrti ramis, recto positu per ipsos circulos insertis, æqualiterque circumtonsis, convestitur: interior concisis minutisque foliis, tres circiter à fastigio digitos subsidentibus, oppletur. Ad hæc super substrata prominente myrto multiplex & multicolor florum series multiplici ea lege degeritur, nimirum ut unaquæque corona unius & generis & coloris sit: ut, qui pulcherrimè inter se dissident colores, componantur: ut infimus ordo ultra myrtea cacumina flores porrigat: ut superior series summis floribus ad inferioris extremos pertineat, donec introrsus recedens gradata structura ad imam usque turriculam pertingat: ut florum scapa supra substatam myrtum extendantur, aut etiam (si per proceritatem liceat) sub imam arundineam coronam recondantur: ut præterea jacentium inter ordines florum alii nobilioris notæ for-

mæque stantes flores ordinato responſu collocentur. Cæterum media turrata machina ordinatim diſcoloribus florum faſciis ornatiffimè diſtinguitur, inſertis ipſorum caulibus & in conveſtientem arundines myrtum, & in penetralis turriculæ congeſtitiam viriditatem. Poſſunt autem flores, qui circulis firmiùs innituntur; decorticatis viminibus in ſcapos (ut ante diximus) immiſſis, tremulo luſu audaciùs prominere, cæteris floribus per anguſtiores circuitus verecundiùs corridentibus, & myrto cohærentibus. Hic mihi ſtructor præmonendus eſt, ut grandiuſculos ſatiſque conſpicuos flores ſimplici, minutulos & parum ſpectabiles geminata ſerie diſponat. Sed amœniſſimè vernare debet in florea ſtruce faſtigium. Ergo & frondeo ſarto flores vario ad arbitrium ordine inſiguntur, & in ſummis arundinum internodiis fabrè compacti florei faſciculi, ſive triumphantis in urbibus Floræ vexilla formoſiſſima attolluntur. Licebit præterea ipſas arundines arte multimoda collocare, ut innumerabiles formæ ac gentilitia sæpe inſignia exprimantur. Uſque adeo floribus ædificare plauſibile eſt. Id ædificii præmaturè ne corruat, aquulæ frequenti aſperſione ſuſtentabitur.

Alias



CC 3



FLOREAE POMPAE LERCVIVM TVRRITVM



Alias quoque perelegantes admirandasque moles Aliæ moles
è floribus
 opere nonnihil diverso è floribus quâ colligatis,
 quâ solutis, quâ integris, quâ etiam concisis exci-
 rare cœperunt Fabritius
Sbardonus. & Joannes Jo. Baptista
Martellet-
tus.
 Baptista Martelleetus, cultorum par, floris non
 ferendi modò, verùm etiam concinnandi peri-
 tum in paucis. Uterque igitur è tabellis virgilique
 rudem compagem præmolitur: tum singulas ejus-
 dem partes apto flore (sive illæ minutum exi-
 gant, sive grandiore) ita convertit; ut idem
 illic non apponi, sed nasci debuisse videatur.
 Vidimus nuper novitate spectaculi Argo vetustæ
 non cecedentem, fabricatam è floribus Navem,
 cum minimè raptura vellus aureum, sed obse-
 quium auro pretiosius delatura ad meritissi-
 mum Principem, Carolum Cardinalem Pium,
 per Urbem vela faceret, secundissima po-
 tius aura cum admirantium; tum plaudentium,
 quàm manibus proVectam esse gestantium; cui
 florum genitor Zephyrus libentiùs, quàm cym-
 bis ligneis, aspirabat. Verumenimvero hæc mo-
 les operosæ ac peramœnæ, quia citra copiosi assi-
 duique humoris opem facile arescente strue con-
 surgunt, mox elanguescentis atque dilabidæ flo-
 rex pulchritudinis ruinosa sepulcra, & brevìa
 Mausolea sunt. Quare, ut recisus atque structilis Vasa flori-
bus immit-
tendis per-
forata.
 flos, nempe cada res, ubi vis locatus aquam po-
 tet, ac diutius duret, novo artificio & opportu-


Horatius
Grassius.

nam & lepidam excogitavit machinam nostro ex ordine fertilis ingenii vir, Horatius Grassius, non in mathematico tantum, sed in hortensi quoque pulvere Archimedes. Hoc enim invento in quancunque figuram possunt vasa deformari, quæ toto licet corpore perforato sint, nulla tamen ex parte aquam effundant. Age subjiciat oculis ipsa descriptio, quod animo fortasse incredibile videatur. Placet in primis ejusmodi vas, cujus pars ima in patentis polubri planam capacitatem explicata structuræ superioris planitiem, densissimo ad hortorum invidiam flore distinctam, repræsentet; editior verò pars turritum illud pegma, opere itidem flore exornatum, forma lepidiore victrix æmuletur. Hujusce igitur vasis penetrabile arcanumque artificium illud est, quod pars dissecta clarè patefacit. Totum enim interius vas quinque vasculis, sive conceptaculis, aut infundibulis, & quatuor aut re-ctis, aut in latus inclinatis siphunculis, ad aquam sensim transfundendam utrinque perforatis, coagmentatur. Et singuli quidem siphunculi sub ima cujusque vasculi foramina, ne humôr effluat, porriguntur. Possunt minore negotio summæ vasculorum oræ singulis grandiusculis crenis sic demutulari simul, & perforari: ut superiore parte inherens, inferiore verò in labrum squamamve porrectus obex prohibeat, ne defluens aqua exteriora perforamina exundet. Aqua è summo vasis ore defusa

defusa prius vasculum replet ad summam usque fistulam vel ad crenam, per quam transmissa secundum, parique ratione reliqua opplet conceptacula; donec ex imis humilioris vasculi foraminibus exundans indicio erit, vastotum idoneo alendis floribus humore abundare: qui tamen è toto foraminibus pervio vase non elabitur, quòd ad foramina non pervenit, quæ inditur, aqua; sed, ad summum usque tubulum crenamve repleta superiore conceptaculo, quæ superfluit, per eosdem exitus in subiectum vasculum defluit, ac deinceps in reliqua, usque dum ad infimum descendat; unde tantum, sinimia transfundatur, redundabit. Ipsa autem flores ita collocantur, ut, qui foraminibus inferuntur, perparum emineant; ne conspicui vasis formam adventitius abscondat ornatus. At verò in expositis quatuor conchis, quas totidem larvales vultus suffulciunt, singuli florum fasciculi lepidè compacti pulchriore candidis unionibus discolore fœtu decenter extabunt. Media in ore summo amplior & procerior silvula ludibundum in tremorem latè nutantibus floreis capitibus gestit, suæque ipsa celsiori ac triumphali formositati plaudet. Ejusmodi vasquò grandius, eò fuerit etiam hunc in usum opportunius: florum enim densior collocatio, ac diffusior porrectio partium decora singularum non adobruet. Quare palmorum minimùm quatuor altitudinem requirit,

quirit, quemadmodum satis edocet seorsum addita dimetiens. Illud habeo præterea subjiciendum, idem vas; quia & molis magnitudine, & inditi humoris copia, & florum additamento maximè ponderosum, & casui obnoxium erit; providentissimè factum iri, si minimè circumferatur, sed apta in sede, unde commodè circumspecti suspicique possit, immobile statuatur.


Pate-



Patefacta superioris vasis arcana structura intestinum columnæ artificium aperit, quo totam triplex foraminum spira convulnerat, florea fascia suaviter medicandam. Eadem poteris arte obeliscum pulchrius, quàm Ægyptiis notis, insertis floribus inscribere. Neque verò minore cum admirabilitate, tum voluptate scatebit vas; quod undequaque perforatum plura, quàm ipsa vocalis Fama, pandit ora, ut, quæ volumus, insignia seu notas floreis vocibus eloquatur. Tria hîc observabimus: primum, ut in foramina flores immittantur, qui solitarii funduntur è cauliculis: cujus generis sunt anemonæ, caryophilli, rosæ; nequaquam autem adhibeantur, qui singulis è scapis multiplici germinatu pendent, ut videre inter cæteros est in hyacinthis narcissisque. Illi enim, quòd pressè adhærent, quæ cupimus, distinctè notant: hi; quòd immodicè prominent, notata confundunt. Alterum, ut apto ad ea, quæ destinavimus, discriminanda & exprimenda discolores flores ordine collocentur. Postremum, ut summo ex ore densior atque explicatior florum copia sic emineat, ut subiecta formositas pulcherrimè capilletur. Superest jam ferme omnibus id genus vasis commune, triplex artificium explicandum: ut videlicet, si velis conceptaculis singulis cum aquæ, tum scaporum faciliè putrescentium sedimentum situmque posse detergere, tota vasculorum serie extimæ dimidiæ

midia parte hærente, pars altera dimidia (si tamen ea lignea seu metallica placeat) adapertilis, confertisque fibulis nexilis fiat : aut eadem vascula medio tertio stylo continuata in extimi vasis theca utrinque sejuncta, & bipartito divisa, itidemque nexili claudantur : aut certè (quod in obelisco tantum & columna locum habet) integra pars extrema vasculis inanis elaboretur, deinde vasculorum series thecæ inanitati per medio perpetuoque stylo nexa disponatur. In adapertili autem vase citra siphonum crenarumque usum vascula singula seorsum aqua poterunt repleri.

At



VAS ALIUD PARITER FORAMI
NIBVS PERVIVM FLOREIS
NOTIS INSCRIBENDVM
COLVMNA FLORIBVS IN SPI
RAM INFIGENDIS PERFORATA





At verò siquem magis delectat, in simplicioris artificii vase digestis floribus, sub testō, atque adeo intra ipsius conclave parabilem & translatitium hortulū alere; nova forma fictile hic usurpet, quod & animo primū mihi finxi, & re ipsa deinde in hunc eundem usum percommode usurpare cœpi. Argillaceum vas placuit. Hoc enim meam mihi originem suggerit, ex argilla oriundo: hoc addeceat parvo bene viventem, tenuique ditissimum. Potest argentea, vel aurea locupletiorum efficacitas artificioso testæ hujus imitamento pretiosum illud exhibere prodigium, ut argentum aurumque floreat. Pes modico gyro circumscriptus nonnihil extuberat: hunc trochilus, sive canaliculatus orbiculus angustat: summum trochilum torulus, nempe circulus eminulus coronat: inde uterculus brevi ascensu extumescens laxiorem transit in uterum: amplior trochilus, sive collum quadantenus introrsum agitur: os prælargum, utroque suppar in labrum nonnihil exporrectum resupinatur: binæ ansulæ in geminorum anguium spiras innocentem minaces retorquentur, quorum capita tortili lapsu labrum, caudæ uterum complectuntur: medios angues sinuato penduloque tergo in speciem lubricos vario circumplectati volumine anguiculi coercerent. Dicas, appositè spiras anguineis ansatum esse vas, immixtis floribus exornandum; ut in florida quoque ingenuæ amœnitatis herba anguem latere

D d

intelli-

intelligas. Operculum in aliquam hemisphærii seu tholi formam ad excipiendos habilem flores incurvum, grandiore foramine in summo vertice, minoribus autem in reliquo ambitu alternantibus foraminibus undique pervium est floribus insertandis. Arrisit id genus operculi, quo ad arbitrium detracta, & aqua, ne situ computrescat, vetere universa effusa, recens identidem altero vel tertio quoque die infundi, & extremi florum scapi ab humore jam tabescentes, nihil prorsus mutata florea serie, attonderi possunt. Tota verò testa intus forisque lævi ac polito albario inducta, extrinsecus Arabum foliosa pictura, quæ veris cum floribus de venustate certet, exornatur.





THE UNIVERSITY OF CHICAGO
EX LIBRIS
1900



dd3

IDĒ VAS ORDINATIS FLORIB⁹ CONSPICVVM



Sed ista florum gloria mutila est, ut integri decori sint: ut turmatim in fasciculos, tanquam ignobilium vulgus herbarum, colligantur. Nobiliores ad usus imminuti concisique traducuntur: perque ingeniosa damna, & artifices injurias novamusi operis æmulatione illustrium virorum vel insignia, vel etiam facta floridis sanè coloribus ad urcundam fallaciam emetiuntur. Tertio decimo abhinc anno floream hanc picturam exhibere cœpit Benedictus Dreus, Vaticanæ fabricæ utensilibus præfectus, cumque optimæ indolis filio Petro Paulo hac arte quotannis exhibet. Pictam graphidem ad commensum operis præparat, ut fieri solet in emblemate vermiculato: deinde magnitudinis ejusdem papyrum oleo, quod è lini semine fuerit expressum, inungit: eandem siccato jam unguine translucidam ipsi graphidi applicat: corporum lineamenta innocenter impresso stylo circumducit, & acu spissè trajecta minutim perforat. Æquali præterea telæ, quæ benè intentæ & compactis in quadrum asserculis affixa sit, eam papyrum aptè imponit: atri Carbonis pulvisculum in raræ texturæ linteolo conglobatim illigat, & pressè affrictum per foramina transmittit: sublata papyro, punctim notata in linteo lineamenta penicilli ductu continuat. Ad hæc multicoloris florei paratus quæ integris, qua consecris, prout usus exiget, foliis artificiosè digestis umbram operis, lineis circumducit,

Musculum
opus è floribus.

Benedictus
Dreus:
Petrus Paulus
eius filius.

Etiam, ad expictæ graphidis imitamentum colorat.
 Ita, propter exemplum oris humani temperatum
 ruborem cariophyllus ex albo subrubens appingit:
 genas rosa suo jure occupat, ut eas vere roseas ap-
 pellemus: oculorum pupulas cærulens ille, sive
 subniger flos infuscat, quem alii hyacinthum bo-
 tryodem silvestrem, alii comosum minorem vo-
 cant, in agrorum marginibus & secundum vias
 nascentem. Quin etiam idem qui lumen gemi-
 nat in capite, toti umbras inducit corpori. Flavet
 capillus in genista: nigrat in cæruleo hyacintho
 botryode: canet in candido cariophyllo: illumi-
 natur umbraturque eorundem apta permissione
 florum. Vestes nobilitat & opulcentat colore cæ-
 lesti flos regius, qui ab equestris calcaris imagine
 vulgare nomen sortitur: purpureo silvestre floris
 rufi papaver, aut ruber cariophyllus: auro geni-
 sta: viridi myrtus. Usque adeo ambitioso labore
 quæsitæ expressique in Urbibus colores in agris ob-
 vii parabilesque sunt. At verò cæli serenitatem
 cæruleo aspectu simulat prædictus regius flos: pal-
 lido nubeculas suspendit rosa Damascena, & gelsi-
 minum. Multiplex in hoc opere faciundo provi-
 sio ac diligentia est. Locus enim deligitur frigi-
 dus & opacus, qui nativos florum colores tueatur.
 Tempus destinatur exponendæ picturæ proxi-
 mum, spatioque circiter bidui brevissimum, ne
 minimè vitalis florens decor ante gloriæ plaususque fru-

fructum evanidus consenescat. Discolor è floribus testorum digiti ferè crassitudine inducitur, ne tenuius dilabatur. Ubi fuerit opus, flos elanguescens aut dilapsus recentatur. Æquali demum libramento supina destinata in sedem transfertur uno leviter juncta congestu structura, ne devertentia illam confundat ac destruat. Hoc igitur artificio fabrefacta solemnibus Divorum Petri & Pauli feriis suspiciendarum rerum florea simulacra in Vaticani sepulchri ornatissimo pavimento spectanda proponuntur. Et alii quidem anni gentilia Pontificum insignia tergemino diademate ac pontificiis nominibus insignita : tyrannicarum alii pœnarum etiam in floribus crudelia instrumenta : triumphales palmas & coronas alii : cœlestium alii legatorum par nobile, Petrum scilicet Divina potestate clavigerum, & Paulum penetrabili eloquio ensiferum, ab ultimo complexu ad supplicium digredientes : alii demum eisdem uno tumulo compositos ea structilis floris arte repræsentarunt ; ut in Vaticanæ majestatis obsequium citra ullam artem admirabili spontis suæ pictura pavimenti marmora ipsa vernare viderentur. Postremus hic tandem annus eidem Petro arcanam Christi Divinitatem submissè adoranti, desertèque profitenti solidam beatitatem oris divini oraculo rependit. Et licet utriusque diverbium dociles flores grandiore subjecta litterata pictura eloquerentur ; ipsa tamen corporum
florea

florea conformatio tam arguta erat, ut in eadem animi sensus vocesque sentires. Videt igitur jam omnibus annis, & obstupescit sapientissima miratrix Roma feliciter artificiosam audaciam: quando sine fabulosis præstigiis & offuciis licet floribus in Heroas Divosque transformari. Fuit etiam nuper in celeberrimo confluentium spectatorum concursu, qui sic plauderet, nostra, quam prisca, elegantius & efficacius ætate sepulchra floribus conspergi, quorum vegetis coloribus extinctorum majorem non modo decora, verum etiam ora reviviscerent: nec alia decentius posse, quam concisorum purpura florum, Christianæ religionis principes propugnatores, illustri cæde purpuratos, expingi: ut pie fortiterque fusi cruorem vel à funere vernaturum interpretemur. Illud præterea decorum gratumque spectaculum eadem nupera solemnia exhilaravit, ut flores in amicas Apes, Barberinum insigne componentes, reformarentur. Hæc autem fuit visendæ rei structura facillima solertis invento juvenis Stephani Sperantii, qui sub inclyti nominis equite Joanne Laurentio Bernino egregiam navat operam statuariæ. In duobus per pictis vasis regiæ lauri trunci singuli sic depacti sunt, ut aliquantulum prominere. Geminæ utrinque generis ejusdem foliosæ virgæ ad alligatæ connexis cacuminibus ovatum in orbem coiverunt.

Apes è floribus.

Stephanus Sperantius.
Jo. Laurentius Berninus.

runt. Ad hæc alios è cera, ex herbaceis fasciculis alios Apum typos, dimidiatum ferè palmum longos gummi Arabica bene perlito, genistæ folia ordinatim adjuncta contexerunt: fusciore alvi lineas circulatim intercurrentes flos Africanus minur, superne in fulvo rubens, mollique holoserico villosus coloravit: capita minutatim incisus asphodelus liliaceus obsoleto rubore distinxit: oculos rotundavit saturo colore purpurea scabiosa, quæ fortasse Ætiii psora est: membranaceas alas ejusdem asphodeli rigida folia porrexerunt: surculaceos pedes itidem genista calceavit. Ita floridæ ternæ Apes tum imo trunco, tum porrectis hinc inde geminis interioribus ramulis in triangulum, utin insigni Barberino visuntur, insistentes si non palato, at certè oculis animisque spectatorum nova voluptate mellificarunt. Jam verò multiplex evulganda solertia est, qua delicata & obnoxia florum missilia etiam adoras longè remotas citra corruptionem vitiumque spargimus. Minimi laboris, tutelæque magnæ prior est, quam non semel à me laudatus adhibet Fabricius Sbardonus. Hujus igitur exemplo capsula paratur palmum alta, palmum cum dimidio longa. In ea myrteis ramulis rotulenti, leviterve madidis tenuis torus insternitur. Super hoc mane lecti cum longis cauliculis, roscidi, necdum satis hiantes flores ita deponuntur, ut ore om-

*Matthiæ in
Disc. lib. 4.
c. 11.
Ruell. de
Nat. stirp.
l. 3. c. 82.*

*Ad flores
longè mit-
tendos ca-
psula mul-
tiplex.*

*Fabricius
Sbardonus.*

omnes refupino cubent, utque fingulorum capita pedefque alterno politu adjaceant. Interjectum fpatium breviores flosculi complebunt. Ne bellè depofiti flores vecturæ quaffu emoti agitatique fubfultent & collidantur; proximè florum icaporumque juncturas utrinque foratis trajectifque binis adverfis capfulæ affcribus tranfverfi furculi induantur, qui floribus fub jugum miffis modico innocentique preffu evagandi coërceant libertatem. Hoc artificio è myrto floribusque alterna tabulata ufque in fumum difpofita fuperpofitis myrti ramufculis conteguntur. Operculum denique, minuto nonnullo foramine falubrem auram tranfmiffurum, imponitur. Non placent myrti loco à nonnullis adhiberi folita brafficæ folia: quia paucos intra dies mucida & olida fuum inclufos in flores vitium utriufque tranf fundunt. Paulò alii operofos flores in falciculos, ima fummaque parte prorfus æquatos, compo- nunt: caules in capulum coactos, & arborum mufco involutos colligant: binos deinde ternofve falciculos, alterno (uti jam diximus) ordine collo- cant, infixifque in tranfverfum viminibus modicè interffringunt: fimplici multiplici ferie difpo- nunt: intervacantes lacunas mufco explent: eundem etiam, feu myrtum fuperinducunt, & capfulam bene operculant. Francifcus Caftellus Mantuanus, flo-


rea

Francifcus
Caftellus.

rea in re vir exercitatissimus, ita flores peregrinari docet. Fagineis asseribus modicè crassis capsulam, prout usus postulat, latam & oblongam, altero angustiore latere operculandam, compingi jubet: illud etiam præcipit, ut è quatuor, qui porriguntur in longitudinem, assibus aduersi duo vel medio utrinque intercurrente scitili sulco, vel binis affixis ligneis regulis canaliculati alium insertum ambulatorium asserem, singulari multiplice grandiore foramine, immittendis floribus idoneo, pervium excipiant. Post hoc flores nondum planè maturos vel pridie, vel exiguo antè, quàm mittantur, in unum pluresve fasciculos colligit, &, si expedire videatur, aliquandiu habet in aqua, ut humidum bibulis caulibus alimentum trahant. Fasciculi cujusque capulum plurimo acidorum fructuum circumdato duriusculo folio præmunit, ne lini arctior nexus penetret atque infecet caules. Eundem capulum pro capsulæ latitudine æqualiter attondet. Ipsos denique fasciculos in foramina sic inserit, ut alterius fasciculi flores capulo alterius è regione respondeant; ne inter se contingant, neve mutuò allidantur. Operculum tandem clavulis configit, mandatque tabellario, ut ipsam capsulam ex ephippio suspendat in longum; eandemque stantem pervehat, non jacentem.

Sic

Sic ille flores inconcussos atque incolumes hiber.
nis potissimum mensibus, quò fuerint destinati,
transmittit.



*Florum siccitas vivax, & verisimile
mendacium.*

CAPUT II.

ET hoc potest industria, ut floris, nempe diurnæ caducæque rei aridum ipsum cadaver, atque adeo mendax umbra diurnet ac perennet. Si velis igitur diurnos flosculos Florum conservatio ac arcana. nullo negotio facere diuturnos, resectosque à vitali radicis nexu ad simillimam vivorum faciem condire; novam discere paratioremque unguentis Ægyptiacis condituram, quam paucos ante annos in Germania ex parte usurpatam ita perficies. In labrum fictile cupreumve, sive in alveum ligneum Joan. Rodolph. Camerar. Sylloges Memorabil. medic. & mirabil. nat. arcan. cent. 9. part. 95. cribratæ arenæ tantum conjicies, quantum ad vasis dimidium perveniat: deinde aquam illimem & liquidam usque ad ejus fauces infundes, & lignea rupicula peragitabis miscebisque, ut, siquid inest fini pinguiorisque terræ, eluatur: cum arena siederit, è declivi vase obturbatam aquam effundes: sic toties arenam lavabis, donec aqua limpida & pellucida superemineat. Tum emundatam elutamque arenam in sole tandiu patieris esse, dum, quisquis ex aqua remansit humor, assicetur. Cum hoc modo emundaveris, suum cuique flori vas longitudine ac latitudine congruenti

Ec
præ-

præparabis vel ex argilla, vel certè è ferri stanneo
 tectorio de albatì prætenui lentaque lamina. Flores
 deinde leges absoluta maturaque formositate
 præstantes, humore nullo perfusos, prolaxis, ut
 voles, caulibus manubriatos: eosque altera manu
 summatim ac leviter prehenso suspensosque in
 vasa ita demittes, ut infra eorum oras binos ternos-
 ve digitos cecendant, utque ipsi nulla ex parte va-
 sa contingant: manu verò altera paulatim arenam
 ingeres catenus, quoad totos caules obtexeris: tum
 ipsos flores aptè compositos, modicèque diductos
 leni arenæ injectu cautè adobrues. Unam præter-
 ea tulipa exigit operam, ut, quod è medio ex-
 tuberat triangulare caput, præcidatur: sic enim
 floris folia scapo pertinaciùs hærebunt. Ita opple-
 ta vasa sub insolata porticu per unum alterumve
 mensem habebis: floresque tandem eximes viridi
 siccitate recentibus non absimiles, uno tamen
 odorato halitu, suavique anima destitutos, qui-
 bus ad arbitrium solutis connexisque alieno etiam
 tempore perfrueris. Brevior alia florum conditu-
 ra. In aquam è salibus acerrimam, quam chry-
 sulcam vocant, intingitur flos, adeoque innoxius
 & vegetus conservatur, ut, si prior maneret mol-
 lities, recentissimus videri posset. Jam verò ut li-
 brorum monumentis citra scriptionis laborem flo-
 res ipsos æternes, Adrianum Spigelium, hiemales
 hortos, sive stirpibus agglutinatis quovis tempore
 ver-

*Id. Camerar.
 ibid.*

Congluti-
 natio.
*Isago. in rem
 herbariam
 l. 1. c. 58.*

vernantia volumina instituentem audi: cujusque generis unum, aut pro colorum macularumque varietate plures flores unà cum scapa, adnatoque foliorum aliquo, necnon maturo cum semine (si possit id colligi) succide: succisos pro naturali situ inter offensi lævoris paginas bellè colloca. Emporeticam enim bibulamque chartam licet hunc in usum plerique adhibeant, minùs tamen utilem ostendit experientia: quòd exuñti humoris herba-
cei apprimè tenax interpositas plantas ægrè siccet, inductoque sæpe mucore corrumpit. Idonea papyro inclusas herbas in volumen inferere compluribus paginis crassum & per amplum, quod videlicet chartæ easdem herbas includentis magnitudinem exæquet. Pondus præterea superimponere, quo, tanquam torculari, paulatim urgente innocenter planta comprimatur. Quare premendis herbis validum & prægrave pondus cavendum est, priusquam aquosior humor herbaceus magna ex parte exaruerit. Subinde autem plus ponderis adji-
citur. Et primò quidem minimo, dum plantæ flavescant (quod æstivo tempore triduo vel quatri-
duo contingere consuevit) deinde graviore, ad extremum gravissimo pondere opus erit, ubi prope jam arentibus humoris per paulum superfuerit. Illud etiam curiosè curandum est, ut nullo non die easdem inspicias versesque: & plicaturas, si quæ appareant, explices: floresque & folia ita con-

situas, ut conspici utrinque possint: chartam præterea mutes, usque dum peraruerint. Aridæ jam plantæ paginis interjectæ sicco loco servabuntur, donec aridarum numerus admodum excreverit. Hac arte siccatas, atque interpressas papyro agglutinabis. Aptissimum gluten ita conficitur: Glutinis taurini pellucidi, quod Germanicum vocant, uncia sex asperrimi aceti unciiis maceratur noctem unam: tum igne lento liquatur: igne subductum nonnihil refrigerescere sinitur: statimque adjiciuntur aloës hepaticæ drachma dimidia, & aromatici caryophylli in pulverem contriti scrupulus; ac probè miscentur. Ad hæc variæ magnitudinis penicilla pro magnitudine stirpium in promptu crunt. Plantam igitur agglutinandam super viliores chartas expandes: glutine oblines: sublatam deinde candidæ paginæ impones: aliaque superposita papyro artè atque æquabiliter affricando premes, ut ex toto adhærescat. Eandem præterea plantam binas inter paginas libro habebis inclusam, prægravi pondere superaddito, donec ipsa penitus assiccescat: id autem unius aut alterius horæ spatio eveniet. Mox ad volumen conficiendum inde auferes. Scire hic licet non eundem agendi tenorem cum qualibet esse stirpe promiscuè servandum. Quædam enim sunt, quæ propter succi aquosioris copiam difficulter arescunt, ex facili putrescunt, & folia dimittunt, aut
 ea

ea decolorant corrugantque : quo in genere sem-
pervivum actelephium reponitur. Ejusmodi her-
bas, dum virent, glutino chartis adjungere satius
est : prius tamen oportet geminis intersitas paginis
in volumen indere, ac temperato pondusculi pres-
su leviter calcare, quoad flaccidæ flexilescque fiant,
& facile possint agglutinari. Sua singulis jam ag-
glutinatæ herbis nomina præscribantur : utque sin-
gularum expedita inventio sit, elementario litera-
rum ordine digestæ apto volumine coagmenten-
tur. Id ego voluminis curiosè pervolutavi Pala-
tinorum inter librorum erudita spolia, quibus
tam felix, quàm pius, Bojorum Dux, & Romani
Septemvir Imperii, Maximilianus à Pragensi at-
que Heidelbergensi victoria Vaticanam bibliothec-
am, nempe Sapientiæ Capitolium, locupletavit.
Visuntur quoque Bononiæ nobilissima in biblio-
theca, amplissimis magistratus ædibus adjuncta,
lectissimis plantis glutino sociatis compacti libri
complures, quos cum cæteris ingenii sui monu-
mentis literatæ hæreditatis nomine sapientissimæ
patriæ legavit vir optimis disciplinis ornatissimus
Ulysses Aldourandus. Visuntur Neapoli, codi-
ces permulti consimiles in Ferdinandi Imperati-
herbarum peritissimi musæo, peregrina planèque
admirabili rei naturalis & medicæ supellectile
instruclissimo. Ut arefactæ in paginis, quàm vi-
rentes in hortis, plantæ diutius ac feliciter vernare

Maximilia-
nus Bojo-
rum Dux.

Ulysses Al-
dourandus.

Ufus in
mensis.

videantur. Juvat nonnullos in ipsa mensarum
dapali messe ver istud arido flore immortale ad
voluptatem geminandam aliena tempestate re-
præsentare. Quare accommodatos, potissimum
flores in umbra siccant, flavam nempe genistam,
puniceum balaustium, & cæruleum delphinium:
ut inter palati gaudia oculis quoque pulcherrimi
colores epulandi exhibeantur. Sed mortalium

Conditura.

delicatæ aviditati parum fuerat floreas delicias
delibare aspectu, nisi etiam ore devoraret. Igitur
in sacchari vernaculo nectare conditi flores quàm
facili, tam suavi mutatione demigrant in fructus,
salubrem amaritudinem nimis fastidienti posteri-
tati dulcissimè medicatos. Et sanè decuit, flores
dum viverent, mortalibus liberaliter melleos,
post interitum dulci sepulcro condi pariter, &

Aqua stilla-
ticia.

condiri. Quin etiam ipse didicit ignis è floribus,
quos exiccat & perurit, aquam fundere odorato
spiritu vitalem: cumque stillatitiis florum lacrymis
mansuram voluptatem eliquare. Jam verò, quòd

Imitatio
multiplex.

ætate florea nobilium pictorum vernante artificio
perbellè colores transeunt in flores, delectant alios
colorata florum mendacia, quæ gratum oculis fu-
cum faciunt, dum vel egregiè depictis vasculis ma-
nipulatum adjuncta multiplicium tabularum pen-
sili: spectaculo ædes perornant, vel punctim illi-
to membranis colore singulatim elaborata hor-
tensi volumine, sive hortò plicatili continen-

tur.

vel diſſectum, Arabico gummi expingendæ tabel-
læ ſeu pagellæ agglutinatur. Eminentia, umbræ-
que, atque adeo reliqua picturæ parerga colorum
artificioſo ductu tam bellè adjunguntur: ut non fa-
cilè arbitreris, utrum ars, an potiùs natura debeat
operi ſubſcribere, *Faciebat*. Ejusmodi ego pi-
cturam biforſi artificio formoſam, & commo-
liti auri ductili nitore inſuper colluſtratam vidi

Cassianus à
Puteo.

apud equitem Caſſianum à Puteo, virum inter
cætera ornamenta tum clariſſimi generis, tum
ditiſſimæ domus, tum lectiſſimæ bibliothecæ,
tum locupletiſſimi muſæi, tum cultiſſimi animi,
ſingulari quadam ad omnes homines demeren-
dos benefica ſuavitate conditum. Ut minimè
mirum ſit, nobiliſſimi viri ſuaviſſimam virtutem
Barberinis Apibus eſſe chariſſimam, quibus cor-
di eſt quicquid mel ſapit. Ipi, meus labor, flo-
res hortenſes regnatricum Apum mellificam be-
nevolentiam eidem conciliatrici acceptam refe-
runt comitati, quæ meis floribus potuit efficaci
commendatione ſuæ illecebram ſuavitatis afflare.
Ejuſdem non diſſimulanda ſilentio eſt prolixa
liberalitas: ut in florifero cultu arcana atque in pri-
mis admiranda experimenta mecum communi-
cata maluerit prodeſſe palàm ac delectare, quàm
eruditionis ſuæ ſplendida latebra avarè occultari.
Convertit jam in ſe oculos plauſuſque noſtros
Belgicæ ſolertiæ in re florea naturam provocans
arti-

artificium: flores enim, quos indoli suæ amœnissimæ simillimos in hortis curiosè colit Belgarum natio cultissima, tam decora fraude concinnat è serico; ut putes, non ingeniosi hominis manu, sed solertissimi serici vermis naturali opificio contextos: ut idem habeat, ubi tandem in papilionem conversus decenter infideat. Sericum igitur non intortum, sed flaccidum, pro flore foliove imitando varium, approbè pexum explicatumque, limpida gummi oblinitur, ut rigescat. Exinde ad commensum exprimendarum partium plures in partes conciditur. Quas crispari oportet, illæ prius humefactæ tepido calamistro vibrantur. Aptæ demum inter se felicissimo dolo coagmentantur, serico villo floream lanuginem Americani potissimum floris ac tulipæ simulante.

Arcana florum cultura.

C A P V T I I I.

INtertem esse artem censeo, aut certè victricis palmæ jactura minùs laudabilem, quæ naturam sic æmuletur, ut parigradu grassari ad laudem, non autem prævertere contendat. Quamobrem florum est, quæ hominum ore frequenter effunditur, justissima querela, cultorum scilicet plerosque novis quotidie floribus comparandis invigi-

Arcana flo-
rum cultu-
ra miracu-
lorum se-
ras.

Andreæ
Capranicæ
hortensis
disputatio.

vigilare, in iis verò, quos comparaverint, ingenioso artificio perficiendis connivere; hoc est in vulgari cultura satis sollicitos, in præstantissima esse penitus incuriosos. Et sanè, si pulcherrimum in hoc studium incumberemus, florea miracula, quæ magno foris impendio conquirimus, paratio-
ra domi ac præstantiora inveniremus. Quòd si cultrix industria à durissimo arborum ingenio in-
sitivos alienosque fructus feliciter exegit: quidni eadem à mitissima florum indole novas oculorum
nariumque delicias exoret? Libet igitur florei de-
coris mangonem agere, ut hortenses ephebi de-
centioris formæ insolito lenocinio in admiratio-
nem amoremque sui vel ipsam criticorum effasci-
nent severitatem. Libet supra naturæ vernantis
morem artificiosa miracula audere: ne volupta-
riæ culturæ pars jucundissima desideretur. Tem-
pestivas commendabili audaciæ suppetias fert, quæ
chymicam sapientiam ab eruditis latibulis horten-
sem educit in lucem, Andreæ Capranicæ cum ge-
nere, tum eruditione nobilissimi, planèque Roma-
ni viri academico in confesso cum plausu audita
vox. Cum tria sint, inquit ille, naturalis commistio-
nis elementa, nempe Mercurius, sive glutinosus
terræ humor, quem Chymici passivum dicunt;
sal, sive semen actuosum, naturamque consti-
tuens; sulphur denique, hoc est sulphurea quædam
vis præparans atque conjungens: imitatrix natu-
ræ

ræ

raz solertia in hortis ingeniosa miracula triplici pariter,, eoque parabili præsidio efficiet. Nam interfectarum pecudum sanguine Mercurium sup-
 plente, ac Mercurialem terræ succum minus validum adjuvante florum corpuscula mirum in modum amplificabit; hircino tamen, utpote nimia siccitate inepto, abstinabit: cineribus, tanquam fecundo salacique sale, cum ipso sanguine commistis numerosos partus excludet: fimo tandem sulphur æmulante cum celeriter maturabit, tum variè colorabit. Verum, ut à minutioribus initis major existat admiratio & voluptas, prædictorum medicaminum vires, sive quintas (ut vocant) essentias, aqua vitis præmacerante atque exugente extractas, ac distillarii fervida opera in angustum contractas, adeoque vehementiores adhibere præstiterit. Attentissimè tamen custodire oportet, ne perurentibus hisce medicaminibus radices ipsæ contingantur; sed ut interjecta modica humo innocenter ad partum incalescant. Cum autem pro calorisonnia temperantis gradata temperie ipsorum portio & mensura medicamentorum adhibenda sit; dimetiendo lætaminis potissimum calori perutilis fuerit productissimo collo, & ocluso penitus osculo ampulla, quæ variationem calido contactu inclusam aquam gradatim ascendentem descendenteque demonstrat. Sic ille. Sic autem testes oculati complures: In Hetruriæ ^{Constitio mira.}

op-

oppido celebri, cui vernaculum nomen Aquapendens, ingenioſus hortuli cultor, aurifex, ut in auro, ſic in agro ſplendidus faber, jucundiſſimum illud prodigium arcanis elementis conflat, ut in anguſtiſſimam glebam, calice modico, aut ejuſdem ampli- tudinis fictili vaſculo, aut etiam cochleæ teſta in- cluſam, depactus arboris frugiferæ ſurculus terna minimum vel quaterna juſtæ magnitudinis, & nati- vi ſaporis poma inducat, ac decennium circiter duret: quod agreſte miraculum (niſi fallit fama) ad floriferos ſurculos facilè videtur poſſe transferri.

Lætificandi
plantas ra-
tio duplex.

Sic præterea in hortenſi re multum callentes alii: Ut plantæ lætiores proſiliant ac vernent; ſui gene- ris cineribus terræ permittis; aut certè columbino fimo cum aqua in ſole tepefacta pabulandæ ſunt. Quanquam poſterius hoc pabulum bulboliſ tube- roſiſque radicibus, vitio & corruptioni opportu- nis, periculoſè apponitur. Sic demum ego: Quo- niam artis hujus mangonicæ atque ornatricis arca- nia medicamenta & adhuc multa excogitata ſunt, & plura in poſterum excogitari poſſunt; non eſt mihi propoſitum rem infinitam æquare velle di- cendo, ſed aliqua præmonſtrare, tum ut cupidis fa- cem præferam, tum ut deſides ad curam pulcherri- mam incendam. In floribus hæc amamus amœ- na prodigia, tempeſtivitatis vices arbitrarias, co- loris nitelam novam, odoris gravitatem emenda- tam aut inſolitam ſuavitatem conciliatam, & mul- ti-

In floribus
admiranda.

tiformem formæ varietatem. Quadripartitæ hujusce artis secretiora præcepta, seorsum & capitulatim tradenda, jam accipe.

Arbitraria florum tempestivitas.

C A P V T IV.

Quod summa in animis virtus, hoc imitatrix in hortis cultura perficit, ut sicut vir, sic flos omnium horarum sit; sive ut, modò anticipata, modò dilata, modò continuata cujuslibet floris tempestivitate, vere arbitrario perfruamur. Igitur si rosam exempli causa (quod Flores properati. enim uni convenit flori, transferri commodè ad plures potest) vernare temporius voles: properato circa extremum Octobrem satum, intra fixile solo succreto, & fimi admistione tenero humectoque inhumabis: calida bis quotidie rigabis, & fovebis: ventosis, nimiumque pluvialibus diebus intra tectum subduces: pernoctare sub dio non permittes: ubi gelicidia hibernique imbres desierint, ac diei apricitas invitarit, vitalem solis in lucem properes: ubi verni teporis prima illecebra germinum primitias evocarit, calidiorem affundes aquam. Ita fiet, ut veris florum novissima rosa prior efflorescat. Unum imminere periculum monuit experientia, ne, violenter prædestinato foetu, mater effecta præmoriatur. Tanti tamen fecere culturam istam

Nat. hist.
l. 21. c. 4.
Apud Con-
stant. Pogo-
de agricult.
l. 11. c. 19.
De re rust.
Februar.
suas l. 3.
tit. 21.

istam veteres magistri, ut eam litteris commen-
 datam posteritati præmonstrarint. Effossa igitur
 circa radicem (ut Plinius docet) pedali (ut Di-
 dymus & Palladius) bipalmi scrobe; & matu-
 tina vespertinaque calidæ irrigatione quotidie
 iterata serotinus rosæ flos sollicitabitur. Si præter-
 ea cupis Tiberii præmaturum augustum cucume-
 rarium nobili, mobilique, atque adeo ambulatorio
 rosæto æmulari: confecta bruma stercoratum
 terram cophinis aut fictilibus inditam rosarum
 radicibus obseres, modicumque præbebis humo-
 rem. Eodem obsita vasa tepidis & insolatis diebus
 juxta ædificium promovebis in solem, ut ab affla-
 tu noxio protegantur: frigidis autem, & procello-
 sis, necnon in vesperam inclinatis sub tectum re-
 ferres: quin etiam per serena frigora intra specula-
 rium minimenta recipies, quæ salubres radios ad-
 mittant, gelidam uredinem excludant. Ubi ab
 æquinoctio verno planè annus intepuit, totos co-
 phinos aut fictilia summis tenuis oris infodies: fon-
 tanam aquam sitientibus irrorabis. Quòd si rese-
 ctam è rosæ frutice gemmam hiulco amygdalæ
 cortici usitata inseret emplastratio; præfloreus ar-
 bor floreas gemmas, rosas, verno per hiemem sæ-
 nore repræsentabit. Si more majorum Quiritum
 placet, natalitio anni mense Januario iniri à rosis
 consularem ac regium inter flores purpuræ magi-
 stratum; Democritum audi docentem, rosarum
 stir-

Apud eund.
Constant.
ibid.

stirpe æstivis mensibus bis esse per dies singulos irrigandas. Cæterum vernos æstivosque flores hieme citabunt quæ calida sunt, & pingua, nec non tenuia, velut detractis folliculis vinacea, exemptis ossiculis olivarum recrementa, & simus, præsertim equinus, identidem suffectus. Ita si sub Octobris calendas caryophyllum, violam, ac generis hujusce plantas, detruncatis subinde germinibus mutilas, cum racidibus, in harum aliqua efficacium sordium obrues: è vitali sepulcro inter nivalem brumæ squalorem vividus ac nitidus florum partus existet. Quaquam exhaustis minima fecunditate viribus floridæ cum fœtibus matres frequenter intereunt. Denique quodcunque semen inditum scillæ fuerit, acerrimo bulbi calore feracitatem proritante, celerius germinabit. Ut autem seram inter nives colligas rosam, ipsos frutices, cum primùm egerminant, in aliud solum modò ne incommodum, transfer: nam primam illi confirmandis viribus, ultimam fundendis floribus operam dabunt. Ut suis cum pomis serotino rosarum vere bis fertilem se malus demiretur; roseis eam oculis callidus insitor Florentini monitu in-oculet. Sed leviori opera rosam præsertim & caryophyllum seros cogit ad flores vulgaris industria, dum prima germina in calyculos extuberantia digiris decutit: plantaria ipsa æstivum producit in solem: crebra etiam rigatione fovet, ne perarescant.

Re-

*Card. de Pa-
riet. l. 13.
c. 66.*

*Retardati-
Jo. Bapt.
Porta Villa
l. 9. c. 5.
Mag. nat.
l. 3. c. 10.*

*Apud eund.
Constant.
ibid. Porta
Magna. nat.
ibid.*

Nat. hiſt.
l. 21. c. 4.
Apud Con-
ſtant. Paga-
de agricult.
l. 11. c. 19.
De re ruſt.
Februar.
ſine l. 3.
tit. 21.

iſtam veteres magiſtri, ut eam litteris commen-
datam poſteritati præmonſtrarint. Effoſſa igitur
circa radicem (ut Plinius docet) pedali (ut Di-
dymus & Palladius) bipalmi ſcrobe; & matu-
tina vespertinaque calidæ irrigatione quotidie
iterata ſerotinus roſæ flos ſolicitabitur. Si præter-
ea cupis Tiberii præmaturum auguſtum cucume-
rarium nobili, mobilique, atque adeo ambulatorio
roſeto æmulari: conſecta bruma ſtercoratam
terram cophinis aut fiſtilibus inditam roſarum
radicibus obſeres, modicumque præbebis humo-
rem. Eodem obſita vaſa tepidis & inſolatis diebus
juxta ædificium promovebis in ſolem, ut ab affla-
tu noxio protegantur: frigidis autem, & procello-
ſis, necnon in vesp̄eram inclinatis ſub tectum re-
feres: quin etiam per ſerena frigora intra ſpecula-
rium minimenta recipies, quæ ſalubres radios ad-
mittant, gelidam uredinem excludant. Ubi ab
æquinoctio verno planè annus intepuit, totos co-
phinos aut fiſtilia ſummis tenus oris infodices: fon-
tanam aquam ſitientibus irrorabis. Quòd ſi reſe-
ctam è roſæ frutice gemmam hiulco amygdalæ
cortici uſitata inferet emplaſtratio; præflorens ar-
bor floreas gemmas, roſas, verno per hiemem ſœ-
nore repræſentabit. Si more majorum Quiritum
placet, natalitio anni menſe Januario iniri à roſis
conſularem ac regium inter flores purpuræ magi-
ſtratum; Democritum audi docentem, roſarum
ſtir-

Apud eund.
Conſtant.
ibid.

stirpe æstivis mensibus bis esse per dies singulos irrigandas. Cæterum vernos æstivosque flores hieme citabunt quæ calida sunt, & pingua, nec non tenuia, velut detractis folliculis vinacea, exemptis officulis olivarum recrementa, & fimus, præsertim equinus, identidem suffectus. Ita si sub Octobris calendas caryophyllum, violam, ac generis hujusce plantas, detruncatis subinde germinibus mutilas, cum racidibus, in harum aliqua efficacium sordium obrues: è vitali sepulcro inter nivalem brumæ squalorem vividus ac nitidus florum partus existet. Quaquam exhaustis minima fœcunditate viribus floridæ cum fœtibus matres frequenter intereunt. Denique quodcunque semen inditum scillæ fuerit, acerrimo bulbi calore feracitatem proritante, celerius germinabit. Ut autem feram inter nives colligas rosam, ipsos frutices, cum primùm egerminant, in aliud solum modò ne incommodum, transfer: nam primam illi confirmandis viribus, ultimam fundendis floribus operam dabunt. Ut suis cum pomis serotino rosarum vere bis fertilem se malus demiretur; roseis eam oculis callidus insitor Florentini monitu in-oculet. Sed levioere opera rosam præsertim & caryophyllum seros cogit ad flores vulgaris industria, dum prima germina in calyculos extuberantia digitis decutit: plantaria ipsa æstivum producit in solem: crebra etiam rigatione fovet, ne perarescant.

Re-

*Card. de Pa-
riet. l. 13.
c. 66.*

*Retardatiq;
Io. Bapt.
Pera Villa
l. 9. c. 5.
Mag. nat.
l. 3. c. 10.*

*Apud eund.
Constant.
ibid. Pera
Magn. nat.
ibid.*

Retardatus enim collectusque genitalis humor novis identidem cauliculis floribusque, alieno tempore jucundioribus, vehementius atque uberius luxuriabitur. At verò (ut author est Anatolius) flores cum cæteri, tum lilia nominatim variis subinde temporibus existent; si radicum alias in duodenos, in octonos alias, alias demum in quaternos digitos deponamus. Eadem quoque lilia commode perennabunt; si, dum adhuc occluso foliorum osculo silent, suis innixa scapis colligamus, atque in recentia fictilia non picata imposito diligenter operculo recondamus. Cum enim interjecto tempore è tenebris promentur in solem, optatam quasi lucem salutatura, pulcherrimè oscitabunt. Non invidebunt liliis rosæ vegetam perennitatem, si Didymum audiamus, qui mensibus eas omnibus sub cælo clementiore promittit; dum tamen singulis pangantur, stercorentur, irrigentur. Non abfimilis cultura toto floridas anno (ut præmonstravi) anemonas feret. Sed brevissimi floſculi violenter diuturna voluptas carè, nempe radicum vel exitio vel macie stabit. Rosam, quæ, licet materno hæreat frutici, cum sole nascitur occiditque, varii, quamvis recisam, vario artificio annuam faciunt. Didymus in amurcam usque eò mergit, ut liquor supernatet. Alii adhuc herbescentem hordei segetem cum radicibus evulsam in labrum fictile non picatum demittunt, rososque

Continuat.
ti.
Apud Constant. Pag. l. 11. c. 21.

Apud eund. l. 11. c. 19.

cap. 11.

Apud eund. Constant. ibid.

que calyces superingestos eadem herba protegunt
 ac tuentur. Alii virens hordeum pavito loco sub-
 sternunt, rosasque superinjiciunt. Sunt, qui turgen-
 tes alabaistros in viridis hærentisque solo arundinis
 cavum internodium diffusso nodo concludant: &
 papyro fissuram leniter obstringant, ut sit, quæ the-
 ca arundinea interspiret: ubi verò libitum fuerit,
 ex eadem recisa arundine roseum partum exclu-
 dant, & aqua egelida foveant, ut dehiscat. Sunt
 præterea, qui succisos, linoque circumligatos caly-
 ces, ipso recisionis vulnere liquida pice illito, im-
 mittant in arundinem, eamque, ore cerâ obstru-
 èto, aut potiùs bene picato, sub dio in declivi solo
 defodiant, ne penetrans pluvia corrumpat. Tu ve-
 rò sic præterea rosarum consulito diuturnitatè.
 Flores semihulcos sub vesperam ferro præcidito:
 manu ne tangito: serena nocte sub dio habeto: mane
 in fistile, crematirèdactique in pulverem plumbi
 atque argillæ intrita perlitum, & incoctile, atque
 adeo madori nimio impervium, condito: idem ob-
 turato: sicca in arena obruito. Aut certè siccatas
 rosas rosa stillaticia madefacito: tum in fistili label-
 lo diebus quinque defossas conservato. Proderit
 quoque rosas in ollam rudem abdere, eandemque
 bene operculatam sub cælo inhumare. Proderit vas
 quernæum cum floribus cæteris, tum præcipue ro-
 sis, quæ nondum oscitent, opplere: probè opercula-
 re & picare, ne qua rima humori pateat: putealibus

F f

dein-

*Apud mod.
 ibid.
 Pallad. Ma-
 jo. five dero
 rust. l. 6.
 tit. 17.*

*Cord. de Pa-
 riet. l. 12.
 c. 66.*

Id. ibid.

deinde, aut cisterninis, aut potius profluentibus aquis, utpote minùs vitiantibus, immergere, atque ita per diu incolumes flores asservare: ubi verò eductos dehiscere volueris, malo pediculum infigere, vel ipsos acetoperfundere, solique ostendere. Vegetas denique ac recentes rosas hoc modo custodies. Vini & salis quantum sat est in ollam infundes: eandem rosis nondum hiantibus implebis: opericulo adoperies: in cella repones: cum volles, ollares rosas eximes: in solis aut fornacis tepore expones, ut diducantur. Illæ autem perinde formosæ recentisque videbuntur; quasi tunc hortensis terra, non coctilis argilla peperisset. Atque sic demum inter ollas versari decorum est. Amaranthus, inter caducos flores immortale miraculum, aqua madefactus reviviscit, & hiberna ferta contexit. Recisus etiam, & lento furni vapore siccatus coronarios in usus reponitur. Usque adeo vitax est, ut & nominis & pulchritudinis immortalitatem demerisus ambustusque tueatur. Verum ut hujus disciplinæ capita ipsa summatim ac distinctè complectamur: aliena flores tempestate vernare cogemus aut germinis retentione, aut loci calore, aut alimenti pinguedine, congruentique temperle. Cita enim retentio tempestivam fecunditatem seros reservat & laxat in partus: penetrabilis calor meatus aperit, ac præcoccem elicit amœnitatem: alibilis pinguedo, atque temperies ad veris

*Plin l. 21.
c. 8. Joam.
Ruel de
Nas. florip.
l. 2. c. 20.*

*Arbitrariæ
tempestivi-
tatis ratio
multiplex.
Cardan ibid.*

veris intempestivi floream luxuriem vires impetumque sufficiunt. Ea igitur est hortensis artis potentia, ut mortalium, usitatas delicias fastidientium, delicatæ voluptati consulens constanti lege naturæ constitutas temporum vices, annuasque tempestates libero vagoque vere permutet. Placet jam decoram voluptatem hanc jucundiores facere condimento salis sacitii, statim eliciendis alieno etiam tempore rosis præsentissimi, quem ego salem è Petri Joannis Fahri, Monpelienensis medici, Palladio, & Myrothecio Spagirico in Floreæ meæ beneficium deprompsi. Principio compluribus rosarum fruticibus crematis & cinesactis, residuus cinis ad quindecim aut viginti libras colligetur. Ex eodem cinere, cum roris aut imbris cœlestis aqua infervescato, lixivium fiet. Tum è lana coacta tæniolæ, altera quidem parte in ejusdem lixivii vas demissæ, altera verò in vas alterum propendentes, ductum ad se lixivii liquorem ad liquidum percolabunt: aut certè laneus lineusve pannus percolantem consutus in saccum, sive emporetica & bibula charta in cucullum convoluta, velut coloransmissum, defæcabit. Ut autem totus unica opera sal eliciatur, in singulas cineris libras denæ vel duodenæ humoris ejusdem adjicientur. Ad hæc in aheno lixivium sinetur exhalare usque adeo, donec sal incipiat apparere: qui cum lixivio trajicietur in vas vitreum, seu terrenum, figuli

Ff 2

guli

Sal Chymicus
arbitrariis
floribus
eliciendis.

Petr. Ioan.
Faber.

Pallad. c. 3.
Myroth. l. 2.
c. 3.

guli teſtorio lavigatum; ne ſicceſcens in æneo ſal vitioſo metalli odore imbuatur. Tranſuſus lento igne, aut æſtatis igneo in ſole bene ſiccabitur. Siccatum ſalem oportet iterum in fictili fuſuræ catino temperato vapore ad inſtar calcis excoquere, ac ſedulo cuſtodire, ne liqueſcat: quia viſ ejus omnis evaneſceret. Debet igitur valide incandefcere: tum aut rorato aut pluvio humore maccerari, & ſupradicto more percolari, ut liquidior fiat: deinde vel in unum vitreum vas, vel in plura deſundi, atque in ſole, ſeu lenta pruna ſiccari. Idque ſepties aut octies opus iterabitur, quoad ipſe ſal candidiſſimus & limpidiſſimus reddatur. Exinde roſtrato è diſtillarii vaſe, vitreo tamen, non autem plumbeo, quod ab Arabico fonte derivata voce Alembicum appellant, ſtillata roſa in tabernaculum liquandus eſt, tum lentè ſiccandus: denique igneo roſarum vapore ſtillatitio, qui vulgò ſpiritus dicitur, reſolvendus. Hanc verò quintam è roſis naturam ſic exprimes. Roſas complures in vitreum ænophorum peramplum communi aqua roſacea ſemiplenum conjicies: ſummum vaſis os operculo itidem vitreo bene obſtrues: in fornaculam condes: omnia lento cinerum tepore quinque vel ſex horas infervefacies: extillantem humorem ſubdito excipulo colliges: eundemque in vaſ primum reſundes, cum illud refrigerit. Roſarum præterea tum florem, tum liquorem eodem ex ænophoro educes,

om-

omnemque vehementi pressura succum elicies: cum in idem vas defundes, recentesque rosas adjicies: ut simul omnia quinquies aut sexies interveant, facies: tum prædictum succum eodem vase probè operculato conclusum quinquaginta aut sexaginta dies fermentescere patieris in cella vinaria. Lento denique cinerum calore igneus atque æthereus vapor, sive spiritus ardentis aquæ modo stillatim elicietur odoratissimus, & veluti liquato in aquam igne vim habens adurendi. Hoc ardentissimo liquore sal supradictus resolvetur an distabescet. Ut igitur extemporalis rosa quidvis anni ad arbitrium existat: ejus potentissimi medicaminis aliquantum ipsis fruticis radicibus affundetur: perfusa pars communi cinere cum terra commisto coaggetur. Neque verò adeo medicatus liquor unis evocandis rosis, sed multis quoque cum totius corporis, tum præcipuè capitis morbis depellendis opportunus est, si sorbeatur cochlearis mensura. Et adhuc quidem luit in rosa: majore nunc miraculo, quos enecat, ad vitam revocat flores, quæ Naturæ à secretis est, innocens & ingenua Magia. Etenim quancunque virentem vernantemque stirpem seminis fertilem radicibus revellit: concrematam in cinerem; nitrosumque salem peritè redigit. Eiusdem præterea plantæ semina bono in solo nova luna deponit: mox emissis primulis germinibus ad partum jam incitata

extrahit: cum prædicto fale conterit & commiscet; atque ita macerat & putrefacit. In salis hujus unciam duas adjicit uncias quàm mundissimæ virginisque terræ: abstinet autem à stercoreosa, sive animantium purgamenti olida sordidaque. Humum, quæ propter fontes nonnunquam luto-fa & pinguis invenitur, hunc ad usum aptissimam deligit & adhibet; prius tamen bene repurgat. Utranque deinde rem conjicit in vas terrenum; haud quaquam lævite & otio incrustatum, atque in hortis expositum esse patitur sub dio: ne tamen in illud impluat, cavet. Cremata jam & humata planta triduo reviviscit: ac regerminat vegetior; excelsior, atque formosior. Tunc eadem ars, rerum admirandarum solers, pro germinis incremento ipsum fistile patentiori loco paulatim subducit? in subdiali denique ac perscrutabili fenestra, locat. Eidem fistili opertum foculum supponit, indita ardente lucerna vaporantem; idemque operculo claudit, tuendæ stirpi idoneo, summa parte perforato. Exinde novendialem flammam minutatim & gradatim exaугet. Nonum circiter diem, cum operculi summo è foramine flos incipit existere, testam ita operculatam (operculum enim remove nefas est) in frigidam humidamque cellam subterraneam recondit. Ibi quatruidui spatio, fale jam in tabem resoluta, flos evanescit, & planta sublidens recedit. Hic

ex-

extrema solertia prædictam cum sale confusam
terram è fictili vitreum in vas peramplum trajicit:
idemque sigillo Hermetis obsignatum frigido hu-
midoque loco asservat. Ubi novo miroque spe-
ctaculo cùm oculos, tum animos pascere collibue-
rit, in solem profert: si sol languidè calefaciat,
subditi cineris addito tepore sollicitat. Ecce au-
tem inter vitreas angustias ingens miraculorum
congeries: excitante calore paulatim assurgens,
modò sopita, planta profilit: florens Phœnix
intra horæ dimidium suis è cineribus renasci-
tur: è terræ tumulo vernam redux ad vitam flos
mortalibus ad immortalitatem surrecturis prolu-
dit: in aprico sine opaco floris umbra porrigitur:
fatoque sale non decantata sterilitas, sed mira
sola salacitas ad extemporalem partum concilia-
tur. Quis jam insulsam esse insipientemque flo-
rum culturam putet, cui subest arcana sapientiæ
sal? Nec minùs, quàm reparabilis vita fuerit, in
arbitrario flore admirabilis est alterna mors.
Subducto enim calore umbratilis flos in suos ci-
neres relabitur, suumque chaos sensim repetit
evanescens. Necet nimirum ad voluptatis arbi-
trium renascentem inusitati veris, vitro inclusi,
formositatem sine cadaveris deformitate denasci.
Sed ne quis à me bellam, & jocosam circulatorum
salillo conditam fabellam ad præstigias & offu-
cias animis offundendas enarrari existimet, testes

*Hermet. disc.
cpl. defens.
c. 21.*

habeo salis hujus efficacissimi cum graves Philosophos Chymicosque complures, tum in primis Josephum Quercetanus; qui licet arcanum experimenti pulcherrimi artificium non evulgent; id esse tamen exploratissimum affirmant. Et Quercetanus quidem ingenuè fatetur, nullis precibus aut promissis effici à se potuisse, ut Polonus medicus experientissimus opertam spectaculi hujus artem aperiret. Is autem stirpem quanlibet scitè ac philosophicè solvebat in cinerem: apparatusque amplius triginta stirpium cineres suis quenque in vasculis, Hermetis sigillo consignatis, & peculiari stirpis cujusque nota insignitis asservabat; ut, cum poposcisset usus, lucernæ igniculo cineribus admoto repentinam eliceret viriditatem. Neque verò, ut res ipsa, ita causa compertu difficilis est. Etenim, si chymica eam scruteris in latebra, manet occultum quoddam stirpium in sale semen, quod illico exit in opus vividioris accessu. Sin autem eandem causam Lycei mavis in luce cognoscere; præparantes qualitates, quæ vel ad excitandam, vel ad regenerandam vim seminalem, in seminibus vigentem, animatique corporis membratim effectricem, requiruntur, in hujusmodi salibus partim remanent, partim calore adventitio reparantur: ipsa verò ad corpus ex dissimilibus rebus temperandum initia sive elementa satis commiscuntur. Nam in cineribus

ribus salibusve latens ignis & aër cum additæ humidæ materiæ aqua terraque efficaciter confunduntur. Quare facili celerique negotio existere potest vulgari satù editæ gemella quidem planta, sed tamen propter imperfectiorem gignendi facultatem, tenuitatemque materiæ minus vitalis, & recessu caloris evanida. Sic æstivæ pluvix subitarii filii, ranunculi, aliique abortivi vermiculi, quibus putris materia mater est, quàm facili nascuntur, tam celeriter occidunt. Ex earundem qualitatum fecunda permistione pullulavit geminum illud oculis jucundum prodigium, in urticæ videlicet combustæ conglaciato lixivio concreta ejusdem urticæ imago, & in aqua stillatitia repentè nata & innatans planta: illa Quercetano, hæc alio scriptore celebrata. Illud hic ad extremum habeo subjicere, chymicum istud in re florea spectaculum, quod sibi spectatum permulti contestantur, mihi nec experimento, nec aspectu esse comperum: sed, si naturæ viribus exhiberi possit, ob eam, quam exposui, causam non improbabile videri. Quòd si quis obstinatè perneget, nullius fidem extorqueo.

Indu-

*Inducti floribus colores.**C A P V T V.*Rariorum
colorum
inductio.

TRiplex vel universis vel plerisque floribus insolens color in hortis magis expetitur, quam inveniatur, niger videlicet, qui lugubri facie arrideat: viridis, qui, dum floret, herbescat, oculisque pascat: cyaneus, qui cœlum coloret in terris. Squamosus alni fructus in ipsamet ultro in arefactus arbore, ac tenuissimam in farinam contritus nigrum, rutæ succus viridem, cyani flos in frumentariis agris passim obvius, itidem arefactus, atque in pulvisculum resolutus cyaneum sive cœlestem colorem dabit. Usus autem hic esto. Fimum ovillum, utpote humida levitate misturæ alibili aptiorem, sumito: ex aceto bene subigito ac deposito; eo enim crassiusculum ovis excrementum idoneam ad commistionem extenuatur: exiguum quoque salis adjicito; nam eodem & aceti astrictoria vis emendatur, & ad radices acrius pervadendas via medicamento aperitur. Ad hæc vel expressi è ruta succi, vel prædicti pollinis alterutrius tertiam circiter præ fimo partem cum ea massa confundito & permisceto: scrobiculū bono in solo, quod intra testam extrave sit, excavato: em massam in eundem demittito: in ipsam medicatam intritam colorandæ plantæ radicem desigito: deinde irrigato, curato, colito, ut mos est. Illud autem

autem sedulò curato, ut albi floris radículas hoc artificio deligas medicandas. Ita, propter exemplum, candidi caryophylli furculus efficaci fimo infossus peregrino facilè colore vernabit. Candor enim, docilis nimirum color, cum perspicuus & pellucidus sit, colorati alimenti particulas radicibus hausas, totoque probè corpore permistas expictò in flore, tanquam ingenuo in ore, manifestat. Quid, si multicolor iste fucus in una eademque prædicti massa lætaminis confundatur? Equidem cum Joanne Fabro, Lyncei iudicii viro, à quo totum id florei medicaminis præscriptum accepi, fieri opinor posse, ut natura, quæ suapte ingenio frequenter ludit in floribus versicolore pictura, colludentis artis invitamento lasciviat audacior. Quin etiam probabili conjectura & ratione idem Faber affirmat, Florum pars tincturæ aptissima. florum villos ac stamina &, qualia videmus in croco, capillamenta, quia floræ concretionis purior succus, & veluti discolor sanguis sunt, efficacissima pollere tinctura, ut flosculis aliis, candidis tamen, multiplicem atque adeo amabilem fucum faciant. Neque verò illi in floribus pulcherrimè inficiendis experimento frequenter explorata præscriptio reticenda est, quæ sic præcipit. Solum pinguißimum deligito: id eòusque in sole siccato, dum præternuam solvatur in pulverem: eo pulvere testam rite oppleto: mediam candidi floris plantam aut furculum depangito: ne quid infusi humoris, aut instillati roris ea humus

hau-

hauriat, ne quid ipse, præterquam colorati liquoris, affundas, caveto. Quare ipsum fictile nocturno pluvioque cœlo subducito, aprico tranquilloque die in solem efferto. Si regum æmulos purpurare placeat flores; Basilicum lignum, cujus rosea sanie effectores lanas imbuunt, minutatim in taleolas vel segmenta concidito, atque in aqua decoquito, donec ad tertias quartasve coctura subsidat: eo purpureo decocto, cum jam deferbuerit, matutinus ac vespertinus pocillator bibulum solum insuccato. Si candidas hortorum gemmulas pretioso raroque miraculo smaragdinam in viriditatem gemmascere delectet: ejus rhamni seu spinæ, quam Petrus Andreas Matthiolus Infectoriam appellat, vulgò Spinum cervinam dicimus, maturissimas baccas, modicè diductas, in aqua incoquito, præscriptaque solum forma irrigato. Sin autem florem argentum in aureum florem chymica æmulatione flavescere laudabiliter avara cupido est: baccas easdem nondum satis maturas iridem apertas excoquito, flavoq; terram succo saturato. Si denique diurnæ lucis candorem vultu præferentes floridulas terræ stellulas tristit nigritudine noctescere voluptas est: minorem gal-
lam & chalcanthum in atramentum infervefacito: eo si radicem intingas, floris cacumen inscribes. Aut meminisse aut prædiscere hic debes, adeo naturam non exui vel expelli, quin subinde illa recurat. Quare de sua se removeri ditione indignans, natus
identi-

1^a Dissec.
l. 1. c. 102.

identidem reflorescet color; ut naturæ cum arte
 super unica planta concernatio voluptatem pariat
 bicolorem. Quòd si audere non pigeat, etiam
 triforme leges ab una stirpe miraculum. Nam si
 discoloribus ex aquis alteram mane, vespere alte-
 ram utrique stirpis lateri sic affundas, ut quotidie
 latus unum distinctis temporum intervallis dupli-
 cem fucum ebibat, colorumque vices alternet
 irrigatio præpostera, matutina nunquam ejus-
 dem coloris alpergine in eandem partem sub ve-
 speram refusa: & nativo, & adventitiis efflores-
 centibus coloribus jucundè prodigiosa planta
 trium colorum ore triplici ridebit. Audio rem
 felici periculo comprobata, atque equidem
 credo quia physica ratio persuadet. Cum enim
 singulæ diversorum colorum irrigationes, utpote
 non universè, sed particulatim irroratæ, totam
 simul plantam alere, atque adeo colorare non pos-
 sint; multicolor alimentum non satis ubique com-
 mistum multiformem prodit in florem. Huc acce-
 dit, quòd naturalis color; ab artificiosis non planè
 victus, ex parte aliqua eminet, floremque tri-
 plicat cum voluptate discrimen. Si candida lilia
 roseo rubore tingere, hoc est, si vulgarem cando-
 rem decenti pudore pingere volueris; monente
 Anatolio; Cajoque Plinio subscribente, florescen-
 tes liliorum scapos mense Julio colligito: denos,
 duodenosve in fasciculum colligatos in fumo, sus-
 pen-

*Tinctura
liliorum.*

*Apud Conf.
Pagan. de
Agr. l. 11.
c. 21. Nat.
hist. l. 24.
c. 5.*

pendito: ſumidi temperatique vaporis efficien-
tia ſparſim extuberantibus nodulis ſive bulbulis,
ſcapos ipſos in ſæce vini vel nigri vel Græci men-
ſe Martio macerato, donec tibi eoſdem extrahenti
purpureo colore planè ſaturi appareant: deinde,
in ſcrobiculis affatim circumfuſa ſæce, ſerito: vide-
biſque adeo multum eſſe à teneris conſueſcere, ut
in extremum germen tranſeat prima ſeminis rin-
ctura. Cæterùm Florentini conſilio lilia ſacilè va-
riatiſque expingemus, ſicitra vulnus intra liliacei
bulbi ſquamas cinnabarim, aliumve pro arbitrio
colorem infundamus. Tuliparum quoque flores
arbitria pictura variabit, ſi biduo triduo ve bul-
bi habeantur in aceto, donec tener eſcant: deinde
eximantur, ut acetum nonnihil expiret: exinde
colores minimè acres edaceſve innocentibus bul-
borum inciſuris ex vino ſtillatitio inducantur: co-
lorati demum bulbi elapſo menſe inhumentur.

*Apud eund.
ibid.*

*Tulipa-
rum.*

Rofarum.

Ibid. c. 29.

Ipfæ, purpureum formæ compendium, roſa, ſi
Didymomagiſtro, cum primùm dehifcens in ſo-
lia cœpit evolvi, ſulphuris nidore ſuffumigetur,
exalbefcet: ſive quia ſulphureus albor, igne exte-
nuante atque rarefaciente penetrabilis, tenuis ro-
ſæ meatus pervadit & inficit: ſive quia juxta deli-
catus, atque odoratus roſæ flos olidiffimi ſuffi-
tus horrorem inſolito pallore teſtatur: ſive tan-
dem ne formoſo colori nimum credas, qui fumo
leviſſimo decoloratur. Idem roſæ flos peregrinoſ

nos facile induet colores; si, solertissimo virò Joanne Baptista Porta suadente, juxta radicem diffusum in caulem, itidemque fissos in ramulos aut æruginem, aut Indicum, aut crocum, aut cæruleum lapidem, aut alium quemlibet fucum tenuissime comminutum largiter ingeras: si, plaga deinde bene circumligata, fimum adagges. Observabis tamen, ne, quæ plantas adurunt atque encant, coloratura venena, cujusmodi habetur auripigmentum, applies. Quòd si cœlestis pulchritudinis versicoloribus imitantis flores in Irides aëria feliciores transformare placet: complura generis ejusdem, at non ejusdem coloris florea semina in ovillam caprinamve pilulam defixa, vel in gracilem arundinem inclusa, vel in laciniis colligata serito. Corruptis enim vaginis & involucribus, è seminibus varia permixtione adulteratis discolor florum soboles existet, quæ non pluviz nubis lacrymis, sed gestientis naturæ risu expectam Iridem serena fronte præportabit. Jamverò, ut peregrini colores pertinacissime, ac tanquam jure hæreditario hæreant, è pomariis ad floralia callidam conciliatricem insitionem traducamus, cujus artifici dexteritate mansuetæ stirpes ignotis foliis, & non suis se floribus operiri demirentur. Atque ut in auream flavæ pulchritudinis hæreditatem genista insitivam rosam & gelsimum

Discolor
feminum
permixtio.
Matthiol. in
Dioscor. l. 2.
c. 153.
Jo. Bapt.
Porta Mag.
nat. l. 3. c. 5.

Insitione
adventitii
colores.

Porta ibid.
c. 15.

nita-

nitali tērra translatas ad genistam asseramus, quòd illæ materno meliùs, quàm novercali, sustinebuntur ubere, dum inolescant: genistam deinde terebrâ, seu potius peracuto cultello, qui scobem minimè faciat, nec perurat, obliquè mediam perforemus; ut naturali contentione in sublime feratur cum à stirpe ramus immissus, tum ab radice humor affusus. Ad hæc rosæ vel gelsimini veluti traducem ramulum, quàm latè inferi & circumdari trunco debet, summo leviter cortice circum-raso spoliemus, ut is expeditè ac proximè adhærescat: transmissisquè binis ternisve gemmis, foramini aptemus: subactò etiam luto vulnus circumlinamus, & vinculo circumligemus: postremò insitum surculum; dum succrescentis idem genistæ nisu sustollitur, hospitali tenus frutice à mater recidamus, ut inolescante cortice insitum-coalescat, & coëat cicatrix: superficiem verò fruticis ad ipsum usque receptum surculum detruncemus, totus ut succus aliò non evocatus uni potissimùm insito serviat. Ita cum genista, atque cum aliis quoque diversi coloris congruentibus plantis concorporantur, externæque matris utero iterum concipiuntur pridem nata rosa & gelsimum: ut hominem, quamvis adultum, ad novam virtutis morumque faciem & alium & eundem renasci posse, à stirpibus doceamur. At verò si candidum aut purpureum caryophyllum cœli colo-

colore donare velis, à vulgatissimis illum plantis sic impetrabis. Buglossum, aut cyanum, aut potiùs vetustum erraticum intubum, quem & cichorium appellant, radice tenus, quæ policarem superet crassitudinem, recides: tum mediam radicem consideratè modicèque diffindes, nè plus justo fissura descendat: ac floriferam sobolem à parente vulsam aptè immittes, ut rimam coagmentet: vimineo demum nexu istum vulnere insitivum fœdus obstringes: ac sauciam hospitam ut consanes & lætificates, circa terram circumjectam finum putrem adaggarabis. Ita in pulcherrimo flore cœlum colorari posse pollicetur insitio erudita. Quanquam ego spectaculum hoc sæpius auribus, nunquam oculis usurpavi. Illud eadem præterea à se posse confidit, ut in candidos flores color derivetur aut purpureus, si rubræ pastinacæ, quam siser nonnulli vocant; aut puniceus, si anchusæ præscripta ratione jungantur. Jam verò si ex albo rubroque bicolorem expetis rosam, eam ingeniosus insitus, quem inoculationem sive emplastrationem nominant, sic feliciter dabit. In eo rosæ frutice, de quo inferere, atque oculum gemmamve ad insitionem sumere voles, novellam, integram, & maximè nitidam quæres virgam: in hac deinde oculum considerabis, qui bene appareat, qui que solem spectet orientem, bonamque floris indolem habeat: cum oculum modico in cortice ita circumsignabis, ut is medius sit:

G g

acuto-

acutoque scalpello eundem circuncides, & cautè materiam delibrabis, ne oculum lædas; quem à materia resectum intercides medium. Ejus postmodum fruticis, quem inserere voles, generosam ac nitidam virgam eliges, & ejusdem amplitudinis cortice gemmaque dimidiata materiem nudabis: in eam verò partem, quam nudasti, dimidiatam gemmam ex altero sumptam frutice aptabis. ita, ut emplastrum delibratæ parti conveniat: duorumque oculorum, diversarumque gemmarum inter se apta segmenta unus oculus, atque indivisa gemma videantur. Ubi sic feceris, circa gemmam libri plagam revincies, dabisque operam, ne lædas: deinde commissuras & vincula bene subactò tenacique luto, quod imbre non dilabatur, collines: spatium tamen gemmæ relinques, unde libera egerminet. Ne materiæ, quam inseveris, succus aliò dissipetur; sed unum illibatus & individuus insitum ut enutriet: superiores ramos, si qui sint, amputabis: tum subinde soboles detrahes, quæ à lateribus radicibusque subrepunt. Post unum & vigesimum diem solvi potest emplastrum, quia tunc solent sic applicata germina coaluisse. Quanquam unius alteriusve mensis tutior fuerit mora. Sic rosam leges in una stirpe à bifor mi parente bicolorem, sive bifrontem, Jani scilicet sororem. Idem bicolor oculorum oblectamentum à caryophyllorum plantis, alio tamen cultu, exorabis. Cum enim ipsæ,

ipsæ, ut quæ oculis carent, inoculari nequeant; arte
 dissimili coalitæ ad florem hoc miraculum con-
 spirabunt. Igitur quæ candidi, quæ rubri caryo-
 phylli generosæ soboles radicesve in duas mediæ
 partes dividuntur, compositisque invicem divi-
 duis corporibus, aptè coagmentantur in corpus
 unum, quod ex dissimilibus tandem partibus
 compactum, discoloribus jure floribus capillabi-
 tur. Illud hic superest generatim universæque tra-
 dendum, flores omnes & seminum satum (sicut
 jam præmonui) variè colorari; quod alrix terra
 non uno ubique habitu temperata eorundem se-
 minum mollia corpuscula variis locis vario alit
 atque inficit alimento: & pinguis lætaminis injectu
 etiam nigrescere; sive quod calido fimi unguine
 flos infuscatur, ut candida oleo papyrus; sive quod
 fumidus ac niger fœmus, quæ nutrit, denigrat:
 indigentia, verò & neglectu violam præsertim &
 rosam, quantumvis purpureæ sint, post annum ter-
 tium (ut author est Theophrastus) in senium, atque
 adeo in interitum expalescere; quod, humore vi-
 tali ob culturæ desiderium absumpto, concolor
 morti siccitas mortifera succedit. Adeo & flores &
 mores cura quidem feliciter, infeliciter incuria ex-
 pingunt: ut illa vitam in ipsis coleret, hæc mortem.

*Joan. Bapt.
 Porta Villa
 l. 9. c. 12.
 Mag. nat.
 l. 3. c. 3.*

*Varietatis
 colorum
 vulgares
 causæ.*

*Apud Joan.
 Bapt. Port.
 Mag. natur.
 l. 3. c. 2.*

Arte majus Naturæ miraculum.

CAPVT VI.

Artis, &
Naturæ
concertan-
tium fabu-
la.

Artisja-
bancia.

Legite jam florum auidi mortales, inter flores artificiosè coloratos ornandæ veritatis natam, floridulam fabellam. Ars Herculano amoris vinculo Floræ conjunctissima in ejusdem hortensi theatro insolitis coloribus, flores expingentibus, inaspecta post hominum memoriam spectacula ediderat, & in tenui re non tenui cum gloria luserat. Nec Flora solùm admirabunda, sed ipsa etiam Ars gloriabunda garrulo præconio sibi plaudebat. Dissimulandum tamen in fœmina fuerat familiare nativumque crimen, superba garrulitas; nisi Naturæ sese ipsi novo colorandi artificio prætulisset. Vicinus tandem, agebat. vel ipsa, qua cum assiduum mihi amicūque pro gloria certamen est, quæque victa obmutuit, Natura judice vicinus; dum tuis, Flora, deliciis militamus. Quàm vellem, quæ ubique est, ac nusquam visitur, regali, quo mihi sæpe gratulata est, ore conspiciendam hîc sese daret: ut palmarem hanc, seu veriùs floream victoriam suo quoque plausu cumularet; ac fate retur, ex istis victricem mihi coronam floribus deberi, quos ab orbe terrarum condito iisdem illa

illa semper: obsoletisque jam coloribus inficit: inusitatis ego conspicuos admirandosque perficio. Pupugit æmula Artis jactantior vox aures animumque, magnæ miraculorum opificis, Naturæ: &, Itane vero? ait. Quæ sine me inertissima esset Ars, de me citra pugnam triumphat? Agè ante victoriam triumphanti meritum plausum properemus. Tum regio vultu habitu-^{Naturæ habitus.} que spectabilis placidam iram dulci rubore speciosè pinxit in genis: ut non excandescere, sed splendescere visâ sit. Amantissimæ enim rerum omnium parentis est sine noxiâ fulmine fulgurare. Vel oris taciti tranquilla, æstuante corde, majestas mitissimum ingenium eloquebatur. Pectus in ubera porrectum altricem liberalitatem, omnibus lactescentem, indicabat. Regia dignitas & potestas in amictus ac sceptri aureo, nempe bono lumine cernebatur. Hoc igitur ore^{Comitatus.} cultuque augusta ex infinito stipatorum numero quatuor tantum affectas deligit, præsentem ad usum accommodatos, Vertumnum scilicet, mutationum omnium Dædalum, vario & versicolore amiculo æquè, ac nomine ipso, versatilis vires ingenii denudantem; recocto in crudum juventæ robur senio, mimico rictu, atque hircinò barbitio festivissimum caput: ipsos quoque Solis ac Lucis nitidissimos filios, eodem editos partu tergeminos pueros, quorum formosus nitor diès

est, Luciferum, Meridiem, Hesperum. Et Lucifer quidem scitissimo filo adolescens hac formæ textura præfulget. Matutinis radiis, intonsos capillos extenuatis, aureolus crinis parili à fronte discessu niveam, in quam defunditur, cervicem amabili fulgore innocenter incendit, ac nitidè opacat. Quæ toto corpore intermicat, summa in fronte scintillat in sideris lucem, diei nuntiam, desinens venustas, ac mera Venus. Enimvero insolitæ pulchritudinis lux diem debuit præportare: & radiantis comæ cinnamum esse decuit fides. Decorè confusi lactis & sanguinis rosea temperies Auroram graphicè colorat in vultu: atque in hoc etiam aurora liquentibus margaritis rotat. Liquida enim voluptate humiduli & ridibundi ocelli guttatim fluentibus in lætitiæ rorem lacrymulis subinde genimant. Potes & hunc de more rorem salivam siderum appellare: siquidem ocellos à stellulis non distinguas. Molliclivo eminulæ uberesque genæ Hyblæo colle felicius florent; inermibus enim rosis purpurant, hoc est, ut roscam rem florida brevitate complectar,

Vestit pudoris purpura investes genas.

Puniceum osculum, dum animam reciprocatur, odorum omnium vitalem suavitatem inhalat. Byssinæ chlamydis nebula glabelli corporis, quod inumbrat, interlucente formositate præradiat.

diat. Gemella venustate visendus clarissimè se
prodit sua, nempe meridiana, luce Meridies.
Brevioribus radiis ardentior coruscat flava cæ-
series, nativoque calore sine calamistro crispu-
los in cincinnos annulata suspicientibus au-
ream gratamque oculis conferit catenam. Sum-
mæ insidet fronti nitidissimus Sol, digna vi-
delicet crinali auro lux. Gemina cum Solis immi-
nentis, tum ingenitæ pulchritudinis luce vivi-
dus vultus decenter ignescit: atque ipse igneus
decor meridianum affat ardorem. Splendidæ
medix diei simile velamentum ex auro, te-
nera ilia substringens, multum corporis nudat:
meliùs enim protegit nuditas æstuantem. Simil-
limis, planeque fraternis Hesperum lineamentis
artifex pulchritudo decoravit: facie tamen levi-
ter fusca; radiorum capillamento rufiore, ante-
pendulo & anteventulo, ferme oculos prævelan-
te; diurna luce in pallidam stellatæ frontis facem
elanguescente; occidentis diei purpura colora-
to medio velamine nuntium noctis illustrem
significat. Hoc ergo & habitu & comitatu Na-
tura in conspectum sese dedit Artis, recens apud
Floram miraculum sublatè magnificèque prædi-
cantis. Assurrexit utraque parenti maximæ, ve-
rendo fulgore perculsa. Ars etiam, quamvis ta-
cita, levi rubore jactantiæ conscientiam fassa est:
ut non fruticibus modò, sed genis quoque rosas

Gg 4 in-

Ad Artem
oratio.

insevisse videretur. Eam ita prior alloquitur Natura. Ecce, quæ nusquam abest, quo cupis, adest ore spectabilis; quo non cupis, formidabilis, nec ante plausum datura, quam justo duello superata succumbat. Quanquam superare quæ possis eam, sine cujus armis & viribus nec etiam pugnes? Sed age, quam verbis confidentissimis præcæpsisti, utra nostrum re ipsa victricem colorandis est floribus palmam legat, ad novam Floræ voluptatem ac decus, te ipsa iudice periclitemur. Venerabunda gratias agit Flora: provocationem Ars interrita non reculat. Ergo, ut erat ab recenti opificio collectis decenter laciniis artificiosum ad prælium succincta, exertisque brachiis expedita, est circumfusus insitionis armis falculam moræ impatiens corripit: fortè proximum Italicæ rosæ perpetuè virentis fruticem in fictili confutum strictim attondet: est duplici oculo delibatum corticem abducit, albæ rubræque gemmas callida inculcatione sufficit. Mirum visu dictumque! Roseus frutex, velut insititia non amœnitate solum, sed humanitate quoque inoculatus, & pro cultricis atque ornatricis Artis victoria officiosis non spinis, sed floribus pugnaturus, tribus illico tumet gemmis: mox itidem fruticat ramulis: trium denique colorum vernat rosis, nativa scilicet subrubente, atque alba rubraque insitivis. Miratur triformi pulchritudine amabile monstrum

Artis insi-
tum admi-
randum.

strum Flora. *Naturam verbis hisce vellicat Ars/
 Quæ tuis armis pugno, quàm prosperè meo in-
 genio expugnem, vide: quàm graviter tuiste ro-
 sis convulnerem, fatere. Levi primùm risu elu-
 sit argutulam insultationem Natura: tum, Hoc-
 cine; inquit est; quo me jugulari posse sperasti,
 trifidum è triplici rosa telum? Faxe jam roseos
 istos colores adhuc invisio, atque inaudito, tuis-
 que conatibus majore miraculo representatos
 aspicias, ipsoque spectaculo saucia des tandem
 victrici Naturæ debellatas manus. Tantum profa-
 ta terram præpotenti virga leviter verberat. Illo
 levisimi verberis nutu admonita tellus, quid ma-
 gna jubeat Imperatrix, repentinum turget in
 partum: mox vegetum germen excludit, quod
 paulatim ramosa brachia dispergens, mediisque
 inter ficulneas & pampineas frondibus virescens,
 ignotam in arbusculam adolescit, pallido corti-
 ce decolorem, florumque rotundis calycibus onu-
 stam. Hærebat rei eventu suspensa Flora: ipsius
 verò Artis, præfago metu immotæ defixæque,
 corculum assultim palpitans, & prosperè micans
 trepido tripudio artem ludicram faciebat. Tre-
 pidationis motu choreæ cœlestis æmulam solici-
 ti cordis saltationem horum Natura verborum
 sonitu incitavit. Hactenus prolusimus: jam se-
 riò pugnabimus. Nec nobis opus est ferro ad
 victoriam. Sine insitionis tuæ operoso vulnere
 vin-

*Naturæ ar-
 buscula mi-
 rabilior.*

vincemus. Atque ut à meis floribus tandem profligata expallescere discas, atque erubescere: trium ista colorum tibi laboriosa miracula nos per ludum & choream properabimus. Tum suos ad affectus conversa, Age, inquit, vetule mi Ludio, in admirabilem omnem varietatem versipellis Vertumne, citatam efficacemque salutationem & modulato sono, & numeroso saltu præi: ut recentes flores, celeripedem vertiginem versicolore vicissitudine imitati, coloratam choream ludant. Vos quoque agite, mea lux, diurnæ nitedulæ, *Lucis puerperæ nitidi Lucilli, pervulgandæ dici perpetui triumviri, volucres orbis infimi pictores; quippe qui, deterfis tenebris, rebus redditis colorem, unoque omnia lumine quotidie coloratis: agite, inquam, peregrinam istam rosam vario nitore sic expingite, ut Artis discolorem fucum non desideret: dum expingitis, subsultrū sic ludite, ut pugna pro flore ludus seriò vincat. Decent enim floream jocosa bella victoriam. Statim ab imperio, Dominam prono prius capite veneratus, incipit tinnulum sistrum numerosè quater, micare pedibus, toto corpore gestire, non alia Medea, quàm geniali suomet ingenio, recoctus multibarbum in puerum, senex Vertumnus. Capularis senis, juveniliter alternantis pedes, & latera crispantis, exosces enervæque flexus à cæteris quidem spectatori-

bus

bus risum eliquerunt: ab Arte verò, sibi jam præmetuente atque etiam invita, extorserunt. Ipsi recentis arbusculæ antea compressi flores semihulcis repente osculis subrisere. Numerosi quæ sonitus, quæ saltus præeuntis illecebram tergemini fratres, agili tripudiantes impetu, persequuntur. Ludibunda interim agilitate mobilis, tremuloque fulgure illustrior, puerorum radiat pulchritudo. Spectaculum hic habeo sane novum admirandumque, quod oculos pridem oblectavit, auribus exhibere. Prior impigro saltu Lucifer ad arbusculam accedit, ac demessum ex hortensi segete candidum lilium, velut in candoris exemplum, extollit: cum ecce tibi grandioris in speciem rosæ penitus dehiscentes flores, matutino Luciferi albore afflati, ad simulationem usque lilii exalbescunt. Mox exultim subeunte, flammeolamque imitandam rosam præferente Meridie, meridiani ardoris rosæo sensim lumine colorantur. Ab Hesperitandem subsultantis, expingendumque amaranthum proponentis accessu, occiduar lucis colore amaranthino paulatim erubescunt: novæque rosæ, novo more, unius dieculæ pingente luce, trium in colorum faciem variatæ, artificiosum triplicis rosæ usitata insitione congestæ, miraculum decorant. Attonita primum atque obstupida, ceu sa-

Naturæ
victoria.

Natu-

Naturæ manus dedit. Flora quoque obstupuit
& plaufit: fuasque geniali vi&toria illa delicias cum-
mulatas effe fibi gratulata, beneficæ bellatrici gra-
tias egit, florum omnium fuavitatem redolentes.
Oblato denique ab eadem Flora florido corona-
mento, victricem ornaturus, dubitatum eft, utrum
vox, an flos fuerit fuavior. Hic florei duelli finis:
hoc documentum, infelicitè pugnare Artem,
cum repugnat Naturæ.

Neque



Neque verò quisquam existimet, Elysiæ amœnitaris fabulosum à me florem aliquem prædicari : nam decem ante annos à nostris hominibus occidentali ex India missum semen est floris hujus, quem barbaro Indi nomine *Fnyò*, alii à genètali solo Mal-<sup>Rosæ Sinen-
sis no-
mina.</sup> vam Indicam, Japonicam alii vocant : nos cum iis, qui Romam ex India miserunt semina, Sinensem Rosam nominabimus. Primus ego meritissimus sator hospitem florem Romana civitate donavi : Sinen-^{Sarus.}sis enim floris satio atque cultura Senensi cultori debebatur. Ejus igitur semina intra profundum fictile pingui tenuissimèque succreto in solo, ineunte vere, in digiti altitudinem raro satum deposita, crebris irrigationibus tempestivè adjuta, & modicè insolata, post mensem foliola emittere, tum foliis conveltitas virgulas excitare cœperunt : quibus pro incremento recens identidem solum injiciebatur, ut radicula summam repentes altius obruerentur, instillataque uligine alerentur : ipsi autem confito fictili tepidum in locum recepto gelicidia cavebantur. Anniculæ plantæ adultiores^{Translatio.} ex angusto vasis ergastulo in libertatem. spatiosi loci assertæ, fœcundumque in gremium præpin-
guis, irrigui, solibus expositi, ac præsertim ab halitu Septentrionali aver-
si solitransductæ, actis altè latèque inoffensis radicibus adeo profecerunt ac proficiunt, ut quotidie diffusiùs atque excelsiùs arbore-
scent. Jamque aliqua, quamvis annuis pu-^{Magnitudo.} tatio-

Forma.

tationibus detonsa, palmos circiter viginti evaluit; caudicis verò dimetiens ad quinque digitos pertinuit. Radix albida, lignosa, numerosis implexisque fibris ad summam usque tellurem capillata, ramoso divortio simul una & multiplex, præposteri situs arborem subterraneam, ejusque, quam parit ac sustinet, similem congeminat. Ab radice caudex pallidus, simplex, & lævis frequentibus subinde distinctus oculis connivet, quibus gemmarum in ramulos, nisi cultrix vigilantia cæcatum in tere-tem proceritatem educeret. Ubi truncus desinit, concolores frondentesque rami, virgea prolixitudine sublimiter latèque porrecti, una nemus arbore faciunt. Caudicis ramorumque materies instar ficulnæ candida & carnosa modicè duræscit. Folia magnitudine pampineis, asperitate ficulneis, figura utrisque, aut potius hederaceis angulosis consimilia, sed tamen crenata, in ipsa rotunditate angulos & sinus habent: superiore parte herbido virent colore, inferiore candicant: ramosis utrinque nervis ac venis ex viridi pallentibus distinguuntur: sua ipsa utrinque lanugine asperantur: asperis itidem, crassis, prælongis, ac sæpe palmaribus, primò virentibus, tum superiore parte pediculis subrubentibus nituntur: & raris intervallis disposita sic ramos ferè convestiunt, ut bina invicem opponantur, alio deinde bina, qui priori contrarius sit, sejungantur oppositu: atque

que ita geminatione alterna ordo foliorum decussatur. Verum, ut ingenita foliis asperitas minuta non manibus modò, sed oculis quoque contrectata exploratissima esset; lynceum exploratorem, nempe microscopium, sive conspicium tubulatum consulimus, quod ab ima parte suffultum ad breve intervallum subdita corpuscula, ingentem in molem amplificata, suisque distinctè partibus coagmentata, supernè intuentibus demonstrat. Hoc igitur monstrante, in parte folii supina majusculorum nervorum pulvini & mediocriter virides, & albicantibus tanquam stellulis incompòsitè distincti visuntur. Reliqua verò areæ inæquales & multiformes in areolas, alba humilique lanugine opertas, & rufis atque eminulis velut lenticularibus verruculis aspersas, angustis quoque ac virentibus mæandris, tenuioribus nimirum venis sive fibris interstinctas extenditur. Sed pronæ partis torosi nervuli diluta in viriditate candore simili stellati sunt, & reliquum folium pariter lanuginosum ac verrucosum est. Pediculus quoque subviridis, brevique lanugine hirsutus, cum albida, tum subrubicunda scabritie exasperatur. Ab æquinoctio verno in germina oculi turgent: convoluta foliola primùm apparent, quibus paulatim sese tum explicantibus tum amplificantibus virgei subeunt ramuli, assiduo partu, dum adolescunt & roborascunt, è gemmis folia trudentes. Quin etiam non rarò fit, ut ex eadem gemma fraterculus

H h

folio


folio ramusculus adnascatur. Sic toto ferme anno foliorum ramorumque perpetuo proventu ad hibernum usque solstitium Rosa Siniaca silvescit. Atque hoc tandem tempore, cum contra frigora oportuit esse vestitissimam, foliis subinde dilabentibus nuda hiemat: ac, nisi loci situ aut artis ope protegatur, facile gelu aduritur, atque etiam interit. Quòd si clementior bruma prætepeat, vixdum veteribus amissis, novarum in frondium præproperum gemmat ornatum. Tertio à satione anno florere cœpit.

Floris tem-
pus, & co-
lor.

Quanquam, difficili jam ingenio mitigato, bima præflore. Ea floris initia progressusque sunt. Septembri mense per autumnæ æquinoctium è pusillis cum foliis, tum floreis alabastris confusæ paniculæ existunt: mox, incremento singula discriminante, calyces complusculi, seni plerumque vel octoni, modicis suffulti petiolis intelliguntur, quorum calycum plerique summis è ramis, pauciores proximis è gemmis cum præviis frondibus unà eminent. Forma illis nondum oscitantibus globosa, quin compactilis & quasi cristata eminulis commissuris, quæ medios circum alabastros inchoatæ acuta coitione fastigiantur in summo. Color iisdem alabastris ab ea parte, qua pediculis insident, ad imas usque commissuras viridis, inde ad summas ex viridi rubens. Pediculi, qua præsertim parte supini solem aspiciunt, subrubicundi; qua calycibus adnectuntur, crassiores, tandem panduntur foliaceas in stellæ, octonis de-

denisve virentibus, iisque planis radiis rosarum calyces excepturas. Nam peregrinæ formositatis florî stellæ ipsæ famulare gestiunt in obsequium subjacere. Ubi ferme ad nucis juglandis magnitudinem isti extumuerè papillati corymbi; in lacteum florem, extimis foliis, intimorumque nonnullorum oris subrubentibus, avarè deliscunt. Mox totam sese pandit ad Batavæ rosæ amplitudinem, repando calyci, sæpius quinquepartito, & in pateræ formam nonnihil sinuoso insidens, varia serie foliorum famulosis rugis crispantium speciosa, triplicisque coloris vicissitudine speciosior Sinensis rosa, florum Vertumnus, hortense miraculum. Rosa hæc primo lactea decenter nascitur: decet enim floris infantiam lac. Albo deinde rubroque temperatis coloribus, in oris humani formosam temperiem transformatur, ut hominibus charissima sit, quibus concolor est. Tandem candido vultu paulò ante nata, purpureo moritur, ut pavidè morientibus exprobretracundo rubore pallorem. Nostrate tamen sub cælo, utpote minus, quàm Indicum sit, propitio eadem rosa dilutiore purpura coloratur. In patrio Indiæ solo una die, quam unicam vivit, hæc veluti florum dies matutino cum albore albicat, cum meridiano ardore flammeola est, cum luce noctescente purpurat: ut, quando unum ægrè novum colorem in pluribus flosculis longo tempore ars æmula elaborat, admirandas triplicis coloris in uno flore

vices properare unius esse dieculæ sibi minimè laboriosum ludum victrix natura significet. At verò nostratibus in hortis hospes biduo triduove vivax diuturniorem florei miraculi copiam facit, ut cumulationem hospitii gratiam lento sui spectaculo rependat. Quanquam utrobique monet è candido mox purpureus flos, ab ingenuo candore facilem esse transitum ad purpuram. Floris autem jam purpurea folia, ut poma solent, ad maturitatis indicium (debet enim maximè purpuram maturitas) humore tenuissimo evanescente, nonnihil connivent & corrugantur; donec tristius infuscata, penitusque contracta deflorescant. Amœnissimæ spectaculum voluptatis est, alieno tempore sic vernare arbusculam, ut coloribus multis quadruplicem anni faciem simul expingat; dum flos alius niveus nivofam hiemem, alius flammeus igneam æstatem, purpureus alius maturum autumnum, alii medio quæ vitæ quæ colorum transitu varii variè coloratum ver, universi denique singulique versicolores tempestatum omnium vicissitudinem intra tempus brevissimum colorant.





Habent quidem ejusdem miraculi præconem Polii
 folia Plinium, Tripolii flores Dioscoridem. Sed ille
 falsa, quippe lapsus memoria, credulus hic audita
 scribit: nos oculis sæpe comperta narramus. Una
 mirabiles Sinensis floris viçes palam tulipa illa æ-
 mulatur, quæ materno terræ lecte primò saturata ex-
 albescit, deinde ebriola erubescit. Quid unus ta-
 men flosculus cum floriferæ arboris compluri-
 bus, qui in simplici foliorum ambitu seminudus
 cum foliosiore, quid humi reptans floridulus pu-
 milio cum arboreo gigante, nisi vincendus, con-
 grediatur? Illa præterea mira novitas quotidiano
 spectaculo pæne viluit, ut Sinensis rosa etiam re-
 cisa in vasculo aquæ pleno, atque adeo inter
 manus, si diutius habeatur, varios induat colores.
 Tanta est flori huic delectandæ mortalitatis ambi-
 tio. Illud autem esse causæ dixerim, cur idem etiam
 demissus colores mutet: quia superstes à vulnere
 floris anima, si præsertim aquæ humore, arborei
 succi vicario, foveatur, floreas particulas nativo
 calore quò vehementius percoquit, eò efficit
 colorationes. Quanquam ego, cum è binis rosis al-
 teram in aqua, in sicco alteram de industria non
 semel habuerim, experimento didici, pari progres-
 sione irrubuisse utranque, ac simul denique con-
 tabuisse. Unde interpretari est, hiscè floribus insiti
 humoris abunde esse, cum floridam vitam beatè
 tolerant succo suo. Et quisquam neget, rosarum re-
 ginam omnium Sinensem esse rosam, quæ gratis

*Nat. hist.
 l. 21. c. 7.
 De Med.
 mat. l. 4.
 c. 130.
 Mathesl. in
 Diosc. l. 3.
 c. 107. &
 l. 4 c. 130.*

*Etiā à re-
 cisione va-
 rians color.*

colorum vicibus mirabilem in modum varians pulcherrimas sese transformat in facies reliquarum? Ut ipsa celsior atque arborea statura dominantis in cæteras rosæ argumentum sit. At enim odore caret. Hortis etiam urbanis donantur è nostratibus rosæ unicolores, odore nullo probabiles. Cur igitur & amabilis & admirabilis non sit, quæ odoris unius desiderium triplicis variantis coloris constanti miraculo compensat? Quin etiam in odora est magno documento, nimis lenocinantem oculis coloratam speciem sæpe fucum esse vanitatis. Jam verò mirum videri nemini debet, suis adeo Indis pulchrum esse hunc florem, ut, nato inde proverbio, inter homines pulcherrimus quisque Sinensi rosa pulchrior appelletur. Animadverti per hosce annos, quibus ea primum nostris floruit in hortis, triplici flores genere discriminari. Aliæ namque arbusculæ florem edunt crispante foliorum compage densissimum, qui, cum totus hianscit, plerunque aliqua rubet ex parte; quia velut ex pluribus coagmentatus floribus particulatim panditur & coloratur: quique paulò, quàm congeneris cæteri, serius vernat; quia plenioris absolutio floris operosior est. Aliæ verò sparsim eminentibus inter crocos foliis rariùs comantem pariunt. Aliæ demum quinque foliorum simplici serie, mediisque crocis, turbinate in figuram acervatis, quatuor tantum aut quinque pavoninum in apicem extantibus, pulchrè de genere progenierant.

Indicum
prover-
bium.

Genus tri-
plex.

Ante












Antehac semen flos hic ad maturitatem non pertulit : quia nondum, ut opinor, justum incrementum ac robur arbuscula ceperat. Octavo tandem anno, Decembri mense incunte, deprehendi perfectum in semen rosæ mediocriter foliosæ arbusculam profecisse. Quanquam, quæ simplicem fundit florem, hoc eodem anno, qui tertius illi à satū est, semen quoque maturavit. Floris caput sive globulus pediculo adhærescens inter quinque florei calycis jam aridas foliaceas lacinias, ad ejusdem adulti calycis magnitudinem extumidus, eminulis pulvinorum toris orbiculatim striatur, canaliculis in summa imaque parte stellatam in figuram coeuntibus : aridi præterea colore folii, qui ex viridi inclinat in flavum, decoloratur; brevique subalbido pilo hispidus inhorrescit. At verò totus interior folliculus candicat. Sex circiter carinata loculamenta intercurrentibus membranulis discriminantur, quæ strias inter exortæ in duriusculam mediam cartilaginem coeunt. Intersecta membranis concava pars, lanugine densa, longiuscula, & candida pubescit. Pediculi alba cuspis ad medium usque folliculum pertinet, cui media cartilago adhærescit, huic semina ipsa numerosissima, rufula, minutula, rotundè longula, modicè incurva, & qua parte gibbum habent, pilosa, æqualis longitudinis petiolis albicantibus ac tenuissimis acutiore sui parte liratim adnectuntur. In uno tantum

Folliculus,
& semen.

Seminis fa-
cies micro-
scopio re-
præsentata.


tum folliculo tria & sexaginta supra centum numeravi, sex in loculos sive sinus pari ferè numero distributa. Verùm ut minusculæ rei quæque pene fugiat aciem oculorum, singulæ partes perspectæ exploratæque sint, eodem optico microscopii tubulo minutissima semina inspecta faciem hanc referunt. Magnitudine figuraque hædinos ferme renes æquant: color ipsis est ex fulvo gilvus: toto corpore sunt punctim pumicoso: circa glabellum umbonem pilis subalbidis, raris, inæqualiter fruticantibus, dimidiatum digitum prolixis, in setas aculeosve porrectis, horridè capillantur: ubi denique in se reducta sinuantur, hilum exprimente oblongo callo, nigricante, albida intercurrente linea distincto, altera parte capitato, altera nonnihil ex porrecto, definiuntur.

Jam



Li





Jam verò ita præterea peregrinam arbusculam curamus. Ramosa luxuriæ silvescentem, ineunte Martio interlucata densitate, deputamus: emaciata cacumina intondemus. Ut autem reparata subinde sobole perennitati prospiciamus; non modò rosam hanc semine serimus, sed avulsos quoque resectosve materni cum corporis parte, nempe cum veteris portione trunci, novellos ramos, atque ima parte ad morem ficulnei surculi nonnihil diffissos, in unum alterumve palmum eodem mense depangimus: gemmis singulis vel binis è terra extantibus, quod de cacumine superest amputamus: resinata cera plagas obducimus. Ita semestri spatio radices, annuo flores elicimus. Virgas insuper stirpitibus pullulantes aut nonnullis cum fibris decisa transponimus, aut à parente in terram demersas propagamus. Sed agedum, ut planè admirandum in hujus rosæ versicolore pictura naturæ artificium pervideamus, floream picturam ipsam eruditi Lycei bono, id est philosophico in lumine colloceamus. Et flores & fructus universi commune hoc habent, ut, quandiu formam atque incrementum capiunt, paulatim varios transcant in colores. Proût enim insitus calor quotidie magis alimentum concoquit, humoremque siccitate variè temperat; ita colorum elicit subinde consequentium varietatem. Attamen varietas ista, quia lentiore transitu perficitur, minùs est

Discoloris
varietatis
philosophi-
ca ratio.

obſervabilis, minusque cum novitatis, tum admīrationis habet. Ad hæc in plerisque quā floribus, quā fructibus idem incremento corporis & coloris modus eſt: ſive quod è ſtirpibus aliæ, quæ robuſtiore altrice vi vegetantur, dum partus ſuos nativi caloris efficacitate cæteris perficiunt partibus, ſimul etiam ad vegeti coloris firmitatem ſtabili temperie afficiunt: ſive quod in aliis calor imbecillior, humorem minùs obſequentem natùs, quam abſolvere temperaturam nequit, inchoatam relinquit, unaque florem languidè coloratum. At verò cum Sinenſis arbuſcula & mediocri calore, & humore ſit prædita tenui (unde aquis eadem gaudet, & propter aquas in India ſeritur) adhuc impar concoctione valida humori ſpiſſando calor, eundem priùs ubertim trahit lateque diffundit ad florum partes congruenter explicandas: ſatis deinde conformatis adultiſque floreis membris, totus in eo eſt, ut minùs contumacem ſuccum magis magiſque percoquat, eidemque perfectiorem temperiem gradatim inducat. Quare celeri notabilique varietate demum conſequitur candorem dilutum color purpuræ ardentior. Et ſanè decuit eum florem, qui argenteus regaliter vixerit, rogali funere ſplendidè igneſcere. Ita flos formoſiſſimus, qui ad principatum candidatus naſcitur, ac roſeo
 pu-

putore modestissimus ad eundem juvenescit, regia merito consenescit in purpura.

Emendati, additque floribus odores.

C A P V T V I I .

Quoniam ut oris, sic floris fatua est & inanima pulchritudo, cui bene anima non olet: ideo vel inodoros, vel fœtidos flores odorare, atque animare par fuerit beneficium atque miraculum. Hæc autem & floribus & colonis suavis erit odoraria disciplina. Prima ^{Florum odor è terræ medicamine.} ratio inodorandi, quæ colorandi fuit: cum scilicet ipsa, quæ confertur, odoramentis terra medicatur. Sic poteris ovillum fimum ex aceto subactum soluto in pulverem moscho, sive zibetti ambarive liquore, aliisque odoribus temperare; ut è nutritio, depacta germina oleto animam bene olidam trahant. Efficacius est ex odorato seu <sup>Seminum medicatio-
ne.</sup> pulvisculo, seu liquore medicamentum alterum, quo minuta ipsa semina biduo triduove præparantur: quia, cum id non aliunde trahendum, sed ipsis intimum seminibus sit, vium habet ad agendum præsentissimam. Libet hic ad felicissimæ fidem culturæ domesticum afferre experimentum. Fuit è nostris hominibus aliquis, eruditæ amœnitatis philosophicus Dædalus, qui calthæ Africanæ,

quàm eleganter florentis, tam graviter olentis; semina in aquam rosaceam, infuso resolutoque moscho bis odoratam biduo præmacerari: tum in umbra siccata humi de more posuerit. Prioris anni flos, nativa nondum graveolentia satis emendata, adventitiam suboluit suavitatem. Ejus floris semina pari ratione medicata, ut quæ insuavem ac feram indolem prope jam exuissent, suaviorem proximo anno florem induxerunt. Hujus denique floris pariter conditum semen in sætum pulchrè degeneravit tam odore gratum, quàm facie venustum: ut in Africano flore rosam simul, & moschum olfaceres. Recentiores coloni (ut fama est vulgatissima) stylo perforatis radicibus, immixtisque aromaticis caryophyllis, coronariæ vetricis & odorem & inodorantis odoramenti nomen indiderunt: ut ea jam, veteri appellatione antiquata, caryophyllus vulgariter nominetur. Pari quilibet mangonio poterit peregrinis suavitatibus, in radicum foramina insinuat, caryophyllos efficere odoratiores. Dicitur præterea quemadmodum coloris, ita odoris admiranda novitas alienas in stirpes insitione transfundi. Sic centifoliam rosam, inodora & fatua specie fallentem, suavissimo halitu animabimus; si rosæ, quam ab anima odoratissima Moschatulam vocant, sæpius inferamus. Nonnulli rosarum odorem ita rosis exaugent. Ipsarum radicibus implicasat roseas coronas simul adob-

Odorami-
num im-
missione in
radices.

Insitione.

*Ioan. Bapt.
Porta Mag.
nat. l. 3.
c. 16.*

Florum
humatio-
ne.
*Const. Pog.
de Agric.
l. 11. c. 19.*

adobruunt: ut cæteras faciliè vincant rosæ, quippe
 filix coronarum, victores ornantium. Cum igitur
 halantibus è floribus jucundissimi florem spiritus
 cognatæ radices ducant; cumque corruptis dein-
 de, atque converfis in amicum pabulum rosis alan-
 tur: odoratiore anima ipsi partus impertiuntur.
 Illud verò cuipiam penitus incredibile videatur, Fœtidia re-
bus assitis.
 ab assito fœtore odoriferas felicius provenire deli-
 cias. Testes tamen habeo odoris fœditate nobiles,
 & allia & cæpas; quæ coronarias omnes herbas &
 nominatim rosas, si juxta inhumentur, Theophra- De Caus.
plant. l. 6.
c. 28.
 sto ac Didymo affirmantibus, suavius inodorant:
 sive quia, cum unumquodque re sibi consimili Apud Cist.
Pegen. ibid.
 nutriatur ac delectetur, quicquid gravis halitus
 circa est, olida hæc olera trahunt ac resorbent;
 qua summotæ graveolentia, defæcatus floribus odor
 acerrimusque relinquitur: sive etiam quia calida
 exhalatione inhalata odorem exacuunt, & locum
 exiccant. Siccis autem locis odoratiore omnia pro-
 veniunt. Quapropter incoquente Sole siccanæa Theophrast.
De hist.
plant. l. 6.
c. 6.
 Cyrene flores parit odoratissimos: Nilo stagnante
 humida Ægyptus abortiva fœcunditate fundi ino-
 lentes. Usque adeo, ut oratorum, sic hortorum Plin. Nat.
hist. l. 21.
c. 4. 7. & 11.
 fœcunda siccitas & acutiùs & jucundiùs olet.

Mula-

Mutate florum formæ.

CAPVT VIII.

Polydorus
Neruccius.

Quis hoc unquam crediderit? ingens nostra etiam ætate miraculum, Proteus, in flosculis latet: necdum ullus inveniri potuit Aristæus, qui de florea illum latebra in publicæ cognitionis lucem satis extraxerit, nempe arcanam pervulgarit artem, qua flores, cum forma tum foliorum numero insigniter aucti, vultum habitumque, variantis Protei more, demutent. Vidi ego sæpius Transtyberinis in hortis Polydori Neruccii, suis ipsis lectissimis floribus amœnioris viri, anniculas anemonas latifolias, nondum è fictili cattillorum seminario in capaciora vasa translatas, vix paucis degenerantibus, adeo foliosæ amplitudinis, & jucundissimæ varietatis læta novitate mirabiles; ut una, spectatoribus universis attonitis, ea voce plauserit admiratio, in eo florum genere conspici posse conspectius aut mirabilius nihil. Cæterum concinnandi ad hoc miraculum seminis, ars luce dignissima, adhuc tenebras amat. Satorem enim, velut oraculum, cum aliquando consuleret curiosa & supplex amicorum obsecratio: liberaliter patefactæ artis arcanæ loco vocem illam retulit, divini consilii tenacem, Secretum meum mihi. Ego verò,

rò, ambiguis missis ambagibus apertè ajo, accurato, quem præmonstravi, satù, & perspicaci propitiù sideris observatione fieri posse, ut semen Proteo mutabilius inusitatas in florum formas admirabili varietate degeneret. Ut autem numerosa foliorum <sup>Flores quoque
artificio
foliosi.</sup> serie stipatæ, amplificatæque anemonæ proveniant, semen legitur è floribus, qui præcoces inter ac serotinos mediù vernant. Hos enim neque frigoris, neque caloris inclementia prævitiat; sed benigna temperies ad felicissimùm feminis educat proventum. Quoniam verò ex his quoque nonnulli vel nullo, vel maligno exitu seminant; deflorescentium indoles observabitur: ac, deterioribus decussis, flos unus aut alter è vegetioribus reservabitur, cujus medium capitulum vastiùs intumescat. Consimili cæteri flores industria proficient: si, præcipuè amputatis præcocibus universis calycibus, è tardioribus unum efflorescere patiamur, in quem tota vis genitalis, & fœcunditas effundatur. Eveniet enim facillè, ut flos amplior aut foliosior niteat, & semen generosius in spem pulcherrimæ posteritatis existat. Solertissimicoloni probabilis vox est: Si floream quancunque plantam brevi vernaturam quintadecima luna, vel paulò ante, demesso floris germine, transferas, eidemque, dum comprehenderit, solem defendas; flos erumpet folioso conatu densissimus. Accepi Germanum hominem, in hortenfi cultione satis exercitatum, affirmare soli-

solitum, fieri posse, ut simplici flore ignobilis atque inglorius caryophyllus multiplici foliorum ornatu nobilitetur; si trigesimum intra diem à divinæ Matris in cœlum assumptæ sextilibus feriis ejus caryophylli frutex in vase fictili, optima terra oppleto, deponatur, ac tepente loco ab hiberno frigore vindicetur. Sin generis ejusdem duo vel tria semina in ceræ tubulum, pinnæve calamum, ima quàm summa parte laxiorem, inclusa solo committas: florem itidem foliosum elicies Alia, & quidem artificiosè confusa, satio inter hortorum admiranda spectacula speciosissimam tibi afferet floream Chimæram. Quod igitur de olerum miscellaneo satum Didymus tradidit, ad consimilem florum sationem sic traducito. Ovilli aut caprini fimi fabam, quamvis exiguam, subula excavato: diversa deinde semina in ipsum cavum confertim indito: ubi tenerum & rarum simum substraveris, optimè cultum in solo parva scrobe demergito: tenuem terram superinjecito: leniter irrigato: ubi exire in folia semina cœperint, aquulam irrorato: assiduè lætamen inspergito: post excitatum caulem vigilantiorem curam impendito. Sic è pluribus coalitum floribus amabile monstrum habebis. Proderit quoque ad hunc usum binas vel ternas ejusdem stercoris baccas contundere: varia cum ipsis semina permiscere: papyro detritove linteolo involuta, & deligata defodere: reliquam denique diligentiam adhi-

*Apud Cest.
P. g. de A.
gric. l. 12.
c. 14.
Plin. l. 19.
c. 12.*

hibere. Quòd si crispulæ placeant florum comæ, Quo crispi.
Apud Const.
Pegon. ibid.
t. 23. à Græco Florentino tradita de apio crispando ars
ita transferatur ad flores. Ante in pila leviter semi-
na tundantur, atque cylindrus ipsis inducatur,
quàm eadem inhiumentur. Volubili enim compres-
sione præorto seminis meatu, convolutus fun-
ditur flos, veluti flexo in spiram siphunculo torti-
lis aqua. Conducet fortasse non nihil ad florum ma-
gnitudinem variandam animadvertere, ex qua fol-
liculi parte semina colligantur, & quo situ collo-
centur. Nihil sanè obest in floribus periclitari, Quo variet
magni.
L. 11. c. 3. quod certò evenire Columella testatur in cucurbitis.
Nam graciles è tenui collo, vastiores è medio
ventre collectum semen affert. Ut à satione jam
ad insitionem transeamus, ipsa nomen monet
affinitas. Angustior em igitur florem amplifica-
bis, si floris amplioris frutici vel arbusculæ ad-
jectum pronuba maritet insitio. Sic ob animam
suavissimam grandiore digna corpore Damasce-
na rosa, quam delicato odoratoque vocabulo Mu-
schatam seu Moschatulam appellant, si altius pur-
purantem aut albentem inseratur in rosam; à felici
conjugio plenior em habitior emque trahet formo-
sitatem, & florei paludamenti pompam ornatius
ac fusiùs explicabit. Plura possunt ad florum for-
mam demutandam perficiendamque in olerum
arborumque mangonio jam usurpata traduci, aut
etiam nova solertis ingenio coloni excogitari. Pau-
ca

cap. 3.

ca nobis præmonstrasse sat est, ut (quod supra monui) florum studiosi ad nobiliorem culturam expergiscantur. Scio esse, qui liberalius quam verius doceat, ad arbitrium docili cereæque esse indole teneros flores: &, sicut naturæ artificio inscripti nomina regum nascuntur, sic artis magisterio posse in seminali tyrocinio erudiri, ut faciliè fiant è rudibus litterati. Scio etiam esse, qui, poetica scilicet fide, de se illud affirmet:

*Vidi ego cultoris medicato semine, flores
Versicolore coma nomina ferre sui.*

Verùm hæc iste somnia speciosa clausis, opinor, oculis vidit Parnassii in hortulis, quorum flosculi fabellæ sunt. Nam qui fieri potuit, ut medicamine natas floreas litteras unus poeta, nisi somnians, legerit: cum universi tum veteres, tum recentes coloni super hac arte cæcutiant? Nimirum novi præco miraculi pro verò simile veri poetico veriloquio, id est, canoro mendacio, prædicavit. Est autem vero proximum, ausam fuisse imitatricem artem, quod artis magistra natura perfecit. Videmus nos quidem constanter ludentis naturæ manu complures flosculos iisdem semper discoloribus notis figurisque distinctos, easque à variis qualitatibus, certa lege in semine ordinatis, existere intelligimus. Sed quamam ipsas arte natura in seminis perpusillo sinu ordinet, atque in versicolores de-

in-

inde ductus explicet, penitus ignoramus: hoc est, inscribendorum florum artificium compertum adhuc non habemus. Licebit sanè discoloreres in tulipæ flore notas & formas. non tamen ad hæredes bulbulos transcuras aut perennes, utpote non ab innata, sed adventitia causa profectas, exprimere; si (quemadmodum in floribus colorandis indicavimus) innoxia incisio easdem bulbo impresserit, atque altior pictura colorarit. Aliud hic habeo in floribus foliisque picturæ genus, ab aliis præmonstratum, ostendere. Sal Ammoniæ, & candidi exiguum sacchari cum aceto teritur in lapideo mortario; eaque intrita in usum aservatur. Cum libuerit, cumque per florum tempestatem licuerit; rosæ vel caryophylli folia sic cæra glutinantur, ut æquata prorsus appareant: prædicto deinde liquore litteræ, aut alia quælibet signa præformantur: post horam, intra quam liquor ille siccescere solet, aurum argentumve in bracteis tenuatum applicatur, & gossipio leviter apprimitur: eodem tandem abstergis; quæ non hærent, reliquiis, in floreo volumine aurea, vel argentea legetur eruditio. Si velis aqua pingere, si-ve scribere, quæ quamvis acris, innoxia tamen floribus sit; hoc modo facies. Sumes tibi gummi Ammoniæ partes tres, Arabici partem unam, sagapeni partes quatuor: omnia permiscebis, atque

Quo litte-
rati.

Alexius Pe-
demont.

que in aceto patieris esse, donec emollescant: deinde contundes, percolabis, servabisque in usus. Sic præterea non absimilem compositionem conficies. Gummi Ammoniaci unicam unam, Arabici uncias tres per horas quatuor & viginti aceto macerabis & emolles: adjicies flavi mellis quantum nucis magnitudinem æquat, & alii decorticati contusique caput unum cum aloës hepaticæ momento: ea itidem commiscebis, atque aliquandiu ex aceto coques: exinde colabis, totumque bene succum exprimes. Sin autem is videatur liquidior, eundem recoques, donec justo lentore spissetur: atque ita præparatum in vitreo vase custodies. Quando autem uti volueris, quæ fuerint obducendæ auro in floribus notæ, eo medicamine præducentur: ubi deinde siccata, calidoque oris halitu satis humectata fuerint, auri bractæola penicillo aut gossipio applicabitur. Aliam pingendi floris autem Hieronymus Cardanus tradit, ipso periculo exploratam. Ficulneo lacte in flore foliove arbitrariæ figuræ notæque præsignantur: ubi lac concrevit aruitque, lactea scriptura colorato pulvisculo inspergitur, aut auri argenteive bractæola contingitur: siquid alibi supervacaneum hæserit, gossipii globulo decutitur aut detergitur. Ita prius adumbrata, præclarè signa eminebunt: ita floribus & foliis cum res, tum verba non

*De subtil.
l. 13.*

non inutiliter mandabis. Sunt præterea, qui lacteum sici humorem ovi abumine temperandum, aut unum alii succum adhibendum existiment. Sed utinam liceret arti nativis atque indelebilibus notis flores inscribere, sicut licuit colorare. Tuam enimvero, Franciscæ, tuis tuorumque laudibus Princeps eminentissime, gentilem gloriam prædicaturi, jucundissimo nomine Barberino gloriôsè inscripti nascerentur. Quid enim floribus jucundius, quàm eo nomine insigniri, quod ab amicis Urbanis Apibus profectum prorsus melleum est? Quid verò etiam congruentius, quàm ejus nomen floreis litteris commendari, qui cum eximia floreat litteratura, tum impensè faveat litteratis? Verùm unis fas est aut naturæ viribus, aut mendaciis poëtarum flores inscribere, & quodammodo erudire: ut regium pueri nomen in hyacintho, atque in vetitæ Flamini Diali fabæ flore lugubres litteræ appareant. Attamen, quod ars nulla possit, virtus vestra perfecit: ut, si minùs flores, multò certè nobiliores hominum animi nominis Barberini cultu inscriberentur. Quanquam in obsequium ^{Barberinum insignis in floribus.} vestrum arte felicior naturæ Barberinæ familiæ insigne, juxta gloriæ, ac mellis dives, in floribus universis quotidiano faciliq; lusu exprimit; dum in ipsis Apes, volucris studio properantes, sistit. Hoc ego naturæ miraculum dum aliquan-

Kk

quan-

Meliffæ, ac
Florillæ fa-
bula.

quando contemplerer attentius, gauderemque ef-
fe non posse mellificium sine stemmate Barberino,
quo flores ipsi exornantur: eruditam mihi fabel-
lam, nempe veteris Apum erga flores amoris ori-
ginem in Barberinos Principes voluntas propen-
sior sic suggerebat. Melissam & Florillam, filias
gemellas, uno susceperere partu parentes sæcundissi-
mi, Cælum ac Tellus. Illæ cum genere, tum be-
nevolentia conjunctissimæ, studiis tamen longè di-
versis dissidebant. Florilla enim florum, quos amo-
re magis quàm nomine complectebatur colendo-
rum studiosa, floriferi cultus inventricem Floram
sedulò sectabatur; & ejusdem elegans imitatrix,
amœnitatum omnium deliciis florentissimos hortos
sibi extruxerat, quos diligentia infatigabili excole-
bat. Ex illa deinde ad omnis ætatis, nostræque præ-
sertim, principes viros suavissimæ hujus culturæ
nobile studium propagatum est. Melissa verò musi-
ci diligens & perita concentus, atque adeo inter
Musas frequentissima omnibus beatam numeris
musicæ agebat ætatem. Hæc aliquando Musarum
familiarem chorum, ipsumque choragum Apolli-
nem ad fororis hortos congruentis voluptatis ergo
invitavit ac deduxit. Floridorum enim Præsides
ingeniorum simillimos hortorum flores amant; nec
libentius in Parnassia scabritie, quàm in horten-
si amœnitate, commorantur. Omnibus igitur huma-
nitatis officiis, hoc est pluribus animi, quàm terræ,
flori-

floribus à Florilla excepti hospites mirari amœnitatem loci, nempe Regiam voluptatis: areolarum ingeniosos errores, id est, implicandis quâ pedibus quâ oculis amabilem labyrinthum: florum, ad sui commendationem invitantium, discolorem risum, atque odorata suspiria: aurarum, levi spiritu graves æstus diffiantium, jucundè frigidulas blanditias: silvularum, motu sibiloque annuentium, opacas illecebras: fonticulorû, liquida lætitia diffluentium, trepidos lusus: avicularum, tinnulis oculis argutantium canora gaudia: cœli, semper vernantium hortorum deliciis plaudentis, ridibundam serenitatem: medii denique magnificentissimi domicilii jure gemmeum nitorem. Decet enim circumfusus florû radiis non alium solem esse, nisi genimas. Hæc diu demiratus hospes ille doctissimus cœtus amicam demum nobilemque se recipit ad umbram. Eminabat editiore in loco annosa Laurus ingentibus ramis cum ad opacandum, tum etiam ad coronandum eruditum chorum diffusa. Inde cum in totam hortorum pulcherrimam speciem liberior excurreret prospectus: Tux, inquit Apollo, partes hîc Melissa desiderantur; ut & lectissimis sororis floribus, & nostris auribus canoræ laudationis jucundissimam auram aspîres, sive ut flores gemines: neque enim plures Florilla ferit, quàm tu loquaris. Tunc enim vero repentè natæ in pudibundis genis tacitæ rosæ oris flexanimi vocales flosculos promiserunt. Igi-

Florilla in
flores.

Meliſſa in
Apreſ.

tur numeroſè cymbaliſſans (cymbalum enim for-
tè geſtabat) ſuaviſſimam cœpit vocem in florum
laudes eliquare. Mellito Meliſſæ cantu canora Mu-
ſarum & Apollinis oracula conticuerunt: pennatas
ſilvarum Sirenas cantitare diſpuduit, intentoque ſi-
lento dulciorem condiſcere modulationem de-
cuit: per florem Elyſium vagulæ aurarum animu-
læ, repente attonitæ, ſuſpenderunt volaticum lu-
ſum, blandumque murmurillum: ipſi ſuis delectati
laudibus flores ridentia decenter oſcula diduxe-
runt. Sed nulli ſuavior atq; potentior, quàm Floril-
læ, florum laudatrix accidit canticæna. Etenim illa
vocali dulcedine ſenſim ſine ſenſu colliqueſcens ac
dilabida cœpit ſibi deficere, dilectosque in floſculos
defloreſcere atque tranſfigurati. Vidiffes primò pe-
dum lacteolos ac tenellos digitos in totidem florea
paulatim germina formoſo languore colorari: vi-
diſſes conantis pedes attollere, actis repente radici-
bus, plantas humi adhæreſcere, dixiſſesque planta-
rum illis nomen tum maximè convenire. Uſque
adeo ſua cuique voluptas Circe eſt. Altiffimè pu-
pugere poſthum; ſororis flores Meliſſæ corculum.
Quare, conſeſtim abjecto cymbalo, mutatoque
ſtridulum in gemitum cantu, Florillam in flores
abeuntem irritò complexu moratura non accurrit,
ſed advolavit: ac ſimul in corporis mutationem
æquè prodigioſam neſcia properavit. Nam ſum-
mæ manus pedesque ſcatere primùm Apibus cœ-
pe-

perunt : tota denique in volatile Apum examen dissipata est. Nimirum ad sororis complexum properanti multas amor addidit alas. Mansit autem, mutato etiam corpore, studium erga consanguineos flores hæreditarium ; statimque ad illos novellæ Apes, alatæ scilicet Melissæ, provolarunt : ut, quando uno humanoque non liceret, innumerabili mellificoque ore floreos sororis vultus Melissa jam multiplex oscularetur. Mirandum itaque non est, tam avidæ, tam suavis osculationis salivam esse mel. Defferunt Musæ, Apollo deflevit nobilissimas sorores, à voluptatis amorisque funere nova facie sibi ipsis superstites, & amissastamen. Decuit fanè pulcherrimos, quippe natos è Nympha, flores sapientissimi cœtus pretiosis lacrymis prius irrorari. Decuit etiam meram suavitatem elaboraturas Apes, utpote Melissas suavissimas, mellitis oculis lacrymatum rorem prælibare. Sed intus oculorum dolor vocalem chorum diutius non decebat. Ergo quæ crotali, quæ sistri, quæ reliquæ sonoræ supellectilis lamentabili plausu vocis quærimoniam geminantes mœstissimæ Musæ, musicæ nimirum Præficæ, funebri nœnia suaviter obstrepebant. Jucundissimus æris numerosi tinnitus novas Melissas, veteri musices amore inextincto, huc illuc displicatas in eum locum, unde sonus emittebatur, convocavit. Quare Musis imminentem ad Laurum denso examine convolantes glomerato

partim agmine in speciem uvæ summo è ramo penderunt; partim mirabili sese ordine atque omnelibrarunt. Etenim complures ovatum in orbem confertim dispositæ tres in triangulum pendulas coronarunt. Tum verò in illo lætissimo prodigio futuram felicitatem prævidens certissimus interpretes Apollo, Accipio, inquit, omen, gratoque oraculo promulgo. Veniet illa tandem ætas, veniet, qua Musarum volucres mihi charissimæ, Barberinæ Apes, virtutum omnium florem, ab ingenito amore sibi cognatum, gloriosa sedulitate delibantes, mea in Lauro, sapientiæ imperiique coronamento, nobilissimæ posteritati suæ nidificabunt, utilitati publicæ mellificabunt. Vix ea felicibus quidem, at fugacibus verbis auguratus; ut Barberinæ gentis domicilium in perenni Romanæ gloriæ viriditate æquè stabile futurum, ac Trojanis advenis in Latio fuerit, mansuris notis præsignificaret; coronariæ ac triumphalis Lauri trunco celebrem

Æneid. 7. Æneæ vocem inscripsit, Hic domus.

Quod





Quod igitur laurea semper in umbra splendide ^{Barberinæ gloria.} habitavit Barberinorum examen Heroum, nunc, ut cum maximè, tum morum, tum sapientiæ, tum imperii suavitate sese Lauro dignissimum ostendit. Nobis enimverò illud bene ac beatè contigit, ut in tribus Barberinis. fratribus Francisco Antonioque Cardinalibus, Thadæo Urbi Præfecto & Principe Prænestino, collecta majorum decora intueamur, amemus, & colamus: utque fratres eosdem in illustrissimo avorum examine, tanquam gentiles tres Apes, maximè conspicuos hoc à vulgaribus Apibus distare fateamur, quòd illæ regem unum habent, hi regia omnes indole cum Patruo ter maximo, URBANO VIII. & sapienter & feliciter imperant. Te verò, Francisce, regiam in primis Apem flores mei experti sunt, ad quos singulari beneficio cohonestandos purpuream majestatem istam, aureamque opulentiam inclinasti. Tuo illi auro debent, siquid nitent: ac sese totos tibi obstrictos laxatis officiosum in risum osculis eloquenter contestantur. Quis alterum præterea Antonium Pontificis fratrem, è Vaticana purpuræ flore pietatis eximæ mel colligentem, velut Apem prudenter sedulam, non suspiciat? Nostræ demum ætatis felicitas est, in orbis terrarum regnatrice Urbe Urbanam Apem tam suaviter dominari, ut è Vaticano culmine suavissimæ indolis nectar, poë-

poëtica mella diffundat. Licet per liberalem profundentis Urbanitatem, libetque per insitam omnibus suavitatis aviditatem aliquid melleæ poësis delibare: quin etiam omnino decet è floribus, mirabili naturæ lusu, properatoque gaudio hieme vernantibus, natum, atque in carmina eliquatum mel ad hanc florum commentationem, ab insulso scriptore insuavem, extrema manu condiendam, corrivare. Quam enim longius meum volumen complecti non potuit, hanc brevissimi epigrammatis favus dulcedinem includit. Sic igitur eadem & auribus & animis planè mellea fluit.

Ex Psimat.
Maph. Card.
Barb. nunc
VRBANI
VIII.

Veris opes varios flores mirata superbit

Purpureas inter cana Pruina rosas.

*Ver queritur: mærensque, meos cur, inquit, honores,
Floriferumque rapis tu mihi Bruma decus?*

Tu quoque, Bruma refert, glaciem furaris, in æstu.

Ut sint vina magis grata, nivesque rapis.

Parcite jurgari, clamat Solertia: per me

Nix æstate riget, florida vernat Hiems.

Consiste in melleo carmine Florum Liber. Metam suavitatis & gloriæ attigisti. Nullus enim Florum Culturæ fructus suavior, finisque nobilior, quàm, præter morem supraque votum, ex Apum Rege mellificium.

L A U S D E O.

INDEX RERUM.

A.

A <i>Cacia Indica</i> Cultura.	371	<i>Trium colorum.</i>	176
<i>Descriptio.</i>	109	<i>Violacea.</i>	177
<i>Adonis</i> horti.	1	<i>Anemones abortivi ut impediendum.</i>	333
<i>Adriani Spigelii inventum</i> <i>florem.</i>	414. & seq.	<i>Apricatio.</i>	330
<i>Alcinai</i> horti.	5	<i>Caries eradenda.</i>	335
<i>Aldobrandinorum</i> horti.	88	<i>Divisio.</i>	ibid.
<i>Anastasi</i> de <i>Vetere.</i>	326	<i>Exemptio & custodia.</i>	256. 334
<i>Andrea Capranica disputatio</i> <i>horten-</i>	442	<i>Genus multiplex.</i>	473
<i>sis.</i>	442	<i>Involucrum, cum transmittitur.</i>	300
<i>Anemone latifolia.</i>	174. 179	<i>Latifolia ac tenuifolia discrimina & ra-</i>	74
<i>Anemone tenuifolia.</i>	173	<i>dicibus.</i>	174
<i>Albarubro circumdata.</i>	176	<i>Luxuries coercenda.</i>	334
<i>Alba rubro umbilico. coma bicolo-</i>	128	<i>Nomina varia.</i>	173
<i>ri.</i>	128	<i>Rigatio.</i>	331
<i>Albicani.</i>	175	<i>Satio.</i>	327. & seq.
<i>Cinnabari albisque maculis</i> <i>bicolor.</i>	ibid.	<i>Satio menstrua noxia.</i>	332
<i>Coccinea foliis convolutis.</i>	ibid.	<i>Semen quod optimum, & quan-</i>	337.
<i>Flammea.</i>	178	<i>do colligendum ferendumque.</i>	337.
<i>Lactea.</i>	175	<i>Sterilitas ut emendanda.</i>	332
<i>Minata diluto colore.</i>	ibid.	<i>Tenuifolia discrimina & foliis.</i>	179. &
<i>Minata saturo colore.</i>	ibid.	<i>seq.</i>	
<i>Purpurea flore holoserico.</i>	178	<i>Tutamentum.</i>	331
<i>Quinque colorum.</i>	176	<i>Angues arcendi ab hortis.</i>	177
<i>Rubore saturo fusca, albo distin-</i>	177	<i>Anserum encomia.</i>	44
<i>cta.</i>	177	<i>Triumphalis pompa.</i>	ibid.
<i>Rubra.</i>	175	<i>Apes & floribus artificiosè contexta.</i>	426
<i>Rubro albo virgata.</i>	ibid.	<i>Aprilis flores.</i>	157. 165. 183. 185. 195
<i>Rubra mediis laciniis virens.</i>	177	<i>Apud Barberinum encomia.</i>	375. 376
<i>Subrubens viridis umbilico.</i>	ibid.	<i>Aqua florum stillatitia.</i>	478
<i>Subrubicunda comam colligens.</i>	ibid.	<i>Aqua irrigua delectus.</i>	246
<i>Subrubicunda comam explicans.</i>	ibid.	<i>Aquaticorum florum cultura.</i>	372. & seq.
<i>Tota viridis.</i>	ibid.	<i>Aquavivorum horti.</i>	87. 113
		<i>Arbor visa.</i>	379
			<i>Arbo-</i>

Index Rerum.

<i>Arboris coralii cultura.</i>	380	<i>Bentivolorum horti.</i>	89
<i>Descriptio.</i>	ibid.	<i>Besola nocentes à floribus arcenda.</i>	48
<i>Icon.</i>	381	<i>Besiola omnes ut abstinenda à flori-</i>	
<i>Arctula ad flores procul mittendos.</i>	299.	<i>bus.</i>	291
	& seq.	<i>Bipalium hortense.</i>	52
<i>Area colendi floribus accommoda</i>	Apri-	<i>Blatta ab horti ut dimovenda.</i>	291
<i>citas.</i>	17	<i>Bruchi fabula.</i>	49. & seq.
<i>Aqua irrigua.</i>	18	<i>Icon.</i>	51
<i>Figura.</i>	ibid.	<i>Bruxellenses horti.</i>	85
<i>Forma varia.</i>	24. & seq.	<i>Bulborum nostratum, externorum, ad-</i>	
<i>Linearis pictura.</i>	22	<i>natorumque exemptio.</i>	252. & seq.
<i>Plantiet.</i>	17	<i>Eruorum cura.</i>	255
<i>Sepimentum.</i>	18	<i>Liliaceorum à blattis defensio.</i>	291
<i>Situi.</i>	16. & seq.	<i>Reponendorum cella.</i>	255
<i>Areolarum magnitudo.</i>	22	<i>Tenerorum & carnosorum custodia.</i>	257
<i>Semita.</i>	41. 42.		88
<i>Tusela lateritia.</i>	39		
<i>Arma hortensia.</i>	57. & seq.		
<i>Armeria fls.</i>	190		
<i>Artis & Natura concertantium fabula.</i>	468		
<i>Icon.</i>	477		
<i>Institutum admirandum.</i>	473		
<i>Ascarides terrestres.</i>	284		
<i>Aphodeli albi & flavi cultura.</i>	342		
<i>Descriptio.</i>	184. 185		
<i>Attali horti.</i>	5		
<i>Aves ab horti ut arcenda.</i>	277		

B.

<i>Balissa in agrestes mures.</i>	272. & seq.		
<i>Balnearia horti.</i>	89		
<i>Barberina gloria.</i>	521		
<i>Barberinorum horti.</i>	87. 395		
<i>Barberinum insigne in floribus.</i>	513		
<i>Barrachium.</i>	184		
<i>Belgarum solertia in re florea.</i>	440		
<i>Benedictum Drem.</i>	423		

C.

<i>Cadduci floris sultura.</i>	248		
<i>Caetans Duci confectio.</i>	215		
<i>Caetanorum horti.</i>	90		
<i>Cassu five Casom, planta, cum icone.</i>	185.		
	387		
<i>Calathus floriger triplex cum icone.</i>	401.		
	& seq.		
<i>Calor à floribus defendendū modus.</i>	345		
<i>Caltha palustris.</i>	373		
<i>Canis hortensis.</i>	44		
<i>Quomodo importunus.</i>	257		
<i>Cantharides horti incommoda.</i>	289		
<i>Ut exigenda.</i>	ibid.		
<i>Caprarola horti.</i>	89		
<i>Capsula multiplici ad flores transmissen-</i>			
<i>dos descriptio.</i>	299. 427. & seq.		
<i>Icon.</i>	431		
<i>Caryophyllorum admiranda.</i>	447. 464.		
	& seq.		
	Alli-		

Index Rerum.

<i>Alligatura & incisio.</i>	<u>350</u>
<i>Cultura.</i>	<u>346.</u> & seq.
<i>Discrimina.</i>	<u>182</u>
<i>Educatio.</i>	<u>347</u>
<i>Flora continuatio.</i>	<u>349</u>
<i>Infolatio.</i>	<u>351</u>
<i>Locus sativus.</i>	<u>350</u>
<i>Propagatio.</i>	<u>347</u>
<i>Putatio.</i>	<u>350</u>
<i>Satio duplex.</i>	<u>346</u>
<i>Translatio.</i>	<u>350</u>
<i>Casertani horti.</i>	<u>87.</u> <u>113</u>
<i>Cassianus à Putco.</i>	<u>389.</u> <u>440</u>
<i>Cerasi flore multiplex cultura.</i>	<u>370</u>
<i>Descriptio.</i>	<u>240</u>
<i>Christus hortulani specie</i>	<u>8</u>
<i>Inbet flores considerari.</i>	<u>2</u>
<i>Chymia florea.</i>	<u>451.</u>
<i>Cisternani horti.</i>	<u>90</u>
<i>Cisternani horti quadrans.</i>	<u>217</u>
<i>Cistula inaquales tres pro Colono.</i>	<u>64</u>
<i>Cochlea ut arcenda ab hortis.</i>	<u>282</u>
<i>Colchici cultura.</i>	<u>312</u>
<i>Descriptio.</i>	<u>141</u>
<i>Coloni hortensis instrumenta.</i>	<u>57.</u> & seq.
<i>Partes:</i>	<u>45.</u> & seqq.
<i>Colores arbitrarii floribus ut inducantur.</i>	<u>458.</u> & seq.
<i>Quibus è causis existant.</i>	<u>467</u>
<i>Columna floribus immittendis perforata</i>	<u>413</u>
<i>descriptio.</i>	<u>413</u>
<i>Icon.</i>	<u>415</u>
<i>Coralli arbuscula descriptio.</i>	<u>380</u>
<i>Icon.</i>	<u>381</u>
<i>Cornelii Card. horti.</i>	<u>87</u>
<i>Corona imperialis cultura.</i>	<u>312</u>
<i>Descriptio.</i>	<u>64</u>
<i>Cribrata varia pro Colono.</i>	<u>64</u>
<i>Crocicultura.</i>	<u>312</u>

<i>Descriptio.</i>	<u>141</u>
<i>Cucurbitarius vermis.</i>	<u>284</u>
<i>Cultellus hortensis.</i>	<u>61</u>
<i>Cyclamini cultura.</i>	<u>324.</u> & seq.
<i>Genera.</i>	<u>167</u>
<i>Nomina.</i>	<u>ibid.</u>

D.

<i>Decembris flores.</i>	<u>151</u>
<i>Deplantandi Belgicum instrumentum.</i>	<u>61</u>
<i>Diocletianus ex Imperatore olitor.</i>	<u>8</u>

E.

<i>Emmanuel Suertius.</i>	<u>73</u>
<i>Epicurus inter flores philosophas.</i>	<u>5</u>
<i>Eruca deprehendenda & arcenda ratio.</i>	<u>48.</u> <u>279</u>
<i>Fabula.</i>	<u>49.</u> & seq.
<i>Icon.</i>	<u>55</u>
<i>Essenses horti.</i>	<u>89</u>
<i>Excubitor hortensis.</i>	<u>44</u>
<i>Exherbandi modus.</i>	<u>243</u>
<i>Eysladien/es horti.</i>	<u>86.</u> <u>432</u>

F.

<i>Fabius Columna.</i>	<u>13</u>
<i>Fabius Sergardus.</i>	<u>50</u>
<i>Fabritius Sbardous.</i>	<u>146.</u> <u>497.</u> & <u>427</u>
<i>Fabula Flora Lunam consulenti, cum icon.</i>	<u>227.</u> & seq.
<i>Lumacis & Eruca, cum icon.</i>	<u>49.</u> & seq.
<i>Melissa & Florilla, cum icon.</i>	<u>514.</u> & seqq.
<i>Natura atque Artu concertantium,</i>	<u>L1</u> cum

Index Rerum.

<i>cum icone.</i>	<u>468.</u> & seq.	<i>Vt exquirendi loci silvestribus.</i>	<u>298</u>
<i>Telluris perorantis, cum icone.</i>	<u>84.</u>	<i>Vt soliflores efficiendi.</i>	<u>507</u>
	& seq.	<i>Vt inodorandi.</i>	<u>503</u>
<i>Farnesorum horti Parmenses & Romani.</i>	<u>87. 88</u>	<i>Vt irrigandi.</i>	<u>47.</u> & <u>245</u>
<i>Februarii flores.</i>	<u>151. 152.</u> 161	<i>Vt litteris inscribendi.</i>	<u>511</u>
<i>Federicum Casim.</i>	14. <u>15</u>	<i>Vt multiplicandi.</i>	<u>295</u>
<i>Felis a cenda ab hortu ratio.</i>	<u>258</u>	<i>Vt pingendi notis.</i>	<u>511.</u> & seq.
<i>Felis optima forma.</i>	<u>269</u>	<i>Vt praeignandi.</i>	<u>296</u>
<i>Ferdinandus Imperator.</i>	<u>432</u>	<i>Vt procul accersendi.</i>	<u>293</u>
<i>Fistulum conferendorum ratio.</i>	<u>337</u>	<i>Vt propagandi.</i>	<u>294</u>
<i>Fimi consideratio.</i>	<u>79.</u> & seq.	<i>Vt properandi.</i>	<u>241. 445</u>
Genera.	<u>79</u>	<i>Vt reservandi ad semen.</i>	<u>294</u>
<i>Matritas.</i>	<u>82</u>	<i>Vt retardandi.</i>	<u>447</u>
<i>Spargenda tempus.</i>	ibid.	<i>Vt transmittendi.</i>	<u>299.</u> & seq.
<i>Vfus.</i>	ibid.	<i>Vt varis magni efficiendi.</i>	<u>509</u>
<i>Florae Florentiae nomen sacrum veteris</i>		<i>Floribus ara sacra ornanda.</i>	<u>47</u>
<i>Roma.</i>	<u>7</u>	<i>Bestiola infesta ut abigenda.</i>	<u>279.</u>
<i>Flora pictura.</i>	<u>424.</u> & seq.		& seq.
<i>Moles.</i>	<u>407</u>	<i>Colendū qua area accommoda.</i>	<u>16.</u>
<i>Flora rei amatores.</i>	<u>5.</u> & seq.		& seq.
<i>Scriptores.</i>	<u>12.</u> & seq.	<i>Folia non detrahenda.</i>	<u>250</u>
<i>Florum convivium.</i>	<u>90</u>	<i>Longè mittendū capsula opportuna.</i>	<u>427.</u> & seqq.
<i>Opus musivum.</i>	<u>423</u>	<i>Serendū qua sidera observanda.</i>	<u>222.</u>
<i>Flores bulbacei plerique, aut hyacinthi, aut</i>			& seq.
<i>narcissi.</i>	<u>100</u>	<i>Servandū vasa idonea.</i>	<u>407.</u> & seq.
<i>Colono cur praeoscendi.</i>	<u>99</u>	<i>Terra aptissima.</i>	<u>73</u>
<i>Complures indiscreti.</i>	ibid.	<i>Florum admiranda.</i>	<u>444</u>
<i>Dei imagines.</i>	<u>8</u>	<i>Aqua stillatitia.</i>	<u>438</u>
<i>Quare insulsi, venenati, inodori.</i>	<u>93</u>	<i>Aquaticorum cultura.</i>	<u>372</u>
<i>Quibus mensibus serendi.</i>	<u>219.</u> & seq.	<i>Arbitraria tempestivitas.</i>	<u>445</u>
<i>Qui sessorum, qui permixti serendi.</i>	<u>214</u>	<i>Arbitrarii colores.</i>	<u>458.</u> & seq.
<i>Quo semine serendi.</i>	<u>295</u>	<i>Arcana cultura.</i>	<u>441</u>
<i>Vt conglutmandi.</i>	<u>434.</u> & seq.	<i>Caducorum sultura.</i>	<u>48.</u> & seq.
<i>Vt conservandi.</i>	<u>433</u>	<i>Componendorum ratio.</i>	<u>47</u>
<i>Vt continuandi.</i>	<u>448</u>	<i>Conditura.</i>	<u>438</u>
<i>Vt crispandi.</i>	<u>509</u>	<i>Contractatio cavenda.</i>	<u>249</u>
<i>Vt digerendi in volumina.</i>	<u>436</u>	<i>Cultura à veteribus Philosophis &</i>	
<i>Vt eligendi in hortu alieno.</i>	<u>296</u>	<i>Regibus usurpata.</i>	<u>4.</u> & seq.
			C. M.

Index Rerum.

<i>Cux Flora.</i>	10	<i>Arabici cultura.</i>	357
<i>Homine ingenuo digna.</i>	4	<i>Descriptio.</i>	124
<i>Fasciculi artificiosi cum icone.</i>	196.	<i>Hispani candido flore simpliciu cultura.</i>	
	& seq.		353
<i>Imitatio multiplex.</i>	438. & seq.	<i>Descriptio.</i>	123
<i>Legendorum ratio ac tempestivitas.</i>	47	<i>Hispani multipliciu cultura.</i>	357
<i>Numerus recensendum.</i>	211	<i>Descriptio.</i>	124
<i>Patria pradiſcenda.</i>	ibid.	<i>Indici flavi odoratissimi cultura.</i>	390.
<i>Recisio ut uſurpanda.</i>	242		& seq.
<i>Seminarium.</i>	43	<i>Descriptio.</i>	389. & seq.
<i>Sepimentum.</i>	18	<i>Icon.</i>	323
<i>Servandorum lex.</i>	243. & seq.	<i>Indici maximi flore phæniceo cultura.</i>	
<i>Structura multiplex.</i>	325. & seq.		361
<i>Tinctura aptissima.</i>	452	<i>Descriptio.</i>	196
<i>Vasa.</i>	63	<i>Icon.</i>	122
<i>Uſus in menſis.</i>	438	<i>Gemſta flore albo cultura.</i>	370
<i>Feridum rebuſ aſſitu flores odoratiores.</i>	505	<i>Descriptio.</i>	205
<i>Folia poſt flores non detrahenda.</i>	250	<i>Gonz agarum Ducum horti.</i>	86
<i>Qua cura cuſtodienda.</i>	251	<i>Granadiſta cultura.</i>	351
<i>Forſicula vermes ut capiatuſ.</i>	284	<i>Descriptio.</i>	190 & seq.
<i>Formicarum abigendarum ab hortiſu ratio.</i>	285. & seq.		
		H.	
<i>Fraga Canadiana.</i>	379	<i>Henricus Corvinuſ.</i>	241
<i>Franciſcuſ Caſtelluſ.</i>	428	<i>Heraclion, aquaticum floſ.</i>	372
<i>Franciſcuſ Hernanduſ Medicuſ.</i>	14	<i>Homineſ in floribuſ expreſſi.</i>	156
<i>Frigoruſ accendi a floribuſ moduſ.</i>	244	<i>Horatium Graſſimuſ à Societate Ieſu.</i>	408
<i>Fritillaria cultura.</i>	317	<i>Horrenſia arma.</i>	57. & seq.
<i>Descriptio.</i>	149	<i>Horti Babylonici penſileſ.</i>	7
<i>Nomina varia.</i>	ibid.	<i>Diſti Paradifuſ.</i>	5
		<i>Quibuſ adamaſi.</i>	ibid. & 8
G.		<i>Horti inſignioreſ Europa.</i>	85
<i>Galliſa crates ad florum conſervationem accommoda.</i>	233	<i>Balnearia</i>	82
<i>Gelſimini cultura.</i>	352	<i>Bruxellenſeſ Brabantinorum Ducuſ.</i>	
<i>Descriptio.</i>	193		85
<i>Etymon.</i>	ibid.	<i>Byzantini Othomanorum.</i>	85
<i>Gelſimini Americani cultura.</i>	352	<i>Capraſola.</i>	89
<i>Descriptio.</i>	195	<i>Caſertani Principiſ Aquaviva.</i>	87
		<i>Cyſternani Caſertani Ducuſ.</i>	90
		<i>Eſſladienſeſ.</i>	86
		Ll 2	Floren-

Index Rerum.

<i>Florentini Magnorum Ducum.</i>	87	<i>Albus serotinus polyanthes.</i>	161
<i>Mantuanus Gonzagarum Ducum.</i>	86	<i>Anglicum five Belgicum serotinum, can-</i>	
<i>Parisienſes Gallorum Regum.</i>	85	<i>tem, candidum, rubellum.</i>	163
<i>Parmenſes Farneseorum Ducum.</i>	82	<i>Botryodes modorum, candidum, & bel-</i>	
<i>Romani Aldobrandinorum.</i>	83	<i>lum.</i>	165
<i>Barberinarum.</i>	89	<i>Odoratum.</i>	164
<i>Bentivolorum.</i>	ibid.	<i>Carulem diluſior, roſmarino conco-</i>	
<i>Burgherſorum.</i>	88	<i>lor.</i>	162
<i>Carä. Cornelii.</i>	87	<i>Odoratum praeox.</i>	160
<i>Farneseorum.</i>	88	<i>Major odoratiſſimum Byzantium</i>	161
<i>Ludoviſorum.</i>	ibid.	<i>Cineraceum.</i>	ibid.
<i>Matthaeorum.</i>	ibid.	<i>Cyanum praeox.</i>	ibid.
<i>Mediceorum.</i>	ibid.	<i>Ecyaneo ſuſcum & criſpum.</i>	ibid.
<i>Perettorum.</i>	ibid.	<i>Hiſpanum obſoletior.</i>	163
<i>Card. Pii.</i>	ibid.	<i>Serotinum.</i>	ibid.
<i>Pontiſicum.</i>	89	<i>Januarium.</i>	162
<i>Saluburgenſes.</i>	86	<i>Indicum tuberoſum candidum.</i>	166
<i>Tiburtes Eſilenſium.</i>	89	<i>Orientali.</i>	160
<i>Toletani Regum Hiſpanorum.</i>	85	<i>Peruanum.</i>	164
<i>Tuſculani Principum plurimorum.</i>	82	<i>Poeticum.</i>	154
<i>Vienneneſes Caſarum.</i>	86	<i>Polyanthes multiſormi.</i>	162
<i>Hortorum extra ſapientibus laudata.</i>	9	<i>Racemoſum multiſplex.</i>	ibid.
<i>Forma varia.</i>	24	<i>Rofeum multiſplex.</i>	ibid.
<i>Inaequali.</i>	35	<i>Sanneſium comoſum, ſive cupreſinum.</i>	165
<i>Labyrinthica.</i>	37	<i>Subrubens.</i>	161
<i>Oblonga quadrangula.</i>	37	<i>Subviridu folioſum.</i>	162
<i>Otogona.</i>	31	<i>Violaceum diluſum maculis diſtinctum.</i>	161
<i>Ovata.</i>	33	<i>Violaceum polyanthes caule foliato. ibid.</i>	
<i>Quadrata.</i>	35	<i>Hyemae pellu, ſorum tutela.</i>	293
<i>Rosunda.</i>	29		
<i>Hortorum hoſtes majuſculi.</i>	252		
<i>Mnui.</i>	278		
<i>Seminarium.</i>	43		
<i>Hyacinthi cultura.</i>	319. & ſeq.		
<i>Deſcriptio.</i>	319. & ſeq.		
<i>Multicolor varietas.</i>	159		
<i>Nomen anceps & varium.</i>	158		
<i>Nota.</i>	158. & ſeq.		
<i>Hyacinthum album brumali.</i>	160		

I.

<i>Indici ſerrei extractorii forma & uſus.</i>	69
<i>Icon.</i>	71
<i>India Barberini horii tributaria cum icone.</i>	375. & ſeq.
<i>Indica ſtupes in hortu Barberini.</i>	379
<i>Indica terra florali.</i>	76
<i>Indici bulbi uſu conſerendi.</i>	236
<i>Indici</i>	

Index Rerum.

Indici flori è violaceo fusci cultura. 327
 Descriptio, & natale solum. 168
 Icon. 121
 Tempestivitas. 169
 Indicum de pulchritudine proverbium. 488
 Insecta, horticorum pestis, ut effuganda. 291
 Infitio colores adventitios inducens. 463
 Flores odoratiores reddens. 504
 Infitum admirandum. 472
 Instrumenta Coloni hortensis. 61. & seq.
 Vt curanda. 73
 Ioannes Faber. 459
 Ioannes Terentius è Societate Iesu. 14
 Io. Baptista Martelletus. 337. 407
 Io. Laurentius Berninus. 426
 Iria. 150
 Bulbosa. ibid.
 Foliosa. ibid.
 Latifolia prima Clusii. ibid.
 Persica. 152
 Tuberosa. ibid.
 Vt colenda. 317
 Irrigandi modus. 245
 Irrigatio colores adventitios inducens. 459
 Italia tota pomorum unum. 17
 Luca Indica. 186
 Vt colenda. 344
 Lunii flores. 375

L.

L. Etificandi plantarum ratio duplex. 444
 Lateres, arcolarum tutela. 39
 Quales. ibid.
 Lauri Indica cultura. 370
 Forma. 306
 Lentifem Peruviana. 372

Libri è floribus compati. 433. & seq.
 Lilia silvestria ut eximenda. 257
 Vt serenda. 318
 Liliorum consideratio. 153. & seq.
 Tinctura arbitraria. 461
 Lilium convallium. 186
 Album & subrubens. ibid.
 Vt colendum. 343
 Regium. 142. & seq.
 Vt colendum. 312
 Limacis arcendi & deprehendendi ratio. 48. 282
 Fabula. 49. & seq.
 Icon. 55
 Locusta ut fuganda ab hortis. 289
 Vt interimenda. ibid.
 Ludovisiorum horti. 88
 Lumbrici ut arcendi ab hortis. 282. & seq.
 Luna observanda in florum satu. 222. & seq.
 Lychnidii Byzantia miniato flore multiplici cultura. 345
 Descriptio. 187

M.

Maji flores. 157. 163. 184. 206.
 Mali Punica pleno flore cultura. 207. 375
 Descriptio. 371
 Mantuani horti Gonzagarum Dnorum. 86
 Maracots noia. 120. & seq.
 M. Antonius Specchius. 49
 Martagon five lilium silvestre. 153
 Ferrugineum five Hyacinthus poiteus. 154
 Montanum primum. ibid.
 Montanum secundum. 155

L I 3

Pompo-

Index Rerum.

<i>Pomponianum.</i>	ibid.	<i>Epidaurium.</i>	102
<i>Punicum duplex.</i>	153	<i>Flavum.</i>	104
<i>Purpureum triplex.</i>	ibid.	<i>Incomparabilis candidus calice flavo.</i>	113
<i>Ut colatur.</i>	318	<i>Candidus major & minor.</i>	112
<i>Martii flores.</i>	161. 163. 183	<i>Ex flavo in sulphureum languens.</i>	ibid.
<i>Matthaeorum horti.</i>	88	<i>Perpetuo flavum</i>	ibid.
<i>Medicorum Magnorum Ducum horti</i>		<i>Sulphureum flore multiplici.</i>	113
<i>Florentini. & Romani.</i>	87. 88	<i>Sulphureus summo calice luteo.</i>	112
<i>Mel ad succulos transmittendos.</i>	301	<i>Indicus è rubro croceus flore liliaceo.</i>	115
<i>Melissa fabula.</i>	514	<i>Liliaceus diluto colore purpurascens cum</i>	
<i>In Apes conversio.</i>	516	<i>icone.</i>	117. & seqq.
<i>Icon.</i>	519	<i>Saturo colore purpurascens, cum icon.</i>	
<i>Microscopium opticum.</i>	496		116. & seq.
<i>Minutorum seminum satus.</i>	240	<i>Liliaceus Sphaericus, cum icon.</i>	125.
<i>Transmissio.</i>	301		& seq.
<i>Molle, arbor Permana.</i>	210	<i>Punicus gemino latiore folio, cum icon.</i>	
<i>Ut colatur.</i>	372		135. & seq.
<i>Moringa Malabarica cum icon.</i>	385. & seqq.	<i>Virginensis flore purpurascens.</i>	115
<i>Mulieres in floribus expressa.</i>	157	<i>Iunifolius albus autumnalis.</i>	108
<i>Mures agrestes & urbani.</i>	264	<i>Albus major & minor vernus.</i>	ibid.
<i>Floribus no.xii.</i>	263	<i>Albus sulphureo calice.</i>	ibid.
<i>Qua ratio ne profigandi.</i>	ibid. & seq.	<i>Luteus major amplo calice & foliis continuatis.</i>	106
<i>Musa, planta.</i>	379	<i>Major foliis convolutis.</i>	ibid.
<i>Muscipula descriptio.</i>	267. & seq.	<i>Major calice tereti, & foliis angustioribus.</i>	107
<i>Muscus ad flores transferendos.</i>	299. 301	<i>Minor odoratus, simplex & multiplex.</i>	ibid.
<i>Muscivum opus è floribus.</i>	423		ibid.
<i>Musi canes.</i>	44	<i>Pallidus foliis reflexis.</i>	109
<i>Myrsi latifolia flore pleno cultura.</i>	370	<i>Longus cervise camelina.</i>	114
<i>Descriptio.</i>	295	<i>Candidus foliosus.</i>	ibid.
	N.	<i>Candidus simplex.</i>	ibid.
<i>Narcissi cultura.</i>	302. & seq.	<i>Pallidus simplex.</i>	ibid.
<i>Erymon.</i>	100	<i>Montanus serotinus sive Musartus.</i>	113
<i>Nota.</i>	99 & seq.	<i>Narbonensis.</i>	114
<i>Vi medica.</i>	102	<i>Silvestris.</i>	109. & seq.
<i>Narcissus Anglicus.</i>	114	<i>Roseus major & minor.</i>	105
<i>Byzantinus.</i>	101	<i>Stellatus.</i>	104
<i>Corniculatus major & minor.</i>	103	<i>Nardus Antonius Recchus.</i>	14

Natura

Index Rerum.

Natura cum Arte concertantiſſa fabula. 468.
Ad artem oratio. 472
Comitatus. 469
Habitum. ibid.
Vitoria. 475
Ican. 477
Navis florea. 497
Nicolaus Faber Petreſius. 389
Nymphæa, ſor aquaticus. 372

O.

O *Cobæ flores.* 183. 195
Odor ut floribus addendus. 503. &
Oleaster exoticus. 206
ſe colenda. 370
Olla ſi fili ad talpas capiendat. 262
Orbes vimines ad flores offerendos. 64
Orchis. 156
Mulieres repræſentans. 157
Viros exprimens. 156
ſe colatur. 318
Ornithogalum. 157
Peregrinum ſpicatum. ibid.
ſe colendum. 319
Othomannorum horti. 85

P.

P *Æoniæ pleno flore.* 185
Rubra. ibid.
Subrubens. ibid.
ſe colenda. 312
Pala hortienſis. 57
Papyrus Ægyptia. 380
Paradiſi arbor. 206
Parſenſes horti Gallorum Regum. 85

Parmenſes horti Farneſtorum Ducum. 87
Paxillum præſervatum. 61
Perſica arbor flore multiplici. 204
ſe colenda. 362
Perettorum horti. 88
*Petreleum ſive Petreoleum adverſus pul-
 ces virides.* 290
Petrus Paulus Dreus. 423
Phaſcolus Braſilicum cum icon. 381. &
ſeq.
Piſtura florea. 423. & ſeq.
Pii Cardinalis horti. 88
Planta radicum immortalium ut curanda.
Polii foliorum mira. 256
Polydorus Neruccius. 214. 506
Pompa florea ſerculum turritum. 405
Pontiſicum horti. 82
Promptuarium inſtrumentum hortienſium.
Pſeudonarcifſus Hiſpaniæ varium. 109. &
ſeq.
Pleno flore quadruplex. 110
Simplici flore minor. 111
ſuncifolium. ibid.
Pulices virides horti maxii. 290
ſe enecandi. ibid.
ſignica malum ſilveſtris. 207
ſe colenda. 371
Pyx ad flores tranſmittendos. 299. &
ſeq.

R.

R *Adices ſorum ut inhumanda.* 233
ſe purganda. ibid.
Detecta ut oprienda. 244
ſuſoſa ut curanda. 248
Ranunculum culigra & cura. 332. &
ſeq.
Nota.

Index Rerum.

<i>Nota.</i>	181. & seq.	<i>Cultura.</i>	479. 501
<i>Ranunculus ab anemona seponendus.</i>	214	<i>Discoloris varietatu ratio.</i>	ibid.
<i>Granosus simplex & foliosus.</i>	181	<i>Encomia.</i>	487
<i>Coccineus foliosus.</i>	182	<i>Fabula cum icone.</i>	468. & seq.
<i>Flavus simplex.</i>	ibid.	<i>Folia icon.</i>	491
<i>Flavus flore pleno.</i>	ibid.	<i>Foliosus icon.</i>	489
<i>Fibratus candidus.</i>	183	<i>Folliculus & semen, cum icone.</i>	495
<i>Flavus globosus.</i>	ibid.		& seq.
<i>Tuberosus luteus.</i>	184	<i>Forma.</i>	473. 480. & seq.
<i>Rasitri Gallici descriptio & usus.</i>	57	<i>Genus triplex.</i>	488
<i>Icon.</i>	52	<i>Magnitudo.</i>	479
<i>Rhus peregrina.</i>	207	<i>Nomina.</i>	ibid.
<i>Vi colenda.</i>	371	<i>Quinquefolia icon.</i>	493
<i>Rigatio.</i>	331	<i>Saroti.</i>	479
<i>Romani horti.</i>	87. & seq.	<i>Translatio.</i>	ibid.
<i>Rosa alba.</i>	202	<i>Rubra quo pacto pellenda.</i>	277
<i>Albicans.</i>	ibid.		
<i>Arborescens.</i>	368		
<i>Basava centsfolia.</i>	203		
<i>Centsfolia inodora.</i>	ibid.		
<i>Cinnamomina.</i>	ibid.		
<i>Damascena.</i>	202. 366		
<i>Ex rubro nigricans.</i>	203		
<i>Italica flore subrubente perpetua.</i>	ibid.		
<i>Lutea.</i>	204		
<i>Rubra.</i>	203		
<i>Subrubens.</i>	202		
<i>Variegata.</i>	204		
<i>Rosa admiranda.</i>	448 & seq. & 472		
<i>Cultura vetus & recens.</i>	362. & seq.		
<i>Laudes.</i>	202		
<i>Nota.</i>	ibid. & seq.		
<i>Tinctura arbitraria.</i>	462		
<i>Variatio & insitio.</i>	465. & seq.		
<i>Rosa Sinensis.</i>	473		
<i>Quando floreat.</i>	482		
<i>Vi in hortos Italicos illata.</i>	479		
<i>Rosa Sinensis arbuscula.</i>	485		
<i>Colores varii.</i>	473. 482		
		<i>S.</i>	
		<i>Al Chymicus arbitratis floribus eliciendus.</i>	451
		<i>Medetur doloribus capiti.</i>	453
		<i>Saliburgenses horti.</i>	86
		<i>Sambacum Arabicum.</i>	194
		<i>Sambucus rosea.</i>	206
		<i>Vi colenda.</i>	370
		<i>Satio florum quo tempore faciendi.</i>	219.
		<i>& seq. 229. & seq.</i>	
		<i>Sator florum patriam pradisat.</i>	212
		<i>Mistam sationem quo pacto faciat.</i>	213
		<i>Numerum recenseat.</i>	212
		<i>Papyraceos formet hortos.</i>	211
		<i>Satoria crates duplex.</i>	214
		<i>Scabille satoris.</i>	64
		<i>Scarabai capiendi in hortis.</i>	286
		<i>Scorpiones periculosi colonis.</i>	290
		<i>Vi expellendi.</i>	ibid.
		<i>Seminarium florum.</i>	47. 240
		<i>Seminum maturorum satas.</i>	ibid.
			Pemi-

Index Rerum.

Permissio ad flores varii colorandos.	463
Transmissio.	301
Semiramide horti.	5
Semita areolarum.	41
Qua ratione solidanda.	ibid.
Sepimentum florum.	18. & seq.
Quomodo substitiendum.	16. & seq.
Serpentes qua ratione prostigandi.	277
Stephanus Sperantium.	436
Stercorandi ratio.	82
Sterquilinum hortense.	81
Stirpium floridarum a borefcentium cultura.	369. & seq.
Sumachus Indorum.	271
Vi colenda.	371
Syringa Arabica.	194. 195
Syrinx alba & carulea.	371
Vi colenda.	ibid.

T.

T Alpa cur horti noxia.	259
Qua ratione arcescenda. & capienda.	ibid. & seq.
Tamarandus.	385
Tarquinius horti.	5
Telluris perorantis sabula.	84. & seq.
Icon.	27
Tempestivitas florum arbitraria.	450
Terebinthus angustifolius.	372
Terra floralis.	73. & seq.
Olistoria optima.	78. 84. 93
Quenam aptissima.	75
Quibus indicia dignoscenda.	76
Quomodo examinanda.	77. & seq.
Quoto anno mutanda.	83
Stercorosa cavenda.	82
Terra cuius non scalpurienda.	246

Terra medicamine flores odorati.	503
Tessera papyracea ad flores prafignandos.	297
Tessera furculacea.	46. 239. 296
Arundinea.	46. 239. 296
Plumbea.	ibid.
Tiburtis horti Ducum Eflensium.	89
Tobias & Aldinus.	15. 380
Toletani horti Regum Hispanorum.	85
Trachelium Americanum.	188
Vi colendum.	374
Tranquillus Romanus.	125. 169. 194. 207. 214. 311. 327. 408
Trifolium palustre.	374
Tripolus foliorum mira.	482
Trulla fabrorum.	61
Vi in florum consiftione usurpanda.	233
Tuber Indicum.	168
Tuber terra.	167
Tubi fitiles ad plantas circumfepiendas.	63
Tubus ferreus ad plantas transferendas.	65. & seq.
cum icon.	69
Vi adhibendus.	69
Tulipa bombycina.	148
Persica bisolor.	ibid.
Tulipa corruptio & reparatio annua.	145
Cultura.	111. & seq.
Descriptio.	144. & seq.
Diffinitio.	ibid. & 146
Exuviae ut detrahenda.	233
Florentis exemptio.	298
Indicia.	148
Nomina.	143
Propagatio.	147
Tinifera arbitraria.	462
Turris florea.	405
Tusculani horti.	89

Mm

Vacci-

Index Rerum.

V.

V Accinum.	152	<i>Vt fabricanda.</i>	63
<i>Vas fictile abstinendis formicis.</i>	288	<i>Vt offerenda.</i>	117. & seq.
<i>Capiendis talpis.</i>	261	<i>Vt reclinanda ad evitandos umbres.</i>	248
<i>Vas irriguum.</i>	61	<i>Vaticani sepulcri florea ornamenta.</i>	423
<i>Vasa floribus inmittendis perforata, cum</i>		<i>Vermes ab hortis ut abigendi.</i>	281. & seq.
<i>icone,</i>	407	<i>Veitonica coronaria.</i>	189
<i>Vasa florum ut custodienda post flores.</i>	252	<i>Viennenses horti Caesarum.</i>	86
<i>Vt disponenda.</i>	23. 240	<i>Viri in floribus expressi.</i>	156
		<i>Vita arbor.</i>	379
		<i>Vitis Canadana.</i>	ibid.
		<i>Vlysses Aldrovandus.</i>	417

F I N I S.

1/1 1451072

Eiqs.

10
10